



Conservation of this volume was made possible through the generous support of PETER WARRIAN and the Friends of the Library



PONTIFICAL INSTITUTE OF MEDIAEVAL STUDIES

Digitized by the Internet Archive in 2011 with funding from University of Toronto



RERUM BRITANNICARUM MEDII ÆVI SCRIPTORES,

OR

CHRONICLES AND MEMORIALS OF GREAT BRITAIN AND IRELAND

DURING

THE MIDDLE AGES.



THE CHRONICLES AND MEMORIALS

OF

GREAT BRITAIN AND IRELAND DURING THE MIDDLE AGES.

PUBLISHED BY THE AUTHORITY OF HER MAJESTY'S TREASURY, UNDER THE DIRECTION OF THE MASTER OF THE ROLLS.

On the 26th of January 1857, the Master of the Rolls submitted to the Treasury a proposal for the publication of materials for the History of this Country from the Invasion of the Romans to the Reign of Henry VIII.

The Master of the Rolls suggested that these materials should be selected for publication under competent editors without reference to periodical or chronological arrangement, without mutilation or abridgment, preference being given, in the first instance, to such materials as were most scarce and valuable.

He proposed that each chronicle or historical document to be edited should be treated in the same way as if the editor were engaged on an Editio Princeps; and for this purpose the most correct text should be formed from an accurate collation of the best MSS.

To render the work more generally useful, the Master of the Rolls suggested that the editor should give an account of the MSS. employed by him, of their age and their peculiarities; that he should add to the work a brief account of the life and times of the author, and any remarks necessary to explain the chronology; but no other note or comment was to be allowed, except what might be necessary to establish the correctness of the text.

The works to be published in octavo, separately, as they were finished; the whole responsibility of the task resting upon the editors, who were to be chosen by the Master of the Rolls with the sanction of the Treasury.

The Lords of Her Majesty's Treasury, after a careful consideration of the subject, expressed their opinion in a Treasury Minute, dated February 9, 1857, that the plan recommended by the Master of the Rolls "was well calculated for the accomplishment of this important national object, in an effectual and satisfactory manner, within a reasonable time, and provided proper attention be paid to economy, in making the detailed arrangements, without unnecessary expense."

They expressed their approbation of the proposal that each chronicle and historical document should be edited in such a manner as to represent with all possible correctness the text of each writer, derived from a collation of the best MSS., and that no notes should be added, except such as were illustrative of the various readings. They suggested, however, that the preface to each work should contain, in addition to the particulars proposed by the Master of the Rolls, a biographical account of the author, so far as authentic materials existed for that purpose, and an estimate of his historical credibility and value.

In compliance with the order of the Treasury, the Master of the Rolls has selected for publication for the present year such works as he considered best calculated to fill up the chasms existing in the printed materials of English history; and of these works the present is one.

Rolls House, December 1857.

THE

BUIK OF THE CRONICLIS OF SCOTLAND;

OR

A METRICAL VERSION OF THE HISTORY OF HECTOR BOECE;

BY

WILLIAM STEWART.

EDITED

BY

WILLIAM B. TURNBULL, ESQ.

OF LINCOLN'S INN, BARRISTER-AT-LAW.

PUBLISHED BY THE AUTHORITY OF THE LORDS COMMISSIONERS OF HER MAJESTY'S TREASURY, UNDER THE DIRECTION OF THE MASTER OF THE ROLLS.

VOL. II.

LONDON:

LONGMAN, BROWN, GREEN, LONGMANS, AND ROBERTS.

1858.



THE BUIK OF THE CRONICLIS OF SCOTLAND.

Vol. II.

HEIR ENDIS THE SAXT BUKE AND BEGYNNIS THE SEVINT, CONTENAND MONY SINDRIE [THINGIS] OF THE ROMANIS AND OF THE DISTRUCTIOUN OF ROME BE THE GOTIS, AND OF THE CUMING AGANE OF THE SCOTTIS IN THAIR AWIN LAND BE THE SECUND FERGUS.

Lib.7, f.100 b. Col. 1.

Fra all the Scottis prescribit war ilkone In sindrie landis out of Albione; Sum in Denmark, and sum in Norowa, Sum in the Ylis, and sum in Orkna, 20,240 So fremmitlie in mony sindrie land, Sum be the se, and vther sum be the sand, With soir travell than baith with barne and wyfe, Richt mony da leidand ane langsum lyfe. This Maximus, of quhome befoir I tald, 20,245 In all his tyme baith bellicois and bald, Walkryfe in weir, in all thing wyss and war, Richt circumspect and weill culd se on far Quhat wer to cum or apperand to be, Be thing bygane so greit ingyne had he. 20,250 And quhen he knew richt weill that it wes sua In Albione that tyme he had no fa, Into na steid his stait that durst ganestand, Baith ill and gude war all at his command. VOL. II.

How Maximus held ane Counsall in Eborac, quhair he dewydit Scotland, deilland it betuix the Britis and the Pechtis.

Sone efter that, in Eborac I weyne, 20,255 The lordis all befoir him gart convene Of Brit and Pecht into ane parliament, Quhair he diuydit with thair haill consent, The Scottis landis baith be land and se. Syne euerilk man efter his facultie, 20,260 Als far that tyme as he culd vnderstand, Rewardit hes than with the Scottis land. To Pecht and Brit, Romane and all the laif, Full greit reward oft syis he thame gaif. So full he wes of liberalitie, 20,265 And vsit so his greit auctoritie, In Albione bayth with knaif and knicht He louit wes aboue all vther wicht. So large he wes, so humull and so wyss, So meik also and full of gentreiss, 20,270 So plesand als in ernist and in pla, That all the Romanes in Britania, Bayth ill and gude, with thair auctoritie Declarit him thair emprioure to be.

How Maximus was crovnit Emprioure in Londoun.

Col. 2. In Lundoun toun with hie laud and honour,
With diademe maid him thair emprioure;
And sevintene zeir or thair about so lang,
As emprioure in Albione he rang.
At his command haif[and] boith les and moir,
As neuir ane vther had his tyme befoir,
In Albione the haill auctoritie,
Na zit sen syne I wait nocht quhat will be.

How the Emprioure gart with Battell persew Maximus.

In Rome that tyme thair rang ane emprioure, Hecht Walentyne, quhilk wes of grit honour. This emprioure, quhen that he has hard tell 20,285 How Maximus agane him did rebell, In greit contemptione of his majestie, Declarand him ane emprioure to be; Quhairfoir with thame till him alway wes trew, With mort battell he gart thame oft persew. Bot of his purpois he culd nocht prevaill, Far oftar ay he wes maid for to faill, And type the feild no victour for to be, Quhylis be strenth, quhilis be subtilitie. Quben tua houndis richt oft hes other preuit, Into bergane qualily that be bath mischeuit, And none of thame can haif the victorie, Tha wilbe fane ilkane to go other by. Siclyik that tyme I say heir be that tuo: Quhen ilk of thame had previt other so 20,300 But victorie, than war thai fane to ceiss, Betuix thame tuo syne mak gude rest and peice. Than Maximus, as victour him allone, Ane emprioture he rang in Albione.

How Maximus, efter that he had subdewit Albione, passit in Gallia with ane greit Armie of Pechtis, Romanis and Britis, and syne was slane be Theodoc[i]us.

Bot men that ar in greit auctoritie, 20,305
Richt schort quhile standis in prosperitie;
For quhen thai ar most heiche vpone the quheill,
And traistis than that all thing standis weill,
Than tha misknaw God and Fortoun so far,
Na wounder is suppois tha get the war, 20,310



Lib. 7, f. 101.

Col. 1.

That stryvis baith aganes God and mycht, And Fortoun als that brocht him to the hight. Men sould be war sic tyme and gyde thame weill, For guhen and mane is heast on the qubeill, He sould be wyss and beir him self rycht law; 20,315 Quha fallis heichast gettis the grittest faw. Be Maximus I say this thing for-thy, Quhen Albione culd nocht him satisfy, Bot sone efter he dressit him till go To Gallia and other landis mo, 20,320 For to subdew thame to his senzeorie, For hie vane gloir and for na vther quhy, With mony Pecht and mony Romane knycht, And mony vther worthie war and wicht; And all the strenthtis into Albione 20,325 He stuffit thame, syne furth his way is gone. To schip burd went syne ofter on ane da, Out ouir the pais tuke land in Gallia; And how he fuir that tyme in his travell, It war ouir lang and tariesum to tell, 20,330 And I haif nocht that mater in memorie, It is sua lang sen that I saw that storie. That mater als pertens nocht to me, Thairfoir as now heir I will lat it be. Bot for to tell zow schortlie of his end, 20,335 Gif it be trew as my author me kend, Efter he had subdewit Gallia, And mony landis in Germania, And slane also had nobill Gratianus, Vincust he wes be Theodocius 20,340 In plane battell quhair he lost the lyfe; Thus endit he that maid so make stryfe. Lat him go now sen that he is gone, And turne agane to tell of Albione:

Sie aventure amang thame as befell,

Will ze tak tent and ze sall heir me tell.

20,345

How Octaueus, the Sone of Octaueus foirsaid, come furth of Gallia in Britane, desyrand to be maid King.

Ane nobill man of fredome and of fame, Octaveus qualit eallit wes to name, Octaneus son, as I befoir schort quhile Schew to zow heir, that fled in Mona Ylc, 20,350 For to remane with gude Eugenius, And his bruther the zoung Ethodeus, Quhilk efter fled, as my author did sa, Fra Maximus far furth in Gallia. Syne guhen he knew that Maximus wes slane, 20,355 Weill ma ze wit thairof he wes full fane. In Britane als that tyme thair wes na king Of Britis blude, thairfoir but tareing Bownit in Britane thair or he wald blin, His croun agane and kinrik for to win, 20,360 Quhilk wes his eldaris heretage of ald, And his fatheris, befoir as I haif tald. Befoir the lordis that tyme in Britane, Into ane court quhair that counsall began, Thair he hes maid, with right lang sermoning, 20,365 Ane sair complaint in wanting of thair king; And that the realm sa lang wes destitute, Without ane king cumit of the Britis blude, Quhilk wes his fatheris heretage of ald; His will it wes thairfoir gif that the wald 20,370 To mak him king at thair plesour and will, As he that had most rycht and clame thair till. And als he schew, how that the Romanes strang Had thirlit thame in seruitude so lang, And maid thame all bot bondis for to be 20,375 Ouhair thai wer wont befoir for to leve frie. Thairfoir, he said, gif he richt wnderstude, Had that ane king wer of thair awin blude,

That he wald suffer greit traveill and pane,

Col. 2. For to reskew thair libertie agane.

And sen that he wes of the blude royall,

And narrest air discendand lineall,

And sone also to gude Octaueus,

Quhilk wes so constant and so curt[e]us,

That for thair saik sufferit sa mekle pane

For to reskew thair libertie agane.

Thus and siclike in presence of thame aw

He said, and mair than I will to 30w schaw.

How this Octaueus, be the Perswasioun he maid to the Britis, was crovnit King in Londoun.

Thro quhais sucit and subtill perswasioun, In rob royall with sceptour, sword and croun, 20,390 Octaveus thair haif thai crownit king Of all Britane amang thame for to ring. The Romanis all into Britania, Keipand the strenthis in that tyme that la, Resistit thame than als far as the mocht, 20,395 And euirilk da hes done all that the docht. Bot all for nocht, that tyme it wald nocht be, The Britis wer so blyth of libertie, And had sic curage als of thair new king, Tha set the Romanis bot at lytill thing; 20,400 And euerilk da hes done thame grit injure. Dischargand thame of all office and cuir, Puttand thame out of all auctoritie, And maid the Britis alway to leve fre.

How the Emprioure Theodocius send ane Armie in to Britane to Dantoun this foirsaid Octaveus.

The emprioure than Theodocius, Quhen that he hard how that Octaueus 20,405

Rebellit had in Britane of the new, Than sone he send, the Romanis to reskew Into Britane remanand that war than Within strenthis, right mony nobill man, 20,410 And to reduce the Britis les and moir To Cesaris faith siclike as of befoir, Or with mort battell planelie thame persew. And so that did, quhair mony ane that slew On euerilk syde, or tha weiris wald ceiss, 20,415 Syne at the last betuix thame wes maid peice. With thir conditionis endit wes 1 thair stryfe: Octaveus, for terme of all his lyfe, Sould bruik the croun without ony discord, Of all Britane be callit king and lord; 20,420 And all the strenthis that wer in thair landis Suld all be put in the Romanis handis, Evin as the stude at that tyme are and aw, With haill power to execute the law, And siclike tribute for to gif alsua, 20,425 As the war wont to Maximus to pa.

HOW THE EMPRIOURE SEND TUA LEGATIS IN Lib.7, f.101b.
BRITANE, MARTIUS THE TANE AND VICTORIUS
Col. 1.
THE TOTHER.

The emprioure then, Theodocius,
Quhen all wes done as I haif said 30w thus,
Fra Rome that tyme tua legatis he hes send
To fortifie his richtis, and defend
In Albione gif ony wald rebell;
The tane of thame, that tyme as I hard tell,
Hicht Victoryn, the tother Martius,
In Lundoun toun, my author sayis thus,
For to remane and president to be
Of all the South and haif auctoritie.

¹ In MS. with.

And Victoryn, as my author did tell, In Eborac for to remane and duell, To execute the law in Romane stylis, Fra Eborac evin vnto the North Ylis. And so that did that tyme in Albione, Ouir all pairtis but contradictione.

20,440

How Victorius commandit the Pechtis to vse the Romane Lawes and forbeir thair awin.

In this same tyme to zow now that I schaw, The Pechtis zit wer vsand thair awin law, As Maximus thame grantit of befoir. 20,445 This Victoryn thame manassit with grit schoir, In pane of deid, the sould sue hardie be As to hald law of thair auctoritie: Sen of the Romanis that the held their land, Tha war ouir hardie for to tak on hand, 20,450 And semit weill that stude bot litill aw, At thair awin hand to execute the law, As tha to Cesar suld pertene nothing, Thair self, thair law, thair landis, and thair king. Quhairfoir, he said, wnder all charge and pane, To execute sic barbour lawes agane, In tyme to cum Romanes sould judgis be, And the ansuer to their auctoritie; Of na les pane na wanting of his heid Incontinent quha that maid pley or pleid. 20,460

HEIR FOLLOWIS HOW HARGUSTUS, THE KING OF PECHTIS, WAS SO SUBDEWIT WITH VICTORYN, FOR GREIT DISPLESOUR ON ANE TYME QUIETLIE IN HIS CHALMER SLEW HIM SELFF.

Hargust thair king, that wes baith waik and ald, Quhen that he hard thir tydenis to him tald, So greit displesour thairof that he tuke, The lang nyeht ouir but ony sleip he woik.

Col. 2.

Fra end to end oft sleipand neuir ane wynk, 20,465 The day also withoutin meit or drink; So novit he wes with sic melancolie, That of him self almaist he set nocht by. Sobband full soir oft syis sayand allace! Into his eild to haif sa havie caice, 20,470 To lois his law and als his libertie, And all his legis bondis for to be To the Romanis, quhilk wes his mortall fo. " Allace!" he said, "thairfoir that I did so, "Wnto the Scottis that I wes so vntrew. 20,475 " Wa wirth the wicht in quhome that tressoun grew, "Tha[t] causit me so sone to faill to thame, " Quhilk wytles wes anent ws of all blame! " Perfitlie now I knaw and wnderstand, " Als lang as we to thame keipit oure band, 20,480 " And tha till ws, and we to thame, wer trew, "That the Romanis durst nocht ws than persew; "And guhen that did, the come bot little speid, " So trew tha war and traist to ws at neid. "The quhilk throw ws ar brocht boith les and 20,485 moir, "To nocht for euer. Alace!" he said, "thairfoir, " Had the bene now as the war wont to be, " In Albione at thair awin libertie, " At sic freindschip as we war of befoir, "The Romanes durst full lytill mak sic schoir. 20,490 "Bot now," he said "fairweill; that help is gone!" Thus secreitlie oft syis he maid his mone Vnto him self, vpoune the same maneir, Weipand full soir that pitie wes till heir. And guhen he saw that thair wes no remeid, 20,495 With sic desyre than of his awin deid, Vpone ane tyme secreit be him awin sell, Gif it be trew I hard my author tell, In his wodnes are lang knyfe furth he drew,

Quhairwith right sone him awin self he slew.

How Victoryn, heirand of the Deith of Hargustus, commandit the Pechtis wnder the Pane of Deith that the sould mak na ma Kingis agane.

This Victoryn, quhen he hard of that thing,
The greit mischance and fortoun of that king,
And how he had maid sie ane wickit end,
Rycht sone ane herald he hes to thame send,
Commanding thame nane be so pert to prewe,
In tyme to cum, without the Romanes leve,
Of thair awin blude to mak ane king agane,
In pane of deid and wnder na les pane.
And quhen the herald had maid his proclame,
He tuke his leif, and syne he sped him hame.

20,510

How the Pechtis crownit and King attouir forbidding.

The lordis all that war into Pec[h]tland,
That tyme wald nocht obtemper his command,
The quhilk so far declynit fra the rycht.
Thair hartis war so full of pryde and hicht,
Thair curage als that tyme wes so quik, 20,515
With ane consent contempnit that edik.
Syne at ane counsall in Camelidone,
Quhair thai convenit in the tyme ilkone,
And crownit hes ane king wes callit Drust,
That sone and air wes to this ilk Hargust, 20,520
Quhome of befoir schort quhile I maid 30w kend
Off his deidis and his vnhappie end.

Lib.7, f.102. Col. 1.

> How Victorin, heiring the Pechtis hes maid ane King, come with ane greit Armie vnwittand of the Pechtis, and set ane greit Seig to the Toun of Camelidone.

To Victoryn quhen thir tydenis wer tald, Withoutin lat no langar than he wald

Mak sojourning; in all the haist he mocht, 20,525 Into Pechtland ane greit armie he brocht. This new maid king and his lordis ilkone Remanand war into Camelidone, Takand thair plesour in all sport and play, Deliciouslie in meit and drink allway, 20,530 Or that war warnit thair be ony wicht, This Victorin, with mony Romane knicht, Hes vmbeset thame baith be land and se, That the had nother tyme nor place to fle. And quhen tha wist that the micht nocht go 20,535 hens, Stuffit the toun and maid thame for defence: Greit stalwart stonis laid vpone the wall, Drew draw briggis, and lute portculzeis fall: Closand the portis baith be land and se, Syne forsit thame with mony stone and trie. 20,540

How Victorin seight and wan the Toun of Camelidone.

Be that the Romanes war alreddie boun, And laid ane seig evin round about the toun, Of bowmen bald with bent bowis in hand, Syne maid ane sailze baith be se and land. And the within hes maid defence richt lang, 20,545 Baith arrowis schot, and greit stonis outslang Attouir the wall that wounder wes to se; Als thick as haill the braid arrowis did fle. The Romanis than sic prattik had in weir, And also tha war so garnist in thair geir, 20,550 Of instrumentis richt so that had no falt, That neidful war to mak sailzie or salt; And weill tha wist that thair wes gude to wyn, And better will, thairfoir or tha wald blin,

Into the toun that leit thame tak no rest, 20,555 Quhill force it was to thame syne at the lest Gif ouir the toun, and put thame in thair will, Quhat euir it war than other gude or ill.

How Victoryn delt the Spulze of the Toun to the Romanis and send the King of Pechtis to Rome.

All gold and riches that he fand thairin, 20,560 Withoutin delay he hes gart in that tyde Richt equalie amang his men diuyde. The zoung Drust and his lordis also War principall, he has maid thame till go, Fast bund in band to Lundoun toun the way, 20,565 And syne to Rome, as my author did say, To Cesar send and put into his will, Sic auenture dame Fortoun send thame till. Col. 2. And all the laif that he fand thair that tyme, As pairtakaris accusit of that cryme, 20,570 Sum he gart hang, and vther sum he gart heid; With lytill pley thus endit all that pleid. So war tha puneist all baith les and moir, For the war fals to their freindis befoir.

This Victorin, efter the toun wes wyn,

How Victorin maid Bondis of all the Pechtis.

In tyme to cum that thai sould nocht rebell,
This Victorin, as my author did tell,
Hes bondis maid of all the nobill blude,
And all the laive put in vyle servitude.
At his plesour, but ony dome or law,
In cart and wane he gart thame drag and
draw,

20,580

With greit displesour and with mekle pyne; Out of the erth thai gart thame metall fyne, And out of craigis gart thame stonis hew, And euirilk da torment thame of the new. The ferd part zeirlie of thair gude alsua, 20,585 To procuratouris of Cesaris gart thame pa; Of corne and crop, of cattell and of stoir, Of all thair wynning siclike les and moir, In pane of deith, gif ony wald defraude, Or war so pert ane 1 pennyworth to had. 20,590 Syne gart thame pas richt far into the North, With wyfe and barne bezond the watter of Forth, Thair to remane for euir, baith man and page; Syne to the Britis gif in heretage The landis all that that had in the South, 20,595 Lyand fra Forth southwart to Tuedis mouth. Syne efter that gart big into that tyde, Fra Abircorne vnto the mouth of Clyde, Of erd and stone ane mekle heiche strang wall, With fowseis braid that war rycht deip withall, 20,600 That cassin war that tyme on euerilk syde The Britis fra the Pechtis to devyde. Syne gaif command wnder the pane of deid, And no les pane nor wanting of his heid, That ony Pecht sould be so perth to preve, 20,605 To pas that wall without the legatis leve, Bot all thair tyme bezond that wall remane. God wait or nocht gif that the sufferit pane, In langsum lyfe withoutin libertie, Halding thair handis to the hevin on hie, 20,610 Cryand of Christ, and his mother also, Thame to deliuer of that endles wo, And help thame out of all that cruell pane, Or in this warld no langar to remane!

¹ In MS. in.

Col. 1.

For the war puneist in that tyme so soir, 20,615 Aneuch tha said for all the falt befoir, Tha[t] tha had maid in breking of thair band, Agane the Scottis quhen tha tuke on hand For to be fals withoutin caus or querrell, To pleis the Romanis, lukand to no perrell. 20,620 As ressone wald and petie als thairfoir, Sen thair awin wand hes dung thame than so soir, Than tyme it war that God sould on thame rew, Sen in his faith tha war ay leill and trew. In this whrest I lat thame heir remane, 20,625 And to the Scottis turne I will agane: Withoutin lat quha lykis now till heir Lib.7, £102b. Of aventuris that I can tell perqueir, My purpois is now at this tyme to tell, The fassoun how and in quhat tyme tha befell. 20,630

> Heir efter followis how the Successioun of ETHODEUS IN DENMARK, QUHILK WES BRU-THER TO EWGENIUS, AND OF HIS SONE FER-GUS; HOW HE WAS AT THE DISTRUCTIOUN OF Rome, and of his cuming in Scotland.

It is weill wist how gude Ethodeus, That bruther wes to king Eugenius, Be Maximus wes baneist Albione, In Denmark syne for to remane is gone. For caus he wes cume of so nobill blude, 20,635 The king him tretit like ane man of gude, And gaif him landis quhair he had most levar, In heretage to him and his for euir: Quhair he remanit that tyme all his lyfe, In greit abundance baith with barne and wyffe. 20,640 Ane sone he had, quhilk hecht Fergus to name, Borne of his wyfe or that he come fra hame, Quhilk wes his air succeidand in his steid, Ane lytill quhile efter his fatheris deid

Spousit ane wyfe, as my author did sa,

The quhilk to name that callit wes Rocha,
That dochter wes to nobill Rorichus,
The grittest lord, my storie tellis thus,
In all Denmark he wes except the king;
He weddit hir at kirkdur with ane ring.

He gat on hir ane sone callit Fergus,
In all this warld wes nane mair curious;
Quhilk efterwart tuke greit travell and pane,
For to reskew his heretage agane,
As I to 30w sall schaw with Goddis grace,
Heir sone efter quhen tyme cumis and place.

How Alaricus, King of Gothis, passit with ane greit Armie of Daynis, Norrowais, Gotis and Germanis to Rome, and seigit the Toun of Rome, and sone efter wan it and held it at his Plesoure.

In this same tyme the men of Cithea,
Of Denmark, Gothland and Sa[r]matia,
Of Germanie als, with ane will and consent,
Agane to the Romanes all to the weir tha went. 20,660
Alaricus, that wes of Gothis king,
Had all his ost that tyme at his gyding,
At his counsall and als at his command,
Ay as he wald to weild wnder his wand.
The haill counsall with consent of the lave,
As principall to him that tyme tha gaif
With thair consent the haill authoritie,
Of all the laif at his command to be.

How Fergus was maid Captane to the Danis.

Out of Denmark thair wes chosin than,
With him to wend richt mony nobill man,
VOL. II. B

Wes chiftane maid that wes baith big and bald, And mony Seot with him that tyme is gone, That exulat wer out of Albione Into Denmark, and mony vther mo, 20,675 With zoung Fergus that tyme wer maid to go, With him to byde and be at his bidding, As principall nixt Alaric the king. Of thair passage this wes the eaus and quhy, Tha had the Romanis at so grit invye, 20,680 That throw thair pryde, thair power, and [thair] Ouir all this warld but ony caus or right, With injust battell spilt sa mekle blude, Puttand sa mony to vyle seruitude, And mony one maid exull for to be 20,685 In vncouth land, right far fra hame to fle, At their plesour but ony caus or quhy,

That all this warld euld thame nocht satisfie.

This zoung Fergus, of quhome befoir I tald,

How Alaricus wan mony Feild in Almany, and syne finallie seigit the Toun of Rome.

Alaricus, of Gothis that wes king, Furth that he went with all his gay gaddering; And how he [fure] adpertenis nocht to me To tell this tyme, thairfoir I lat it be. It wer so langsum for to put in ryme, And occupie als wald sa mekle tyme, To my purpois impediment also, 20,695 Thairfoir as now sic thing I will lat go. 3it will I tell, for I haif space and tume, How efterwart he set ane seig to Rome. Efter lang battell and greit victorie, Decrettit hes with all his senzeorie, 20,700 To Rome ane seig right suddanelie to la; And so he did sone efter one ane da,

With all devyiss quhairby he mycht prevaill, The citie scharplie than he did assaill, With gun and ganzie, and sic ganand geir, 20,705 All instrument that neidfull war in weir, With bow and slung to cast arrow and stone, Quhat neidfull war thairof tha wantit none. And the within, as right weill me be kend, Wantit richt nocht that sould ane toun defend, 20,710 Quhilk dantonnit had sa mony king and prince, War put that tyme into so hard defence, And sufferit hes sic outrage and ouirthraw, With the outwaill than of this warld aw, That neuir sensyne attents to sic gloir, 20,715 Na sic honour as that the had befoir. To tell this tyme ouir lang it war to me, The grit mister and the miseritie; Thair is no clerk can write with pen and ink The greit distress that had of meit and drink, 20,720 Within the toun are weill lang tyme that had, That mony one of mennis flesche wes fed. The mother thocht that tyme bot lytill harme, To eit hir child that la into hir arme; No zit na terrour in hir mynd it kest 20,725 To eit his fiteis that suckit hir breist, And in hir wame for to ressaue agane The child scho buir with grit dolour and pane. With so great hunger lang tyme in the toun, Tha war ouirset and brocht to confusioun: 20,730 In falt of meit thair deit than far ma Within the toun, nor sword or knyfe did sla.

How Alaricus wan Rome the First Da of Aprile the 3eir of God Four hundreth and tuelf 3eiris.

That seig it lestit till ane weill lang quhile, And syne, vpoun the first day of Aprile,

Lib.7, f.103. Col. 1. The toun wes tane with greit difficultie, 20,735
Quhair mony ane was maid that da to de.
Four hundreth zeir it wes efter also,
That Christ wes borne tuelf zeiris and no mo.
Ane thousand zeir, ane hundreth and saxtie
And four zeiris that tyme wer passit by, 20,740
Fra Romanes first foundit had the toun,
To that ilk da of thair confusioun.
Tane wes the toun that tyme and all ouirharld,
The quhilk throw strenth befoir tuke all the warld.

How Alaricus, efter the Toun wes tane, gaif Command to abstene fra Slauchter, and Speciallie in the Kirk.

Alaricus, quhen that the toun wes tane, 20,745 Richt strait command hes gevin euirilk ane, Fra all slauchter that tyme for till abstene, In sanctuar siclyke that nane war sene, Fleand folkes thair into hurt or ska, No spulze mak nor zit to tak no pra. 20,750 In sanctuar that all suld be maid fre, Baith zoung and ald that tuke refuge to fle. At his command tha war alreddie boun, Syne efter that the spulze of the toun, To all his men wer present in the tyde, 20,755 Richt equalie amang thame gart diuyde. To zoung Fergus that tyme amang the laif Richt larglie of that spulze he gaif. In that spuilze thair he[s] fell to his part Ane courtlie kist wes closit with greit art, 20,760 Wes full of bukis contenand mony storie, For to reduce agane into memorie

¹ In MS. mony.

The greit weiris that war befoir bygone, Of the Romanis richt lang in Albione, With Britis, Pechtis and Scottis also; 20,765 All thir war thair and mony vther mo. Vpoune this kist he hes maid greit expenss, For to be keipit with greit diligence, Syne hame with him he brocht in Dania, With greit travell throw all Germania; 20,770 Syne efterwart within ane litill space, To Iona Yle in ane religious place, Quhilk callit is this da Ecollumkill, With all the buikis the kist hes brocht till, Thair to be keipit with greit diligence, 20,775 That men efter micht haif rememberance Of this Fergus and his nobill deid, Quha hapnis efter of sic thing to reid. That tyme also he gart put in memorie, His elderis deidis writtin in ane storie, 20,780 Fra thair begynning ay wnto tha dais; Syne put thame all, as that my author sais, For to be keipit in Ecollumkill, Quhilk to this da remanand ar zit still. In this mater I will no moir remane, 20,785 Bot to my storie pas I will agane.

Col. 2.

How Alaricus send Fergus to Cicilia with GREIT NAVIN, AND HESTORME OF THE SE THE TUA PART OF HIS SCHIPPIS, AND SYNE RETURNIT AGANE IN YTALIE.

The thrid day efter that the toun wes win, Alaricus, or he wald langar blin, This foirsaid Fergus causit hes to ga With ane greit armie in Cicilia, 20,790 For to subdew that leid and all the land, Him to obey and be at his command.

Throw aventure of stormis in the se
In his passage so troublit than wes he,
That or he come richt lang to Cicill cost,
Of his naving the tua part neir wes lost.
Him self also into that tyme wes fane
In Ytalie for to returne agane.
Or he come thair Alaricus wes deid,
And Ethaulphus maid king into his steid,
Quhilk tretit him ane king as he had bene,
With all plesour did till ane prince pertene.

HOW FERGUS TUKE HIS LEIF, AND PASSIT HAME IN DENMARK WITH MONY RICHE REWARD.

Sone efter that with mony riche reward,
He tuke his leif and went hame with his gaird,
Throw Italie and throw Germania,
Syne at the last come hame in Dania.
At his plesour thair will I leif him still:
Of vther mater talk ane quhile I will.

Of THE FAYTH OF HALY KIRK; OF SANCT AUGUSTYNE, AMBROS, HIERONIMUS, AND S. MARTYNE, AND OF THAIR HALIENES IN THAT TYME.

In that same tyme the faith of halie kirk
Wes maid richt cleir, withoutin ony mirk
Of all errour that lang befoir had bene,
Lyke ony sterne than wes it maid to schene,
Clengit richt clene of all errour and cryme,
Be halie 2 doctouris that war in that tyme.
Sanct Augustyne wes ane into tha dais,
Gif it be suith of him that all man sais,

¹ In MS. In that same tyme. | ² In

² In MS. dalie.

Richt mekill error in his tyme confoundit, So greit science and faith in him aboundit, Baitht naturall and of divinitie, Of halie kirk the strangest wall is he. 20,820 S[anct] Ambros a[1]s, that samin tyme to conclude, In sapience and als in sanctitude, Ouir all the warld he schene as ony sterne, That euerie man thairby micht weill decerne The suith fra leis without difficultie; 20,825 Of halie kirk the cheif pillar is he. S[anct] Jerome a[l]s, the well of eloquence, Of sanctitude and eik of sapience, As the bricht sone into the Orient, He schend als cleir and in the Occident; 20,830 The cheif matres of all moralitie, Historiographe of halie kirk is he. Sanct Martyn als he wes into tha dais; And Sanct Niniane, as my author sais, Biggit ane kirk than into Galdia, 20,835 Quhilk Quhitterne now is callit at this da. Ouir lang war this tyme to tell zow heir Thair halines, and I haif nocht perqueir Thair lyvis all writtin in my buke, 20,840 Lib. 7, f. 103b. And at this tyme I list nocht for to luke. In sic reiding I will nocht now remane, Bot to my storie turne I will agane.

HOW THE PECHTIS QUHILK WAR IN VYLE SER-UITUDE, HEIRAND THE STORIE OF THIS FER-GUS, SEND FOR HIM TO CUM IN SCOTLAND TO WIN HIS KINRIK AND CROUN

The Pechtis dalie beand soir opprest With seruitude, and erast ay the best,

¹ In MS. tuke.

To thair power wes alway importabill, 20,845 With greit torment quhilk wes intollerable. And guhen that hard the great distructione, Of Rome the seiging and the casting doun, And als with trew men in the tyme hard tell, Agane the Romanes mony did rebell, 20,850 Perfitlie as tha wnderstude and knew How zoung Fergus, of quhome befoir I schew, In tha weiris sa meikill honour wan, In all his tyme sen first weiris began, Wes neuir proud of sic auctoritie 20,855 Moir wirschip wan, nor in that weir wan he. The Pechtis tuke greit plesour of that thing, Because he wes apperand air and king Of Scottis, and of Scotland for to bruik the croun, That flemit war out of thair awin regioun; 20,860 Traistand throw him and his auctoritie, Of seruitude for to deliuerit be.

How the Pechtis send and Herald to Fergus.

Thairfoir ane herald secreitlie tha send, With humbill mynd and hartlie recommend; Beseikand him that he wald mak prepair 20,865 In Albione sen he wes prince and air; And thocht thair fatheris of befoir wer fals. Ane part of thame that levand than war als Onto the Scottis quhilk wes to thame so trew, Full sair sen syne that micht tha ilkane rew 20,870 Thair awin deid had puneist thame so soir. Beseikand him richt hartfullie thairfoir, For to remit all malice and invye, And all injure befoir wes passit by; And plesit him to cum in Albione, 20,875 His croun and kinrik for to reskew agone,

Traist weill he sould haif thair help and supple, In his querrell tha sould all erar de, Out of the feild or tha sould fle him fro, And follow him quhair euir he list till go. 20,880

HOW FERGUS PROMIST TO THE PECHTIS TO CUM IN SCOTLAND, AND FIRST OR HE WALD TAK THAT JORNAY ON HAND, HE SEND TO ALL THE SCOTTIS IN OTHER PARTIS TO WIT THAIR MYND.

This zoung Fergus quhen that he vnderstode That thair desyre wes honorable and gude, He thankit thame richt oft of thair gude will, Sayand he sould all thair desyre fulfill. Sone efterwart, quhen he his tyme micht se, 20,885 As he had said traist weill it sould so be. Col. 2. it thouht he nocht that purpois till persew, Quhill he perfytlie wnderstude and knew Gif all the Scottis thairof wald be content. In that mater to wit quhat that the ment, 20,890 On to the Scottis war in Ybernia, Orkna, the Ylis, and in Norrua, His secreit seruandes he has send thame till, In that mater to wit quhat war thair will.

HOW ALL THE SCOTTIS THAT WAR IN SINDRIE PAIRTIS PROMITTIT TO FERGUS TO TAK HIS PART BAITH IN LYFFE AND DEID.

The Scottis all, perfitlie quhen tha knew
That Fergus will and mynd wes to persew
His heretage, as I haif to 30w tald,
Amang thame all wes nother 30ung nor ald
Promittit nocht in his querrell to 1.,
Or to reskew baith land and libertie;
20,900

Thankand greit God that send to thame sie one.

With this ansuer the herald hame is gone.

All thair promit he schew till him perqueir,
Ilk word by word as I haif said 30w heir.

3it neuirtheles 30ung Fergus did remane

20,905

Still in Denmark, quhill that he hard agane
On fra the Pechtis sum vther tydenis new,
Or he that purpois forder wald persew.

Stone still he la and schupe nocht for to steir,
Quhill efterwart hapnit as 3e sall heir.

20,910

HOW MARTIUS THE LEGAT WAS SLANE BE GRATIAN, AND IN HIS PLACE ENTERIT CONSTANTYNE, QUHILK WES SLANE EFTER IN GALLIA, AND THAN VICTORIN TUKE ALL THE CUIR IN BRITANE.

This Martius of quhome befoir I schew, Bot schort quhile syne wes legat as ze knew, Into Britane richt suddanelie wes slane Than be ane Brit wes callit Gratiane. Efter his deith the Romanis in Britane, 20,915 Ane vther legat haif the chosin than, The quhilk to name wes callit Constantyne, In Gallia that efter passit syne, And slane he wes thair be Constantius Fra Cesar send callit Honorius. 20,920 In Eborac, the legat Victoryne, Quhen that he knew that slane wes Constantyne, To Lundoun toun he passit to remane, And dalie had greit travell and grit pane At Romane faith the Britis to contene, 20,925 In that same tyme as my author did mene. The Pechtis sone efter that this wes done, Knowand for thame that tyme wes oportune,

Ane herald sone to z_{oung} Fergus [tha] send, Quhilk schew to him ilk word fra end to end, With circumstance at lenth and greit laseir, In forme and sett as I haif said zow heir; Exhortand him, sen tyme wes oportune, In Albioun that he wald speid him sone, Lib. 7, f. 104. Col. 1. His heretage agane for till reskew. 20,935 Traist weill, tha said, that the sould all be trew In that querrell, and erar suffer to deid, Of that injure or the gat nocht remeid, Of mekle wrang with sic calamitie, Vyle seruitude and greit miseritie, 20,940 So wranguslie on thame the Romanis wrocht; And als thair with gif that he traistit nocht To that the said wes suith and verriement, The suld be sworne all by the sacrament In sanctuar, be euerie bell and buik, Qualify that might all thair heltht and lyvis bruke, The sould be trew, their of haif he no dreid, In tyme to cum baith into word and deid.

How 3 oung Fergus come furth of Denmark with ane greit Armie in Scotland to reskew his Richt.

Than zoung Fergus, quhen that he hard and knew Thair will wes gude, trowand tha suld be trew, 20,950 And als thair with he had sic appetyte, So greit desyre with curage and delyte, For to conqueis his kinrik and his croun, In gudlie haist than hes he maid him boun. With schip and boit, with bark and ballingar, 20,955 With carvaill, craik, haifand baith saill and air, Ane greit navin he furncist to the se, With men and meit, and with artalzerie.

He sparit nocht that tyme for no expens, Pairt of his awin, and part of his prince; 20,960 Riches he had of gold and vther geir, That he befoir had wyn into the weir; Bot most of all wes he suppleit than Be his grandschir, quhilk wes the grittest man In all Denmark that tyme except the king, 20,965 Quhilk fortifeit this Fergus in all thing, With greit plesour evin at his awin intent. Syne on ane da to schipburd all tha went; The wynd wes fair, and tha leit saillis fall, And saillit furth ouir mony wyndy wall; 20,970 With greit tranquill of Neptune in the tyde, Lord Eolus richt fanelie did thame gyde, Fra thair passage efter the auchtane da, All in the firth than of Morauia. Sum set to schoir and vther sum to sand; 20,975 Sum with thair boittis passit all to land.

How the Scottis come to Fergus fra sindrie Partis.

Fra it wes knawin he wes cumin thair, Fra all pairtis that tyme baith les and mair, The Scottis gatherit to him da by da, Sum fra the Ylis, sum fra Ybernia; 20,980 Fra Orkna als richt mony men of gude. Wes neuir nane that wes of Scottis blude, That tarie maid guhen that the hard sic thing, That he wes cumit the quhilk sould be thair king. Col. 2. With wyffe and barnis, insicht and all stoir, 20,985 Tha come to him richt glaidlie les and moir, In that beleif for to sit down agane, Quhair thair fatheris war wont for to remane. Tha thocht na perrell sic prattik to preve, In zoung Fergus tha had so gude beleve. 20,990 How the Pechtis, heirand of Fergus cuming, crownit and King, and syne send to Fergus and renewit the Band betuix thave and the Scottis.

The Pechtis als of this cuming wes proude, Traistand agane rich[t] suddantlie tha soud Fra seruitude and bondage be maid fre, And to releve agane to libertie. In that beleif that haif crownit are king, 20,995 Syne send richt sone withoutin tareing Ambassadouris, the quhilk war men of gude, That wysast war and of the nobill blude, To this Fergus, of quhome befoir I schew, The band agane and peice for till renew, 21,000 And euermoir betuix thame trewis tak. Syne at thair will ane mendis for to mak Of the greit falt thair fatheris maid befoir, Efter thair power all thing to restoir; Beseikand him that tyme to tak na cuir 21,005 Of all the wrang, the harmis and injure, Wes done to thame with Hargustus thair king. Him self thai said wes wyit of all that thing, And nane vther thair wes to wyit bot he; Quhairfoir, tha said, his greit iniquitie 21,010 Richt sone efter turnit him to teyne, And all the laif sen syne richt soir to meyne, Sen thai war puneist for thair falt so soir. Beseikand him for to remord na moir Of sic injure, bot lat it all pas by, 21,015 But ony yre, malice or invye; And to convene in siclike vnitie, As thair fatheris befoir had wont to be, Agane the Romanes wes thair felloun fa. Richt weill tha wist, tha said, and he did sua,

Lib.7, f.104b.

Col. 1.

Amang thame self and tha wald all be trew, Richt eith it war agane for to reskew Than all thair right out of the Romanes handis, Considderand in all pairt out it standis, With richt trew men, the said, the haif hard tell 21,025 Agane the Romanes mony did rebell; So far contempnit wes thair majestie, In Albione tha might send no supple. Tha wist right weill, other les or moir, As the war wont in tyme bigane befoir. 21,030 Tha knew also the Britis had ane ee With greit desyre agane to libertie; And sen it was thair tyme was oportune, Beseikand him richt suddantlie and sune, Sic cuir on him that he wald wndertak, 21,035 With quhat condition that he pleis to mak.

HOW FERGUS MAID ANSUER TO THE HERALD.

This ilk Fergus, haiffand auctoritie, Be wyse counsall of greit maturitie, Of his lordis richt plesand and benyng, Sic ansuer maid agane wnto that thing. 21,040 Sayand he wald at thair plesour fulfill All the desyre that the had laid him till; So that the wald resing into their handis, Without alledgeance all and haill the landis In heretage thair eldaris had befoir, 21,045 Withoutin sturt agane for to restoir. Of that condition the sould reddie be, In just battell all on ane da to de, Or ellis tha sould agane to thame restoir Thair libertie siclike as of befoir. 21,050 How the Pechtis come to Fergus grantand his Desyre, and renewit the Band betuix thame agane.

With this ansuer tha passit hame agane, Quhairof the Pechtis joyfull war and fane. Syne king and lordis come all on ane da, To this Fergus into Morauia, Oft thankand him with all humanitie, 21,055 So far for thame he saillit ouir the se Into wynter, haifand no dreid of perrell, So kynd he wes to thame into that querrell. And moir kyndnes than I haif said zow heir, Tha schow to him no I can tell perqueir. 21,060 The band also that tyme the did renew, And ilk ane swoir to vther till be trew; And all injure, rancour and invye, For to postpone, forzet and lat pas by. Than, to conferme all that the said befoir, 21,065 The Scottis all thai did agane restoir To their steidis, all that war fra thame tane, In guhome befoir thair fatheris duelt ilkane. The strenthis als that war into thair handis, Restorit thame agane with all the landis; 21,070 Than war thai maid that samin tyme als fre Into Scotland as that war wont to be.

How all the Scottis passit to Argatill, and crownit this ilk Fergus to be King.

Quhen this wes done, the Scottis, to fulfill
That the had said, went all to Argatill,
And set this Fergus on the marbell stone;
Syne with consent of all wes their ilkone,
In rob royall with sceptour, croun and ring,
The crownit him of Scottis to be king.
Fourtie 3eir and foure also bygone,
Efter that Scottis war flemit Albione;
21,080

The zeir of God, tuentie and tua also,

Col. 2. And four hundretht withoutin ony mo,

Sevin hundreth zeir and sewintie alss bygone,

Sen first Fergus wes king in Albione.

How Fergus wan the Strenthis fra the Romanis.

This beand done he raid ouir all his landis;
The strenthis all war in the Romanis handis,
Contrair thair will on force thair hes he tane,
Syne leit thame pas vnharmit hame ilkane
To Victoryn, quhilk schew to him full sone,
At lenth all thing as 3e haif hard wes done.

21,090

How Victorynus send and Herald to the Pechtis.

Quhairof he wes commount than right far, Traistand richt sone that it sould turne to war. With provisioun that he dought to mak, He sped him sone that tyme to Eborac; Syne suddantlie ane herald hes he send 21,095 Wnto the Pechtis wicht prattik till pretend, Richt wyslie than for to lat thame wit, With greit requeist and mony fair promit, Of land and law, and libertie agane, At Romane faith so that the wald remane, 21,100 And leve the Scottis that war thair felloun fa: Richt weill he wist, and tha wald nocht do sua, Sone efterwart quhen that that tyme mycht se, Quhen euir it war and thai mycht maisteris be, The sould revenge with all power the mocht 21,105 The grit injure the quhilk to thame wes wrocht Be zour fatheris, bot schort quhile of befoir, Quhilk in thair mynd remanes zit full soir.

In MS. 3our.

Col. 1.

- "That rancour is so rowstit in thair hart,
- 21,110 " With sic ruittis festnit fast inwart,
- " And in thair breist bowdin with sic ane blast,
- "That force it is it man out at the last.
- " And thocht the gif yow fair langage as now,
- "In thame is nother for to trest nor trow.
- "Tha ar the leid culd neuir zit be leill 21,115
- " For band or aith, for saw or zit for seill.
- " Quhen euir tha list tha find ane caus to brek;
- "Thair lawtie ay wes bot litill effect.
- " We war neuir fals nor zit culd neuir fenzie;
- " And gif ze think that ze haif caus to plenzie, 21,120
- " In ony thing that we haif yow offendit,
- " At your ain will it salbe weill amendit."

How the Pechtis wald nocht CONSENT BREK FRA THE SCOTTIS FOR NA REQUEIST OF THE ROMANE LEGAT.

Quhen this wes said that I haif said and mair, The Pechtis all that present than wes thair, Bayth king and counsall that tyme gude and ill, 21,125 For na requeist that micht be maid thairtill Lib. 7, f. 105. Wald nocht consent, bot said tha wald defend Thame selffis and Scottis to thair lyvis end, And ay to thame for to be leill and trew; That the war fals to theme that might the rew. 21,130 Thair awin wand hes dung thame than so soir, In tyme to cum that wald be fals no moir; Na lippin nocht in him that wes so sle, That put thame all in sic miseritie, At his plesour, but ony caus or quhy, 21,135 Aganis thame wrocht all tyme so wrangusly. And of ane thing the said he sould be suir, Tha sould revenge all harmes and injure That he had wrocht agane thair libertie, Or all atonis on ane da sould de. 21,140

¹ In MS. 3our.

HEIR FOLLOWIS THE ORDOUR AND THE MANER OF THE GREIT BATTELL BETUIX VICTORYN, THE ROMAN LEGAT, AND FERGUS, THE KING OF SCOTTIS, WITH HELP OF THE PECHTIS.

Quhen this was schawin befoir this Victoryn, That the wald nocht to his willis inclyne, Than 1 all the power he micht be that da, Fiftie thousand, as my author did sa, In curage cleir he had at his command, 21,145 Quhome with richt sone he come into Pechtland. Ouir Carroun flude, neirby Camelidone, Thair he remanit with his men ilkone. Than king Fergus, herand that he was thair, With all his power that tyme les and mair, 21,150 And king of Pechtis, for the war in the north, The passit sone attouir the watter of Forth, With mony berne that war baith bald and wicht. Syne in the morning, or tha micht se licht, Or at the nicht departit fra the da, 21,155 In rayit battell quhair the Romanis la, With birny, brasar, bricht brand and braid scheild, On fit and hors thair haif thai tane the feild. This Victoryn, that weill thair cuming knew, As of befoir his spyis to him schew, 21,160 He put his men all reddie in array, Bydand battell ane litill forrow day. Quha had bene thair that tyme for till haif sene Thair semelie schroud likeas silver schene. Thair baneris bricht, that wer all browdin new, 21,165 Thair staitlie standertis of mony diverse hew, With trumpet, talburne, and with clarione cleir, And buglis blast that hiedeous wes till heir. The bowmen bald syne enterit in the feild; Thair schuitting scharp hes persit mony scheild. 21,170

In MS. That.

The fedderit flanis than the flew so thik, Quhair euir tha hit tha markit in the quik, Out-throw thair birneis bait or tha wald blin, Syne throw thair breist tha maid the blude to rin. The men of armes interit in the feild With sic ane rousche, qubill mony targe and scheild At thair counter all to pecis claue; Sa mony duchtie to the grund tha draue. Into that stour that stalwart wes and strang, With egir will and force that faucht so lang, 21,180 That Carroun water, quhilk wes neir thame than, Col. 2. Into that tyme all of reid blude it ran. So feill slauchter, as my author did mene, Into ane feild befoir wes semdill sene. But victorie tha faucht ay still qualil none; 21,185 Syne at the last are schour of haill full sone, Als mark as midnicht fra the hevin discendit, That baith the pairteis gritlie hes offendit. In falt of light might nane ane other se, Bot drew abak and leit the battell be. 21,190

How the Romanis and the Albionis abstenit lang efter fra Weir,

This bergane wes so bludie to thame baith,
On euerie syid tha gat sa mekle skaith,
That lang efter, as my author did mene,
That baith the pairteis did fra the weir abstene.
This Victoryne, syne on the other da,
No langar baid bot passit hame his wa,
With the few folk wes left to him vnslane,
To Lundoun toun quhair that he did remane.
The strenthis all he hes gart stuf alsua
Into Pechtland and in Saluria;
21,200
And als the laif of landis les and moir,
To Scot and Pecht that did pertene befoir.

Fergus siclike, quhen that he saw and knew
Thair power wes so brokin of the new,
In that battell tha had sa mony slane,
And wes ouir few for to gif feild agane;
Thairfoir tha kest the best way that mycht be,
The land tha had to bruik with libertie;
And in the tyme the pepill for to leir
Vse and prattik of battell and of weir,
And all sic thing that neidfull war to ken,
Quhill that zoung childer grew vp and war men;
Syne efterwart quhen tyme wes to persew,
Thair heretage agane for till reskew.

How the Pechtis war of Sic Multitude thair awin Landis micht nocht Suffice thame, quhairfoir thair duelt mony in Athoill.

That tyme the Pechtis, as my author menit, 21,215
Sa mony war tha micht nocht be sustenit
In Othylyn and in Orestia,
In Ernywall and into Gowria;
Quhairfoir that tyme wes grantit thame to duell,
Alhaill the landis callit is Athoile. 21,220
Ane lang quhill thair than that tha did remane,
Quhill conqueist wes thair awin landis agane,
The quhilk that lay besouth the watter of Forth,
Sua lang tha duelt that tyme into the north.

Lib.7, f.105 b. How Victoryne gart mend the Wall fra Abircorne to Clyde.

In that same tyme, as ze sall winderstand,
This Victoria hes giffin strait command,
Without delay no langar to abyde,
The wall wes biggit to the mouth of Clyde
Fra Abircorne richt sone for to compleit,
In euerie place quhair faltis war to beit,
21,230

Fra Scot and Pecht the Britis to defend,
Richt sone efter thair purpois tha pretend.
Syne craftismen for to compleit that wall,
In sindrie pairtis semlit hes thame all,
And stankis kest that war baith wyde and
deip,
And men of weir the craftismen to keip,
Fra Scot and Pecht that thai sould tak na skayth.

Bot sone efter, of Scot and Pechtis baith,

How the Scottis slew all thame that war set to big this Wall, and all thame that war put thair to keip thame.

Ane multitude convenit in the tyme, With thair chiftane the quhilk wes callit Gryme, 21,240 And suddantlie, as my author me schew, Thair craftismen and all the laif tha slew. Syne in the bound that war neirhand by, Tha raisit fyre with mony schout and cry; Greit spulze maid ouir all baith far and neir 21,245 Of men and beist, that wounder wes to heir; Brocht hame with thame so greit ane multitude Off gold and siluer and of other gude. This nobill Grym, of quhome befoir I spak, As that my author dois me mentioun mak, 21,250 Borne that he wes ane man of Dacia, Of Algone als wes his familia, Ane Scot, quhilk wes borne of the royall blude, His father wes, quhilk wes ane man of gude, And his mother are greit nobill alsua, 21,255 Ane lordis dochter wes in Dania; And he himself, as ze sall winderstand, Had to his wyfe ane ladie of that land, Quhilk buir to him ane virgin amorus, That quene wes than to this ilk king Fergus; 21,200 Quhilk buir to him, as my author did sa,
Or he and scho come furth of Dania,
Thre 3 oung sonnis richt plesand and preclair.
The eldest sone and his apperand air,
Callit he wes to name Eugenius,
The thrid Constant, and the secund Dongarus:
Of thair deidis efter, be Goddis grace,
I sall schow 3 ow quhen I haif tyme and place.

How the Scottis that war dispersit in sindrie Landis, heirand of King Fergus, come Hame all agane in Scotland.

In this same tyme that I haif schawin heir, Fra sindrie landis ouir all far and neir, 21,270 As Spanze, Spruiss, and eik Germania, Fra Ytalie and Portingalia, Richt mony Scot herand of Fergus fame, In Albione to Fergus than come hame In his support, and for to mak supple Col. 2. 21,275 For to reskew thair land and libertie, Quhilk fra thair fatheris reft wes of befoir; All in ane will at that tyme les and moir, In his querrell baith for to leve and de, And of the Romanis to revengit be. 21,280

> How Fergus ressauit all the Scottis thankfullie that come Hame agane.

Of thair cuming so hie his curage rais,
For to revenge him that tyme of his fais,
Sone efter that he hes send one ane da,
Ane greit armie into Saluria,
Quhilk enterit in with greit anger and yre
Amang the Britis, baith with blude and fyre.

¹ In MS. Tristant.

The Romanis than, that knew thair cuming weill, Ane greit power, in planeplait of steill, Gaif thame battell richt pertlie on ane plane; On euerilk syde thair wes richt mony slane. 21,290 Sa lang tha faucht thir worthie men and wycht, But victorie quaill twynnit thame the nycht, In that semblic so mony than wes slane, That euerie syde refusit to fecht agane. That samin nicht, als far as tha micht wyn, 21,295 Ilkone fra vther drawin hes in twyn. Syne on the morne, richt sone or it wes da, Baith Scot and Pecht hes left Saluria, And in that boundis wald na langar byde, Or dreid the Romanis on the vther syde, 21,300 Thair power dalie sould grow and incres, And thairis ay be menist and maid les; And of the zeir it wes so lait also, Quhill efterwart that wynter wer ago, This king Fergus and all his men ilkone, 21,305 The narrest way to Argatill ar gone, At his plesour thair to remane and byde, Quhill efterwart into the symmer tyde, That men for cald micht walk vpone the plane, And ganand tyme for to mak weir agane. 21,310

How this Fergus and all his Lordis the nixt Symmer held ane Counsall in Argatilium.

In symmer syne, quhen euerie schaw wes schene,
And euerie garth with gerss wes growand grene,
The Scottis lordis than baith ald and zing,
In Argatill befoir Fergus thair king,
To ane counsall convenit thair full sone,
21,315
For to devyss quhat best war to be done.
In that counsall thair wes among the laif
Richt mony man that for best counsall gaif,

¹ Sic in MS. fra?

With Victoryn that tyme quhair that he la,
With all his power into Galdia,
But ony proces pertlie to persew
In plane battell thair strenthis of the new;
For to reskew agane out of his handis,
That wrangaslie he held fra thame, thair landis;
And tak the chance that God wald send thame
till,

Lib.7, f.106. Col. 1.

Quhat euir it war than other gude or ill. And other sum, that better winderstude, Said to the king that counsall wes nocht gude; Thinkand it was ouir perelous to preve, Without wisdome in sic ane louss beleve, 21,330 The commoun weill to put in jeopardie, All on ane da it war ane greit folie; Sum other way moir wyslie for to wirk With countering and carmuische thame to irk; Baith nicht and da to hald thame euir on steir, 21,335 With sic wisdome to put thame ay in weir, Quhill efterwart that [tha] thair tyme micht se, Quhen euir it war so hapnit for to be; Quhilk wald be sone tha said, as that presume Sa mony than rebellit agane Rome, 21,340 In euirilk land lyand neirhand than by. Tha wist richt weill that Victoryn for-thi, Sone efterwart of sic weiris sould ceis, And be content to bruke Britane in peice: Than micht thai weill at thair plesour but pane, 21,345 Thair richtis all for to reskew agane. The counsall all thocht than that that wes best; Than suddantly devysit wes and drest Ane greit power in haist for to provyde, Of men of weir vpoune the bordour syde, 21,350 For to debait the bound tha war in, And preis na forder at that tyme to win. And thus the wrocht are lang tyme of the zeir, Quhill efterwart hapnit as 3e sall heir.

How Victoryn thocht to haif fled quietlie of Britane, heirand the Emprioure [wes] displesit at him; and syne, throw Counsall of his Freindis, was crownit in Lundoun, callit him selff the Emprioure of Britane.

To Victoryn wes schawin be ane man, 21,355 Honorius that emprioure wes than, By wrang rehers held him than rycht suspect. Dreidand it sould sone follow in effect, He schupe richt sone, gif na better mycht be, Out of Britane richt quyetlie to fle, 21,360 To saue him self wnto ane better tyme, Or dreid he war accusit of that cryme. And sum to quhome his counsall that he schew, Him counsall gaif richt sone for to persew The haill impure of Britane for to bruke. 21,365 At thair counsall richt sone on him he tuke The purpure habite that tyme with honour, In Lundoun toun that tyme gart croun him emprioure.

How Heraclius wes send in Britane be Honorius, and how the Romanis, heirand of his cuming, tuke Victoryn and deliuerit him bund to Heraclian.

Honorius, of this quhen he hard tell,
How Victoryn in Britane did rebell,
Ane man of gude, callit Heraclian,
With greit power he send into Britane.
The Romanis all in Britane les and moir,
That fortifeit this Victoryn befoir,
Greit terrour tuke of this Heraclian,
Thinkand he wes so fortunit ane man.

And to vmschew Heraclianus schoir,

Col. 2. Agane the faitht that tha had maid befoir,
This Victoryn tha tuke richt sone in handis,
And all the laif fast bundin into bandis,
War principall that tyme the leist ane man,
Deliuerit thame syne to Heraclian.
And he thame send sone efter that to Rome,
In capitall quhair that tha sufferit dome;
All to the deid wantit thair heidis syne;

21,385

So wes the end of this ilk Victoryne.

HOW HERACLIAN PASSIT HAME AGANE.

Sone efterwart, as my author did sa, Heraclian he passit hame his wa To Rome agane, and left into Britane Ane Planetius, quhilk wes ane rycht soft man, 21,390 Without ingyne or jeopardie in weir; Of sic prattik that tyme he wes to leir; Illiberall, and right semdell wes trew. This king Fergus, that his conditionis knew, Thinkand for him that tyme wes oportune, 21,395 Ane multitude convenit hes gart sone, Of mony berne that worthie war and wicht, Buskit for battell than in armour bricht. The king of Pechtis that tyme, that Drustus hecht, With mony freik he fuir with him to feeht, 21,400 And sone the enterit into Saluria With fyre and blude, and als in Galdia. Thair wes na Brit befoir thame thair tha fand, No zit Romane, other be se or land, Baith zoung and ald, of hie or law degrie, 21,405 Without debait the maid theme all to de. Syne in Pechtland and eik Dyeria, In Vicomage and Ordulucia,

Lib.7, f.106 b. Col. 1.

In their rancour among the Romanis raid;
With fyre and blude so grit distructious maid 21,410
Of men and beist, of corne, cattell and stoir,
Was neuir sene siclike 3it of befoir.

How Fergus wan Planctius in Feild, and chaissit him to Eborac that Tyme.

This Planctius, quhen he hard this wes done, With greit power than hes he sped him some Into Pechtland, with mony nobill man; 21,415 Ane bitter battell thairwith sone began. This king Fergus with mony cruell knicht, And king of Pechtis with mony worthie wicht, In curage cleir richt manlie hes thame met; With brandis bricht vpone thair basnetis bet 21,420 Thir bernis bald with mony bitter blaw. The fedderit flanis in the feild that flaw, Als fers as fyre out of the flynt dois found, Quhilk wrocht the Romanes mony werkand wound, Throw birny bright and habirschone of maill,

Throw birny bricht and habirschone of maill,

The fitmen all into the feild gart faill.

The micht nocht weill sustene agane their force,

Bot drew abak behind the bardit hors.

Than all the strenth and haill force of the feild

With speir and lance, with scharpe sword and

21,430

with scheild,

The bardit horss assailzeit all atonis,
Quhair mekle blude, and mony brokin bonis,
And mony steid la stickit in the feild,
And mony knicht full cald wnder his scheild.
So mony duchtie thair wer maid to die,
21,435
That force it wes the Romanis for till fle,
And leif the feild, thocht tha war rycht vnfane;
Fleand that da war mony of thame slane.

This Planctius, as my author did sa,

To Eborac with few he fled awa;

But skarslie als he chaipit wth his lyfe,

He wes so straitlie sted into that stryffe.

How Fergus gart diuyde the Spulze of the Feld.

This king Fergus, the spulze of the feild, Baith bow and brand, coit armour, targe and scheild, Richt equallie amang the men of weir, 21,445 Distribute hes with horss, harnes and geir. This Planetius, quhilk preuit had the pith Of Scot and Pecht, and manlines thairwith, The quhilk on force had maid him for to faill, Wittand so weill that he micht nocht prevaill 21,450 Agane the power that wes of sic pryss, And greit folie to set on synk and syss The grit honour befoir the Romanis wan, Dreidand also the tynsall of Britane, Als in that tyme with trew men he hard tell, 21,455 Agane the Romanis sa mony did rebell, In sindrie land with greit power and pryde, In eueric part ouir all the warld wyde.

How Planct[1]US SEND ANE HERALD TO FERGUS FOR PEAX.

And for that caus he stude into greit dout,
For to mak weir with his nichtbouris about.

And to compleit the purpois he pretend,
Richt suddantlie ane herald he hes send
To king Fergus, to treit with him for peice,
And king of Pechtis, to gar thair weiris ceis:
That tyme betuix thame lang trewis to tak,
With quhat conditioun that the pleis to mak.

On this conditioun than the peice wes maid, With mony band and seillis that war braid: That is to say, baitht Scot and Pecht sal haue, Without cummer in ony thing to craue, 21,470 The landis all that time baith les and moir, That their fatheris lang bruikit of befoir, Of thair ald termes for to be content, Gif plesit thame thairfill to gif consent, And clame na thing within the Britis landis. 21,475 Of that conditions bund war than the bandis, Confirmand peice withoutin ony stryfe, Betuix thame all for termis of thair lyfe. Peice beand maid, as I have said zow heir, Quhilk lestit efter lang and mony zeir, 21,480 Thir kingis baith hes i done all that tha mycht, With diligence and travell da and nycht, For to reforme 2 all faltis maid befoir, And thair kinrikis agane for to decoir With luif and lautie, libertie and law, 21,485 And put thame out of bondage and ouirthraw, And servitude that the war in right lang, Be the Romanis that wrocht thame mekle wrang. Tha war all maid agane for to leve frie, To vse thair law and thair awin libertie. 21,490

How Fergus diuydit Scotland the Secund Tyme, gevand ilk Regioun ane new Name.

Col. 2.

Quhen this was done, and tha war brocht to peice In Albione, and all the weiris ceis, This king Fergus, that tyme I wnderstand, The secund tyme diuydit hes Scotland.

To euerie man he hes gevin ane daill 21,495 Efter his deidis as he wes of availl;

¹ In MS. had. | ² In MS. reformis.

And changit all the namis les and moir
Wes gevin thame be first Fergus befoir;
And euerie land, as my author did sa,
Gaif it the name that it hes this same da;
Sum efter flude, sum efter montane hie,
Sum efter men for thair nobilitie.
The eausis quhy ar langsum to reherss,
And tydeous this tyme to put in verss;
Quhairof thairof as now I hald me still,
And forder moir of Fergus speik I will.

How Fergus reformit the Kirk off Christ.

As he wes flour and cheif of cheualrie, Sielike he wes in religiositie. The kirkmen als that flemit war befoir, Baith preist and prelat, monkis les and moir, 21,510 Brocht hame agane with laud and dignitie, With honour, reuerence and benignitie; Ressauyng thame with countenance bening, With fair ealling and hamelie cheresing. Syne plesand places gart for thame provyde, 21,515 Quhair tha at plesour micht remane and byde, Godis seruice thairfoir to say and sing: That neidfull war that wantit thair nothing, At thair lyking, with greit larges and luke. And the agane the pepill till instruct 21,520 The faith of Crist and halie kirk to knaw, And for to keip commandis of the law, And idolrie for to abhor alhaill. Into the tyme, that that sould no tyme faill, In Iona Yle, of quhome befoir I spak, 21,525 Ane fair abbay of black monkis did mak, And biggit hes richt mony plesand eell Within dortour quhairat the sould dwell. All vther houssis that war necessair, He hes gart big right plesand and preclair. 21,530

That plesand place sync poleist hes within
With chaleis, crowat of siluer and tyn,
And vestimentis of siluer claith and silk,
Sum reid, sum grene, sum quhit as ony milk.
And in that place the kingis sepultuir,
He ordand hes with diligence and cuir;
And so it wes richt lang and mony da,
And zit is sene the places quhair tha la.

How Fergus biggit the Strenthtis agane.

The strenthis all, baith castell, tour and toun, Lib. 7, f. 107. Distroyit war befoir and cassin down, 21,540 Col. 1. He hes gart big far strenthear agane; And dalie waigeouris thairin to remane, Off his awin coist thair to remane and byde, Into the strenthis on the bordour syde, Neirby the bound of the Britis la. 21,545 Ane better king nor he, I dar weill sa, I can nocht find in na storie I reid, Qubilk previt alway right weill by his deid. Now will I pas of him into this place, And of the Romanes speik ane litill space. 21,550

HOW WALENTENIANUS SUCCEDIT TO HONORIUS THE EMPRIOURE, QUHILK SEND ANE LEGAT IN BRITANE EFTER THE DEITH OF PLANCTIUS WAS CALLIT CASTIUS.

Honorius of Rome the emprioure,
That tyme with seiknes staid wes in ane stour,
Aganes quhome he had no strenth to stryfe,
Bot tuke his leif out of this present lyfe.
His sister sone, hecht Walantenian,
21,555
Plesand and proude, and ane rycht fordwart man,

Quhilk wes the sone of Theodoc[i]us, And lauchfull air to this Honorius, Into his place efter that he wes deid, As emprioure succedit in his steid. 21,560 This Planctius, of quhome befoir I tald, Throw sair seiknes that tyme as weirdis wald, Set him so soir that he micht nocht ouirset, To God and nature quaill he payit his det. Ane Castius, efter that he wes deid, 21,565 To gyde the Romanes enterit in his steid, Into Britane that thai suld nocht rebell. This king Fergus, thairof guhen he hard tell. And Drustus king of Pechtis to for-thi, Sayand the tyme of peice wes passit by 21,570 That the had maid with Planet[i]us of befoir, Sen he wes deid than it suld lest no moir. Thairfoir tha said that tha wald nocht forga All Cummerland and als Westmawria, The quhilk thair fatheris bruikit of befoir; 21,575 Without the Romanis wald to thame restoir. Declarit thame that the sould haif no peice, Quhill that war done fra battell suld nocht ceis.

How the King of Scottis and the King of Pechtis hereit all Westmurland

And for that caus with [all] power and mycht
Of Scot and Pecht richt mony worthie wicht,
Thir tua kingis, sone efter on ane da,
Greit heirschip maid ouir all Westmaria.
In that land wes nother ill nor gude,
That ony sparit for to spill his blude;
3 oung or ald, other barne or wyffe,
Withoutin reuth tha reft fra thame thair lyffe.
Col. 2. Wes neuir hard, nother be land nor se,
In no weiris so greit crudelitie

Of reif and raip, of blude and als of fyre; Tha war so full of malice and of yre, Tha sparit nothing in thair gait tha fand, In Cumbria and als in Westmureland.

21,590

How the Romane Legat send and Herald to thir Kingis.

The word of this to Castius is went, Quhairof that tyme he wes nothing content. His levir wes for to haif peice nor weir, 21,595 For of ane thing he tuke so greit ane feir; The quhilk sone followit efter in effect, Or ever he wist it straik him in the neck. Full soir he dred than Deonethus, Quhilk wes the sone of the last Octaueus, 21,600 Off Britane king, befoir as ze micht heir, Deceissit wes into that samin zeir. This Castius richt soir thairfoir he dred, For Deonethus to his wyffe than hed King Fergus sister, that schort quhile of befoir 21,605 He weddit hes with grit honour and gloir, The quhilk he louit alway with his hart; Thairfoir he dred that he sould tak his part. Thairfoir ane herald sone to him he send, Commandand him of the boundis to wend, 21,610 Puttand till him than silence for to ceiss, Gif he desyris of him to haif peice; And wald he nocht, he promist him rycht sone He sould forthink the thing that he had done. Remember him how lang befoir tha war 21,615 Fra Albione maid exull bene so far; And how the Pechtis, for thair ingratitude, War put in bondage and vile seruitude. VOL. II. \mathbf{D}

Richt so, he said, with thame it sould be done,
And tha agane maid nocht amendis sone.

Quhen this was said befoir thame that wes thair,
Amang thame all wes nother les nor mair,
Quhen tha hard speik of sic vile seruitude,
All with ane schout than schortlie tha conclude
With the Romanis no way for to mak peice:

21,625
Fra fyre and blude sayand tha suld nocht ceis,
Quhill that he suld resigne in to thair hand
All Cumbria, and also Westmureland,
In peice to bruke but ony boist or schoir,
As that thair eldaris vsit of befoir.

21,630

HOW THE LEGAT MAID PROUISIOUN FOR BATTELL, AND HOW IN THE SAME TYME WAS SCHAWIN HIM THAT DIONET WITH MONY BRITIS WAS PASSIT TO SUPPLE THE SCOTTIS.

Commouit wes als hett as ony fyre. Savand, richt sone he suld revengit be Of that injure, or mony are sould die. With all the power that tyme that he hed, 21,635 Richt spedelie on to thame he him sped, Lib.7,f.107b. Him to revenge of that injure and cryme, Col. 1. Richt suddantlie, and schew him in that tyme How Diconet the lord of Cambria, Quhomeof schort quhile befoir ze hard me sa, 21,640 The eldest sone of king Octaneus, That weddit [had] the sister of Fergus, With all the power he might be that da, Of Cambriens and of Icinia, Baith ill and gude that tyme that he mycht be, 21,645 Come to king Fergus for to mak supple.

This Castius, guhen he hard thair desyre,

How Fergus, the King of Scottis, faucht with Castius the Legat, and wan the Felld, and chaissit this Legat callit Castius.

This Castius thairof he tuke greit cuir; With sic prouisioun fordwart ay he fuir, Withoutin tarie other da or nicht, Qualified Quality Quality Quality and the come into his fais sicht 21,650 Quhair that king Fergus with his grit ost la, And king of Pechtis in Westmaria, And Dionethus come in thair supple, In the best ordour that tyme that the mycht be. Ane quhile tha stude arrayit all at rycht, 21,655 On euirilk syde ilkone in otheris sicht; The bowmen bald syne enterit in the feild, Thair scharpe schutting hes persit mony scheild. The fedderit flanis in the feild that flew, Throw birneis bricht richt mekill blude tha 21,660

The lansis and grit speiris with [thair] force, Maid sic ane brusche vpone the bardit horss, Quhill speiris brak and all thair scheildis claif, Birneis did brek and all in pecis raif. Steidis la stickit stark deid on the grund, 21,665 And mony knicht, with wyde and werkand wound, In that counter lay cald vnder his scheild, And mony freik wes fellit in the feild, Throw force that da that rais neuir vp agane; On euirilk syde richt mony man wes slane. That stour it wox baith stalwart, stif, and strang, But victorie of ony part richt lang; This king Fergus thairto that did intend, Than suddantlie of euerie wing he send Lycht lyuer men to cirkill thame about, 21,675 Syne haistelie set on thame with ane schout

Col. 2.

Or cuir tha wist baldlie behind thair bak, Quhilk causit thame greit terrour for to tak. This Castins thairof wes soir adred; For feir of thame out of the feild he fled. 21,680 Of his fleing the laif wes so agast, Out of the feild that followit all rycht fast. The tother syde quhen that the saw thame fle, Troward that war in sic securitie. Throw victorie tha wan into that place, 21,685 Withoutin ordour pairt followit on the chace; Als mekle skaith gat in that chace agane, As the did than and had als mony slane. Ane vther part, that keipit ordour still, Did mekill skaith and gat bot litill ill; 21,690 Of the Romanis and Britis that war bald, Tha tuke and slew also mony as tha wald. Syne all the spulzic in the feild that la, This king Fergus vpone the tother da, To Scot and Pecht, and Cambriens that tyde, 21,695 Richt equallie amang thame gart dinyde.

How Castius efter the Feild fled, and syne efter he was passit the Britis crownit Deonethus King of Britane.

This Castius to Kent that tyme he fled,
With sa few folk thair levand that he hed,
Out of the feild passit with him awa;
Syne Cumbirland and all Westmawria,
He left thame than into thair fais hand,
Without defens vther be se or land,
Or zit supple, fra tyme that he wes gane,
Do as tha wald of him tha wald get nane.
Syne efter this incontinent wes done,
This Dionet thai haif set in ane trone,
In purpure cled and diademe conding,
And crownit him of Britane to be king.

Syne tuke the feild with mekle boist and schoir, With Scot and Pecht, the langar ay the moir; 21,710 Agane the Romanis than tha dalie wrocht, With fyre and blude, all the injure tha mocht; Quhilk put thame all in sic penuritie, With haill purpois out of Britane to fle, Seand thair fortoun maid sua oft to faill, 21,715 Without beleif agane for to prevaill. So sould haif bene, as apperis to me, War nocht the sonner that tha gat supple.

How Etheus, the Romane Legat in Gallia, send ane greit Man of Gude into Britane callit Maximian, to supple the Romanis war thair.

Ane greit Roman wes callit Etheus, In Gallia, my author tellis thus, 21,720 That all Romanis that da that levand war, In worthines precellit than right far, For to supple the Romanes in Britane, Ane man of gude callit Maximian, That cousing wes als to the emprioure, 21,725 Into his tyme that wan so grit honour, With greit power to thame right sone he send, To fortifie thair richtis and defend. The Britis all, that tuke the Romanis part, Richt blyth thai war that tyme in to thair 21,730 hart. Quhen tha hard tell of this Maximian, With sic power wes cuming in Britane. On fot and horss with greit solempnitie, Tha met him all as he come fra the se; Oft thankand him that cuming wes thame till, Sayand, tha sould with hartlie mynd and will With him ay wend quhair that he wald alway, For his plesour in all thing that the may,

Lib.7, f.108. Col. 1. And to be traist to him in eueric steid, And tak his part baith into lyffe and deid. He thankit thame richt curtaslie agane; Sayand, he wald for thair plesour be fane Thame for to pleis with all power he ma, At thair plesour other be nicht or da.

21,740

HOW MAXIMIAN PROCLAMIT THAT EUERIE MAN SOULD BE REDDIE AT SET DA AND PLACE, AND SYNE WITH ALL HIS ARMIE COME TO EBORAC.

Sone efter that, this ilk Maximiane 21,745 Proclamit hes that tyme ouir all Britane, That euerie man within the tuentie da, Suld reddie be to wend with him alwa. And so thair [war] within the tuentic nicht, Off Britis bald and mony Romane knicht, 21,750 And mony vther out of Gallia, And feill folk als out of Germania, Sic multitude other with les or mcir, In Albione wes neuir sene befoir. To Eborae he passit on ane da; 21,755 Syne efter that onto Westmawria, Quhair king Fergus and Drustus in that tyde, And Dionet togidder all did byde; All in ane will and purpois the pretend, Fra all injure the landis to defend. 21,760 With Dionet thair come that samin da, Itiniens¹ and men of Cambria; Tha followit him with gude will and fre hart, In all Britane wes na mo tuke his part.

¹ In MS. Contynyens.

How the Romanis and the Albionis come in Sight of other.

Syne on ane da, ane litill forrow licht,

Ilkone of vther cuming ar in sicht;

Vnder ane bank besyde the bentis broun,

Vpoun ane plane plantit thair palzeonis doun.

On euerie syde stark watchis maid that nicht,

Quhill on the morne that it wes fair da licht,

In gude ordour syne passit till array,

In that intent sone vther till assay.

HOW KING FERGUS MAID HIS ORESOUN.

I list nocht now to zow this tyme rehers, So langsum war to me to put in verss, Of king Fergus the grit persuasioun, 21,775 He maid that tyme, and eik his oresoun, Vnto his men so ornatlie he spak, Quhilk causit thame all curage for to tak. The tyme is schort, I may nocht lang dwell In sie talking; thairfoir I will nocht tell 21,780 His oresoun, nor put it in memorie, Ilk word by word contenit in the storie. Bot of ane thing that I dar wndertak; So plesandlie to thame that tyme he spak, Tha war content alway to wirk his will, 21,785 Quhat euir it wes than other gude or ill.

HEIR FOLLOWIS THE GREIT BATTELL BETUIX Col. 2. MAXIMIAN AND FERGUS, KING OF SCOTTIS.

The lawe siclyke wald nothing pretermit; Than to the feild tha fuir all fit for fit, In gude ordoure arrayit all at richt,

With baneris braid browdin with gold full 21,790 brycht, Fra Phebus face that flamit as the fyre, And staitlie standertis wroch[t] all with gold wyre. In curage cleir like till ane bureall brycht, As ony lamp tha lemit all of lycht. The Romanis rayit on the tother syde, 21,795 With standartis waifand with the wynd full wyde, And baneris bricht as ony buriall stone, Agane the schynyng of the sone that schone, In coit armour of birneist gold so bright, With rubeis reid and dyamontis weill dicht; 21,800 Thair basnetis bricht as ony siluer schone, Of poleist perle and mony precious stone. Ane fairrar sicht befoir wes neuir sene Of Adamis seid, nor zit sensyne hes bene. The buglis blastis maid sic ane busteous beir, 21,805 And hornis als that hiddeous war till heir, As hevin and erth that tyme had gane togidder, Quhilk causit mony for to sueit and swidder.

The trumpetis blew with sic ane awfull sound,

The buglis blast reboundit fra the bruke; So awful rumour, and so rude ane reird, Wes neuir hard with no man in this crd.

Quhill that their blast gart all the erth rebound; 21,810 The schalmis schouttit quhill all the schawis schuke,

How King Fergus Bowmen enterit in the Feild.

The bownen big, with bent bowis in hand, 21,815
Befoir king Fergus in the feild did stand.
Of fedderit flanis into randoun richt,
Fra thame thair flew richt mony felloun flycht,

Als ferce as fyre out of the flynt dois fair,
And thik as snaw that flew in to the air; 21,820
Evin lyke ane cloude adumbrit all the lycht,
So thik tha flew into ane randoun richt,
Into the air makand ane awfull sound,
And ferce as fyreflaucht throw the feild did sound,
Throw all thair weid tha wrocht thame woundis 21,825
wyde.

That bikker wes so awfull till abyde,
Into the feild the Romanes that faucht first,
Tha gart the blude out-throw thair birneis brist;
And skaillit mailzeis in the feild full wyde,
For all thair pryiss tha parit of thair pryde. 21,830
And had nocht bene tha gat sonner reskew,
Gif it be suith that my author me schew,
Tha had forthought that da that tha come thair,
That schutting wes to thame so scharpe and sair.

How the Romanis had bene distroyit had nocht the Legat soner send Supple.

21,835 Lib.7,f.108b. Col. 1. Maximiane, thairto quhen he tuke heid, Ane new battell buskit in weirlike weid, In thair supple, with all the haist he ma, He send to thame faucht nocht befoir that da. Thir bernis bald that stalwart war and strang, The enterit sone into the thickest thrang; 21,840 At thair cuming wes sic ane counter maid, That mony berne bled of his blude full braid; And mony schouder schorne out throw the scheild, And mony freik als fellit in the feild; And mony proude man laid vpoun the plane, 21,845 Sum ill woundit, and vther sum than slane. Richt lang thai faucht with egir will in hart, Quhill that the Romanis had the fairast part,

¹ In MS. abumbrit.

In MS. Thair.

Persand the feild quhairat the ordour brak,
And enterit syne behind king Fergus bak
Quhair that he faucht, and king Drustus also;
Richt haistelie withoutin ony ho,
Tha cirklit thame richt suddantlie about,
In that beleif that thai suld nocht wyn out.

How thir Tua Kingis renewit the Feild agane, and how gude Fergus wes slane.

Thir tua kingis, quhair tha faucht in the feild, Richt haistelie guhen tha sic thingis beheld, Wittand so weill that na better micht be Into that tyme bot other do or de; And weill tha wist that thair wes no remeid, And, for to be revengit of thair deid, 21,860 The battell baldlie did agane renew, And of the Romanes mony that tyme slew. Suppois thai war baith stalwart, stout and stuir, it neuirtheles the micht nocht ay induir Into that stour feehtand so strang tha stude; 21,865 The Romanis als wes of sic multitude, And in ane cirkill closit thame about, That be no way tha micht that tyme wyn out, And with the Romanes the wald nocht be tane, Quhairfoir tha faucht to deid that da ilkane. Thair deid that da it wes full deirlie sauld, Gif it be trew that my author me tald. Suppois the Scottis that da typt the feild, For tua of thame thair wes thre Romanis keild. The laue of thame, richt sone and suddantlie, Quhair that that faucht in other feild by, Into the tyme that were so soir added, Out of the feild richt fast away tha fled. The Romanis follouit right fast vpone the chace With grit slauchter in mony sindrie place, 21,880

All da to end als lang as the had licht, And ceissit nocht quaill twynnit thame the nycht. To Scot and Pecht that wes ane cairfull feild, Thair kingis baith that samin da war keild; The maist pairt thair of thair lordis all, 21,885 Into that feild wer maid that da to fall; And all the laif syne, throw that greit mischeif, That samin tyme wer put in sic beleif, Quhen euir the Romanis plesit thame invaid, Fra Albione all exull to be maid. 21,890 This was the end of gude Fergus the king, The saxtene zeir than efter of his ring. This Dionet, into that samin da, Col. 2. Out of the feild with few men fled awa; Vnto the se, the quhilk wes neir hand by, 21,895 Richt haistelie that tyme he did him hy; Into ane schip, as my author did sa, Sone efter that passit in Cambria.¹

HOW MAXIMIAN, EFTER THE FEILD, BRINT ALL PECHTLAND AND GALDIA.

Maximiane, or he wald stanche of yre, All Galdia he hes brint in ane fyre; 21,900 All Pechtland als, and eik Dieria, All Wicomage and Ordolucia, And slew thairin alhaill baith wyffe and man. Camelidone he seigit syne and wan; Baith zoung and ald that he fand in that steid, 21,905 Without petie gart put thame all to deid; Baith Scot and Pecht compellit to the North, Without fauour, bezond the watter of Forth, And gart thame sucir thair ay to remane, And neuir mair for to persew agane, 21,910 By right or clame ather by night or da, To ony land besouth ald Forth that la.

¹ In MS. Cumbria.

Col. 1.

Of the Britis thair wes richt mony than, Sic counsall gaif to this Maximiane, Baith Scot and Pecht alhaill for to distroy, 21,915 Or the Romanis withoutin sturt or nov In Albione sould be bot rycht schort quhile, Quhill that war done, or than all maid exyle, In 1 vther landis suddantlie to fle Fra Albione right far without pitie. 21,920

HOW MAXIMIAN ABSTENIT FRA WEIR WYNTER WES DONE.

Maximiane, becaus he saw appeir Sic ill weddar and winter als draw neir, With frost and snaw, with greit wyndis and rane, That nane for cald mich[t] walk vpone the plane; And Scot and Pecht that weill thame self culd 21,925 keip

In montanis hie, and mossis cald and weit, Fra him all tyme withoutin ony skaith, He knew that weill of Scot and Pechtis baith. And for that caus quhill gone wes wynd and rane, Postponit all qualil symmer come agane. 21,930

How Licens come fra Rome, schawand Maxi-MIAN HOW SA MONY REBELLIT AGAINE ROME, MAXIMIAN QUHAIRFOIR THIS GART HIM SELF EMPRIOURE OF BRITANE.

In Aprile quhen lenthit wes the da, His purpois wes to pas in Cambria, With all power befoir as ze hard tell On Deaneth aganis him did rebell. Lib. 7, f. 109. Him for to dant his purpois wes alhaill, 21,935 Syne of that purpois he wes maid to faill. Ane freind of his come furtht of Rome and schew, Ouir all the warld sa mony of the new

Agane the Romainis, ze sall wnderstand, Rebellit had in mony sindrie land, 21,940 And euerie Romane that tyme mair and myn, Held to him self all landis he micht wyn. Ane Beneface that tyme wes callit sua, Rebellit had than ouir all Affrica, And tua legatis of Walantinian 21,945 Thair he had slane and mony vther man. Siclike that tyme the letteris to him shew, In Gallia wes cumin of the new The Frenschemen, and tane at thair awin hand Of Orliance and Pareis all the land, 21,950 And fixit thair thair settis to remane, In that belief neuir to remoif agane; And pleneist had, withoutin ony pley, Fra Rynis mouth to the mont of Peroney, Alhaill tha landis at thair awin lyking, 21,955 Syne crownit has an of tham to be king. Maximian, fra he tha letters red, His freind fra Rome to him that tyme send hed, With his counsall in quhome he did confyde, Thinkand he wald than for him self prouyde, 21,960 And hald the honour to him self he wan, As emprioure than for to bruik Britane. And or he wald to that purpois proceid, In gud[e] belief the better for to speid, Thinkand that tyme he wald obeyit be 21,965 With the Britis be sum affinitie, Be ony way gif he micht win thair hart, To that purpois that the sould tak his part.

How Maximian weddit the 30ungest Dochter of Deonetus, quillk was callit Otilia.

This Dioneth, of quhome befoir I spak,
As that my author did me mentioun mak,
21,970

Tua dochteris had and childer than no mo; Otilia, the zoungest of tha tuo, The lustiest that levand wes on lyfe, Maximiane hes weddit till his wyfe. The eldest sister, as my author sais, 21,975 Hecht Vrsola, the quhilk in all hir dais Ay leuit clene in puir virginitie, And for the faith ane martyr maid to be, As I sall schaw to zow with Goddis grace, Sone efter heir at ganand tyme and place. 21,980 Maximian, throw that affinitie, With all the Britis louit weill wes he; And Deoneth of most honour was than, In all Britain nixt this Maximian. And thus the hartis he has conqueist all, Of all the Britis that tyme bayth grit and small. Heir will I mak ane paus into this place, And of the Scottis speik I will are space.

HEIR FOLLOWIS THE CROWNYNG OF EWGENIUS, THE SONE OF FERGUS, QUHILK WES ANE NOBILL KING ALL HIS TYME, AND SONE EFTER SUBDEWIT THE BRITIS.

Efter the deith of king Fergus schort quhile, Col. 2. The Scottis all forgadderit in Argyle, 21,990 And crownit hes Eugenius to be king, Gude Fergus sone that wes baith fair and zing; Prayand to God that tyme baith are and all, Sic fair fortoun and grace sould him befall, And wisdome als, that he might worthing be 21,995 To keip thair land in law and libertie. Ewgenius, the first zeir of his ring, Within schort quhile efter he wes maid king, His fatheris cors he hes tane vp agane, Neirby the feild befoir quhair he wes slane, 22,000

¹ In MS. his.

Quhair he wes bureit in ane prevat place; Syne efterwart within ane litill space To Iona Yle with mekle pomp and pryde, With laud and gloir gart it convoy and gyde, And sesit him thair in to sepulture, 22,005 With all renerence takand of him greit cuir; And stablit him into the samin steid, Quhair he dewysit lang befoir his deid, Into the abbay of Ecolumkill; Richt weill he wist that wes his fatheris will. 22,010 Syne ordand service thair to sing and sa Solempnitlie qubill on the auchtane da, The sevin psalmis thairfoir to sing and reid, With latony, placebo, and the creid; And euerie da ane mes for to be sung 22,015 Solempnitlie, and all the bellis rung. Syne fra that furth with honour, laud and gloir, The kingis all, till king Maleum Canmoir, Wer bureit thair with greit solempnitie, Quhair takynis zit remanis for to se. 22,020

How Eugenius gatherit and Armie for to reskew his Landis out of the Romanis Handis, and Quhen his Power was ouir small he skaillit thame agane.

This being done as 3e haif hard me sa,
Eugenius, sone efter on ane da,
In that belief for to reskew his landis
On southwart Forth out of the Romanis handis,
Hes gart proclame than with ane voce full cleir, 22,025
That euerie man wer passit saxtene 3eir,
And within saxtie, that might harnes weir,
Suld reddie be weill graithit in his geir,
Furneist richt weill for all thing fourtie dais,
To wend with him quhair euir he wald alwais. 22,030

And so thai did, as my author did sa,
Convenit all at ane set place and da.
Quhen tha come thair all and thair misteris schew,
Wyiss men of weir that all sic thingis knew,
Quhen tha had sene thair ordour ane and aw, 22,035
Tha thocht thair power wes that tyme ouir smaw,
Agane the Romanis for to mak stryfe or weir,
Quhomeof that tyme that all the warld tuke feir,
Tha gaif counsall so to pas hame awa,
And to defer all wnto ane other da, 22,040
Quhill that they saw thair tyme mair oportune;
And so thai did, as my author said, richt sone.

Lib.7,f.109b. Onto the place syne ilk man, les and moir,
Passit agane quhair he come fra befoir.

How Maximianus maid Peice with Ewgenius.

Maximiane, of quhome befoir I tald, 22,045 With so gude will thinkand that tyme he wald Richt suddantlie, withoutin ony moir, Compleit the purpois that he tuke befoir; And for to be out of the danger and dreid, In that beleif to cum the better speid, 22,050 And for to bruke all Britane into peice, And all that weir for to gar stanche and ceis. Richt so he knew his power wes than brokin With Scot and Pecht, befoir as ze hard spokin, Into the feild quhair gude Fergus wes slane; 22,055 Thairfoir he thought he wald mak peice agane With Scot and Pecht, and all weiris forleit, Or he micht nocht his purpois than compleit. Then suddantlie ane herald he hes send To king Ewgene with hartlie recommend, And king of Pechtis, the quhilk this peax hes maid, Syne bund it weill with letters seillit braid.

HOW MAXIMIANE PASSIT FURTH OF BRITANE, AND TUKE WITH HIM ALL THE NOBILLIS OF BRITANE AND ALL THE RICHES, AND SYNE PASSIT AND WAN ARMORICA.

Quhen that wes done, this ilk Maximian, With all the nobillis that war in Britane, And with consent of euerie Romane knicht, 22,065 In purpure cled and diademe so bricht, In Lundoun toun with greit laud and honoure Tha crownit him to be thair emprioure. And thair he did rebell agane the richt Of the Romanis, as ane fals vntrew knicht. 22,070 Sone efter that he chesit in Britane The nobillest men that wes among thame than, And to the se causit with him to ga, In that beleif to conqueis Gallia. This Dioneth he left that tyme at hame, 22,075 For to defend the Britis fra all blame, With ane legioun war nobill men of weir, That Scot no Pecht sould do to thame no deir. Than to the se he passit on ane da, And syne tuke land into Armorica; 22,080 With lytill stryfe that cuntrie all he wan, At his plesour subdewit euerie man In all the partis by the se that la. Quhen that wes done, syne efter on ane da, With greit power syne inwart is he gone 22,085 To seig ane citie callit wes Radone. Out of the places or he passit than, He stuffit all the strenthis that he wan, And all the laif wer oblist to be trew, Or euer he wald that citie than persew. 22,090 That toun it wes so stuffit and so strang, Maximian la about it richt lang, VOL. II. E

And of his purpois na way culd prevaill,
Bot euerilk da far lykar for to faill,
He left the toun that tyme I wnderstand,
And heirschip maid about ouir all the land.

22,095

Col. 2. How Etheus causit Armorica to rebell agane
Maximian and tuke all the Strenthis
Agane.

In Gallia ane legat wes thair than,
Hecht Etheus, quhilk wes ane nobill man.
Maximian richt soir that tyme he dred,
Herand so weill in all partis he sped,
Quhilk eausit hes, as my author did tell,
Armorica aganis him to rebell,
And brek to him thair obleissing and band,
And all thair strenthtis tuke in thair awin hand.
The men also war left thair for to keip

22,105
Tha strenthis all, sua sound tha gart thame sleip,
And suddantlie, and of so nyce ane wyss,
That tha forzet agane zit for to ryss.

How Maximian, heirand quhat was done in Armorica, sped him sone agane in Armorica and cruellie distroyit all the Armoriens.

Maximiane herand how tha had wroucht,
He sped him hyne in all the haist he mocht;
And maid no tarie that tyme nicht nor da,
Quhill that he come till Armorica.
Baith wyfe and barne befoir him that he fand,
3 oung 1 and ald, withoutin ony ganestand,
Of that injure for to revengit be,
Lyke doggis all he maid thame for to de,

¹ In MS. 3oing.

Withoutin mercie that tyme baith ill and gude,
That he culd ken wes of Armorien blude.
The word thairof throw all Armorica,
It ran als swift as ony hart or raa.

22,120
Of that danger the laif all tuke sic dreid,
Tha fled als fast as spark gois out of gleid,
To sindrie landis that war neir hand by,
So soir tha dred that tyme his tirrany.
Thus flemit wes and slane all that natione,

22,125
The land als left but habitatioun.

How Maximian brought out of Britane and Hundretht Thousand Men and Wemen for to inhabit Armorica.

Maximian quhen he perfytlie knew
Into that tyme the Britis war ouir few
He had with him into Armorica,
Quhairfoir richt sone he send agane for ma 22,130
Into Britane that tyme, I wnderstand,
That micht compleitlie pleneis all that land.
Ane hundreth thousand than of zoung and ald,
Into that tyme tha war by taill weill tald,
That come to him out of Britania, 22,135
For to remane in to Armorica.
Compleitlie than tha pleneist vp and down
All haill that land, baith castell, toure and toun.

HOW MAXIMIAN MAID CONANUS, THAT WAS ANE Lib.7, f.110. GREIT NOBILL, KING OF ARMORICA, QUHILK Col. 1.

Ane nobill man that Conanus wes cald,
Borne in Britane of the best blude and ald,
To Dioneth the quhilk wes neir of kin,
Maximian, or he wald langar blin,

With haill consent of all, baith ald and zing,
This Conanus hes crownit to be king.

Syne all that land callit Britania

22,145

Efter the Britis, the quhilk on to this da

3it changit neuir be na auctoritie:

I wait nocht weill how efter it will be.

How Maximian, with his greit Armie, passit to Burgon.

Maximian, quhen that he had done so, Vnto Burgon he tuke his leve till go. 22,150 With all the Romanis thair with him he had, On to Burgon richt sone he hes him sped, For to supple, my author sais thus, The Burgundaris aganis Etheus, The Roman legat in to Gallia. 22,155 Sone efter that, Conanus on ane da, With all his lordis hes decreittit than, That the wald send agane into Britan, Of zoung wemen to bring ane multitude; Tha thocht it best than of the Britis blude 22,160 Wyffis to tak, and weddit for to be With thame that war of puir virginitie.

How Vrsola, the Duches of Dionethus, with ane Elevin Thousand Virginis, war had out of Britane to Armorica, and war all marterit in Colania for the Faith of Christ.

This Dioneth, befoir as ze micht heir,
Departit wes bot laitlie that same zeir,
Tua dochteris had, as ze haif hard me sa.

Of thame the zoungest callit Vrsola,

Col. 2.

Quhilk vowit had to keip virginitie,
And tuke habit of religiositie,
And mariage in all hir tyme forsuik,
Magir hir will out of hir cell hir tuik,
For to be quene to this Conanus king.
And elevin thousand siclike of ald and 3ing,
Quhilk keipit had ay clene virginitie,
With mony seruandis send wes to the se,
With bark and barge, and mony gay gala,
For to be weddit in Britania.
Leit saillis fall, and ankeris vpdraw,
Syne saillit furth betuix baith wynd and waw.

HOW VRSOLA AND HIR MADYNIS WAR PUT BE AVENTURE OF WEDDER INTO THE MOUTH OF THE WATTER OF RYNE, QUHAIR THAI PASSIT ALL TO LAND.

As plesit God, and so all thing man be, That tyme tha war so vexit on the se, 22,180 Preissand to pas to Armorica, Throw force of flude and greit tempest alsua, Ay seikand succur baith be North and South, Quhill tha arryuit into Rynis mouth, Into ane hevin befoir thame that the fand, 22,185 Thir virginis all thair passit to the land: On fit and hors thair purpois wes to ga, With thair seruandis on to Armorica. Sum men thair is that wrytis to my dume, Thair purpois wes that tyme to pas to Rome, 22,190 For caus thai had vowit virginitie, Agane thair will that the sould weddit be, Vnto the Paip thairfoir for to complane, Of his gude grace gif he wald him dedane In that mater to mak thame sum remeid, 22,195 To thame wes force to do or suffer deid.

HOW VRSOLA AND ALL THE LAIF WAR MARTERIT BE ANE TIRRANE, CALLIT OTHILA OF THE HWNIS BLUDE.

In that same tyme into Colonia Ane bellomy, wes callit Othila, Ane Hwn he wes and borne of Hwnis blude, Of Hwnis had with him ane multitude, 22,200 Quhilk passand war that tyme in Gallia, In feir of weir, as my author did sa. The virginis all quality clene war of intent, For thai wald nocht to thame that tyme consent, Nor to thair purpois na way wald apply, 22,205 Thair appetyte to stanche and satisfie; Thir Hwnis all war paganis wnbapteist, And thir virginis war of the faith of Christ; And for that caus, without ony remeid, Thir virginis all thair haif thai put to deid. 22,210 Of tha virginis in halie kirk diuyne, Ar sung and said solempnitlie sensyne In sanctuar solempnit observance, Ilk zeir sensyne in thair rememberance; And ay salbe, gif that I richt presume, 22,21 Continuallie wnto the day of dome.

HEIR FOLLOWIS THE MANER HOW THE SCOTTIS AND THE PECHTIS SUBDEWIT THE BRITIS EFTER THE PASSAGE OF MAXIMIAN INTO ARMORICA, AND SYNE IN BURGONE.

Eugenius, that wes of Scottis king,
Quhen that he knew perfitlie all that thing,
How all Britane that tyme wes maid to be
Of all Romanis without help and supple;
And eik also of mony nobill man
Denudit wes of the best in Britane;
Thinkand thair power that tyme wes so small,
That eith it was for to ouircum thame all.

Col. 1.

Quhairfoir richt sone, withoutin tareing, 22,225 He set ane tryst to meit with Drustus king Of the Pechtis, quhilk wes ane nobill man, Than for to speik and sindrie thing began. Lib.7,f.110. And at the last thair to him he schew Than was best time thair richtis to reskew, 22,230 And of the Britis to revengit be, Of the injure and greit iniquitie, That the had wrocht their fatheris of befoir, And to thame self, the quhilk [wald] nocht restoir The braid landis tha fra thame withhald. 22,235 He thocht it best that tyme gif that he wald, Or euir sic thing wer to the Britis knawin, Richt suddantlie for to persew thair awin. For weill he wist richt eith it micht be done, So thai war wyiss in haist and sped thame sone, 22,240 Or thair purpois war to the Britis [k]end, With litell pley bring that purpois to end. This king Drustus thairof wes weill content, And suddantlie thairto gaif his consent, Settand ane da and place quhair tha suld meit; 22,245 Syne gart proclame in euerie toun and streit, That euirilk man within ane lytill space, Sould reddie be to meit at da and place, On fit and hors weill garneist in thair geir, With sword and ax, bow, buklar and speir, 22,250 And victuall als to steid for fourtie dais, To wend with thame quhair that the wald alwais.

HOW THIR TUA KINGIS MET [IN] CALIDONE WOD.

And so that did within ane lytill space, In Calidone wod tha met at da and place, With mony berne that wes baith bald and wicht; 22,255 Wit ze that tyme tha war ane semelie sicht.

¹ In MS. the.

Col. 2.

Fourtie thousand thai war be taill weill tald,
In armour bricht, with mony berne full bald.
Quhen thai war gatherit thir grumes that war gay,
Amang thame all withoutin ony delay,
Eugenius, with ane loud voce and cleir,
He said to thame as I sall schaw 30w heir.

How Eugenius, King of Scottis, maid his Oresoun.

" My friendis deir, I traist ze knaw rycht weill,

" How oure fatheris befoir, as I haif feill,

"So mekill wrang, so grit injure and lak, 22,265

" Of Britane, Romane, wes maid on force to tak;

" Loissand alway baith land and libertie,

" In seruitude and greit miseritie,

"With dalie wo, and mekill oppin wrang,

" So war thai maid with [thame] to leve so lang. 22,270

" Syne gude Fergus reskewar of this land,

" My fader deir, as ze sall wnderstand,

" Bot schort quhile syne slane in his awin defence,

" And zit sensyne dalie greit violens

"Tha wirk on ws with mekle oppin wrang; 22,275

" Haldand fra ws oure heretage sua lang,

" So vnjustlie throw greit maistrie and mycht,

" But ony clame, without titill of richt,

" And thinkis nocht agane for to restoir.

" My counsall is," he said to thame, "thairfoir 22,280

" To tak oure tyme that now is oportune,

" For weill I wait it ma be rycht weill done,

" Quhen euir we pleis that purpois for to preve.

"I knaw so weill tha ar out of beleif

" Of the Romanis to get help or supple; 22,285

" As for this tyme I wait it will nocht be.

" Also," he said, " with trew men he hard tell

" Agane Rome sa mony did rebell,

- " And worthelie reskewit had thair richt;
- " Quhairfoir," he said, "thair power and [thair] 22,290 micht
- " Extendis nocht to sic ane quantitie,
- "That the ma mak the Britis now supple.
- "For Rome," he said, "he[s] now bene seight twyis,
- "Win and destroyit on sic ane wyiss,
- "That it may neuir regres haif to sic gloir 22,295
- "In to oure tyme as that it had befoir;
- " In all partis als far fra thair faith tha fle,
- " Ouir all the warld exceptand Italie;
- "Thus none to thame perfitlie will obey,
- "In all partis tha hald thame at grit pley. 22,300
- " Britane also withoutin inhabitour,
- " Neirby maid waist I wait at this same hour,
- " And that thair power this tyme is so small,
- "With lytill sturt we may ouircum thame all.
- "Thairfoir," he said, "I zow beseik ilkone, 22,305
- "Think on the lak oure fatheris gat bigone:
- " The greit injure, the harmes and the skayth
- "That thai haif done to thame and to ws bayth;
- " And sen it is that so is now befall,
- "That we may haif thair bakis at 1 the wall, 22,310
- " Without defend that ar oure commoun fa,
- " And haif thame self and landis to our pra,
- " Now at oure will as that oure awin self wald;
- " Quhairfoir," he said, "I wald nocht it war tald,
- " Syne efterwart quhen that we haif no micht, 22,315
- " We sat ouir far into oure awin licht.
- " Quhairfoir," he said, "ilkone I zow beseche,
- " 3e wald apply to my purpois and speche,
- "Sen ze ma wyn so grit riches and gloir,
- " Sic as oure faderis wan neuir zit befoir, 22,320
- " Into na tyme sen weiris first began;
- "Thairfoir," he said, "heir I beseik ilk man,

- " For his honour, and for his profite 1 baith,
- " And for to be revengit of the skaith
- " Is done to ws, and oure eldaris bipast, 22,325
- " Now at this tyme to be nothing agast;
- " Bot for to think of the honour tha wan,
- " And euirilk one now preiss to preve ane man."

How all the Scottis and Pechtis consentit to tak Eugenius Part quhat euir it war.

Quhen this wes said, than with ane schout and cry, Ilkone that tyme that standard wes than by, 22,330
With greit confort and curage at thair hart,
Tha gaif counsall ay for to pas fordwart
On to the purpois he had tane on hand,
Sayand tha sould be ay at his command:
Siclike the Pechtis that tyme did apply 22,335
To that purpois, all with ane schout and cry.
Withoutin lat, that tyme tha war nocht lidder,
Thir tua kingis baith in ane will togidder
Has enterit sone in to Pechtlandia,
In Kyll, [in] Carrik, an[d] in Gallowa, 22,340

In Kyll, [in] Carrik, an[d] in Gallowa,

Lib.7, f.111. And all the landis that la in the south,

Col. 1. Fra Forth streikand recht on to Eskis mouth;

The Britis all befoir thame that tha fand,

Baith zoung and ald that duelt in to that land,

Thair brandis baldlie baithit in thair blude.

Wes none so stout into thair gait that stude,

Bot like ane dog tha maid him for to de,

Or fra thair face recht far awa to fle.

Into greit haist tha fled fra hand to hand,

Throw Cumbria and als throw Westmureland,

22,350

Baith zoung and ald that tyme into greit number, Richt haistelie all ouir the water of Humber, Or euir tha durst in ony place remane, Sie dred thai had for to be tane or slane.

¹ In MS. perfite.

So greit injure amang thame thair tha wrocht, 22,355 That all Britane had sone been put to nocht At thair plesour but ony pley or pleid, War nocht the sonner that tha gat remeid.

How the Britis send and Herald to Rome to the Emprioure Valentinian, schawand to him how tha war oppressit with Scot and Pecht.

Into all haist that send are herald than To Rome that tyme to Valentinian, 22,360 And schew to him how that the war ouirthrawin Be Scot and Pecht ilk da within thair awin; Beseikand him of his help and supple, And tha to Rome perpetuallie sould be Subjett for ay, but ony pley or pleid, 22,365 So that the wald defend theme fra the feid Of Scot and Pecht, that set on thame so soir; Help now, that said, or releis 1 neuir moir. Quhen this was said to Valentinian, In Gallia quhilk wes in Pareis than, 22,370 He hes gart pas the Britis to supple, With greit power that tyme he tuke the se, And enterit syne in Britane on ane da. Thir tua kingis into Westmawria Beleuit weill that he micht nocht lang byde 22,375 Into Britane, and speciallie that tyde, To mak the Britis lang help or supple, Quhairfoir thai fenzeit that tyme for to fle, Quhill that the saw their tyme mair oportune, Traistand the Romanis sould leif Britane sone, 22,380 For greit mater tha had ado that da, So greit rebellioun wes than in Gallia.

¹ In MS. rellis.

And for that caus with greit anger and yre,
Tha boundis baldlie brint all in ane fyre,
Baith tour and toun, with all cornis and hay,
Syne scheip and nolt with thame turst away.
All kynd of thing wes lichtar than the stone,
That wald nocht birne, with thame away hes tone.

How the Romane Legat, followand the Scottis and Pechtis, tuke Rest at Forth, and syne wes send for with Etheus to cum to him in all Haist.

This Romane legat, herand thai war past, With all his power followit efter fast, 22,390 With Britis gyde far into the North, Quhill that he come on to the water of Forth. Ane weill lang quhile syne in that place he la, Col. 2. With countering and carmusche euerilk da, Of Scot and Pecht richt pertlie on the plane, 22,395 Quhill mony one on euerie syde wes slane. It hapnit efter in that samin tyde, That Romane legat micht no langar byde; This Ethens, that wes in Gallia, He send for him that same tyme quhair he la, 22,400 For he of him had sic mister and neid Exhortand him richt haistelie to speid, And all the Romanis bring with him also. This Gallio, who wald hither go, He hes gart big agane into the tyde, 22,405 Fra Abircorne wnto the mouth of Clyde, Of erd and stone the wall agane full wicht, Aucht cubit thik and tuelf also of hight. With mony turet of erd, stone and tre, He hes gart big that wall baith grit and hie, Quhair men micht stand to fecht and mak defence, To weir the wall fra wrang and violence,

Or dreid thair fais sould mak it for to fall. Syne ordand men to walk vpoun the wall, To wait and watche richt wyslie da and nycht, 22,415 Baillis to birne, and bekynis that war brycht, Quhen tha saw other Scot or Pecht appeir, To warne thame all about baith far and neir. Syne ordand thame right sone for to cum all, Baith zoung and ald, for to defend the wall; 22,420 Quha did nocht so it sould coist him his heid. Syne efter that gart pleneis enerilk steid War brint befoir, and castell, tour and toun, Gart big agane wes laitlie cassin doun; And pleneis all agane fra Forth to Humber, 22,425 With cattell, corne, and pepill out of number. Quhen that wes done, syne passit on ane da To Etheus agane in Gallia; No Romane legat efter he wes gone, Come zit agane sensyne in Albione. 22,430

Now followis the Fassoun how the Scottis and Pechtis wan the Wall biggit betuix Abircorne and the Mouth of Clyde, and enterit syne within the Landis.

Eugenius, heirand that he wes gone,
And king of Pechtis, thair power baith in one
Richt haistelie that tyme hes put togidder;
Without leithin thai war nother sueir nor lidder.
Syne to the wall with mekle boist and schoir, 22,435
And grittar feir nor euir tha did befoir,
Tha passit syne sone efter on ane da,
Neirby the wall thair with thair grit ost la.
The Britis than [that] woik vpone the hicht,
Of that greit oist sone quhen tha gat ane sycht, 22,440
Baillis tha brint, and greit hornis syne blew,
Quhill reik and low ouir all the land it schew.

And that sichke that duelt within the land, Greit bekynnis brint ay on fra hand to hand; Lib.7, f.111b. Proceidand sua richt far and mony myle, 22,445 Col. 1. Continiewalie onto ane weill lang quhile, With schout and cry and mony buglis blast, Syne to the wall that come all at the last. Thir king tuo that tyme quhair that the la, Of chosin men syne on the secund da, 22,450 Devysit hes are seig vnto the wall, Seand on force gif that the can gar it fall. Ane nobill man wes callit Grym that tyde Thair gouernour wes maid thame for to gyde, Come with king Fergus furth of Dania 22,455 Schort quhile befoir, as ze haif hard me sa. The king of Pechtis that tyme befoir thame all, Promittit hes quha first zeid ouir the wall, He suld be maid for his reward anone, Provest and principall of Camelidone. 22,460 This nobill Grym, of quhome befoir I tald, Went to the wall with all the bernis bald, With bowis big into thair hand weill bent; Thair wes no want of euerie instrument Men could devyss, that ganit for ane salt, 22,465 Quhat neidfull war thairof tha had na falt. Syne loud on hight he eryit hes his sein; ; With that ane flight of mony fleand ganze, Alss ferce as fyre, among the Britis flaw, That by dand war for to debait the waw. 22,470 The braid arrowis, like ony schour of haill, Flight efter flight ilkane on vtheris taill Tha flew als ferce as fyre dois of the flynt; Greit danger wes for to induir that dynt: And the within, that stelwart war and strang,

Out ouir the wall richt mony stanis slang.

In MS. gart.

The men that stude vpone the touris hie, Out ouir the wall lute mony flanis flie; And the without volume the tother side, On thame within lute mony ganzie glyde, 22,480 Heidit with steill that scharp as rasure schair, That mony Brit out throw the bodie bair, That stude abone for to debait the wall, Law to the grund that maid thame for to fall. That bicker wes so awfull till induir, 22,485 For to debait the Britis all forbuir The wall abone, and drew thame fra the hycht. Then nobill Grym, with all power and mycht, Doun of the wall quhen that he saw thame went, Assayit sone syne with all instrument 22,490 At eueric pairt the strenthis of the wall, And suddantlie he has maid it to fall. So eith it was for to brek down that tyme, For-quhy that wall wes nocht biggit with lyme, Bot with dry mow that wes of lytill effect, Ouhairfoir it was the eithar for to brek.

How the Scottis and the Pechtis enterit outrithe Wall.

At sindrie pairtis quhair tha brak the wall,
Baith Scot and Pecht hes enterit in thair all,
And fand the Britis vpoun the tother syde,
In rayit battell bergane for to byde.

This nobill Grym than with ane shout and cry,
He set on thame sua sone and suddantlye,
That tha micht haif no lasar for to fle,
That force it wes other to do or die.
Richt mony fled quhen that tha saw sic dout,
The laif that baid war all cloissit about;
Syne suddantlie, with lytill dyn or stryfe,
In that same place thai loissit all thair lyffe.

Col. 2.

Efter this tyme, as my author did sa,
That wall is callit zit on this da,
Grymis dyke, as I wnderstand,
With all the duellaris zit into this land.
This beand done as ze haif hard me sa,
Throw Wicomage on to Pechtlandia
Eugenius fuir, and king Drustus also,
And all thair power maid with thame till go,
And prayis tuke about fra hand to hand;
With fyre and blude thair waistit all that land,

How ane Navin send be King Fergus enterit and landit in Pechtland.

That samin tyme, as my authour did sa, Ane greit navin fra Ethelenia 22,520 Wes enterit than with mekill bost and schoir, Be the command of king Fergus befoir, Of Scot and Pecht that tyme into Pechtland, Moir rigorous than as I winderstand, Be far that tyme nor war tha kingis tuo, 22,525 Onto the Britis wirkand sa mekle wo. So furiuslie revengit hes thair feid, No levand thing the sparit fra the deid; Quhair euir tha come tha did richt mekle skayth. Syne efterwart tha and thir kingis baith, 22,530 Ar met togidder syne vpoune ane da, And passit all to Ordolucia. The Britis all tha fled fra hand to hand, Baith zoung and ald richt sone tha left the land, And left all waist for fanenes for to flie, Tha war so red for thair crudelitie. With wyffe and barne and all thair gude fled hyne, Far fra thair seit attouir the watter of Tyne.

HOW ALL THE GUIDIS BETWIX TYNE AND TUEID WAS MAID FOR THE MEN OF WEIR.

Thir tuo kingis than maid ane opin cry, Fra Tyne to Tueid baith corne, cattell and ky, Nolt and scheip, gold and other geir, Sould all be fre wnto the men of weir. Ilk man suld haif all that he docht to wyn; The tyme wes set quhen that he sould begin. Quha had bene thair that tyme for to haif sene 22,545 So grit slauchter, that cruell wes and kene, Amang the Britis that tyme as the maid, Of zoung and ald withoutin ony baid, With grit heirschip baith into fell and firth, Sa mony slane gat nother grace nor girth. 22,550 Ane lang quhile so, at laser as thame lest, The waistit all from the Eist to the West. The Britis quhilk wist of na vther wane, Ouir Adrianis wall tha fled rycht fast ilkane, Lib.7, f.112. Col. 1. That biggit wes richt stark of stane and lyme; 22,555 The quality that tuke for thair defence that tyme, And stuffit hes the touris that war hie, With mony stone and with artalzerie; And mony men that weill culd bowis draw, And stonis cast, tha set to keip the wall. 22,560

How thir Tua Kingis left the seiging of the Wall quhill Symmer, and in the meane tyme causit the Scottis and Pechtis to inhabit all the Land without the Wall.

Thir king is tuo than with thair power all Hes left that tyme the seiging of the wall, For caus it wes so lait tyme of the zeir, Quhill wynter went and symmer suld draw neir.

¹ In MS. cald.

Quhen that wes done thir kingis gaif command 22,565 Baith wyffe and barnis to bring in that land, With corne, cattell, and all vther geir, To occupie that the had wyn by weir, The landis all liand of lenth and breid, On fra the wall ay fordward sa to Tueid. 22,570 And so tha did richt sone I wnderstand; Within schort space the pleneist all that land. Syne all the strenthis that war neir the wall, Tha stuffit thame richt stranglie ane and all; Becaus that wynter that tyme wes so neir, 22,575 Out of the steids syne wald na forder steir, Bot in the boundis bownit for to byde, That biggit wes vooun the bordour syde, Quhilk strenthis war biggit of lyme and stone, Thair to remane quaill all wynter wer gone.

How the Britis send agane in Gallia for Help.

In that same tyme, as my author did sa, The Britis send agane in Gallia Ane messinger to Etheus, quhilk schew How Scot and Pecht so laitlie of the new, In thair boundis with far mair bost and schoir, 22,585 War cumit agane nor euir thai did befoir; With fyre and slauchter had distroyit all Fra Forth ay South to Adrianis wall; And in the bound schupe [for] to remane, Quhill wynter went and symmer come agane, 22,590 And syne with battell thocht thame to persew; And gat the nocht of him that tyme reskew, Tha war bot loist, thair power wes so small. Than Etheus sic ansuer maid with all: "Gude freind," he said, "forsuith I can nocht se, 22,595 " How I this tyme may mak help or supple.

- "Thairfoir I wald ze did the best ze may,
- " Quhill efterwart on to sum vther day,
- " Quhen hapnis me for till haif les ado,
- " Per aduenture than I will cum zow to." 22,600

How the Brit Herald schew his Ansuer in Col. 2. Lundone.

With this ansuer the herald hame is gone Without delay quaill he cum till Lundone; In to that tyme thair counsall thair did hald, Befoir thame all his ansuer thair he tald, Word be word how that he said him till. 22,605 Quhairof the Britis lykit than richt ill Of that ansuer quhen that the hard and knew Of Etheus tha wald get na reskew, Quhilk had thame left into thair grittest neid, And for that caus that quaikit all for dreid. And that tyme that war so wo and will of wane, In that counsall togidder all ar gane, For till aduys quhat best is till be done. And sum thair wes that counsall gaif rycht sone, For ony thing that efter micht befall, 22,615 Manlie to meit thame at the foirsaid wall, With all the power that the docht to be, And in that querrell other to do or die, Erar with thame nor for to be opprest. Richt mony than thocht that counsall wes best, 22,620

How Conan Camber discentit to that Counsall.

Ane man that tyme of greit auctoritie,
Conan Camber callit to name wes he,
Richt neir he wes also of Octaueus clan,
Amang thame all he wes the wysest man,
Quhilk to that counsall discentit rycht far;
Full weill he wist efter it wald be war.

Than vp he stude that tyme amang the laive, Befoir thame all this counsall he thame gave:

- " Richt weill ze knaw, quhen we had strenth and mycht
- " Of horss and men, and als of armour bricht, 22,630
- " And of the Romanis had help and supple,
- " And docht alway oure awin worthit be;
- "Thir barbour bodeis that now ar so bald,
- " Doeht nocht of force than for to gar ws fald,
- " No in that tyme no trewis with thame tak, 22,635
- " Nor zit no peice bot at oure plesour mak.
- "Bot now," he said, "allace, and harmissa!
- " For all that welth is went full far awa.
- " 2e knaw full weill how that Maxim[i]an,
- "That tressonable tratour and fals tirrane, 22,640
- " Denudit ws of all power and micht,1
- " Of wisdome, wit, and mony nobill man
- " Of the best blude that wes in all Britane.
- " Allace!" he said, "that euir sic thing sould fall;
- " Quhairthrow oure power parit is so small, 22,645
- " That we ma nocht oure innimie resist,
- " Fra blude and battell quhairin rycht grit tha th[rist],
- " With sic haitrent and with sa greit invy,
- "Thair appetite on ws to satisfie,"

Lib.7, f.112 b. " Off the injure oure faderis did beforne, Col. 1. 22,650

- "Full mony zeir or ony heir wes borne.
- "Thair is no travell that ma gar thame tyre,
- " Nor zit na want of meit, or drink, or fyre.
- "Hungar and cald to thame is litill pane;
- " To walk thairout baith into wynd and rane, 22,655
- " Frost or snaw, ma do thame lytill deir;
- " To ly thairout tha ar nocht for to leir.
- " Thair is nothing that tha think half so gude,
- " No moir desyrous nor the Britis blude,

¹ Here a line seems to be wanting.

- " With cruell slauchter dalie to exerce,
- "That horribill is to me now to reherss.

22,660

- " Saif better counsall, I say for me this da,
- " To lat thame be als far now as we ma,
- " Quhill efterwart that we oure tyme ma se;
- " Perauenture that some efter may be;
- "And nocht this tyme to temp Fortoun ouir 22,665 far.
- " Full weill I wait that we will get the war
- " And we do so; for oucht that I can see,
- " Sall loiss oure land, bayth law and libertie."

How the Britis rebutit Conan for his gude Counsall.

Quhen this Conanus had his taill so tald, The Britis all richt bitterlie and bald 22,670 Rebalkit him, standard about, full soir, Of the wordis that he said of befoir; And all in euill that langage than tha tuke, Richt so his counsall in the tyme forsuik. With haill consent decreittit syne hes so, 22,675 Baith zoung and ald to battell all to go, And wemen als, that waldin war and wicht, And enirilk berne that mich[t] weir harnes brycht; Fra that semblie sould no man exceptit be, 3oung or auld, of hie or law degrie; 22,680 All to be reddie in ane lytill space, For to convene at set da and at place.

How Conanus was slane with evill adwysit Men becaus he wald nocht consent to thair 30ung Counsall.

This Conanus quhen he hard thame say so, Out of his mynd neirhand as he wald go, Col. 2.

	, ,	22,685
	"That I so lang on lyfe sould levand be,	
	" To se sic folie as ze wndertak,	
	"To zour confusioun with greit schame and lak.	
	" And ze do so, adew Britane for euir!	
	" Allace!" he said, "or so war I had levar	22,690
	" Ane thousand tymes on ane gallous de,	,
	" No be on lyfe so greit mischief to se.	
	"Forsuith," he said, "als far as I can juge,	
	"This nobill realme without ony refuge,	
	" Richt suddantlie it salbe put to nocht,	22,695
	" And all oure barnage into bandone brocht.	,
	"God I tak witnes, and the lawe heirto,	
	"In this counsall that I haif nocht ado!"	
	Then furth he zeid fra thame ane litill space.	
	The lawe of thame war present in that place,	00 500
•		22,700
	Throw grit malice full of malancoly,	
	The ansuer maid to him agane in hy.	
	Of litill motiue rais ane suddane stryfe,	
	That enerie Brit hes drawin out ane knyfe,	
	That their about war standard neirhand by,	22,705
	To this Conanus, some and suddantly,	
	Gaif mony wound war deidlie in that tyde,	
	Quhilk persit him than baith throw bak and sy	de;
	Amang thame thair, as my author sais,	
	He closit hes that tyme his latter dais.	22,710

How the Freindis of Conanus war displesit of his Deith.

In that counsall wes mony men of gude,
To this Conanus war richt neir of blude,
Commouit war richt far into that tyme,
Thinkand to be revengit of that cryme.
Amang thame than or it micht weill be gydit,
The haill counsall in tua wes sone diuydit,

And suddantlie lang knyvis out tha drew, On euerie syde syne sindrie that the slew Ane lang quhile so in furiositie, With greit crabing and sic crudelitie, That scantlie weill with all into that place, It micht be stanchit to ane weill lang space.

22,720

How and Messinger COME TO LONDOUN, AND SCHEW TO THE LORDIS HOW GRYM HAD CASSIN DOUN THE WALL.

Sone efter that within ane litill quhile, Ane messinger that had run mony myle Ouir hoip, ouir hill, ouir daill and mony doun, 22,725 Into all haist he come to Lundoun toun; And schew to thame into that same tyme, This nobill man the quhilk wes callit Gryme, Quhome of I schew schort quhile of befoir, Had cassin down with mekle boist and schoir, 22,730 Fra Abircorne the wall passand to Clyde, And neuir aue stone left standard in the tyde. And efter that fuir fordward in the South, Withoutin stop ay on to Tynis mouth, And planeist had that tyme ouir all that plane, 22,735 In that beleif that neuir Brit agane Into that place fra that furth suld releive. Syne on the Britis hes done grit mischeif, In eueric place befoir that the fand, At leist befoir wes levand in that land. 22,740 Sone efter that, he said, this being done Thir tua kingis, richt suddantlie and sone, In sindrie partis with thair power all, Then brokin had this Adrianis wall. For-quhy, he said, it was rycht eith to do, 22,745 All instrument that neidfull wes thairto, Or zit ingyne in warld that micht be wrocht With mannis wit, thairof thai wantit nocht.

Lib.7. f.113. Col. 1.

Syne in the bound enterit in with sic number, Fra Tynis mouth all to the water of Humber, Baith wyffe and man with greit anger and feid, And zoung and ald that haif put all to deid; Thair is no leid in that pairt left in lyffe, Coung or ald, other man or wyffe, With cruell hart and greit crudelitie, 22,755 Of thair injuris for to revengit be. And tha, he said, that fled that multitude, War dround ilkone passand attour the flude. Baith seik and waik and ald that micht nocht fle, Lyke doggis all tha maid thame for to de; 22,760 And that that baid for to defend the wall, War tane or slane that tyme baith ane and all.

How the Britis, heirand the cuming of thir Kingis, greitlie war afferit that tha wist nocht quhat till do; syne at the last tha send Tua Heraldis, and to Etheus in Gallia for Help, and ane vther to thir Tua Kingis for Peax.

The Britis all so greit terrour tha tuke,
Quhen this wes said, tha trymlit and tha shuke,
Togidder syne to counsall all ar gone,
Ilkone to vther makand full sair ane mone,
Devysand than quhat best wes to be done.
Syne at the last decretit thair wes sone,
Quhen tha had argund lang tyme to and fro,
In haist the heraldis in that time till go,
Onto thir kingis thair quhairat tha la,
Quhilk said to thame as tha war ordand sa,
Fra Humber mouth wnto the watter of Tueid,
The landis all lyand in lenth and breid,

¹ In MS. And to thair.

² In MS. Tha.

In heretage tha sould haif for to mak peice, 22,775 And sober thame fra sic slauchter and ceiss, Baith gold and siluer and all other geir, To laue in pece and no moir to mak weir. To Etheus, that samin tyme also, Ane other herald haif the maid till go, 22,780 That wes richt traistand in all thing to trow, Quhilk said to him as I sall say to zow.

How the Herald maid his Oresoun to Etheus THE LEGAT.

" Etheus, to the it is weill knawin,

"We war ay frie befoir within oure awin,

" And to no leid maid subject for to be, 22,785

" Bot leuit ay at oure awin libertie,

" Quhill' pairt be force, and far mair be fre will,

" 3our celsitude [we] war subdewit till.

" Ze war protectour and the suir port,

"The consolatioun and the greit confort, 22,790

"The hie refuge than baith to gude and ill,

" For ony succour that tyme send 3ow till;

" And we," he 2 said, "wnder 3our celsitude,

" At zour fauour lang befoir ay stude,

Col. 2. " Quhill efterwart the fals Maximian, 22,795

" Quhilk spulzeit ws of mony nobill man,

" Of gold and siluer, and all vther geir,

" And of all thing that neidfull war in weir;

" Quhairfor we ar invaidit now rycht far

" Without fais the langar ay the war, 22,800

"That all thair tyme hes ay bene euill adwysit,

" And now with zow neglectit and dispysit;

" And to be maid als with our mortall fa,

" At thair plesour baith presoner and pra.

¹ In MS. Quhilk.

² In MS. tha.

- "Quhairfoir," he said, "be this same argument, 22,805
- " Onto ws all it ma be document,
- " That changit is your greit nobilitie
- " To fals deception and crudelitie;
- " Or ellis your power parit is so far
- "That 3e are lichleit and put to the war, 22,810
- "With greit contemption of your majestie,
- " As weill apperis at this tyme to be:
- " And gif Fortoun hes decernit so,
- " The nobill land of Britane for to go
- " So fremmitlie into thair fais hand, 22,815
- " Without supple of zow, or zit ganestand,
- "To Scot and Pecht quhome that we most detest,
- "Throw fyre and blude tha lat ws tak no rest;
- " Quhairfoir of force we ar maid for to flie
- " Fra sted to sted quhill we come to the se, 21,820
- " And thair on force we man byde and remane,
- " Or ellis droun, or ellis with thame be slane.
- "Tha bludie bouchouris all tyme ar so bald,
- " Baith seik and sair, decreipit, zoung and ald,
- " And febill folk fra thame that ma nocht fle, 22,825
- " Without mercie hes maid thame all to de
- " Richt cruellie with sic ane multitude,
- " Bayth tour and toun this tyme that thame ganestude,
- " Hes cassin doun, and brint all in ane low;
- "Thus haif the wrocht oure landis throw and 22,830 throw.
- "Heir we beseik," he said, "thi majestie,
- "Gif reuth, or faith, or pitie in the be,
- " Or for the treuth thow aucht the empriour,
- "To rew on ws and send ws sum succour.
- "It be nocht said of 30w into na tyme, 22,833
- "That your falsheid, your tressoun and your cryme,
- " And sie beleif hes done ws far mair skayth
- " Na war or wrang of Scot and Pechtis baith.

" And do ze nocht it will exempill be

- " To all this warld, quhen that the heir and se 22,840
- "With sic tressoun 3e haif maid ws ane trane,

" Neuir for to haif in yow beleif agane."

How Etheus maid Ansuer agane to the Legat.

This Etheus that epistill quhen he red, Grit reuth and petie in his hart he hed;

And said, "Deir freind, I pray apardoun me, 22,845

" For at this tyme I ma mak no supple. " In Ytalie I trow ze haif hard tell,

" Contrair oure faith sa mony dois rebell,

" And I my self als standis in greit dout

" With mony rebellis that ar heir about. 22,850 Lib.7, f.113 b.

"Thairfoir," he said, "it standis so with me,

"That at this tyme I ma mak 30w no supple;

" Na zit na way I ma debait zour querrell, "Without I put my self in ouir greit perrell.

" Thairfoir I wald, alsueill as that 3e ma, 22,855

" Debaît zour self wnto ane vther da,

" With grace of God it ma stand so with me, "That I sall send 3ow greit help and supple."

How the Herald come Hame to Lundoun AND SCHEW HIS ANSUER; QUHAIROF BRITIS WAS RICHT EUILL CONTENT.

The messinger hame with this ansuer sped, In Lundoun toun befoir thame all it red; Quhairof the Britis wes richt euill content Of that respons that Etheus thame sent. That samin tyme the messenger also Come hame agane thair fra tha kingis tuo; Sayand thai wald heir nane of thair desyre, So full tha war of malice and of ire,

22,860

22,865

¹ In MS. stude.

Of na profer that the can put theme till, Quhill that the haif all Britane at their will, Of thair injuris to revengit be, So full that war of crudelitie. 22,870 The nobillis all guhen he that ansuer schew, For verrie dreid tha changit all thair hew; Wittand no way quhat the sould say their till, Into ane studie ane lang quhile so sat still, Without langage that tyme of ony on, 22,875 Quaikand for dreid tha war so will of wone. Syne at the last thair spreitis did respyre, And suddantlie, throw greit anger and yre, Reprevit hes thair awin vngudelines, To be so blunt throw beistlie basitnes, 22,880 Quhill causit thame to get grit skayth and lak Ane ennimeis grit curage for to tak. Syne with consent of all wes present thair, Decreittit hes all man micht armour bair, Baith zoung and ald, other ill or gude, 22,885 With all thair power and thair multitude, Thir kingis meit at Adrianus wall, And tak the chance that efter ma befall, Quhat euir it war, other good or ill, As plesit Fortoun for to send thame till. 22,890

How the Scottis and the Pechtis, heirand the Ansuer send fra Etheus to the Britis, incontinent enterit within Britane, makand grit Heirschip.

So quietlie this thing wes [nocht] done,
Quhen king of Scottis and Pechtis als rycht sone,
Sone efter than he hard tell of all that,
And of the ansuer also that the gat,
Fra Etheus theirout of Gallia;
Than suddentlie thir foirsaid kingis tue,

Thair poweris baith togidder that hes drawin, Onto the Britis or it was kend or knawin, Col. 2. With sic ordour of all thing les and moir, As the come neuir in Britane of befoir. 22,900 All Gallowa and Walis of Annand. And all the dalis on the efter hand, The Mers also that tuke the feild befoir, And formest fuir with grit triumph and gloir; Athoill, Argyle and Calidonia, 22,905 All Othelyn, and als Orestia, Wicomage, with princes of grit Pechtland, The secund wyng that tyme hes tane on hand. Thir tua kingis, with mekill schoir and bo[i]st, In middis led the grit staill and the oist, 22,910 With baneris braid ay wavand with the wynd, And all thair cariage cumand syne behind. Syne efter all thair come ane mekle rout Of mony wemen stalwart war and stout, And men that war nocht ganand for the weir, Sum zoung, sum ald, that mycht na harnes beir. Sum for to se the aventur of battell, And other sum to carie away cattell; Sic wes thair vse ane lang tyme of the ald, Gif all be trew that my author me tald. 22,920

How the Britis first tuke Purpois to fecht, and syne changit thair Mynd.

The Britis bald sone efter on ane day,
Thame to resist with all power tha may,
Hes tane the feild, baith vpone fit and hors,
With curage cleir richt mony clenelie corss.
Sone efter syne, quhen that tha wnderstude
Thair ennimeis war of sic multitude,
And of thair purpois than culd cum na speid,
Togidder all in counsall than tha zeid.

Sum said, als far as tha culd wnderstand,
Greit folie wes to tak sic thing on hand,
Sen that thair power wes sempill and small,
In auenture atonis to put thame all;
Bot erar byde qubill tha micht efter se
Ane better tyme quben euir that it micht be.
In present tyme trewis with thame to tak,
With what conditioun that the pleis to mak,
Tha said it wes expedient richt far,
Or efterwart it wald turne thame to war.

How the Britis send and Herald to thir Tua Kingis, schawand thame thair Mynd

With thair desyr ane messinger is gone [On to] thir kingis and thir lordis ilkone; 22,940 To lat thame wit quhat wes the Britis will, With sie command as than [thai] gaif him till. Thir tuo kingis wald nocht heir thair desyre, Nor zit no way obtemper wald thair ire, Without the Britis laulie come thame till 22,945 Ilkone that tyme, and put thame in thair will. And wald that nocht, than schortlie to conclude, The sould nocht byde fra battell and fra blude, Into that tyme quhill other man or wyffe Of Britis blude war levand vpoun lyfe. 22,950 The messinger quhen he this ansuer tald To the Britis, tha grew so het and bald, Half in despair, and half in good beleif, Tuke aventure the battell for to preif. That tyme the war into so great dispair, 22,955 Tha 1 rakit nocht than other quhen or quhair, Seing thame self in sic danger tha stude, To gif battell to all that multitude.

1 In MS. Than,

Lib.7, f.114. Col. 1. HEIR FOLLOWIS THE ORDOURE OF THE BATTELL OF SCOTTIS AND PECHTIS ON THE ANE PAIRT, AND THE BRITIS VPOUN THE TOTHER PART, AS 3E SALL NOW HEIR.

Be this the Scottis cuming war in sicht, And Pechtis proude with mony baner bricht, 22,960 With schalmis schill and mony buglis blast; Quhairof the Britis war no thing agast, Ire and invy so movit had thair thocht, Of thair awin self tuke litill cuir or nocht, And all tha[t] da disposit for to de, 22,965 So greit dispair tha had of libertie. But ony mour, richt sone and suddantlie, Tha tuke the feild all with ane schout and cry, On fit and horss with mony speir and scheild, Richt manfullie into the formest feild. 22,970 In that counter that cruell wes and fell, Richt manfullie togidder tha did mell, Quhill speiris brak and all in flenderis flew; Thair coit armouris that war so cleir of hew, And basnetis, war brodin ouir with blude, 22,975 Into that stour so stalwartlie that stude. In that battell the Britis war so bald. Richt mony freik tha maid on force to fald Of Galloway men and of Annandia. The Britis all tha war so bald that da, 22,980 Had nocht bene than the gat soner supple, Tha had bene loissit euirilkane but le.

How Eugenius send Gryme to reskew the Scottis.

Eugenius commandit hes 1 gude Gryme, With new power to pas into that tyme

¹ In MS. hes commandit,

Col. 2.

On to his men, thame 1 for to mak reskew, 22,985 That faillit fast and als tha war rycht few. This nobill Grym richt haistelie him sped, Of Ylis men are rout with him he had, On to the feild for to mak thame reskew. Quhen that he come the battell did renew. 22,990 The Galloway men, the quhilk befoir that fled, Of his cuming so grit curage tha hed, Turnit agane als bald as ony boir, With grittar strenth nor euir tha had befoir, So stoutlie syne into that stour tha stude, 22,995 Baithand thair brandis in the Britis blude. Richt mony als la gruffingis on the grund, In thair bodie buir mony bludie wound, Start vp agane richt sturdelie and stout, And raikit in syne in the thickest rout, 23,000 And sic ane counter at thair cuming maid, That mony Brit than the gart bleid full braid. The secund oist, als fast as the micht frak, Come in behind syne at the Britis bak, Quhen that the war forfoehtin and confoundit; 23,005 Fra bowis bent the braid arrowis aboundit, Into the air ay fleand by and by, Quhill that the cled the cloudis of the sky. Thir tuo kingis, with all thair royall rout, Hes closit than the Britis round about 23,010 On euerie syde, alss thik as ony snaw. The Britis than quhen that beheld and saw, So awfull wes for to induir thair dynt, Tha fled als fast as fyre dois out of flynt On to ane moss wes neir hand by besyid. 23,015 The Scottis carlis that present wes that tyde, Quhilk litill vse or prattik had in weir, With staf and sting, withoutin arms or geir, Followit richt fast efter tha war gane, With staf and sting syne slew richt mony ane, 23,020

¹ In MS. than.

In mos, in marres, and in mony myre, As guha wald fell down fewall to the fyre. Of all Britane the greit nobilitie Deit that da without help or supple. Foure thousand men, as my author did sa, Of Scot and Pecht deit thair that same da; And fyftene thousand of the Britis bald Siclike that tyme, as that my author tald. Conanus counsall wes commendit than With all the Britis ill and gude ilk man. The rewit sair that the did nocht his reid, Quhen the doucht litill for to mak remeid; As worthie wes, it maid thame all to rew That sic a nobill for gude counsall slew.

23,025

23,030

How the Britis send and Herald to thir Tua Kingis.

Sone efter syne, as that my author writis, 23,035 The haill barnage that left wes of the Britis Vnslane that da, the quhilk war verrie few, Quhen tha that tyme perfitlie saw and knew Into sic dout and danger as tha war, Negleccit als with fals Fortoun sua far; 23,040 And als thairwith tha wist of no supple, No zit apperand in that tyme to be; Knawand richt also in thair intent, Thair ennimeis had no impediment To wirk on thame thair willis as tha wald, 23,045 Quhilk war that tyme so bellicois and bald; Quhairfoir in haist than haif the maid till go Ane oratour wnto thir kingis tuo, Beseikand thame of thair benignitie, For peice and rest, concord and vnitie; 23,050 Betuix thame thair than trewis for to tak, With quhat conditioun that the pleis to mak. VOL. II.

Lib. 7, f. 114b. Col. 1. How the King of Scottis and the King of Pechtis grantit Peax to the Britis, with this Conditioun as follows heirefter in Verss.

Thir tuo kingis of greit auctoritie Compassioun had of thair miseritie, And in that tyme right weill the vnderstude 23,055 That grit destruction battell wes of blude; Full weill tha knew, for the had loissit than In to that feild sa mony nobill man. To thame also it wes weill knawin and kend Of all weiris peice wes the finall end; 23,060 Thairfoir to thame the grantit peice that da, With thir conditionis as I sall zow sa. Into the first, the land with lenth and breid, Fra Humber water to the mouth of Tueid. That Scot and Pecht sal haif in heretage; 23,065 And euerie Brit, baith man, wyfe and page, Tha sall remoif and na langer remane Out of that land, and neuir cum thair agane. And secundlie, neuir for to croun ane king Of Britis blude in Britane for to ring. 23,070 Sextie thousand of gude money also, Incontinent gif to thir kingis tuo; Sex thousand zeirlie for to pa but pleid, Into tribute of fynest gold so reid; And no stranger in Britane to ressaue, 23,075 Romane legat or ony of the lawe; No with no leid mak weir or do offence Without thair leve, but in thair awin defence; And ay to be reddie at thair command, To wend with thame in ony other land, 23,080 Quhen euir tha wald, other in peice or weir,

And of thair awin cost, hors, harnes and geir.

Thrie hundreth pledgis also to thame zeild, Of quhome the zoungest auchtene zeir of eild ' Suld be no les, for-quhy tha thocht it neid, 23,085 The eldest als nocht threttie suld exceid. Quhen thir conditionis, as my author writis, Rehersit war ilkone befoir the Britis, Suppois tha thocht tha war right entil to vse, it neuirtheles the durst theme nocht refuse: 23,090 For dreid and danger that war in alone, At their plesour fulfillit thame ilkone. Fra that da furth the greit nobilitie Of all Britane, and als auctoritie, Wes wynt to be of sic honour and gloir, 23,095 Decressit than the langar ay the moir.

Off Fyn Makcoule, the greit Giant.2

Thre hundreth sax and fourtie also than, Efter that Christ incarnat wes ane man, And in the ring of Eugene the sevint zeir, All this wes done that I haif said zow heir. 23,100 Gif it be suith, als that my author sais, Fyn Makcoule wes in tha samin dais. Of Scottis blude ane greit giant was he, Mekill by mesour, of greit quantitie, Quhairfoir his name remanis in memorie. 23,105 Bot I find noeht into na famous storie His lyfe, his stature or nobilitie, Quhairfoir right loud of him I trow tha lc. And I am laith ane lesing for to mak, Thairfoir as now I will nocht wndertak 23,110 To tell zow mair, or dreid ze sa I lie; Sen it is best, now I will lat it be.

Col. 2.

¹ In MS. ald.

² In MS. Off Marlinus, the Propheit of Britane.

How the Archibischop Pauladinus was send in Scotland fra the Paip callit Silistinus.

That samin tyme, my author sais thus, Ane archibischop callit Paladinus, Fra Silistene the paip of Rome wes send 23,115 Into Scotland, as it was right weill kend, Thame to instruct into the faith of Christ, And to confirme all bairnis war baptist: Sanct Patrik als into the samin dais, Into Yrland, as that my author sais. 23,120 Richt langsum war, thairfoir I will nocht dude, To tell zow heir of all thair sanctitude, And the gude werkis in thair lyfe tha did, The grit wonder and miraclis that the kid. It will transcend the strenth of my ingyne, 23,125 To tell zow all thair godlines diuyne; To man in erd that mater is ouir hie, Thairfoir as now my self will lat it be. Quha lykis heir thair legend tha ma luke: Loving to God heir endis the sevint buike. 23,130

Lib. 8. HEIR ENDIS THE SEVINT BUIK, AND BEGYNNIS THE AUCHT BUKE; THE QUHILK TREITTIS OF GREIT WEIR AND BATTELL BETUIX THE BRITIS ON THE TANE PART, AND THE SCOTTIS AND PECHTIS ON THAT VITHER PART.

As 3e haif hard into the sevint befoir,
How all the Britis that tyme les and moir
Subdewit war to king Ewgenius,
And king of Pechtis that callit wes Drustus.
The nobillis all and alls the multitude,
Continewallie in to sic scruitude



Col. 1.

Ten zeir and moir tha war but ony pley, Durst none of thame thir kingis disobey. And than ane man, Conanus hecht to name, Of all the Britis grittest wes of fame, 23,140 And of Conanus sone he wes also, Quhomeof I schew zow schort quhile syne ago, And lineallie discendit als wes he Fra Octaueane and his genelogie, Of Britis blude quhilk wes the hindmest man 23,145 That woir the croun and king wes in Britane. This ilk Conan, of quhome ze heir me tell, In purpois wes that same tyme to rebell Agane thir kingis; sic desire had he, For to redeme the Britis libertie. 23,150

HOW THE BRITIS MAID ANE QUYET COUNSALL.

Into Kent schire ane lytill toun thair stude Lib.8, f.115. Vpoun ane plane besyde ane rynnand flude, Within ane wod, quhair he ane tryst hes set; The nobillis all of Britane thair him met At his requeist sone efter on ane da, 23,155 To heir and se quhat he wald to thame sa. Or dreid sic thing sould opinlie be knawin, Richt quietlie thairfoir that draucht wes drawin, Saying, for hunting that sould all pas hidder. Syne quhen tha war convenit altogidder, 23,160 Richt secreitlie into that place alone, Thus hes he said amang them all ilkone.

How Conanus maid his Oresoun before that Lordis.

[&]quot; Lordis, forsuith I traist richt weill ze knaw,

[&]quot; Sum tyme we had baith libertie and law,

" To vse alway at oure auctoritie,	23,165
" With riches, honour and nobilitie,	,
" Far worthiar that tyme nor I can ruiss,	
" Of all the warld thocht we be now refuiss.	
" In euerie land with all leid we are lakkit,	
"With 3 one 1 barbouris sen that we war sub-	23,170
jectit	
"Ten zeir and moir, with sie miseritie	
"That horribill is other to heir or se.	
" Quhairof," he said, "thair is no leving man,	
"That hes the wyit bot fals Maximian,	
" Quhilk spulzeit ws of all riches and micht,	23,175
"That ay sensyne we haif tane litill richt.	20,110
"Bot now," he said, "within thir zeiris ten,	
"Into Britane richt mony nobill men	
"Ar growin vp to richt greit quantitie,	
"With strenth and micht and animositie,	23,180
"Into sic number quhat of moir and les,	20, 100
"Without," he said, "that oure wnworthines	
"Restrenze ws, we ma with litill pane,	
"Baith land and law, and libertie agane,	
" For to reskew for all thair bost and schoir;	09 10*
"Sen that oure fatheris schort quhile of befoir,	20,180
"At their plesour expellit thame ilkone	
"Richt far to pas than out of Albione,	
"And now," he said, "sen we haif strenth and	
mycht,	
	22.122
"See we want needs but owners and and will	23,190
" Sen we want nocht bot eurage and gude will " My counsall is we reddie ws thair till;	,
"And tak the chance that God will to ws send	,
" Quhat euir it be, and byde the latter end."	

How mony of the Britis allowit his Counsall, and mony mo allowit it nocht.

Quhen this wes said, right mony that stude by 23,195 Commendit him, syne sone and suddantly, To his counsall thairto gaif thair consent. And mony mo thairof wes nocht content, That had thair freindis liand into pledge, And for sic caus that tyme that did alledge 23,200 Tha wald nocht brek thair oblissing and band, That that had seillit with their awin hand. Richt weill tha wist, the said, and the did so, It wald thame turne sone efterwart to wo. And thus ilk pairtie pleyit for thair richt, 23,205 Quhill da wes gone and cuming wes the nicht; Syne wndecydit, my author did sa, Ilk man tuke leve and passit hame his wa.

How the Britis Counsall was schawin to the Scottis.

So secreitlic 3it this thing wes nocht done
Amang thame self, quhill ane of thame rycht
sone.

Of all that counsall that all the mater knew,
To Scot and Pecht his secreittis all he schew.
Quhairof thir kingis war richt ill content,
And suddanelic ane herald to thame sent,
Declarand thame that tha war all wntrew;
Richt weill, tha said, thair counsall all tha knew
Be rycht traist men that tyme that did thame tell,
How tha presume agane thame to rebell,
Commanding thame for it that tha had done,
Thair pledgis all for to fetche hame richt sone, 23,220

¹ In M.S. And.

And tuyss also mony for to send agane, That zoungar war, with thame for to remane; And no stranger amang thame to ressaue, For any falt or mister tha micht haif; Or zit counsall amang thame self to mak; 23,225 In tyme to cum that sould not windertak, Without their leve sic thingis for to do, And wald tha nocht, the said, consent theirto, Declarit thame richt sone or euir tha wene, Thir kingis baith in Britane sould be sene, 23,230 With sic power and sic crudelitie, Sic of befoir zit saw tha neuir with ee. Syne finallie, he said, than to conclude, Neuir for to stanche fra mort battell and blude, Qubill all the Britis levand ar on lyfe 23,235 Be slane ilkone, baith man, barne and wyfe. Quhen this was said befoir the Britis all That present war, that tyme bayth greit and small, So greit rancour zit kendlit in thair mynd, With ane assent among thame all defynd, 23,240 Or tha did sua tha sould far erar de All on ane da and out of trubill be, No for to leve and be into sic pane. All this decreit the nobillis war agane; Suppois it was right soir aganis thair will, 23,245 Of force it wes for to consent thairtill, With fair words misit the multitude, And causit thame siclyke for to conclude; That efterwart right sone the did fulfill Thir chargis all thir kingis laid thame till. 23,250

How the Commonis of Britane rebellit aganis the Lordis.

Sone efter this that I haif said zow heir, Within the space of thre or foure of zeir, The commonis all that duelt into Britland, Convenit all togidder in ane band,

All on ane da said erar tha wald de, 23,255 No for to leif in sic miseritie; Agane thir kingis thocht for to rebell. The nobillis all thair of quhen the hard tell, Dreidand full soir than for thir kingis tua, And for thair freindis that in pledgis la, 23,260 Lib.8, f.115b. Trowand on thame the sould their harme revenge; Col. 1. Of that counsall thame self thair for to elenge, That euerie man micht wit in verrament, Of that counsall that that [wer] innocent, Tha gaif command, wnder the pane of deid, 23,265 The pepill all suld peice sone of that pleid. The commonis than of thame stude litill aw, Bot haistelie to armis all did draw, And gaif thame battell pertlie on ane plane, On euerie syde quhair mony ane wes slane. 23,270 The commonis thocht tha had greit multitude, Thair ordinance and ordour wes so rude, With lytill force thair war confoundit all, And in the feild right mony maid to fall. The laif syne fled also fast as the mycht fle, 23,275 Sum to the mos, sum to the montanis hie. Tha followit fast efter quhair tha wer gone, And in that chace the slew richt mony one.

How the Commoun Pepill Rebellit the Secund Tyme.

The commoun pepill, thought that tint the feild,
And had the moist part of thair power keild,
3it sone efter with mort battell agane,
Tha met the nobillis pertlie on the plane,
And in that feild thair war tha all confoundit,
Mony war slane and mony right euill woundit;
And all the laif war skaillit heir and thair,

23,285
Than for to fle thai wist nocht rycht weill quhair.

Col. 2.

That tyme thair power wes so far opprest, That efterwart that leit thame tak no rest; Vpoun the plane tha durst nocht byde nor be, Bot hid in woddis and in hillis hie, 23,290 Quhill syne that force compellit thame thairtill, That the put theme all into the nobillis will. The nobillis als of thame the had sic want, But thame might nother police nor zit plant; On euerie syde thairfoir tha war richt fane, 23,295 Athir with other to agrie agane. This inwart battell that tyme of the Britis, Withoutin weir, as that my author writis, It did mair skaith that tyme into Britane, Nor all the spulze of Maximiane, 23,300 He had with him into Armorica, Schort quhile befoir as ze haif hard me sa. Efter this feild thair follouit zeiris thre Into Britane of sic penuritie, That throw grit hunger mo lossit the lyfe, 23,305 No did befoir other be sword or knyfe. Syne efter that thair follouit zeiris thre So fructuous with sic fertilitie, In Britane siclike wes thair neuir sene Lang quhile befoir, nor zit sensyne hes bene. 23,310 Quhilk causit thame that tyme baith ane and aw, To leve vertew and to sic vices draw, Syne efter that, right lang and mony zeir, That horribill wes to ony man to heir. Of hurdome, hasart, and of harlatrie, 23,315 Of dansing, drinking, and full gluttony, Adultrie so litill than the dred. That fornication for na vice wes hed. And, to my purpois forder to apply, Wes neuir vice than ringand wnder the sky 23,320 That knawin wes, or zit befoir richt lang, Amang the Britis in that tyme the rang.

And speciallie the prelattis of the kirk,
Than of thame all maist wranguslie did wirk;
Castand fra thame of halie kirk all curis,
In drinking, dansing, and with commoun huris,
Vsit thair lyfe into sic harlatrie,
And at all thir [thai] had right greit invye,
That vsit vertu into word or deid.
That wes the caus thairfoir, as sais Sanct Beid, 22,330
With the Saxonis tha war efter ouirthrawin,
And ay sensyne dishereist of thair awin,
Suppois thai war baith stalwart, stout and strang,
And 3it are so, I wait nocht weill how lang.

HOW EUGENIUS DEPARTIT OUT OF THIS LYFFE.

In all this tyme that I haif tald yow heir, 23,335 Eugenius this nobill cheuilleir, Richt equallie his kinrik gydit he In peice and rest, and greit tranquillitic. Gude faith and fredome in him so wes foundit, All welth and weilfair in his [realme] aboundit; 23,340 His leigis all him luifit ouir the laif, And to the kirk greit fredome that he gaif, And causit thame obeyit for to be In all his tyme with greit tranquillitie. Four hundretht zeir and saxtie efter Christ 23,345 In Bethlem wes borne and syne baptist, And of his ring quhilk wes the threttie zeir, This nobill king of quhome I schew zow heir, He tuke his leif and to his graif is gone. For him thair murnit that tyme mony one, 23,350 Into his tyme so weill louit was he With zoung and ald for his humilitie; To freindfull men wes gentill to behald, And to his fa baith bellicois and bald. In Iona Yle I leve him liand still, 23,355 With his father into Ecolumkill.

Lib. 8, f. 116.

Col. 1.

HEIR FOLLOWIS THE CROWNYNG OF DONGARDUS AND OF HIS NOBILL DEIDIS. THIS DONGARDUS WES BRUTHER TO THIS FOIRSAID EUGENIUS.

This king, of quhome his deidis I haif schawin, No childer had that tyme that wes his awin. Quhairfoir his bruther, hecht Dongard to name, Ane nobill man withoutin ony blame, 23,360 With haill consent of zoung and ald ilkone, Wes crownit king vpoun the marbell stone. Ane man he wes all tyme of counsall gude, And far affectit to the noble blude, Begouth alway quhair that his bruther left; 23,365 Richt mony place he foundit and syne feft In halie kirk, in ilk pairt of his ring, And ordand preistis for to say and sing, And service mak ilk da at tyme and hour. Pauladius he held in greit honour; 23,370 And with his nobillis causit him to haif Greit reuerence, siclike of all the laif That come with him, quhilk of the kirk had cuir, Ilkane in ordour as tha office buir. Syne sindrie judgis for to keip the lawes, 23,375 Knawledge to tak of euerie mannis causs, And to decerne betuix the richt and wrang, To heid for slauchter, and for thift to hang, And no trespas wnpuneist for to be, Into his tyme sic lawes ordand he. 23,380 Sone efterwart, at greit laser and lentli, He gart reforme ilk castell, tour and strenth, And biggit new vpoun the bordour syde. For weir in peice he thocht wes best to prouyde, Quhen that sic thing micht best cum till effect; 23,385 The quheill of Fortour he held ay suspect,

Thairfoir with wisdome he wes all tyme gydit, So that nothing he hes left wnprovydit. In peice and rest I lat him heir remane, And to the Britis turne I will agane.

Neirby the space that tyme of threttie zeir,

23,390

How the Britis war put to Fredome, efter that war subdewit with the Scottis and Pechtis Threttie 3eir, be the Counsall of Conanus quhome of I spak befoir.

In sic bondage as I haif said zow heir, The Britis war with greit miseritie.1 So far with thame that tyme that war ouir thrawin, Skantlie durst say thair saull wes thair awin. 23,395 The landis als tha lay in lenth and breid, Fra Humber water to the mouth of Tueid, The occupyit as all their awin had bene; Within the boundis durst neuir Brit be sene; Ten thousand pundis of gude money alsua, 23,400 In tribute zeirlie syne tha gart thame pa. Moir miserable that tyme tha led thair lyfe Na I can say, baith man, barne and wyffe, With soir complaint, with piteous voice and stevin, Haldand thair handis ilk da wnto the hevin, Cryand on God, law kneilland on thair kne, To bring thame out of that miseritie. Ane lang tyme so thair prayer wes ouir all, Syne efterwart it hapnit so to fall, This ilk Conan, of quhome befoir I spak, 23,410 Ane quyet counsall causit thame to mak: Befoir thame all wes present thair that day,

He said to thame as I sall to yow say.

¹ Here a line seems wanting.

How Conanus maid his Oresoun.

	"Lordis," he said, "I knaw richt weill for-thi, "Vnto my counsall had ze done apply, "That I zow gaif lang syne befoir ago, "With ws I wait it had nocht now stand so.	23,415
Col. 2,	"We had bene fred, and maid for to leve frie, "Brukand oure land, oure law and libertie, "Wnder ane king with plesour of oure awin, "Quhair now we ar oppressit and ouir thrawin "For than we had hors, harnes and geir,	•
	" Manheid and strenth, and armour for the wei "Thair lakit nothing that langit thairtill, "Bot manheid, curage, hardines and will. "And now," he said, "in oure weiris bygone, "Oure strenthis all ar faillit far ilkone;	r: 23,425
	"With darth and hunger, and infirmitie, "Richt mony ane sensyne wes maid to de. "And now," he said, "I se richt weill appeir "Oure greit distruction euerilk zeir by zeir,	23,430
	"That finallie, and we remeid it nocht, "Or euir we wit we wilbe put to nocht. "Thairfoir," he said, "I zow beseik ilkone, "Remember how oure fatheris bigone, "Zone barbour bodeis vincust oft in feild, "Syne exult thame, baith man [and] wyfe and	23,435
	ch[e]ild, " Fra Albione richt far in other land, " Sic aw tha stude that tyme of thair command" Quhairfoir," he said, "gif curage in 30w be,	1.
	"Or zit desyre of land or libertie, "Or zit in zow be other strynd or blude "Of oure eldaris, so nobill war and gude, "Than lat we nocht so far degenerat be "Fra thame quhilk wes of sie nobillitie;	23,445

Lib.8, f.116b.

Col. 1.

- " Sen that we ar cuming of the Romane blude,
- " Cast of this zok of sic vyle seruitude,
- "Wnder zone barbouris no langer to be,
- " And mak ws all to leve at libertie.
- " Richt eith it is oure purpois to fulfill, 23,450
- " So we wald all concord into ane will."

How the Britis decreittit to send in Armorica for Supple aganis the Scottis and Pechtis, and for to half ane King of that Cuntrie.

Quhen he had said as I haif said to zow, His langage all richt greitlie did allow; And ilkone said that that wes best to do, And suddantlie gaif all consent thairto, 23,455 Incontinent without ony delay, To tak the feild and fortoun till assay. So had that done right sone and suddantly, Had nocht bene ane that wes standard neirby, Quhilk said, "Forsuith this is the mater indeid, 23,460 " And we do so we will cum lidder speid " Agane zone princes of power and pryde, "Without ane king ws to convoy and gyde. " And we oure self diswsit is in weir, " But hors, harnes, or ony other geir, 23,465 "Without ordour, or ony ws to gyde. " My counsall is thairfoir that we provide " In ony place quhair we ma get ane king, " Or we temp Fortoun ouir far in sic thing." Than eueric man thocht that counsall wes best, 23,470 Syne tuke to reid withoutin ony rest, This ilk Conanus sould him dres to ga With thair desyre onto Armorica, And Guytillene ane man but ony cryme, Quhilk bischop wes of Lundoun in that tyme, 23,475

On to that king the quhilk wes of thair blude, Beseikand him of his greit gratitude, He wald prouyde for thame ane king or prince, In gudlie haist to cum in thair defence; Sen he him self wes narrest to thair croun, 23,480 Fra Dioneth the fourt grie cuming down.

How the Brit Lordis passit to Armorica.

In that mater wes nother stop nor strywe: Sone war tha graithit on to the gait belyve, With greit triumph syne passit to the fame. The secund da this Conanus be name, 23,485 So alterit wes throw caldnes of the se, Quhill that he fell in greit infirmitie, On the thrid day, withoutin ony remeid, He sufferit hes the strang panis of deid. Guytillean richt greit displesure tuke 23,490 Of his diseis, and for his saik forsuik Meit and drink tua dayes or thre. Syne efterwart, quhen he come of the se, Richt gloriouslie gart graith him in his graif, With all honour that sic ane man sould haif. 23,495 Syne efterwart quhen that he had done so, To Androan he dressit him till go, That king that tyme wes of Armorica, Of thair awin blude discendit wes alsua. Syne quhen he come befoir this crownit king, 23,500 Ilk word by word the fassoun of all thing At lenth and lasar schew to him richt plane, That I neid nocht heir to rehers agane. His oresoun, the quhilk wes so prolixt, Wald mar my mynd and I had with it fixt, 23,505 And tydeus to zow also to reid, And hinder me right far als of my speid,

And I no tyme hes now thairin to tarie:
With help of God and his deir moder Marie,
My purpois is to lat sic process pas,
And tell 30w schortlie how the mater was.

23,510

HOW THE KING OF ARMORICA SEND HIS SONE CONSTANTYNE IN BRITANE WITH ANE GREIT ARMIE, FOR TO SUPPLE THE BRITIS AGANIS THE SCOTTIS AND PECHTIS.

Off his desyre the king wes weill content; Of his awin coist that tyme incontinent Schir Constantyne he send to the flude, Quhilk wes his sone, with ane greit multitude 23,515 Of nobill men that vsit war in weir, With bow and brand, with sword, ax and speir, And with all thing quhairof tha micht haif neid, In that jornay micht caus thame for to speid. Quhen tha war put syne in ane gude array, 23,520 To schip tha went without ony delay, And in thair passage perrell fand thai none, Quhill that the come richt saif in Albione. The pepill all that duelt baith far and neir, Of thair cuming also fast as tha culd heir, 23,525 The gadderit fast, and come to the se coist, Col. 2. At his cuming tha met him with ane oist, With sic desyre the had that tyme to se This Constantyne, that come thair king to be. Guytillian quhen that he come to land, 23,530 Quhair mony lord befoir him thair he fand, Than word be word he schew to thame ilkone, How he had sped in his travell bigone, And how sa weill he treittit was alsua With Androgen, king of Armorica; 23,535 And of the honour that wes done him thair, And all his ansuer ilk word les and mair. VOL. II. \mathbf{H}

The pepill als beheld this Constantyne, Amang thame self ilk said to vther syne,

- "This is the man we traist this tyme salbe 23,540
- "The haill reskewar of oure libertie;
- " And do he nocht, traist weill in all ouir dais
- " It beis wndone;" ilkone to vther sais.

How the Britis convoyit Constantyne to Lundoun.

With honour, reuerence, and with greit renoun, Convoyit [him] syne on to Lundoun toun, 23,545 Thair, with consent baith of ald and zing, This Constantyne thair haif tha crownit king; Prayand to God his dais lang to induir, And send him fortoun and gude aventuir. Befoir thame all than wes he sworne to be 23,550 Baith leill and trew in his auctoritie, And with all power that he micht in plane, Thair libertie for to reskew agane, Siclike befoir as tha war wont to be; That suld he do, he said, or ellis de. 23,555 Syne gart proclame within the fourtie da, That euerie man als gudlie as he ma, Sould reddie be that doucht armoure to weir, Baith zoung and ald weill graithit into thair geir, As the micht furneis, baith on hors and feit; At Humber flude the tryst wes set to meit.

How the Scottis and Pechtis, heirand of the cuming of Constantyne, gart hang all the Pledgis that tha had that Tyme of the Britis.

Baith Scot and Pecht quhen tha hard tell that thing, The pledgis all tha haif gart heid and hing:

And vyldar deid hes maid mony to de Richt cruellie without humanitie. 23,565 The Britis all thairat had sic dispyte, Thinkand thair deid and harmis for to quyte, Thairfoir the sonner quhair the tryst wes set, The sped thame all qubill the togidder met. In that same tyme thir nobill kingis tua, 23,570 With all thair power efter on ane da, On fit and hors are meruelus multitude, Plantit thair palzeonis neirby Humber flude. And thair tha baid with mekle bost and schoir, Vpone ane spy that the had send befoir 23,575 Into Britane fra thir tua kingis send, Lib.8, f.117. Col. 1. Quhilk come agane and hes maid to thame kend The Britis all with thair king war cumand, Within four myll in all haist at thair hand. Thir kingis tuo than to array is gone, 23,580 And put thair men in ordour thair ilkone; Syne be tha war arrayit weill at richt, The Britis all apperit in thair sicht; Quhat movit thame it is wnkend to me, Tha left the plane, and tuke the hillis he, 23,585 Neirhand besyde, baith of greit hight and lenth, And thair thai stude arrayit on ane strenth. Thir kingis tuo quhilk did thair passage se, Traistand the battell sould postponit be Quhill on the morne or to sum vther da, 23,590 This king Dongard, as my author did sa, To all his men, with ane loud voce and cleir, He said to thame as I sall say 30w heir.

How the King of Scottis maid his Oresoun.

" Mervell," he said, "nothing now of zone sicht,

[&]quot; Quhairfoir the Britis dryuis to the hicht. 23,595

[&]quot; It is weill kend to zow oft of befoir,

[&]quot;Tha war ay full of bost, of brag and schoir,

- " Behind oure bak, into all tyme and place,
- " Syne fane to flie quhen that the se our face.
- " Far manliar ane slayis with thair word 23,600
- " Ma men, ze wait, no other knyfe or sword.
- " Zisternycht loud tha cryit all on hie,
- " Quhair ar thai gone? quhair sall we now thame se?
- " ' Quhair sall we find tha fals tratouris so strang,
- " 'That we haif socht richt mony da so lang?' 23,605
- " And now this da quhen tha cum in oure sycht,
- " And dois behald oure strenthis and oure micht,
- "Thair greit curage now culit is so cald,
- "That [thai] dar nocht oure faces weill behald;
- " For verra dreid, as 3e 3our self ma se, 23,610
- " Fled fra the feild onto ane montane hie.
- " Dreid nocht this tyme," he said, "as I suppois,
- " To fecht with thame ar so meticolois,
- " And full of dreid, for all thair boist and schoir,
- " So oft with ws wes vincust of befoir. 23,615
- " 3one ar the leid that lawtie hes forlorne,
- "Faithles and fals, and oft syis mensworne;
- " Withoutin faith thai ar, baith man and cheild;
- " Sic falset 3it fuir neuir weill in feild.
- " And thocht," he said, "3e knaw ane lytill 23,620 we,
- " Now at this tyme thair power eikit be;
- "That is na caus now that the suld preuaill,
- " Nor zit no quhy quhairfoir we suld faill.
- " Richt weill I knaw thair chiftane maid of new,
- "That neuir befoir thair fassone kend or 23,625 knew,
- " For na requeist, teiching or document,
- " Ma caus tha harlottis to tak hardiment,
- " For na admonitioun he can to thame mak,
- " Of ws this tyme so greit terrour tha tak,
- "Sa oft befoir that preuit hes oure strenth, 23,630
- " That garris thame ly so far fra ws at lenth.

Col. 2.

- "Traist weill," he said, "the hair dreid neuir the hound,
- " No zit the scheip the wolf, in to na stound,
- " Quhen scho is put till all hir grittest speid,
- " So soir befar this da as tha ws dreid. 23,635
- " Giff hapnis so this da that we get feild,
- " Se that no Brit, suppois he wald him zeild,
- " Ze tak or sauc quhill all perrell be past;
- " Tak tent and byde on to the latter cast,
- " And quhen tha fle, or dreid tressone be 23,640 wrocht,
- "Without ordour se that ; e follow nocht;
- " For and ze do, ze ar abill to tak
- "Throw sic wnwisdome baith greit skayth and lak."

HEIR FOLLOWIS THE ORDOUR AND THE MANER OF THE GREIT BATTELL BETUIX DONGARDUS, KING OF SCOTTIS, AND CONSTANTIUS, KING OF BRITIS, QUHAIR THE SCOTTIS WAN THE FEILD AND THAIR KING WAS SLANE THROW MISGYDING.

Be this was said, the watchis walkand by Come in agane, and schew richt suddantly 23,645 The Britis war discendit fra the hight, And cumand war in gude array full richt, Towart the place quhair at the Pechtis la. Than Dongardus, in all the haist he ma, He put his men into ane gude array, 23,650 And fordwart fure without ony affray. Onto the place richt sone he gart thame pas, Quhairat the feild syne efter strikin wes, With buglis blast that hiddeous wes till heir, And schalmis schill with clarionis clinkand cleir, 23,655 With baneris braid, and pynsallis of greit pryde, And staitlie standartis vpone euerilk syde.

Fra bowmen bald, with bent bowis in hand,
The flanis flew richt scharpe and weill scherand;
On euirilk syde, withoutin ony feinzie,
The cruell dartis with mony awfull ganze,
Lyke thunder quhisland flew into the air,
The dais licht adumbrit¹ ouir all quhair.
Syne efter that, with mony speir and scheild,
The laif richt fraklie enterit in the feild,
With sic ane dois togidder that tha draif,
Quhill all thair scheildis into pecis raif;
So thralie than togidder that tha thrist,
Quhill speiris brak and birneis all did brist.

HOW BAITH THE WYNGIS OF THE BRITIS FLED.

The wyngis baith than of the Britis oist
Inlaikit fast, and in the tyme neir loist,
In that counter sa mony thair wes keild;
The laif syne fled rycht far out of the feild.
Than all the pais la on the middill ward,
Quhair 3 oung Constans that tyme faucht with his gaird,
He brocht with him out of Armorica;
Tha preuit weill, as my author did sa.

How Dongardus socht Constantyne in the Feild to fecht with him Hand for Hand, and as he was slane.

Lib.8, f.117b. This nobill Dongard as I wnderstand,

Sic curage had for to fecht hand for hand

With Constantyne, of quhome he had na dout,

Into him self so stalwart wes and stout,

With sic desyre greit honour for to wyn;

Than with ane raice amang thame encertin,

In MS. abumbrit.

Into the feld richt fraklie on his feit, Troward that tyme with Constantyne to meit, 23,685 Richt unauisit followit in oure far Into the feld quhair that his fais war. Or euir he wist, with few in cumpanie That followit him, right haistelie in hy With his fais he wes closit about, 23,690 So that no way he had for to wyn out. Syne faucht so lang, for he wald nocht be tone, Quhen all his feiris war slane euirilk one, Him self that tyme that stalwart wes and strang, With speiris scharp that war bayth grit and 23,695 lang, On force wes borne than braidlingis on his bak;

And as he rais defens agane to mak, With speiris lang that war bayth grit and squair, Out throw the bodie in the breist him bair. This was the end of gude Dongard the king, 23,700 Quhilk wes that tyme the fyft zeir of his ring. Richt mony cowart of his deid so dred, Out of the feild richt fast awa tha fled. The laif, quhilk war moir stalwart in that steid, Thinkand to be revengit of his deid, 23,705 Bald as ane boir in that feild tha fuir; Thair deidlie dyntis war awfull till induir, Wes none so awfull of the Britis all, Bot with ane straik the maid theme for to fall. The Pechtis proud that da war of sic pryss, 23,710 So manlie als, and of thair gyding wyss, So hardie war, and of thair curage hie, Out of the feild ane fot the wald nocht fle; And thus the faucht the space of half a da, But victorie, as my author did sa. 23,715

Col. 2.

HOW ALL THE GRIT BATTELL OF THE BRITIS FLED.

Syne at the last the Britis tuke the flycht; Langar to byde tha had no strenth nor mycht. For sixtene thousand in that feild wes slane. Without reskew la deid vooun that plane; Of Scot and Pecht, as my author did sa, 23,720 Fourtene thousand la deid that same da; And gude Dongard, that wes of Scottis king, As I zow schew, the fyft zeir of his ring. This Constantyne quhen he had tynt the feild, And had sa mony of his knichtis keild, 23,725 For him that tyme wald nocht convene agane, Na langar than thairfoir he durst remane; Syne efterwart, vpoun the secund da, Onto Kent schire he passit hame awa. The Scottis all for the deid of thair king, 23,730 So sorrowfull and said wes of that thing, Tha preissit nocht to follow on the chace, No zit the Pechtis far out of that place, Bot passit hame within ane litill quhile, With gude Dongard thair king to Iona Ile. 23,735 In Ecolumkill syne graithit him in his graue, With all honour that sic ane prince suld have.

How Constantinus, the Bruther of Dongardus,

EFTER HIS DEID, WAS CROWNIT KING OF SCOTTIS, QUHILK PREVIT WNWORTHELIE IN ALL HIS TYME.

Ane sone he had of 3outhheid within eild, Congallus hecht, quhilk wes ane prettie cheild, That wes ouir 3oung that tyme to be ane king, 23,740 That all the lordis for that samin thing, And commoun pepill that tyme did defyne The kingis bruther, callit Constantyne.

With haill consent of all wes thair ilkone, The crownit him vpoun the marbell stone. 23,745 Of him that tyme tha had better beleif In all his tyme no he did efter preif. Fra his father, and fra his bruther als, Degenerit far, baith subtill, sle and fals; Voluptuous, full of gulositie, 23,750 And louit men weill that culd fleche and le. Adulterie and fornicatioun, Rapt, and incest, and defloratioun; Stuprion to him wes sic plesour, With dansing, drinking, euerie da and hour, 23,755 With harlatrie and hurdome mony zeir, That horribill wes into this erd to heir. Of him this tyme quhat sould I say zow moir? In Albione wes neuir king befoir, So vitious wes in all his tyme as he, 23,760 Foullar infectit with faminitie. For no requeist that the lordis culd mak, No deid of armis wald he wndertak, No in his tyme wald justice keip or law; Richt few thair wes of him stude ony aw. 23,765 For no persuasioun the lordis culd mak, Befoir his face or zit behind his bak, For quhat promit that the culd mak him to, No for no thing that the sould sa or do, Tha culd nocht all into ane feild him bring, 23,770 Quhair blude wes drawin or apperance of sic thing. And als thairwith, as that my author writis, He grantit peice skant askit be the Britis; At thair plesour gaif ouir siclike alsua The tribute zeirlie that the war wont to pa, 23,775 Richt quietlie, but aduiss of men of gude, And mony strent that on the bordour stude. Quhen all this thing ouir Scotland wes weill knawin As he had done, and to the lordis schawin,

Lib.8, f.118.

Col. 1.

Tha thocht ilkone agane him to rebell; 23,780 So had the done, as my author did tell, Had not bene than the nobill gude Congall, Of Galloway lord, and wysest of thame all, The quhilk to thame sa mony lessoun schew, Greit perrell wes sic battell till persew 23,785 Amang thame self, knawand that it wes sua, The Britis than quhilk wes thair mortall fa, Redemit had that land and libertie, And had ane king thair gouernor to be, And bad also bot waittand on thair tyme, 23,790 " For to revenge the grit injure and cryme "That we haif wrocht to thame this tyme befoir. " Also," he said, "the Pechtis les and moir " Ar perelous to lippin in, for-quhy "Tha fauour thame ay hes the victory." 23,795 " My counsall is," he said, "for dreid of war, " Till better tyme this mater to defar." And so that did at his counsall ilkone, Skaillit that court, syne hamewart all ar gone.

How the King of Pechtis, seing the Unworthines of the King of Scottis, haiffand no Beleiff of his Help; quhairfoir tha gart sla the King of Britis with Tressoun.

The king of Pechtis and his lordis all,

Considder and quhat efter micht befall

Of Constantyne that wes of Scottis king,

Wes so wnworthie into euerie thing;

Traistand richt weill gif war hapnit to be,

Of him tha sould get richt sober supplie.

23,805

The Britis als, vpoun the vther syde,

Quhilk war that tyme of sic powar and pryde,

And so rejosit of thair libertie, And thair new king and his auctoritie, And the mycht nocht aganis their purpois 23,810 stryve; Quhairfoir tha haif conducit than belyve Tua fair zoung men, the quhilk on hand hes tane, For greit reward and giftis mony ane, To sla this king of Britis Constantyne, Throw greit dissait and throw subtill ingyne. 23,815 Syne fenzeit thame as the Britis had bene, In Brit langage, as my author did mene, Perqueir tha war in nothing for to leir, That causit thame to tak the far les feir. First in the court tha maid ane quhile repair, 23,820 And efterwart, the langar ay the mair, Fra thai culd tak and tell of mony thing, Quhairthrow that gat sic quentance of the king, Tha war nocht warnit nother tyme nor tyde, Quhen plesit thame to cum till his bedsyde. 23,825

HOW CONSTANTYNE WES SLANE WITH TRESSOUN.

Syne quhen tha saw thair tyme wes oportune,
That ganand wes quhen sic thing sould be done;
In his chalmer richt quietlie ane da,
Tha stikkit him in his¹ bed quhair he la.

Syne, or tha culd diuyde thame of that land,
Tha war baith tane and fast bund fit and hand;

Syne in ane fyre war baith brint to deid,
For thair reward wes no vther remeid.

The fourtene zeir deposit of his ring,
This Constantyne of Britis that wes king.

23,835

¹ In MS. hie.

How the King of Scottis was slane with the Lord of the Ylis.

Sone efter syne, as \$\frac{2}{2}\$ e sall wnderstand,
This Constantyne that king wes of Scotland,
Richt suddantlie wes slane into ane place,
At set purpois and nocht of suddante cace,
Be ane that tyme quhilk wes of nobill blude,
Lord of the Ylis and ane man of greit gude,
For the defoulling of his dochter deir,
Magir hir will, syne of ane vyle maneir.
And how it wes I can nocht, except I le,
Tell 30w the cace, for it wes nocht tald me.

23,845
My author said, as I can richt weill trow,
The lordis all thairof did him allow.

HEIR FOLLOWIS THE CROWNYNG OF CONGALLUS THE SONE OF DONGARDUS FOIRSAID, AND OF HIS NOBILL PRINCELIE DEIDIS, AS 3E SALL EFTER HEIR.

Quhen he was deid as I haif said zow heir, Quhairof his ring wes than the threttene zeir, The lordis all, within ane lytill quhile, 23,850 Convenit hes togidder in Argatyle; Crownit hes Congallus to thair king, The sone of Dongard, plesand and benyng. His fatheris way he follouit as he micht, To euerie man to do justice and richt; 23,855 Theif and revar gart baith heid and hing, Without counsall that tyme he did na thing; And presit ay for to mak peice and rest, In all his tyme he thought sic thing wes best. Richt manlie als he wes in tyme of weir, 23,860 At no man wisdome neidit for to leir; In his stait royall heir I leve him still, And to the Britis turne agane I will.

Col. 1.

HEIR FOLLOWIS THE DISCRIPTIOUN OF THE KING OF BRITIS THRE SONIS, CONSTANTIUS, BROSIUS AND VTER.

This king of Britis, callit Constantyne, Thre sonis had baith fettis, fair and fyne. 23,865 The eldest heeht Constantius to his name, Ane basit barne ay full of dreid and schame, Without makdome vther of lym or lith, And right vnnaturall he wes thairwith. And for that quhy he ganit nocht to be 23,870 Ane king or prince, to haif auctoritie. Thairfoir his father, for that samin caice, Maid him ane monk in ane religious place. He thocht he wes mair ganand for sic thing, Na for to be ane governour or king. 23,875

How Wortigernus tuke Constantine out of RELIGIOUN, AND MAID HIM KING OF BRITIS.

Ane greit nobill, hecht Wortigern to name, In all Britane he wes grittest of fame, Efter the deith of Constantyne the king, Out of religioun his sone hes gart bring, Magir his will, be his auctoritie, 23,880 Lib.8, f.1185. Syne crownit him of Britane king to be. In that beleif traistand he sould be maid Greit governour of all Britane so braid; For-quhy this king for sic thing wes vnable, This tirrane wrocht that tyme so tressonable. 23,885 As he supponit, syne with haill consent, Of all Britane he wes maid haill regent And governour, baith be land and se To reule and steir at his auctoritie. Ane hundret Scottis stalwart and rycht stout, 23,890 Als mony Pechtis knycht into ane rout,

Conducit hes that tyme for meit and fie,

To keip this king and at his bidding be; And of his corce dalie for till haif cuir, And keip him weill fra all misauentuir. 23,895 For greit disception all this thing he did, That his tressoun the clossar micht be hid; As efterwart it previt weill in deid With Wortigerne in storie as we reid. This sempill king, quhilk wes ane saikles 23,900 wycht, In to his bed gart murdreis him on the nycht. That samin nycht quhen it wes kend and sene, Of all sic thing as he had saikles bene, Ouir all that place he reirdit vp and doun, In his wodnes like till ane wyld lyoun, 23,905 As he wald ryve the flesche than fra the bane, For sic displesour thair of he had tane, All for the slauchter of that saikles king; Bot in his thocht thair wes ane vther thing. Baith Scot and Pecht that we into his gard, 23,910 He hes gart tak and put thame all in ward, Quhill on the morne till keip in fetteris fast, Quhen da wes cuming and the nycht wes past, In Lundoun toun syne airlie on the morne, Baith Scot and Pecht gart present him beforne, Quhair mony lord that tyme wes to se, And the maist part of the commonitie.

Befoir thame all the Scottis he accusit, And Pechtis als, of sic tressoun tha vsit, Into the slauchter of ane crownit king;

To quhome that gaif sic traist into that thing, Thir saikles men, quhilk war richt innocent, Condampnit war to schamles deid and schent: Vpoun ane gallous made thame all to de, For that same deith, without reuth or pitie.

23,920

23.925

How the Britis, efter the Deith of Constantius, becaus Ambrosius, his Bruther, was so 30ung, chesit Wortingernus to be the King of Britane.

The Britis all as the right winderstude, Traistand that he had done all that for gude, Commendit him, sayand ilkane that he Was right weill worth to haif auctoritie, Baith zoung and ald, als far as thai had feill, 23,930 So able wrocht ay for the commoun weill. The secund bruther of Constantius, Callit he wes to name Ambrosius Aurelius, ane wonder prattie cheild, Bot he wes zoung and of right tender eild. 23,935 This Wortigerne, that knew full weill that he Wnabill was to haif auctoritie, Befoir thame all proponit hes that thing, Gif plesit thame this Ambros to mak king. Than said thai all ilkone that tyme, that he 23,940 Was all to zoung ane king or prince to be, Considdering all thing baith ill and gude, In so greit doubt the commoun weill than stude. Thus answerit tha the lordis and all the laif. Said he agane, "Quhome plesis zow till haif?" 23,945 For force it was this tyme to chais ane king. Than with ane voce that said, baith ald and zing, "Thy awin self we lyke above the laive; "Thou ar most worthie sic office to haif."

How Wortigernus was crownit King.

With sword, sceptour, and rob royall so reid, 23,950 And croun of gold syne set vpoun his heid, And grit blythnes that tyme of all dand zing, This Wortigerne thair haif tha crownit king.

Col. 2-

Schort quhile efter that he the croun had tane, Distroyit hes the friendis euerilk ane 23,955 Of Constantyne, the quhilk wes king befoir, Flemit or slane that war bath les and moir; Throw feinzeit faltis as he fand anew, Waill secreitlie richt mony that he slew. The zoung childer to Constantius wes brother, 23,960 Ambrois the tane, and Vter hecht the tother, That sonis war to nobill Constantyne, Quhome of befoir I schew schort quhile syne, Quhan that the knew this cruell king did sua, Fra him tha fled intill Armorica, 23,965 Amang thair freindis for to leve in lie, Quhill efterwart that that thair tyme micht se.

How Congallus, the King of Scottis, and Galanus, the King of Pechtis, heirand how Wortigerne had slane thair Men, persewit him incontinent.

The king of Scottis Congallus, quhen he knew, As Galanus the king of Pechtis him schew, How Wortigerne without ony remeid, 23,970 So cruellie had put thair men to deid, With fals tressoun his king quhen he had slane, Without respect no langar wald remane. Amang the Britis baith with fyre and blude, The enterit in with sic ane multitude, 23,975 With sic desyr of greit crudelitie, Of the injures to revengit be, Wes nothing frie, ather in fell or firth, Of Britis blude that tyme gat ony girth. Baith wyffe and barne, zoung and ald ilkane, 23,98) Seik or zit haill, that tyme tha sparit nane. Quhairfor the Britis euirilk da by da, Tha lost thair guidis and fled richt fast awa

To Wortigerne, and tald him how it stude,
How tha had left baith wyfe, barnis and gude; 23,985
And all war slane that tyme docht nocht to fle
Fra Scot and Pecht, with greit crudelitie.

Col. 1.

How Wortigerne send Guytilyn to resist thir Kingis.

This Wortigerne herand that it was so, Richt haistelie gart furneis for to go, With Guitilyn wes lord of Cambria, 23,990 Ane greit armie for to resist thir tua. In Lundoun toun that tyme him self baid still, To wend till weir he had bot lytill will; For he wist nocht, thairfoir he wald nocht go, Quha was his freind or zit quha wes his fo. 23,995 This samin tyme that ze haif hard me sa, This Guitilyn sone efter on ane da, Come with his power as I wnderstand, Quhair Scot and Pecht war skaillit in the land, Without ordoure in mony sindre place, 24,000 Vp and doun, nocht wittand of that cace. Or euir tha wist thair wes tua hundreth tane In handis all, and syne richt sone ilk ane Condampnit all as theuis for to die; On gallous syne sone hangit all full hie. 24,005 Quhen this was schawin to thir kingis tuo, How Guitilyn thair liegis slane had so, With all thair power on the auchtane da, Come neir the place quhair that the Britis la. At quhais cuming, at the first sicht and luke, 24,010 The Britis all so greit terrour that tuke, That the refusit all that do to fecht, So weill tha wist that enerie Scot and Pecht, YOL. II.

The victorie of thame and the micht haue,
Their wes no gold nor ransoum mycht thame 24,015
saue.

Guytilien, quhen [he] than wnderstude
So far than faillit wes thair fortitude,
With manlie wit and animositie,
He confort thame with curiositie;
And sic ane sermone that tyme to thame schew, 24,020
That euerie man new curage till him drew,
Sayand with him tha sould all erar die,
Out of the feild ane fit or tha wald flie.

HOW GUYTYLYN MET THIR TUA KINGIS IN FEILD.

And or the durst the greit battell assaill, For to temp Fortoun with thair power haill, 24,025 With countering and carmusche mony dais, Tha la richt lang, as that my author sais. Syne at the last, with haill power tha met Into ane place quhair at the feild wes set, With baneris braid weill brodit of the new, 24,030 And mony standart all of sindrie hew; With buglis blast vp to the hevin on hight, In breist plait, birny, and in brasar bricht. Togidder syne so stalwartlie tha straik, With sic ane schow gart all the schawis schaik; 24,035 Thair speiris scharpe that war baith grit and squair,

In splenderis sprang aboue thame in the air. Thir wicht men weildit thair waponis so weill, That euerie straik out-throw thair stuf of steill Thay gart the blude brist out vpoun the grene, 24,040 That petie wes quha had bene thair and sene.

HOW BAITH THE BRITIS WYNGIS, EFTER THAT THA Col. 2. FLED, SET ON CONGALLUS.

Then baith the wyngis of the Britis syde War put abak, and micht no langar byde, And did releve, be thousandis sevin or aucht, On to the feild agane Congallus faucht; 24,045 And eikit hes the Britis power far, And put Congallus also to the war; For all the force, and all the fortitude, Of the haill feild that da agane him stude. The king of Pechtis persauit that in hy, 24,050 Into ane wing quhair he wes fechtand by, Richt sone he send behind the Britis bak, Wicht waillit men ane counter for to mak: With sic prattik seand gif he culd preve, Fra that perrell Congallus to releve. 24,055 The Britis quhilk about thame had ane ee, Richt suddantlie, quhen tha sic thing did se, Tha tuke the flicht and wald no langer byde, On to thair tentis fled fast in the tyde. The king of Pechtis that persauit weill; 24,060 Richt stalwart men that war cled all in steill He gart prevene the Britis thair ane space, Quhairfoir tha fled all to ane vther place. Thir kingis tua tha follouit on so fast, Quhill tha war all ouirtane syne at the last. 24,065

How the Britis kest thair Armour awa, and come and askit Grace.

And quhen tha saw thair wes no place to fle, In grit dispair, trowing all for to de, As witles men out of thair wit richt wa, Thair armour all tha kest that tyme thame fra:

And syne on kneis come thir kingis till, 24,070 And right puirlie put thame all in thair will. Thir kingis tuo baith presoner and pra, That the had wyn into the feild that da, To euerie man efter his facultie, Distribut hes thairof ane quantitie. 24,075 This battell wes right bludie to the Britis. For tuentie thousand, as my author writis, And ma that da, wer slane into the feild; Of Scot and Pecht war neir foure thousand keild. Quhen this wes doue, thir tuo kingis at lenth, Seigit and wan richt mony toun and strenth, And rycht greit slauchter maid cuir all that land Into that tyme without ony ganestand.

HOW WORTIGERNE, HERAND THE FEILD WAS TYNT, HAD FLED OUT OF BRITANE, WAR [IT] NOCHT [FOR] COUNSALL OF FREINDIS.

In Lundoun toun guhen this wes schawin plane, How Guytilyn and all his men war slane, 24,085 This Wortigerne than of na way he wist Thir kingis tuo how that he sould resist; Than in his mynd richt sone deliuerit he Richt secreitlie out of Britane to fle. To his freindis quhen that purpois [he] schew, The said ilkone, that counsel is writrew, To mak him self thairfor to lycht so law, Fra sic ane hight takand so grit ane faw, To all the warld it wald derisioun be, And he did so without battell to fle. 24,095 Throw thair counsall he changit has his thocht, Ane other way syne efter that he wrocht; Ane messinger, as my author did sa, Sone efter that send in Germania.

Lib.8, f.119b. Col. 1. With gold and silver in greit quantitie,

For men of weir that wald tak meit and fie,

Agane his fais for to mak defence:

He bad him spair for no coist nor expence.

24,100

Heir followis the Maner and Caus quhy the Saxonis come first in Albione, quhilk was be this Wortigerne, King of Britis.

That samin tyme into Saxonia, Of blude royall than wes thair brethir tua; 24,105 Hungast to name than hecht the eldest bruther, Orsa also als callit wes the vther. Thir tua tha had greit wisdome into weir, At none the neidit prattik for to leir; Full mony feild and greit fechting had sene, 24,110 And had siclike in mony battell bene. Thir tuo brether befoir this messinger, Hes tane on hand, that mony one micht heir, For thair reward to mak all Britane frie Of Scot and Pecht, or ellis for to die. 24,115 This messinger thairof wes weill content, And prayit thame right sone incontinent, With all thair power tha suld reddie be; Than threttie schippis tha laid to the se, Ten thousand men that waillit war and wicht, In breistplait, brasar, and in birny bright, With helme and habrik, and all ganand geir, Tha tuk with thame that neidfull war in weir. To se the went, the wedder wes at will; Befoir the wynd thai saillit lone and still, 24,125 Tua dayis or thrie togidder ay in one, Quhill at the last thai come in Albione: Syne set to schoir thair schippis by ane sand, And with their boitis passit all to land.

Col. 2.

How Wortigernus ressauit Hungast.

This Wortigerne thairof he wes right fane, 24,130 And causit thame all at quyet to remane Ane lytill quhile, refreschit for to be Of thair travell tha had tane on the se. Syne efterwart, vpoun the auchtane da, He furneist him, and syne fuir furth his wa, 24,135 With tua oistis weill garneist all togidder, Of Saxonis one and of Britis ane vther; Ane multitude that war into great number, And in all haist syne passit ouir Humber. The Scottis then, and the Pechtis also, 24,140 Ouir all tha landis as tha list till go, Remanand war withoutin pley or pleid, Haiffand na dreid of ony Britis feid. Bot quhen the knew richt weill, and wnderstude, Tha war na matche agane that multitude, 24,145 Tha fled ilkone except thame that mycht nocht flie, As waik and seik men in infirmitie; And mony mo thraw sleuth and raklisnes, That baid ouir lang then throw fule hardines, Sync war all tane in mony sindrie steid, 24,150 Without discretioun all war put to deid. The Saxonis said that wes are taikin gude Of victorie that that gat the first blude: And so that did, distroyand in thair yre The boundis braid than baith with blude and 24,155 fyre. Thay sparit nane in quhome that the fand lyffe, Zoung or ald than, other barne or wyffe; In greit despyte ouir all that land tha zeid, Fra Humber water north ouir Tyne to Tueid, And enterit syne into Dieria, 24,160

Amang the Pechtis with fyre and blude alsua.

How Galanus send and Herald to Congallus, schawing him of the cuming of the Saxonis.

The king of Pechtis Galanus quhen he knew Of thair cuming, as suith men to him schew, To Congallus ane messinger he send, The quhilk to him that tyme fra end to end, 24,165 The haill maner hes schawin les and moir, Of this Hungast, as I haif said befoir, First of his cuming fra Saxonia, With so greit power in Britania; Of Brit and Saxonis syne in sic number, 24,170 He cuming wes attour the water of Humber; And all the landis, baith of lenth and breid, He had distroyit to the watter of Tuied. Als[o] that tyme he did him wnderstand, How that he la right far within thair land, 24,175 Vsand on thame richt greit crudelitie Of fyre and blude without humanitie, Richt mekle skaith into that tyme had done; And war he nocht, he said, resistit sone, His purpois wes, baith Scot and Pecht ilkone 24,180 Exull to mak far out of Albione.

> HEIR FOLLOWIS THE ORDOUR AND THE MANER OF THE BATTELL BETUIX HUNGAST AND GA-LANUS, AND HOW HUNGAST WAN THE FEILD.

Quhen this wes said, as I haif said 30w plane, Or ony ansuer culd cum hame agane, The king of Pechtis tha haif gart wnderstand, That this Hungast wes cumand at the hand, Within les space tha said than fourtene myle. The king of Pechtis in that samin quhile, With all the power that he doucht to get, Richt manfullie this ilk Hungast he met

Lib. 8, f.120. Col. 1. In plane battell, quhair mony burdoun brak, 24,190 And mony big man wes laid on his bak; And mony berne down of his blonk wes borne, And mony schulder throw the scheild war schorne. Full mony Pecht that da bled of his blude, This Hungest had with him sic multitude, 24,195 Quhilk in the feild so stalwart war and strang; The Pechtis als that fouchtin had so lang, And thair withall wer of sa few menzie, That force it was that tyme to thame to fle. Of this battell quhat sould I say zow moir? 24,200 The Saxonis gat the victorie and gloir. The Britis all so basit war that da, That this Hungest, as my author did sa, For no treittie he culd mak or trane, Into the feild skant culd be gar remane. 24,205 Amang thame all wes nother mair nor les, That da in feild that schew grit hardines.

How Hungestus, considderand the Britis of sick litill Valour, consault in his Mynd quhen he might se Tyme to conqueis all Britane.

This Hungest syne, quhen he considderit haill
The Britis war bot of sa litill vaill,
Than in his mynd richt sone considderit he,
Quhen euir it war that he his tyme micht se,
Syne efterwart the Britis all ilkone
For till expell far out of Albione;
Within him self richt far he hes defynd,
The quhilk remanit ay still in his mynd.

24,215

How Galanus send and Herald for Help to Congallus.

This king of Pechtis as I said of befoir, To king Congall, his help for to imploir, Ane herald send into all haist and speid, Beseikand him of his supplie in neid, Schawand to him, how be this ilk Hungest 24,220 His 1 power was that tyme so soir opprest, With the Saxonis full of crudelitie, Busteous and bald, without humanitie; And that thai war withoutin men also, Of gentill faith, and also Cristis fo; 24,225 The quhilk to him had done greit skayth and noy, And schupe him self and landis to distroy; And come he nocht with his supple belyve, Than force it was to thame bath man and wyve, With schame and lak, and greit miseritie, 24,230 Fra Albione in vther landis fle.

How Congallus promittit Help to Galanus.

Col. 2.

This king Congall agane than said him till,
Intill all haist, richt hartlie with gude will,
That he sould cum richt sone in his supplie;
Biddand him of gude confort [for to] be,
And for to mak the best defence he ma.
This king Congall syne efter on ane day,
With mony man that worthie wes and wicht,
Buskit richt weill all into armour bricht,
In Pechtland with king Galanus met,
Into ane place quhair at the tryst wes set,
With fourtie thousand furneist for the feild,
Baith bald and wicht that waponis weill culd w[cild].

¹ In MS. He.

Devoitlie syne, as that tyme wes the gyss
Of Cristin men, tha maid thair sacrifice;
Prayand to Christ, that for thame sched his blude,
In thair defence to send thame fortoun gude
Agane tha paganis wes his mortall fo,
And ennimie also to tha kingis tuo.

How the King of Scottis and Pechtis Hangit all thame that fled for Feir, to gif Exempill to Vtheris nocht to flie.

Syne furth tha fuir in till ane gude array, 24,250 Neirby the place quhair this Hungestus lay, With baneris braid displayit vooun hight, Quhill ather of vther cuming ar in sicht. Of Scot and Pecht that tyme at the first luke, Of thair nummer richt mony terrour tuke, 24,255 Of quhois sicht tha war so far adred, To craig and cleuch right mony of thame fled. Quhen that wes knawin to thir kingis tuo, Rycht haistelie hes efter thame gart go, In handis tane and richt sone brocht agane; 24,260 For thir war passing ilkone on the plane Vpoun ane gallous war all hangit hie, To all vther it suld exempill be In tyme to cum, how euir that fortoun fawis, So cowartlie to fle withoutin causs. 24,265

HEIR FOLLOWIS THE GRITT BATTELL BETUIX THE SCOTTIS AND THE PECHTIS ON THE ANE PART, AND HUNGEST WITH THE SAXONIS AND BRITIS ON THE TOTHER PART.

Be this wes done the bowmen big and bald Hes tane the feild out of number wntald, Vpoun thair fute quhair that the fuir befoir; Thair scharpe schutting maid mony sydis soir, In the vangard quhair that the Britis faucht, 24,270 Agane the Scottis quhair mony rout wes raucht, And mony scheild war schorne all in schunder, And mony breist maid bludie that wes wnder. The Scottis quality wer wicht as ony aik, Or ony vther enterit within straik, 21,275 Lib. 8, f.120 b Tha buir the Britis in the feild abak, Col. 1. And so greit slauchter of thame thair did mak That force it was to thame, or ellis die, Out of that feild right suddantlie to flie. And so that did but ony baid that tyde, 24,280 Left all the feild and wald no langar byde. In that same tyme, right sone and suddantly, Ane schour of haill discendit from the sky, With so greit mirknes and obscuritie, Than neuir one ane other than might se; 25,285 The Scottis than weill wist nocht in that caice, Quhidder to byde or follow on the chace.

How the Scottis and Pechtis tuke and slew of the Britis at thair Plesoure.

So at the last the cloude ane lytill we Discouerit wes, that the micht better se, Baith Scot and Pecht trowand the feild wes 24,290 wyn,

Efter the Britis langar or tha wald blyn,
Without ordour tha maid on thame ane chace,
And vp and down in mony sindric place,
Tha tuke and slew thair of the Britis bald,
At thair plesoure als mony as tha wald.

Quhill at the last the mirknes of the sky
Illuminat wes and all the blast gone by,
Quhilk clengit hes the mirknes of the air,
That men micht se richt scharplie ouir all quhair.

Col. 2.

How the Saxonis set on the Scottis and Pechtis quhen tha war out of Ordoure.

This ilk Hungest quhair he stude in array, 24,300 And all his men wnfoughtin war that day, Into that schour that he sould nocht ane loiss, He gart thame togidder byde richt cloiss. Bot quhen he saw sone efter and beheld, Without ordour his fais in the feild 25,305 Vp and down war skaillit heir and thair, He gaif command withoutin ony mair, To sla thame all quhair tha mycht be ouirtane, And in that tyme se that that suld saif nane. The Saxonis than, richt sone and suddantlie, 24,310 Hes set on thame with ane greit schout and cry; And mony Scot and Pecht als hes slane; The laif langar that mich[t] nocht weill remane, Tha fled richt fast guhen tha knew the cace, Without returne intill ane sober place. 25,315

HOW HUNGAST EFTER THE FEILD PASSIT HAME INCONTINENT TO WORTIGERNE AGANE.

This [Hungast] thair no langar wald remane
Into that land, bot sped him hame agane.
Becaus that wynter drawand wes so neir,
And euill wedder he saw that tyme appeir;
And most of all that tyme the causs wes quhy, 24,320
On to his purpois that he micht apply,
The Britis all sone efter to expell
Out of Britane, as 3e haif hard me tell.
That wes the causs sua sone away he fuir
Out of that land, do no man injure.
24,325
The mo fais the Britis had to dreid,

He thocht that he micht cum the better speid.

With all his men passit to Lundoun syne, To Scot and Pecht betuix Tueid and Tyne, He left to thame all for to occupye, As \mathfrak{z} e sall heir the caus efter quhy.

24,330

HOW HUNGEST IN LUNDOUN BEFOIR THE KING SCHEW ALL THE FASSOUN OF THIS BATTELL AND HIS VICTORIE.

In Lundoun syne, befoir this Britane king, He schew at lenth with greit loving all thing That he had done, and wyn sic victorie In thair honour agane thair ennimie; 24,335 And sufferit hes richt greit travell and pane In his jornay or he cume hame agane. Quhairfoir he said, out of Germania, Or somer come, hame without langar delay So greit power sall bring in Albione, 24,340 Sic of befoir zit saw tha neuir none. Quhen thir power and thairis wer togidder, Without lat the suld be nothing lidder; Baith Scot and Pecht, at thair plesour ilkone. Suld exull mak richt far fra Albione. 24,345 The nobillis all for most part into Britane Wes nocht content quhen that the knew certane How this Hungest dissauit so the king, So mony Saxone in Britane to bring. Tha held his lawtie in that thing suspect, 24,350 Dreidand full soir it suld cum to effect, That the suld lois baith land and libertie, And he baid lang in sic auctoritie. Wes none so pert durst planelie speik sic thing, Becaus he had sic credens of the king, 24,355 And wes with him auctoreist than so hie, Bot held thair toung and lute sic talking be:

Col. 1.

And other sum that tyme wes with the king, Wes weill content and gaif him grit loving. The king himself that tyme aboue the lave 24,360 Commendit him, and greit giftis him gaive, Of gold and riches and all vther geir; And, for to haif the haill power of weir, That euerie [strenth] suld be at his command Ouir all Britane, baith be se and land. 24,365 This ilk Hungest thairof he was full fane, And curtaslie he thankit him agane, And right fair langage all that tyme him gaif; Dreidand thairfoir that mony of the laif Louit him nocht suld change the kingis mynd, 24,370 Aganis his way seand tha war inclynd, Or dreid thair counsall suld do him sum ill, Thair with the king him self remanit still. Fywe thousand men in battell weill durst byde He hes gart send thame to the bordour syde, 24,375 To keip the strenthis and the pepill baith, Of Scot and Pecht that the suld tak ne skayth. Tha typt the pryis that tyme for all thair pryde, In mony bargane on the bordour syde; In schort quhile efter ilkone thair wes slane; 24,380 This ilk Hungest thairof he wes full fane. Lib.8, f.121. Quhat euir he said, it wes ay in his thocht To pair thair power in all [thing] that he mocht; In that beleif siclike for to be slane, Evin tuyiss also mony he gart send agane 24,385 Within schort quhile; thair cace wes litill better, Mony war tane and haldin fast in fetter, And tuyiss also mony of thame thair wes slane; The laif all fled na langar durst remane.

How Ten gritt Nobillis of Saxone, with Fyve Thousand Men with Wyffe and Barnis, in Purpois to Remane, come that Tyme in Britane to this ilk Hungest.

In this same tyme now that ze heir me sa, 24,390 Fywe thousand men out of Saxonia Vpoun the se come sailland, on the sand In Britane all that tyme tha tuke the land, With wyfe and barne as the suld ay remane, In that beleif neuir to pas hame agane, 24,395 Bot in that land ay for to leid thair lyfe. With thame that tyme the brocht Hungestus wyfe, And his dochter the plesand Roxsana, Of pulchritude, as my author did sa, Quhilk in hir tyme, as I hard mony tell, 24,400 Of hir persone all vther did excell; And ten nobillis, quhilk war men of grit gude, Wyiss men in weir and of the nobill blude. The king thairof rycht blyth and glaid wes he, Traistand be thame he suld revengit be, 24,405 And victorie wyn also than of his fa; Welcum tha war and tha had bene far ma. Then grit blythnes into his mynd he tuke, Traistand richt weill all Britane for to bruke In peax and rest, and greit tranquillitie, 21,410 And of his fais victour for to be. Richt mony nobill on the tother part, Richt greit displesour tuke in to thair hart, That this Hungest wes tholit be thair king So mony Saxone in Britane for to bring; 24,415 Trowand richt weill and he his tyme mycht se, That he sould make thame bondis all to be, The Britis all into Britane ilkone, Or for to fle than out of Albione.

VOL. II. I 8 ←

This ilk Hungest he passit to the king,

Col. 2.

HOW HUNGEST OBTENIT AT WORTIGERNE THE KING THE LANDIS BE NORTH HUMBER TO THE SAXONIS TO MAK THAIR DUELLING, QUHAIR THA DID FIRST REMANE.

24,420

And schew to him the fassoun of that thing. With vipros vennum inwart in his mynd, With lauchand luke, and plesand wordis kynd, Dissaitfullie that tyme he gart him trow, That he wrocht ay for his plesour and prow: 24,425 Desyrand him of his hienes and grace, He wald prouvde for him sum land and place, For wyfe and barnis quhair [that] tha mycht duell But fallowschip of ony bot thame sell, In ony cuntrie quhair sic land wes kend, 24,430 Quhill all tha weiris war brocht till ane end. This Wortigerne, the quhilk wald not deny All his desyre, I can nocht tell zow guhy, Quhither it wes, thairof haif I no feill, That he durst nocht, or than lude him so weill, 24,435 He grantit him, as my author did sa, Ane land that tyme callit Londisia, Neir Eborak, liand by Humber flude. The Britis all, with housit geir and gude, Out of that land he gart richt far remove; 24,440 To Saxonis syne that land for thair behuif Grantit, and gaif thame landis as tha lest, To plant and police quhair thame lykit best. Into that land ane stark castell thair stude Vpoun ane craig besyde ane rynnand flude, 24,445 Thuvyn castell gart call it in that tyme, Vpoun ane strenth biggit with stone and lyme; In the bound the blude of Saxone

Thair duelling maid first into Albione.

How Hungestus, in the nixt Somer, with All his Saxonis, and Wortimerus, the Sone of Wortigernus, with mony Britis, passit to the Feild vpoun Scottis and Pechtis.

This beand done as I haif said zow heir, 24,450 This ilk Hungest into the symmer cleir, With mony berne that wes bayth bald and wycht, Of Saxone blude, all into armour bricht, That worthie war thair waponis for to weild He furneist hes with him to fuir on feild. 24 455 This Wortigerne siclike ouir all Britane Contractit hes richt mony nobill man, That waillit war and worthie for the weir, And all other than that micht harnes beir, To Wortymer his eldest sone and air, 24 460 Betaucht thame all to pas with him alguhair, And this Hungest lieutennand for to be, Of all the ost to haif auctoritie. On the thrid [da] quhairat the tryst wes set, Zoung Wortimer and this Hungest is met; 24,465 Sextie thousandis, as my author did sa, Of fechtand men tha war that samin da. Fra Eborac tha sped thame waill gude speid, Ay north ouir Tyne quhill that the come to Tueid.

How Congallus and Galanus come with ane grit Armie for to resist this Hungestus.

Than king Congallus and Galanus that da,
With thair power neirby that place tha la,
Vpoun ane fell neirby ane montane syde,
With mony tent and palzeoun of grit pryde,
Bydand thair tyme for to resist thair fa.
This ilk Hungest knew weill tha wald do sua,
VOL. II.

Col. 1.

Lib. 8, f. 121b. Thairfoir he thocht the battell to pospone, Quhill Scot and Pecht suld irkit be ilkone; For hunger, cald, and grit necessitie, The suld be fane hame bakwart all to fle; Trowand richt weill that the micht nocht prouyde,

24,480

Sic multitude ocht lang fra hame to byde. This Congallus quhilk knew in till are part, Quhat this Hungestus had in mynd inwart, How that he thought the battell to pospone, Quhill that war tyrit and all thair victuall gone; 24,485 And guhen he knew this Hungest so did mene, He thocht thairfoir the battell to prevene, Or dreid his men of lang lying suld tyre. Betuix thir oistis thair wes ane mekle myre, Quhilk be no way that tyme mycht be ouir past;

24,490

This Congallus deuysit at the last, That euerie man are flaik sould mak of tre, And faillis delf into greit quantitie, Syne on the nycht, with mony staik and stour, Gart mak ane brig quhair tha passit all ouir; And on the morne, by that the da wes lycht, Tha come neirby into Hungestus sycht, Quhair that he la and maid him nocht to steir. Thairfoir Congallus that tyme come nocht neir, Bot leit him ly quhair that he la that quhile, Into his mynd consauit had ane wyle. Be the Saxonis are grit montane thair stude, Baith large and braid, and of greit altitude; This Congallus, that tyme as he pretendit, With all his oist vp in the mont ascendit, And thair he tuke purpois to ly all nicht, Quhill on the morne that it was fair da light. This ilk Congall, of quhome befoir I spak, Richt mony fagald all that nycht gart mak

24,500

24,505

Of falling wod, quhairof tha had anew, 24,510 And other herbis that in the mont than grew, And glak and glen in hole and mony hirne, Widrit and dry that right baldlie wald birne. Thairof tha maid into greit quantitie, Syne buir thame vp on to the montane hie, 24,515 Stude richt aboue this Hungest quhair he la; That samin nicht rycht lang befoir the da, Full mony fagald leit down on thame fall Birnand in fyre, and mony bleis withall, That all the stra and litter quhair tha la, 24,520 It set in fyre right lang befoir the da, Quhill all thair palzeonis brint vp in ane bleis. Thame[self] also that tyme had greit vneis; Or tha micht wyn richt weill out of that steid, Richt mony ane in that fyre brint to deid. The clamorus cry, the zoulling and the beir, Of man and beist wes horribill for to heir; Out of the fyre micht nocht weill wyn awa, Bot lay ay still thairin birnand quhill da. The langar ay the fyre fastar down fell, 24,530 Flag for flag far ma na I can tell, That for no way that tyme that culd be wrocht, That felloun fyre for thame stanche wald it nocht. And guhen the saw it might no better be, Out of that fyre that force it was to fle, 24,535 And wist nocht weill than quhair awa till go, Sic dreid tha had that tyme than of thair fo, And sic ane feir tuke of that felloun fray, Grit pane it was to bring them to array. Syne this Hungest, with greit travell and pane, 24,540 Arrayit thame besyde vpoun ane plane, And pat thame sone all into ordour gude; Vpoun thair feit syne all that nycht tha stude.

Col. 2.

How Hungestus incedias [placit] behind Scottis and Pechtis.

Syne waillit hes fyve thousand of his men, And gart thame ly richt clois into ane glen, Amang hillis quhair that tha mycht thame hyde, Richt clois togidder all thair still to byde. Gif hapnit him vpone the morne to fecht, Into that place aganis Scot and Pecht, The suld tak tent quhen he are sing did mak, 24,550 Than baldlie all cum in behind thair bak. Rycht weill he wist, without ane wyle or gyn, It was nocht eith that tyme the feild to wyn. This Congallus his purpois wes that nycht, To gif thame feild lang or the da wes lycht; 24,555 Trowand the trubill that nycht tha had tane, Had causit thame to type curage ilk ane. And for that caus he changit hes his thocht, Troward that tyme that sic thing neidit nocht, And still remanit in the mont all nycht; 24,560 Syne on the morne, be tha micht ken the lycht, Doun fra the hight discendit in the vaill In gude ordour with all his power haill,

HEIR FOLLOWIS THE ORDOUR AND THE FASSOUN OF THE GREIT BATTELL BETUIX CONGALLUS AND HUNGESTUS; AND HOW HUNGESTUS WAN THE FEILD BE DISSAIT.

This ilk Hungestus, that tyme quhair he la,
Diuidit hes his greit oist into tua.

To Wortymer, as that my author writis,
The vangard gaif to leid with all the Britis:
Him self besyde remanit with the staill,
And all the power of the Saxonis haill.
Siclike king Congall in that samin da,
Diuidit hes his haill power in tua;

Salamis the king, with mony nobill Pecht, In the vangard divisit wes to fecht Agane the Britis that tyme for the best; And he him self aganis this ilk Hungest, 24,575 With mony Scot that worthie war and wycht, Hes tane the feild all into armour brycht. Quha had bene thair that tyme for to haif sene The fedderit flanis that flew so thick betuene, Blak as ane cloud, and scharpe as ony haill, 24,580 Ay flicht for flicht ilk ane on vtheris taill. Lib.8, f.122. Col. 1. The tua wangairdis togidder syne tha met, Witht brandis bricht ilkane on vther bet; So awfull was to byde thair bitter blaw, At ilkane flap the maid are freik to faw. 24,585 Gude Galanus, that worthie wes and wyss, And his Pechtis that da war of sic pryss, The Britis all right far abak the bair. Syne gart thame fle for the mycht fecht na mair; Heir and thair in the fleing thik fald, 24,590 Tha tuke and slew als mony as tha wald. Or that wes done, right sone but ony lat, The greit battellis togidder baith tha met In gude ordour, with sic ane race and reird, Quhill schawis schuke and trymlit all the erd; 24,595 And mony burdoun all in pecis brak, And mony berne wes laid vpoun his bak; So doggitlie togidder that the draive, That birneis brist and all in pecis raive. Into that stour so stalwartlie tha stude, 24,600 That mony berne hes loisit of his blude; Wes neuir sene with na berne that wes borne, Ane fellar faucht with sua few folkis beforne. The Saxonis than with that are litill we Satlit abak and wes reddie to fle; 24,605 Had nocht Hungest the sonner blawin his horne, The Saxonis all that da had bene forlorne.

How Hungestus Men with ane Blast of Horne in rayit Feild come in behind the Scottis Bak.

For with the blast into that tyme he blew, Fywe thousand men, in curage cleir of hew, Out of ane glen into ane buschment brak 24,610 In gude ordour behind the Scottis bak. The Scottis all, seand thameself in dout, So vmbeset of euerie syde about, Nocht wittand weill quhome to that tyid to turne, For lidder speid cumis of airlie spurne; 24,615 And so thocht tha, thair hartis wes so hie, For all that fray the thocht nocht for to fle. For-quhy tha had sic wirschip wyn befoir, And for that caus thair curage wes the moir, Ane bargane baid lang efter bydand beild, 24,620 Becauss the Pechtis wynnyng had thair feild, Lyp[n]ing right lang that the suld theme reskew: It was nocht so thairfoir that mycht tha rew. And guhen tha saw that na better mycht be, Tha fled ilkone also fast as tha mycht fle 24,623 Vnto the Pechtis sune and suddantlie, In rayand feild quhair tha war standard by. This Congallus, all bludie and forbled, Soir woundit than out of the feild wes hed; Magir his will, suppois it was on force, 24,630 On to the hight that had him on ane horss.

How Hungest thocht to gif Feild to Gallanus.

This Hungestus, quhen he saw and beheld
That Gallanus that tyme had wyn his feild,
Col. 2. Trowand he wes brokin with the Britis,
And so tyrit, as my author writis,
24,635

And of his men so mony than had slane, He schupe in haist to gif him feild agane. Becaus it was so neir that tyme the nycht, Postponit all qualified on the morne was lycht. King Galanus, that weill his counsall knew, 24,640 Thinkand that tyme that he wald nocht persew To temp Fortoun into that tyme present, For of his part he held him than content; And for that caus fra end to end that nycht, Richt mony fyre and balis gart burne brycht; 24,645 And mony blast gart blaw of buglis horne, As he sould byde all nycht quhill on the morne. That samin nycht, richt lang befoir the da, Richt quyetlie he passit hame awa Wnto ane strenth that tyme wes neirhand by, Without perrell quhair he mycht rycht weill ly.

How Hungestus, seand on the Morne efter the Feild so mony of his Men war slane, turnit agane to Eborac and left his Men thair, and passit him self to Lundoun.

Syne on the morne, quhen it was fair da lycht, And Hungest saw he had na fa in sicht, He tald his men ilkone vooun that plane, And fund he had foure thousand of thame slane 24,655 That Saxonis war, as that my author writis, Foroutin all war tane and slane of Britis. Thairfoir na langar wald he thair remane, Bot in all haist he sped him hame agane To Eborac, and gart are armie byde 24,660 At Londesia, neirby the bordour syde. Passit him self to Lundoun to the king, And at greit lenth he schew him euerie thing, Of all his weiris and his chevalrie, Of his greit battell and his victorie, 24,665

Col. 1.

And of sic perrell also he wes in, So manfullie the feild syne he did wyn; Of his fais sa mony he had slane, Sa mony als he loissit hes agane.

Wortigerne RESAUIT HUNGEST WITH BLYT[H]NES.

This Wortigerne thairof he wes full glaid, 24,670 And to him than right freindfullie he said; "Welcum be thow, oure gyde and governour, "Welcum be thow, of all knichtheid the flour, "Welcum be thow, oure scheild and oure defence, "That weiris ws fra wrang and violence." 24,675 To him that tyme grit rewardis gaif, Far 1 mo no he desyrit for to haif: Siclike to him the haill auctoritie. Of all Britane the governour to be; Lib. 8, f. 122b. And grantit hes the Saxonis in Britane, 24,680 That orabill wes to euerie Cristin man. On to thair idolis of the pagane wvis, In prophane places to mak sacrifyis. Wnganand wes to ony Cristin prince, Without faith to thoill sic offence, 24,685 Within him self so wickitlie gart wirk Agane the faith of Christ and halie kirk. The bischopis all that tyme wer in Britane, The kirkmen als, and all gude Cristin men, Displesit war rycht far, and all the laif, 24,690

That he to thame so greit indulgence gaif, Sic pagane pepill that war vnbaptist,

In greit contemptioun of the fayth of Christ.

In MS. For.

How it was schawin to Wortigerne that Ambrosius and Vter his Bruther, Sonis to Constantyne, wald persew him with Battell.

That samin tyme to Wortigerne wes schawin, That secreitlie be freindis of his awin, 24,695 Sayand to him that zoung Ambrosius, Quhilk callit wes also Aurelius, That sone and air wes to king Constantyne, Quhome of befoir I schew zow schort quhile syne, Prouydit wes into Armorica, 24,700 With schip and boit and mony gay gala: Quhilk thocht richt sone in Britane to persew, His croun and kinrik gif he micht reskew, With so greit power and so mekle schoir, In Britane zit sic saw tha neuir befoir. 24,705 This being said, this ilk king Wortigerne Abasit wes and culd nocht weill decerne Into the tyme quhat best wes till be done. This ilk Hungest callit befoir him sone, Beseikand him thair of his counsall gude, 24,710 In so greit dout and danger as he stude. Richt plesandlie he said to him agane: " Dreid nocht thairof, heir I promit 30w plane, " Als lang as I haif sic auctoritie, " Baith cuir and travell I sall tak on me, 21,715 " Of this condition I sall to zow tell; " On the south cost neirby the se to duell, " Wald 3e grant ws of 3our excellent grace " Ane plesand land, with mony sicker place, " Quhair we mycht byde ay reddie for to be, 24,720 " And to defend the portis of the se, " So that no schip ather be se or sand,

"Without oure leve suld cum into that land."

Col. 2.

How Hungest causit and Saxone, haldin for and Brit, fenzie Tydenis to Wortigerne of the Scottis and Pechtis.

Off this desyre the king wes weill content, And suddantlie thairto gaif his consent. 24,725 The Saxonis all, the quhilk wer of grit number, Remanand war bezond the water of Humber, On to Kent schire translatit hes ilkone, With wyfe and barne togidder all ar gone. The Britis all that duelt into that land, 24,730 How euir it wes, without ony demand, With all thair gude remoifit far awa, And to quhat place that can I nocht weill sa. Syne efterwart, within ane lytill space, The Saxonis all sat down into that place. 24,735 Quhen this Hungest his purpois had cumd till, And gottin had all his desyre and will, Sone efter that, within ane lytill quhile, He vmbethocht him of ane grittar wyle, How that he micht of his purpois prevaill, 24,740 And mak the Britis dalie for to faill. Ane sle Saxone, that wes ane subtill freik, That wes perfit the Brit langage to speik, This ilk Hungest that tyme he did him leir How he suld sa, as ze sall efter heir. 24,745 To Wortigerne he gart him pas in hy, With fals fiction and feinzeit fantasy, Sayand to him in Pechtland he had bene, And in that tyme thair he had hard and sene So greit provisioun for battell and weir, 24,750 Of men and hors, harnes and vther geir, Of Scot and Pecht, with sic blythnes and gloir, In Albione sic saw he neuir befoir. Without of force the had been maid to faill, Right sone thay think thir bound to assaill, 24,755

With so greit curage and crudelitie, That aufull is other to heir or se. Ane hundreth men that waillit war and wycht Waponis to weild all cled in armour bricht, Rycht hardalie this tyme hes wndertane 24,760 On this Hungest alluterlie allane, " Ay for to wait quhair thow gois in the feild, " Neuir to tak rest quaill thow be tane or keild." "The thing in erth this da tha desyre maist, " It is thi deid, I warne the weill, Hungest. " Full weill tha wait and tha war quyte of the, "Within schort quhile that all Britane suld be, " And all the Britis also thair intill, " Without reskew at thair plesour and will." Quhen this was said that tyme befoir the king, Quhilk wes abasit right far of that thing, Far fra the rycht suppois he hard him raif, **?**it in all thing richt grit credens him gaif; And in the tyme he said to this Hungest, " My afald freind, this da that I luif best, 24,775 " I zow beseik of zour gude counsall heir, " In so grit perrell as I se appeir, " On euerie hand with sie danger and dreid, " Without your help I will cum lidder speid." This ilk Hungest to him agane said he, 24,780 " At zour command I sall ay reddie be, "To quhat purpois ze pleis to put me to, " In word and wark and all thing I can do." Lib.8, f.123. Ane vther Saxone standard wes besyde, That this Hungest befoir had gart prouyde 24,785 Into that caus quhat counsal he sould give, Onto the king he said, "Sir, with your leve, " Commove 30w nocht, 3e ar in litill dout " Of Scot and Pecht, or ony berne about, " So ze will do my counsall in this cace." 24,790

And thus he said vnto the kingis grace:

How ane Saxone gaif Counsall to Wortigernus.

- " Tak gude Orsa¹ quhilk is Hungestus bruther,
- " To do sic thing abillest of ony vther;
- " Gar him remane foirnent Armorica,
- " With all the Saxonis in Britania, 24,795
- "With wyfe and barnis thair to byde and be,
- " Endlang the coist in strenthis be the se,
- " Quhair tha ma pleneiss and mak policie
- " Within thame self, but ony cumpany.
- " Sua at all tyme tha ma all reddie be, 21,800
- " Gif ony navin cumis to the se,
- " Into Britane out of Armorica,
- ' Ressaue your freind and to repell your fa.
- " Hungestus sone, callit Occa to name,
- " Wyss into weir and fluresand in fame, 24,805
- " Caus him to cum into Britania,
- " With new power out of Saxonia,
- " For to remane be 3 and the watter of Humber,
- " And mak yow quyt of Scot and Pechtis cummer.
- " Hungest him self remane heir with 30w still, 21,810
- " All zour desyr and plesour to fulfill;
- " On euerie syde so sall ze soner be
- " In pece and rest and greit tranquillitie;
- " Sen ze ma haif so greit supple in neid,
- "Thair is no caus quhairfoir that ze suld dreid." 21,815

How Occa, the Sone of Hungestus, come in Britane fra Saxone, and brocht with him Ten Thousand Men of Weir to supple Wortigernus.

This Wortigerne, that thocht his counsall gude, To Hungestus he said quhair that he stude,

In MS. Wisa.

" I zow beseik, in all the haist ze ma, " Send for your sone the nobill young Occa, " With new support to cum in ouir supple; 24,820 " Richt riallie he sall ressauit be." Hungest he said, "Thocht I dar nocht deny " Cour grace, this tyme for this ressoun and quhy " That ma I nocht, without damnage and skayth " Into Saxone of land and freindis baith; 24,825 " No gyde tha haif into that land bot he." All that he said of greit subtillitie, As it had bene right far aganis his will, Syne at the last consentit hes thairtill. Sone efter that this ilk foirsaid Occa 24,830 Ten thousand men out of Saxonia In Britane brocht, that war bayth bald and wicht, Bodin for battell all in armour bricht, With wyffe and barne richt mony out of number; Syne sat all down bezond the water of Humber, 24,835 Col. 2. Richt peceablie without ony demand, Syne callit it to name Northumberland; And ay sensyne, quha lykis for to luke it,

How Hungest requeistit the King to PAS with him to Londissia.

Continewalie that same name it hes brukit.

Quhen Hungest knew that the war cuming their, 24,840
As he dewysit right weill of befoir,
Their bounds all and bigging but genested
War vacand then and reddie to their hand,
Fra Hummer water that tyme evin to Tueid,
It wes our sawin with the Saxonis seid. 24,845
This ilk Hungest requyrit than the king,
Beseiking him of his gude grace benyng,
To pas with him on to Londesia,
To se his wyfe and dochter Roxana:
His sone Occa with mony nobill man, 24,850
In his supple he hes brocht with him than.

This Wortigerne thairof wes weill content, With greit triumph syne to Londesia went, With knicht, squyer, and mony bald barroun. In gude array tha raid all to the toun. 24,855 To Tuyn castell this Hungest had the king, Quhair that his wyffe and Roxana the zing Ressauit him at all poynt with plesance, And all the honour pertening to ane prince. This Wortigerne, as my author did sa, 24,880 Throw fantasie of this Roxiana, Of hir sic plesour he had in that tyde, That nicht at supper sat him self besyde, Talkand of love and makand merrie cheir, Betuix thame tua that plesand wes till heir. 24.865 Quhill at the last dame Venus cruell dart Hes persit him quhair he sat throw the hart, Quhilk causit him his honour to neglect, And in his fame to put so foull are blek; His awin ladie vnmaculat and clene, 24,870 Quhilk wes his wyfe and als his lauchfull quene, Repellit hes but ony caus him fra, And weddit hes this ilk Roxiana, Quhilk wes ane genteill that tyme vnbaptist, And ennemie als to the faith of Christ: 24,875 Vnsemand wes to sic ane Cristin king, For beistlie lust for to commit sic thing. Kent schyre al haill, as plesit him to haif, To this Hungest that samin tyme he gaif, With boundis braid to bruke baith vp and down, 24,880 And strenthis all, baith castell, tour and toun; And all the Britis gart remoif richt far Into that land that tyme that duelland war. Syne to Hungest and to the Saxonis seid, Tha landis gaif to pleneis and posseid: 24,885 To Lundoun toun syne efter [wart] is gone,

With this Hungest and Saxonis mony one.

Roxiana, that wes baith bright and schene,

How Roxiana, the Dochter of Hungestus, wes crownit Quene of Britane into Lundoun.

Into Lundoun hes crownit to be quene. Lib.8,f.123b. Col. 1. Schir Wortimer, of quhome befoir I spak, 24.890 The kingis sone, into his mynd did tak Richt greit anger that his fader the king Injustlie that he has done sic thing: To the bischop of Lundoun for the tyme, Maid sair complaynt of his faderis falt and 24,895 cryme. This ilk bischop, Wodynus hecht to name, In all Britane of sanctitude and fame Had no compairand of his auctoritie, This Wortigerne thairof soir blamit he; For he that wes ane Cristin king and prince, 24,900 Agane his faith had done so grit offence, To tak ane pagane for to be his peir; His lauchfull wyfe sum tyme to him so deir, For fleschlie lust and beistlie appetyte, Withoutin causs to do hir sic dispyte, 24,905 For to expell furth of his bed and bour In all hir tyme that wes of sic honour. Grit lak it was to him in all his lyfe, Ane infidell syne to wed on to his wyffe. Quhen he had said and schawin his intent, 24,910 This Wortigerne richt soir than did repent Agane his faith so far he suld offend, In tyme to cum sayand that he suld mend. Throw greit displesour that he tuke betuene, The bitter teiris birst out fra bayth his ene, 24,915 With mony sich and sob into the tyde. This ilk Hungest, that wes neir hand besyde. Or ony wist, into the tyme drew neir, And fand this king makand so mad ane beir,

Col. 2.

And blamit him into the tyme richt soir, 24,920 Quhat wes the caus sayand, quhy and quhairfoir, His wedding feist he had so maculat With mad murning and with so soir degrat?

HOW HUNGEST GART SLAY THE BISCHOP OF LUNDOUN, BECAUS HE REPREUIT WORTIGERNE THAT PUT HIS WYFE AWAY AND TUKE ANE VNFAYTHFULL WOMAN.

On this bischop gart handis la in hy, Baith preist and clerk that standard wes thairby, 24,925 And had thame all into ane quyet place; Quhen he thocht tyme without mercie or grace, But dome or law, be his auctoritie Richt saikleslie he maid thame all to de. Zoung Wortymer, the kingis sone, also 24,930 For that same caus he hes gart seik to slo; And had nocht bene he fled into the tyme, He than [had] deit for the samin cryme. Quhen this wes done, syne efter on ane da This Hungest wrait vnto his sone Occa 24,935 Richt secreitlie, and gaif to him command, That all the strenthis into Northumberland, Gif that he culd be slicht or zit ingyne, Fra Eborac onto the water of Tyne, In his keiping to tak thame all ilkane; 24,940 And for to stuff ilk castell maid of stane, And moir and moir the Britis euerie da, For to molest in all thing that he ma. To Scot and Pecht he sould do na injure, Bot all the landis leve into thair cuir, 24,945 To occupie at thair plesour and neid,

That tyme liand betuix Tyne and Tueid.

HOW OCCA DID THE COMMAND OF HIS FATHER.

This Occa did all his fatheris command; The strenthis all into Northumberland, Sone efter that, or fourtie dais wer gone, Throw slicht and force he tuke thame all ilkone: 24,950 Syne fenzeit causis as he culd anew, And all the nobillis of that land he slew, And flemit mony for right litil thing. Syne quhen he wes accusit with the king, He said, als far as he richt wnderstude, 24,955 All that he did wes for the kingis gude. For-quhy, he said, the men all that he slew, War tratouris all and to the king vntrew: The strenthis all war in Northumberland, Tha thocht to put into the Scottis hand; 24,960 And had he nocht remedit in the tyme, That knew so weill thair counsall and thair cryme, Lang or that tyme, he said, richt weill he knew. Britane for euir tha had maid for to rew. With fenzeit falsheid and with flattering, 24,965 This ilk Occa so plesit hes the king.

HOW HUNGEST PAT ORDOURE AMANG HIS MEN IN KENT.

Sone efter that, this Hungest on ane day
Onto Kentschire he tuke the reddie way,
For to mak reule and ordour in his land;
To euerie man than gaif ane strait command,
In pane of deith that tha sould ane and all,
Fra that tyme furth the king of Kent him call.
Of all tha boundis neirby his land that la,
Baith man and wyfe he flemit far awa;

VOL. II.

Col. 1.

With bigging bair that tyme, baith but and 21,975 The left all waist to Hungest and his men. Ouir all the land the kirkis gart distroy, To kirkmen als he did richt mekle nov. Tha that wer zoung, and big of bone and blude, He put thame all into vile seruitude, 24,980 And all the laif richt far he hes gart fle, Or with sum stres than maid thame all to de. Devoit wemen that war of religioun, Defoullit thame and kest thair places down; So wranguslie thus he are lang tyme wrocht, 24,985 Quhill that Britane all wes put to nocht.

How all the Lordis of Britane, in Lundoun ON ANE DA, REPREUIT WORTIGERNE FOR THE MANTEINYNG OF HUNGEST.

Befoir the king in Lundoun on ane da, The soir complaisn't tha maid of this Hungest, Sayand be him tha war rycht far opprest: 24,990 Lib.8, f.124. And how the pepill puneist war so soir Be this Hungest, as I haif said befoir, That I neid nocht heir to rehers agane; Repreuit hes richt schortlie into plane This Wortigerne, bairand on him the feid, 24,995 Sayand richt sone, without he fand remeid, Britane for ay he wald gar bring to nocht, For ony way that efter can be wrocht; Quhairof, tha said, that he had all the wyte. Into his face richt lang with him tha flyte, 25,000 That paneful wes to heir thair pley and pleid, Sayand richt sone, and he find nocht remeid, That all Britane, right weill ilkone tha knew, That he wes borne for euirmoir wald rew.

The nobillis all than of Britania,

How Wortigerne wes disparit baith of Hungest and the Britis, that he wes so perplexit that he wist nocht quhat suld be done, puttand of the Tyme.

This Wortigerne of wane that wes so will, 25,005 Wist nocht richt weill quhat he suld sa thairtill. Richt sad in mynd and havie into hart, Suspect he wes right far of euerie part. Richt weill he knew this Hungest, and he mocht, For his distructione all his tyme he wrocht; 25,010 The Britis all richt so for the most fect, In all his tyme he held thame ay suspect. For weill he wist that the luifit him nocht, For the greit tressoun that himself had wrocht, So saikleslie Constantius quhen he slew, 25,015 Schort quhile befoir as I heir to zow schew. With grit silence he lute the tyme pas by, Disparit for with greit melancoly, That he wist nother quhat to do nor sa, With sleipand sleuth dryvand ouir da be da, 25,020 That he wist nocht at quhat end to begin, Throw negligence lattand the tyme ouir ryn.

How Wortigerne wes depryuit of his Croun, and his [Sone] Wortimerus crownit King of Britis.

Off all Britane the lordis on ane da,
In conventioun, as my author did sa,
Depryuit hes this Wortigerne thair king
Of his kinrik, his sceptour and his ring.
Syne in the Walis in ane presoun strang
Tha closit him, quhair he remanit lang.
Sone efterwart, as I sall schaw 30w heir,
Syne crownit hes his sone 30ung Wortimer,
25,080

With haill consent of Britane to be king,
Decretit so wes baith with ald and zing.
The Saxonis than, that war baith ferce and fell,
Fra Albione tha schupe for to repell;
And or tha wald to that battell proceid,
Of thair purpois for to cum better speid,

How Wortimerus, efter he was crownit Col. 2. King of Britis, send and Herald to the King of Scottis, askand at him Supple agans Hungestus.

To king of Scottis ane herald sone tha send, At grit laser all thing fra end to end Quhilk schew to him, as I haif said yow plane, That I neid nocht heir to rehers agane, 25,040 Of this Hungest and his enormitie, Of Wortigerne and his miseritie, Of Wortimer how he wes crownit king, And thocht to be revengit of that thing. Beseikand him of his help and supple, 25,045 Richt freindfullie with all humanitie, Agane the fa of Christ and halie kirk, So wranguslie ane lang quhile had done wirk. The haill fassone he schew to him at lenth, With fals tressone as he had tane ilk strenth 25,050 Into Kent schire and als into Northumberland, Wes none so stout that durst mak him ganestand. And how he had gart cast the kirkis doun; Baith men and wemen of religioun, Distroyit hes ane richt greit multitude, 25,055 Syne all the laif put in vile seruitude. And war he nocht resistit be sum way, Sone efter that he wist weill, and he may, Fra Albione or he thocht to disseuer, The kirk of Christ he suld distroy for euir; 25,060

Beseikand him, as he wes Cristin prince, For halie kirk he wald mak sum defence. Also that tyme he gart him knaw perfyte, How Wortigerne wes all the caus and wyte Of baith the battellis that war last gone by; 25,065 Beseikand him that tyme richt reuerentlie, For to considder bath the gude and ill, And wyte thame nocht it wes agane thair will. Promitting a[1]s the landis les and moir, At thair plesour evin as the had befoir, 25,070 Fra Tueidis bank on to the water of Humber, Fra euir moir but ony clame or cummer. So wes decreittit in the parliament, In Lundoun toun with all thair haill consent, Of king and lordis ilkane be thair name, 25,075 For euir moir withoutin ony clame.

How Congallus, King of Scottis, gaif Ansuer BE Counsall of his Lordis to the Britane Herald.

This king Congall, be counsall of his lordis,
To him agane thir wordis he recordis:

"How that the Saxonis furious and fell, 25,080

" In Albione so wranguslie did wirk

" Agane the faith of Christ and halie kirk,

" And how tha schupe with grit injure and noy,

"Gude freind," he said, "befoir I haif hard tell,

"In Albione the faith of Crist distroy; Lib 8, f.124b.

And how the war their ennimie and fo. 25,085 Col. 1.

"Soir I forthink," he said, "that it is so.

" And for to schaw my grit humanitie,

"To yow this tyme of lufe and cheritie,

" Quhilk I am oblist of the law to wirk,

"In the defence of God and halie kirk." 25,090

How the Herald syne passit to the King of Pechtis, and syne efter Hame to Lundoun with his Ansuer.

Quhen this was said, the messinger in hy To king of Pechtis sped him spedely; With sic respons that tyme as he him gaif, At his plesour thair wes bot ask and haif. The messinger thairof he wes full fane, 25,095 And in all haist he sped him hame agane To Lundoun toun, on [to] the king right sone, And schew to him how that all this wes done. Quhairof this king wes richt hartlie content; In Lundoun toun with all thair haill consent, 25,100 In parliament befoir thame all in plane, With Scot and Pecht new peax wes maid agane, With ilk condition I spak of befoir; The spulze all tha gart agane restoir On euerie syde alss far as tha mycht get, 25,105 Syne all injure forgevin and forzet.

How the King of Scottis and King of Pechtis come to the Felld.

This beand done as ze haif hard me schaw,
Richt haistilie till armis all did draw;
The king of Scottis and Pechtis tuke the feild,
With every wicht that wapin weill culd weild, 25,110
And maid na stop that tyme without ganestand,
Quhill that the come into Northumberland.
Occa that tyme that weill their cuming knew,
With all the Saxonis pleneist had of new
All haill that land, at their plesour and will, 25,115
Richt haistelie the gatherit all him till.

Syne quhen he saw apperand of sie skayth, That da to fecht agane tha kingis baith, Of nobill men had sic ane multitude, Thairfoir rycht weill that tyme he wnderstude, 25,120 He wes ouirfew to fecht agane thame all, For-quhy that da his power wes so small. Quhairfoir he thocht the battell to delay, Quhill efterwart that he durst thame assay, Quhen that he saw his tyme mair oportune. 25,125 With that the Scottis and the Pechtis sone, He set on thame thair with ane schout and cry, In gude array quhair tha war standard by. Thair wes nocht ellis bot other to do or de; The fedderit flanis in the feild did fle, 25,130 So baldlie bait vpoun thair armour brycht, Vpoun the land richt mony law gart lycht. The speiris lang, that war baitht traist and trew, Aboue thair heid all into flenderis flew, Throw birneis bright quhair all thair ruvis 25,135 Col. 2.

Baith scheild and targe all into pecis claue.

This Occas men, thocht tha wer neuir so wycht,

Vpoun the land tha war maid law to lycht;

So vmbeset tha war on euirilk syde,

Tha tuke the flicht and micht na langar byde. 25,140

Richt mony Saxone in that feild wer slane,

And thryis als mony in the chace agane.

For gold nor ransoun that da chapit nane

Of Saxone blude, quhair euir tha war ouirtane.

Occa him self on to the mouth of Humber 25,145

He fled awa, bot with ane litill number;

Syne to his father efter on ane da,

Into Kentschire he passit quhair he la.

How Wortimerus, King of Britis, vincust Hungestus in Plane Battell, as efter followis.

The Britis all richt blyth war of that thing, And speciallie gude Wortimer the king, 25,150 He wes richt fane, ze ma weill wnderstand, Quhen he hard tell into Northumberland, How that king Congall had put than to confusioun The Saxonis all that war of sic abusioun. Displayit hes his baneris vooun hie, 25,155 Thairin wes Crist vooun ane croce of tre, Naikit and bair nalit on the rude, With fyve woundis bleidand for ws his blude. Syne with cleir voce proclamit ouir all quhair, That all quhilk leuit vpone Christis lair, 25,160 In his defence sould follow and proceid. Ouir all Britane tha come to him gude speid; Fiftie thousand, as my author did sa, Of Britis bald he wes that samin da. Syne with Hungest besyde ane montane met 25,165 In plane battell, quhair that the feild wes set, And vincust him without ony reskew; Ten thousand als thair of his men he slew. Chaisit him self on to ane strenth neirby, Without perrell that tyme quhair he might ly. 25,170 Syne efter that, as ze sall wnderstand, With all his men into Northumberland He passit syne, to rest and to remane. Qubill his armie renewit war agane. And this he did, as my author did sa, 25,175 All be the counsall of his sone Occa. Bot thair richt lang he durst nocht weill remane, Dalie his men with Scot and Pecht wer slane; Quhairfoir richt sone, efter ane litill we, At Humber mouth he passit to the se; 25,180

Col.I.

HOW HUNGEST AND HIS SONE OCCA FLED IN SAXONE, AND HOW WORTIMERUS LEUIT ALL THE SAXONIS TO PAS HAME, AND HALIE BISCHOPPIS BROCHT OUT OF IN BRITANE.

Syne efterwart he and his sone Occa, Lib.8, f.125. With all the laif onto Saxonia. The Saxonis all into the feild war tone, This Wortimer he fred thame all ilkone, Without ransoun or zit captiuitie, 25,185 To pas all hame at thair awin libertie. Hungestus dochter, fair Roxiana, With child consauit, my author did sa, In Lundoun toun gart keip hir as ane quene, Quhill efterwart the suith thairof wes sene. 25,190 This Wortimer syne efter on ane da, Tua halie bischoppis out of Gallia In Britane broucht, amang [thame] to remane, The faitht of Christ for to renew agane. The tane he hecht Germanus to his name; 25,195 The tother Lupus¹ of right nobill fame. Grit diligence vooun thame bayth tha tuke, And mony lang nycht without sleip tha woik, The faith of Christ agane for to restoir To sic perfectioun as it had befoir. 25,200 The Britis war of so grit vanitie, That all thair tyme that louit noveltie, And reddie ay thair awin faith to refuss, And Gentill ryte, idolatrie, till vss. Thir halie men tha sufferit mekle pane, 25,205 Or the culd weill reforme all thing agane On to sic stait as it was wont to be, With thair wisdome and thair auctoritie. This Wortimer, quhilk wes ane nobill king, Richt diligent [he wes] into sic thing, 25,210

And da nor nycht that tyme he ceissit nocht
Quhill all Britane on to the faith wes brocht.

In all Britane wes neuir ane better king,
Quhill he had tyme and laser for to ring:
Bot fals Fortoun at all thing hes invy
Quhen it gois richt, and for that samin quhy,
Doun of her¹ quheill scho gaif him sic ane faw,
And on his bak scho gart him ly full law,
With sic onrest that he rais nocht agane;
Quhairof all Britane micht be richt vnfane.

25,220

How Roxiana gart poysoun Wortimerus the King.

Quhen he had brocht all Britane in to rest, Roxiana, the dochter of Hungest, Sic menis had with seruandis of the king, Bud and reward that gydis euerie thing, Hes causit thame for ony dreid of feid, 25,225 This Wortimer to poysoun to the deid. Quhat sould I say zow moir into this thing? Quhen poysound wes gude Wortimer the king, Be the tressoun of this Roxiana, Schort quhile befoir as ze haif hard me sa, 25,230 His suddant deith, so haistelie of new, Throw Albione swyft as ane swallow flew. The Britis all thair lykit full ill, Weipand for wo of wane tha war sa will, Vncertifieit tha war into sic thing 25,235 Into that cace quhome that the wald mak king.

How Wortigernus was restorit agane to his Croun.

Col. 2. Decretit syne wes with baith les and moir, This Wortigerne agane for to restoir

In MS. his.

On to his croun, with sword, sceptour and ring, As he wes wont of Britane to be king. 25,210 In Lundoun toun into plane parliament, Ressauit him with all thair haill consent, Quhair he wes sworne befoir [thame] all that tyde At their counsall in all thing for to byde; And all the feid he had at thame befoir, 25,245 For till forgif for than and euirmoir; And neuir agane remember of sic thing, In handis schuikand maid gude suithning. Quhen this wes done, with grit triumph and gloir, This Wortigerne, as he wes wont befoir, 25,250 Ouir all Britane he rang oure king and prince, And gart reforme all wrang and violence. Thair wes all thing wes neidfull till be done, At his command it was fulfillit sone, And hes all Britane into peax and rest; 25,255 Syne efterwart it hapnit at the last,

HOW HUNGESTUS, HERAND THAT WORTIMERUS WAS DEID, COME AGANE TO BRITANE WITH ANE GREIT ARMIE.

This ilk Hungest of quhome befoir I spak,
As that my author did me mentioun mak,
To Tames mouth ane rycht greit multitude,
Richt mony schip he broch[t] attouir the flude; 25,260
Occa his sone and his awin brether tua,
With mony nobill in Germania,
In sic ordour with grit triumph and gloir,
In Albione as he come neuir befoir.
Quhen this wes schawin to Wortigerne the king, 22,265
Rycht far he wes commount at that thing,
Full weill he wist it wes for litill gude,
That he come thair with sic ane multitude;
For he had kend of his tressoun befoir,
And for that caus he dred him all the moir.

25,270

Incontinent proclamit with ane cry,
That euerie man suld reddie be in hy,
On the best wayis als gudlie as he may,
To meit in Lundoun on the auchtane day.
And so tha did withoutin ony ganestand,
The lordis all and baronis of that land,
And commoun pepill than bayth les and mair,
Micht wapin weild or ony harnes bair.
In Lundoun toun the lordis all ilkone,
With Wortigerne to counsall all ar gone,
Amang thame all for to devyss the best,
For to provyde aganis this ilk Hungest.

HOW HUNGESTUS SEND ANE ORATOUR TO THE BRITIS FOR TO SCHAW THAME HIS MYND, THE QUHILK HUNGEST THAT TYME WAS RICHT FAR DISSIMULAT.

Lib.8,f.125b. Off thair counsall quhen this Hungestus knew,
He thocht it wes grit perrell to persew
His purpois than be strenth and way of deid,
Traistand thairof for to cum lidder speid.
He knew so weill the haitrent and invye
The Britis had at him, and for that quhy,
He durst nocht weill so grit thing wndertak,
Or dreid he turnit him baith to schame and
lak:

Quhairfoir he thocht sen it stude him in sic neid,
Be way of slicht to his purpois proceid.
Ane oratour than hes he maid to go
To Wortigerne and his lordis also;
In Lundoun toun, befoir thame all in feir,

25,295
He said to thame as I sall say 30w heir.

¹ In MS. moir.

25,330

" O royall prince! in thi hie majestie, " Hungest my lord richt gudlie greitis the, " And all the nobillis that ar in thair land, " Lattand zow wit this tyme and wnderstand, 25,300 "That his euming sua haistelie wes zow till, " Is all for gude and no way for your ill. " For quhy 3e knaw ilkone boith les and moir, " So oft for zow he bled his blude befoir, " And in his mynd no other zit will mene, 25,305 " Bot keip kyndnes sielike befoir hes bene, " That thinkis ay quhill he hes strenth to stryve, " To all Britis than levand ar on lyfe. " The eaus quhy wes of his cuming heir, " As ze sall wit but ony dout or weir, 25,310 " Now at this tyme, wes for na other thing " Bot for to help gude Wortigerne the king, " Revengit be of the tratouris wntrew, "Gude Wortimer his sone with poysoun slew. " And mair attouir, 3e knaw be commoun law, 25,315 " As ressoun wald, of proper det he aw " On to his oy, sone of Roxiana,1 " Apperand prince now of Britania, "Tutour to be as ressoun wald and skill. " For thir caussis, and for na other ill, 25,320 " Ze sall beleif this tyme that he come heir, "He hes in mynd thairof, I zow requeir, " To grant him self in Britane to remane, " Quhair plesis zow in previe or in plane, "With so mony as plesis zow to void, 25,325 " And all the laif at your command this tyde, " At your plesour for to pas hame agane, " And in this land na langar to remane.

" And als thairwith he dois 30w wnderstand, "He covettis nother castell, toun nor land;

- " Nor na lordschip at zow this tyme will craue,
- " Siclike befoir as he wes wont to haif,
- " Except thair riches and thair proper gude,
- "The boucht befoir rycht deir with their awin blude,
- "The quhilk tha left behind thame in Kent- 25,335 schyre;
- " Na vther thing this tyme tha will desyre.
- "The thing this tyme that most desyris he,
- " At commoning with Wortigerne to be,
- " Quhair plesis him in ony tyme or tyde,
- " With equale number vpoun euerie syde; 25,340
- " And thair the mater all baith moir and les,
- " At lenth and laser commoun and redres,
- " And all faltis, gif ony war befoir,
- Col. 2. " And peax to mak perpetualie euirmoir;
 - " And freindlie love ilkane to vther schaw, 25,345
 - " As he that wes his darrest sone in law,
 - " And to forgiff all feid that wes befoir:
 - " At yow this tyme he will desyre no moir."

How Hungestus Desyre was schawin to Wortigernus, and how Wortigerne dred his Tressoun.

Quhen this was said into plane parliament,
Quhair all the lordis at that tyme war present
In audience of Wortigerne thair king,
Tha tuke ane da to auise thame of that thing.
The lordis all that tyme for the most fect,
Tha dred Hungest and held him richt suspect,
With sic petie he did than imploir,

Tha knew so weill his falsheid of befoir;
Dreidand also, and he his tyme micht se,
Gif efterwart so hapnit for to be,
Be strenth or slicht, or ony subtill charme,
He sould revenge the greit injure and harme

Into Kent schire wes done him of befoir.

This said tha all the lordis les and moir,
And counsall gaif into that tyme that he
With gold and riches sould rewardit be;
And mak freindschip for ald¹ feid and for new,
In tyme to cum ay to be leill and trew;
Ilkane to vther ay curtas and heynd,
And this Hungest to callit be thair freind;
But pleid or pley for to pas hame thair wa,
With all thair power into Germania.

25,370

Assurand him gif that plesit him nocht,
That he suld find far scharper than he brocht.

How Hungest and Wortigernus met at commonyng, and how Hungest dissauit Wortigernus.

Richt mony wes into that multitude,
Apprevit weill that that counsall wes gude;
3it neuirtheles consentit to that thing, 25,375
That this Hungest suld commoun with the king.
For thai wist weill it micht hurt thame rycht nocht,
Bot for to knaw the secreit of his thocht,
Gif his desyre wer honorabill and gude,
At thair counsall and at his plesour till dude; 25,380
And gif it war agane the commoun weill
Be his desyr, as tha ma richt sone feill,
He neidit nocht to do bot as him lest;
The haill counsall thocht all that that wes best.

OFF THE MEITTING OF WORTIGERNE AND HUNGEST.

Ane plesand place, as that my author sais,
Quhilk callit wes Sares into tha dais,
Neirby the se quhair foundit wes ane ferrie,
Now in this tyme callit is Sarisberrie,

In MS. all.

Col. 1.

Vpoun ane plane the tyme and place wes set, Quhair that the king and this Hungest[us] met. 25,390 Thre hundreth nobillis vpoun euerie syde, Without wapone or armour in the tyde, Dreidles of harme that tyme or ony skaith, Amiddis the feild betuix thair oistis baith; Lib.8, f.126. And this Hungest wes suome to be trew, 25,395 Without tressone for ald feid or for new. Syne Wortigerne and this Hungest is gone, Hand for hand togidder thame allone; Siclike ilk Saxoun as I wnderstand, Ay with ane Brit togidder hand for hand, 25,400 In sindrie pairtis vp and down the plane, At commoning ane lang quhile did remane; And quhat it wes I can nocht richt weill tell, Bot harkin and heir how efterwart befell.

How SAXONIS SLEW THE THE BRITIS WITH Tressoun.

This ilk Hungest that ordand had befoir, 25,405 That ilk Saxone with him baith les and moir, Richt quietlie, quhairof nane had beleif, Ane lang dager suld turss into his sleif: Syne suddantlie, guhen he ane taikin maid, That euerie man withoutin ony baid, 25,410 But ony stop or studie in that steid, Suld stik his marrow in the tyme to deid. And so that did quhen he are takin schew, Richt suddantlie the Britis all tha slew; Or euer tha wist, fra thame chapit nane 25,415 Of all the Britis in the tyme bot ane, Heldoll to name, right stoutlie in that stryfe, Quhilk fra ane Saxone ruidlie raif his knyfe, And sindrie Saxonis thairwithall he slew, Syne manfullie him awin self did reskew. 25,420

How Wortigerne was take and led to thair Tentis.

Quhen this was done the multitude all fled; The king wes tane and to thair tentis hed, And festnit fast with fetteris, fit and hand; Syne all his armie that lay on the land, Into Kent schire richt sone he hes thame brocht. 25.425 The Britis all seing sic tressoun wrocht, Thair king that tyme so tressonable wes tane. And all the lordis slane siclike ilkane, Throw fals tressoun with greit crudelitie, Traistand thairof for to revengit be, 25,430 With all thair power pertlie on ane plane, Convenit hes to gif him feild agane, Contrair Hungest and his auctoritie: In that intent all erar for to die, Or than to be revengit, gif the mocht, 25,435 Of that tressoun that this Hungest had wrocht. Syne quhen tha saw thair power wes so small, Without ane king and captane als with all, Or governour than other les or moir, Thair lordis all war slane ilkane befoir 25,440 With fals tressone, as ze aboue ma reid, Traisting thairfoir tha suld cum hulie speid, Skaillit thair ost; syne tuke ane vther reid, And enerie man zeid hame to his awin steid.

How Wortigernus gaif ouir all the Strenthis in Britane to Hungest, and past with all the Britis [in] Walis, and remanit thair all his Tyme.

This Wortigerne the quhilk in presoun la, Sie dreid of deid had boith nicht and da, 25,445

Col. 2.

¹ In MS, Hungest,

Throw greit monisioun that that to him maid, The strenthis all into Britane but baid, With gold and riches ilkane as it standis, Deliuerit hes in this Hungestus handis. 25,450 Quhen that wes done, Hungest gaif him command, With all the Britis that war in that land, Pas to the Wales and thair to remane. And in the bound neuir to cum agane; With wyffe and barne thair to remane and duell, 25,455 Richt solitar all tyme amang thame sell. With public voce proclamit syne in plane, Attour command quha did langar remane Efter the da affixit wes and sett, All his guidis to type of proper dett: 25,460 Him self also be in Hungestus will, To quhat torment he pleis to put him till.

How Wortigerne for Dreid of Hungest staw in the Walis, and of ane new Armie that come out of Saxone.

This Wortigerne, full of defence and cair
With all the Britis that tyme les and mair,
Of this Hungest he stude so mekill aw,
Richt quietlie on to the Walis he staw,
Without wapone or armour for to weir,
But bow or brand, buklar, scheild or speir,
And durst nocht turs, or be so pert to preve,
With thame moir geir nor he wald gif thame
25,470
leve.

This Wortigerne syne, as my author sais,
Remanit thair in trobill all his dais.
Quhen this wes done as 3e haif hard me sa,
Thair come fra Saxone efter on ane da,
To this Hungest quhair he wes in Britane,
With wyffe and barne richt mony nobill man,

With men of craft and lauboraris of the land, In so greit number as I wnderstand, That Wortigerne with all his power haill, To his power wes of litill availl. 25,480 Syne efterwart in Lundoun on ane da, This ilk Hungest, as my author did sa, Ressauit hes into plane parliament Sceptour and eroun, with all thair haill consent, In stait royall amang thame for to ring, Ouir all Britane of Saxonis to be king. Syne changit hes the name I winderstand, And efter him gart call it Hungest land; And all his pepill als gif I rycht ken, Efter him self gart call thame Hungest men: 25,490 And now Ingland and Inglismen with all, Be corruptioun of langage now we call.

HOW HUNGEST GART SLA ALL THE BRITIS THAT REMANIT IN BRITANE EFTER THE PASSAGE OF WORTIGERNE IN THE WALIS, AND OF THE GRIT DISTRUCTIOUN HE MAID OF HALIE KIRK.

Quhen this wes done, withoutin ony baid, Ouir all Britane greit inquisitioun maid, Quhair ony wes fund of the Britis blude, 25,495 That this edick or zit command ganestude, Without discretioun quhair euir tha war fund, Lib.8, f.126b. Baith zoung and ald in ony garth or grund, That had no strenth nor power for to fle, Richt doggitlie he maid thame all to de. 25,500 I can nocht weill heir expreme to zow plane, In this mater suppois I wald remane Ane zeir and moir continewalie to wirk, The grit injure tha did till halie kirk. The tempillis all, that war of lyme and stone, 25,505 Distroyit hes and kest thame down ilkone; The kirkmen als, that dalie thairin sang, Sum tha gart heid and other sum the gart hang,

Col. 1.

And sum the pat into vyle seruitude; With sic distruction of the nobill blude, 25,510 In till all part of Britane far and neir, That horribill wes into that tyme till heir. War all the marteris put into memoritie The maid that tyme, as I fynd in my storie, The wald exceid of number, be my dome, 25,515 The marteris far that maid war into Rome. My wit this tyme is vnsufficient For to expreme sua mony innocent That tholit deid thair for the faith of Christ, Be the bouchouris quhilk war vnbaptist. 25,520 In kirk and queir syne of the pagane wyss, Quhair Christ wes offerit into sacrifyis With preist and prelat eueri da befoir, Thair idollis thair tha set vp les¹ and moir, With all thair micht thairfoir to magnifie 25,525 Mahoun thair maister with fals mamoutrie.

How Ambros Aurelius come fra Armorica with ane Armie in the Walis, and wan Wor-

TIGERNE, THE KING OF BRITIS.

In this same time Ambros Aurelius,
That bruther wes to king Constantius,
And sone also to Constans of greit fame,
With his bruther that Vter hecht to name,
With his bruther that Vter hecht to name,
Tome furth that tyme out of Armorica,
With ane greit armie furneist to the se,
Of Wortigernus to revengit be;
Quhilk saikleslie his eldest bruther slew,
Constantius, as I befoir heir schew,
With ane fals trane that he wrocht by tressone,
Syne wranguslie he held fra him his eroun;

¹ In MS, vp and les,

Into the Walis sone efter tuke the land. This Wortigerne that reddie wes at hand, 25,540 In rayit battell bydand with the Britis, That samin tyme, as that my author writis, Quhen that the feild wes reddie for to june, And all the trumpettis blawand vp in tune; The Britis all that tyme for the maist part, 25,545 This Wortigerne so haittit with thair hart, Into the feild tha left him thair alone, And to Ambros the come that tyme ilk one.

How Wortigerne fled to ane Strenth, Quhair HE WES SEIGIT AND BRINT WITH WYFE AND Barnis to Deith.

This Wortigerne thairof wes soir adred; Out of the feild richt sone away he fled 25,550 On to ane castell of his awin neirby. This Ambross than him followit hastelye, And laid ane seig about the hous richt sone; Thair lang tha la and litill thing wes done. That hous it stude vpone ane strenth so strang, 25,555 Quhen tha had lyne at the seig so lang, Ambrosius he gave command in hy, On fra ane wod that wes neir hand by, That eurie man richt mony tre suld bring, About the hous syne nar the wallis fling. 25,560 And so the did into grit quantitie, About that hous tha laid richt mony tre, Quhill the excedit all the wall on hight, Syne set thame sone into ane bleis full bricht; Quhilk brint the hous that tyme in poulder 25,565

And Wortigerne with wyffe and barnis all. Thus endit he that so greit tressoun wrocht, Quhairby he put all braid Britane to nocht,

Col. 2.

Aurelius quhilk did till him concerne, Efter the deid of this ilk Wortigerne, 25,570 Of all Britane the croun to bruke the right, To him thair come right mony worthic wight, Baith zoung and ald that war of Britis blude, Dalie tha come into greit multitude; Exhortand him agane for to reskew 25,575 His heretage that laitlie of the new, And his pepill that wes so far opprest Be the fals tressoun of this ilk Hungest; So wranguslie alway that he did wirk Agane the law and faith of halie kirk; 25,580 Quhairof thai said tha wald revengit be, Or on ane da all into battell de.

HOW AURELIUS MAID PEAX AGANE WITH THE KING OF SCOTTIS AND PECHTIS, AND GAT THAIR SUPPLE AGANE THE SAXONIS OR HE MICHT PREVAILL.

Aurelius considderit weill and knew Be thair talking that tyme he wes ouir few; Thairfoir he thocht he micht with better will, 25,585 At his plesour his purpois to fulfill. And or he wald in that mater proceid, Into gude hoip for to cum better speid, To Congallus ane messinger he send, Beseikand him of help for to defend 25,590 The faith of Christ, as he wes Cristin knycht, Of halie kirk for to debait the right, And for the faith he aucht to Jesu Christ, Agane tha bribouris that war vnbaptist, And fra Hungest that tratour so vntrew, 23,595 That he wald help his kinrik to persew. This Congallus thairof he wes content, And all the laif that tyme that war present.

Promittand him richt hartlie with gude will,
At tyme and place that he sall cum him till, 25,600
Efter his power with help and supple,
In all the haist that he mycht reddie be.
The messinger thairof he wes content:
To king of Pechtis passit incontinent,
Quhilk callit wes Lothus that tyme to name; 25,605
In Albione wes none of grittar fame,
Stalwart and strang, and of ane large stature,
Baith zoung and fair, and rycht plesand of nature;
Quhilk wes richt blyth that tyme quhen he did
heir
All the desyr of this ilk messinger; 25,610

All the desyr of this ilk messinger;
And grantit him rycht glaidlie with his hart,
In that purpois all tyme to tak his part,
Efter his power hartlie with gude will;
Syne set ane da quhen he suld cum him till.

Lib. 8, f. 127. Col. 1.

How the Messinger passit to Aurelius and schew his Ansuer.

This messinger quhen he hard him sa so,

Thankit the king and tuke his leif to go;

Syne passit hame withoutin ony moir,

And schew all thing that he had hard befoir,

Ilk word be word to this Aurelius;

How he wes treittit with this Congallus,

With euerie Scot siclike and euerie Pecht,

And how thir kingis baith hes to him hecht

At tyme and place to meit him with gud will,

Quhair plesis him for to assigne thame till.

How the Britis come furth of sindrie Partis to Aurelius.

The Britis all that tyme, baith les and moir, 25,625 In sindrie landis quhair thai duelt befoir,

Ay cuerilk man quhair that him lykit best, For to vmsehew the danger of Hungest, Into that tyme, my storie tellis thus, Tha come ilkone to this Aurelius. 25,030 Quhilk wes content rycht weill of all tha thingis, And of the ansuer also of tha kingis; Syne sped him sone, in all the haist he mycht, Agane Hungest for to reskew his right, On fit and hors and mony nobill man 25,635 Of Armorick and also of Britane, With birny, brasar, bow and feddrit flane, All in ane will for to reskew agane Kynrik and croun with law and libertic, And of Hungest for to revengit be, 25,640 The emimie of Christ and halie kirk; Without tarie neuir for to tyre nor irk Quhill he war slane, and all his men ilkone, Or exull maid far out of Albione.

How the King of Pechtis and the King of Scottis Bruther Conranus met Aurelius with ane greit Powar.

Syne efter that, vpoun the saxtane da, 25,645 The king of Pechtis hes met him in the wa, With greit power that tyme of ane and vther, And Conranus the king of Scottis bruther, With mony Scot that worthic war and wicht, With bow and brand, brasar and birny bricht. Quha had bene thair that tyme for to haif sene The grit kyndnes and thanking thame between, The curtosic that this Aurelius Schew to thir tua with thanking meruelous, And brasit thame right of into his arme, 25,655 With plesand vult and tender words warme. With sic talking the drew the da to end, Syne on the morne with all power did wend

Towart the place quhair that Hungestus la,
With all his Saxonis on the secund da;
Syne in ane place neirby the revar syde,
Forgane Hungest thir princes of grit pryde,
With mony roy wes royall of renoun,
Vpoune ane plane plantit thair palzeoins down.
Syne in the field, as that tyme wes the gyiss,
Met in the middis with mony interpryiss,
On fit and hors ilk man chesit ane maik,
To just and turnay for his ladeis saik.
With mony raiss tha did the feild renew;
Raiss efter raiss ilk vther did persew.

25,670

Col. 2.

How the Tua Wyngis wan baith thair Feildis.

Syne at the last, with mony fedrit flane, The bowmen bald hes bikkerit on the plane; Richt scharpe schutting on ilk syde mycht be sene, Quhen mony grume la gaippand on the grene. Behind thair bak, the bowmen for to beild, 26,675 The grit power syne enterit in the feild. The king of Pechtis as my author did sa, With all his Pechtis the vangard led that da, On the right hand of this Aurelius; Siclike also the nobill Conranus, 25,680 With mony Scot, that stalwart war and stuir, On his left hand on to the feild he fuir. Thir grumes gay quhilk war nothing agast, War reddie all syne at ane buglis blast; Into the feild tha enterit with grit force, 25,685 In birny bright and mony bardit hors; Thair scheildis raiff¹ and all thair speiris brak, That countering wes lyke ane thunder crak. Than mony grume la gruffing on the grund, And mony wycht man with mony werkand wound;

¹ In MS, raiss.

Richt mony freik war fellit in the feild, And mony knicht la cald wnder his scheild. Aurelius thairto he tuke gude waucht, Betuix the Scottis and the Pechtis that faucht, With all the Britis that war thair that da, 25,695 And thame he brocht out of Armorica, Of worthie men that waponis weill culd weild, So cruell counter maid into the feild, And buir thame self so stalwart in that stound, That mony freik were fellit to the ground. 25,700 Baith Scot and Pecht in the tua wingis faucht, So rude routtis amang the Saxonis raucht, That force it was that tyme to thame to fle, Or in the feild all fechtand for to de. The middill ward quhen that the wingis fled, 25,705 Quhair Hungest faucht, tha war so soir adred, Tha tuke the flicht, and wald no langar byde, Efter thame fast but tarie in that tyde. Hungest him self, with mony wyle and trane, Requyrit thame oft for to return agane; 25,710 For na treittie that he culd mak that tyde, Nor zit for bost tha wald no langar byde. And quhen he saw that that mycht nocht amend, He kest fra him, that he suld nocht be kend, His coit armour quhairin that he wes cled, 25,715 Syne on ane hors fast efter thame he fled.

HOW HUNGEST TYNT THE FEILD AND FLED, AND HOW AURELIUS OUIRTUKE HIM AND SLEW HIM MANFULLIE WITH HIS AWIN HANDIS.

Aurelius persauit that richt weill,
Of his fleing that tyme quhilk had ane feill,
And efter him he drawe with all his force,
Syne with ane speir he dang him of his hors; 25,720
Out throw the bodie straik him deid to the grund,
Syne left the speir still stickand in the wound.

Occa his sone, quhilk fled into the tyde On to ane mont wes neirhand by besyde, Vpoun ane bay out of the feild him bair, 25,725 Lib.8, f.127b. With mony wound that warkand war full sair. Aurelius syne, voun the tother day, To Lundoun toun he tuke the narrest way. The soulddouris thairin that did remane, Quhen tha hard tell Hungest thair king wes 25,730 slane, And Occa fled with woundis werkand soir, To saif thame self into that tyme thairfoir, Aurelius tha met without the toun, Syne on thair kneis at his feit fell doun, Beseikand him, for his greit victorie 25,735 And nobilnes, of thame to haif mereie, Syne tha war all in that tyme at his will, As plesit him quhat pane to put thame till. Sayand thai knew that thair iniquitie Seruit richt weill withoutin reuth to die; 25,740 Beseikand him as he wes gratious prince, For to remit the injure and offence That the had done, and freith [thame] for to go To thair awin land quhair tha befoir come fro, Naikit and bair, baith with barne and wyffe, But gold or gude that tyme, and saue thair lyfe; And that suld sweir befoir thame all in plane, In Albione neuir for to cum agane.

How Aurelius tholit the puir Pepill to byde in Britane.

Aurelius so gratious wes and gude, So full of meiknes and of mansuetude, Hes sufferit thame of his benignitie, With[out] crabing or zit crudelitie, But ony harme in thair bodie or hurt, To pas agane withoutin stop or sturt,

25,750

With wyffe and barne hame to Saxonia. 25,755

And so the did syne efter on ane da
Baith gude and euill that abill war for battell,
But hors [or] harnes, withoutin come or cattell;
The puir pepill with all houshald and geir,
Without prattik or policie in weir, 25,760

Leit thame remane thair still, I wnderstand,
As the war wont to laubour in that land;
And all that wald turne to the fayth of Christ,
And trew in Jesu that tyme, and be baptist.

How Aurelius distroyit all the Idollis.

Quhen this was done as I haif said yow heir, 25,765 Ouir all Britane he hes gart spy and speir Quhair tempillis war biggit of mamoutrie, Quhairin thir Saxonis did oft sacrifie; And suddantlie hes distroyit thame all, Syne brint the idollis in poulder small. 25,770 The preistis all thairin maid sacrifice, With all torment men culd with wit devyiss, Richt riallie that tyme without petic, He puneist thame for thair iniquitie. The kirk of Christ syne gart agane restoir 25,775 To all possessionis that it had befoir, And dot thame with far moir dignitie, Na euir tha had and more auctoritie; And ilk kirk man in his awin kirk set doun, That fled befoir in mony far regioun. 25,780 The kirk of Crist wes neuir at sic honour, Sen God wes borne, into Britane befoir.

Col. 2. How Aurelius gaif the Scottis and the Pechtis all the Landis betuix Humber and Tueid.

This beand [so] than into Lundoun toun, With erle and duke and mony bald barroun,

The king of Pechtis and nobill Conranus, 25,785 And speciallie be this Aurelius, Wes tretit so be thair auctoritie, Quhilk schew to thame so greit humanitie, With greit reward and honour ouir the lave, As did pertene to sic princes to haif. 25,790 The landis all the did befoir posseid, Fra Humber flude on to the water of Tueid, Tha gaif to thame, with strenthis les and moir, In heretage evin as the had befoir. Perpetuall peax betuix thir kingis thre. 25.793 Confermit hes with greit affinitie. Aurelius tua sisteris fair and gude, That tyme he had of plesand pulchritude, Porterit but peir, full of formositie, Vnmaculat in clene virginitie. 25,800 Anna, the quhilk wes eldest of the laif, In matrimonie to king of Pechtis gaif; Quhilk efterwart buir to him sonis tua, And ane dochter wes callit Cymeda, As I sall schaw, and God will gif me grace, 25,805 Sone efterwart at ganand tyme and place. The secund sister callit wes Ada, To Conranus in mariage alsua, That plesand wes full of spesiositie, With gold and riches in grit quantitie, 25,810 Gaif to Conrane, with grit honour and gloir, In matrimonie as I haif said befoir. Confirmand syne with thir kingis ilkone, Perpetuall peax ay into Albione; And euirmoir with afald will and hart, 25 815 . Ilkone in neid for to tak vtheris part; Euir to inforce with all thair fortitude, And speciallie aganis the Saxonis blude. The king of Pechtis, and Conranus also, Syne tuke thair leif and baith hamewart did go. 25,820

HOW ADA, CONRANUS WYFE, DEPARTIT.

This zoung Ada, of quhome I spak befoir,
Conranus wyffe, ane zeir efter or moir,
Of hir first child befoir his tyme rycht lang,
The cruell dart of awfull deith so strang,
Hir and hir child, with mekill pane and wo,
Out of this warld he gydit for to go:
And so faillit that grit affinitie
Of Scot and Brit, throw lois of that ladie.

How Claudowus, the King of France, was baptizit under Remegeus, and tuke the Faith of Christ.

In that same tyme it hapnit vpoun chance, Claudoweus the quhilk wes king of France, 25,830 And the fyft king als of the Frenche blude; He wes the first, gif I richt wnderstude, Off Frenschemen that tuke the fayth of Christ; Lib.8, f.128, In that same tyme this king he wes baptist Col. 1. Be ane bischop callit Remegius, 25,835 Quhilk now in hevin ane sanct is glorius, Fyve hundreth zeir efter the Virgin buir The sone of God, quhilk hes all thing on cuir. Thre halie bischopis in tha samin dais In Scotland rang, as my author sais; 25,840 Ane callit Colman of greit auctoritie, Modan and Meden war halie men all thre, Quhilk in thair tyme wald nocht tyre nor irk To fortifie the faith of halie kirk; That had grit grace into this warld thairfoir, 25,845 Tha ring in hevin now in eternal gloir. Gude Congallus, of quhome befoir I tald, Into that time wes febill, waik and ald, And viseit wes with sad seiknes and soir, Into this tyme that he might leve no moir. 25,850 Syne of his ring efter the tuentic zeir, He tuke his leif and baid na langar heir; In Ecolumkill syne graithit wes into graif, With all honour that sic ane prince suld haif. Ane better king I trow nor he wes one, 25,855 In all his tyme wes nocht in Albione; Manlie in weir, and plesand into peice, And with all leid weill louit wes but leis; All thing zeid richt that wes wnder his cuir, Equale he was ay baith to riche and puir. 25,860 Me neidis nocht at this tyme him to love, Richt weill I wait his awin deidis will prove His nobilnes, quha lykis for to luke. Heir endis baith his deidis and the aucht buke.

How Congallus departit, and of the Crownyng of Conranus his Bruther Germane, and of his nobill Deidis.

Efter the deith of worthie Congallus, 25,865 His bruther germane, callit Conranus, Crownit he wes of Scotland to be king, Becaus his sonis that tyme wes ouir zing. The eldest sone he hecht Eugenius, The secund als wes callit Conuallus, 25,870 The zoungest bruther also of the thre, To name Kynnatill callit than wes he: As I sall schaw efter, be Godis grace, Of thir brethir quhen I haif tyme and place. This Conranus, of quhome befoir I spak, 25,875 Greit travell dalie did vpoun him tak To keip his kinrik into rest and peice, That da no nycht wald nocht sojorne nor ceis For no travell, sa lang as he micht lest, Qubill he put all into gude peice and rest. 25,880 Quhen this was done as ze haif hard me tell, Tak tent and heir of an wounder befell.

Off and mervelous Monstoure sene at the Huntis.

This king being in hunting on ane da, With mony nobill in Atholia, Ane hart wes sene thair of greit quantitie, 25.885 Baith grit and fatt, with hornis lang and hie. Quhen he wes bertnit to gif the houndis blude, Out of his wame are meruelus multitude Of foule serpentis into that tyme thair threw, Baith grit and lang of mony diverss hew. 25.890 Quhairof that tyme the pepill wondrit all, Col. 2. Sayand it was of thingis to befall Ane grit taikin, other of ill or gude; So said the all, gif the right winderstude. Als of this hart the hornis mervelus, 25,895 For byt or stang of beistis venemous, Wer medicyne in ony tyme or tyde, And quhair tha come mycht na sick beist abyde. This king he was the first that maid that act, Befoir the air ane dittay for to tak 25,900 In euirilk schyre, as my author did sa; Quhilk lawis zit ar keipit at this da. In rialtie I lat him heir remane, And to the Britis turne I will agane.

How Ambrosuis Aurelius fell in greit Seiknes, and how Occa and his Bruther Passingius come with ane greit Armie out of Saxone in Britane.

Aurelius, of quhome befoir I spak,

As that my author did me mention mak,

Vexit he wes with grit infirmitie,

Be constillatioun of the planetis hie.

In MS. riallie.

Ilk da be da his seiknes grew so soir, That he micht nother gang nor ryde no moir; 25,910 And all his bodie, or my author leis, He grew als bair and lene as ony treis, That euerie man that tyme for the most effect, Than of his deith tha held him rycht suspect. Syne suddantlie this grit seiknes wes schawin 25,915 Onto Occa be freindis of his awin, Into Saxone quhair that he did remane; Quhairof that tyme he wes joyfull and fane. With his brother callit Passingius, Quhilk sonnis war befoir to Hungestus, 25,920 Aurelius with his awin handis slew, Nocht lang gane syne as I did to 30w schew, With the haill power that the purches ma Of all the princes in Germania, Aurelius trowand for to fynd deid, 25,925 Or ony king was crownit in his steid, Richt suddantlie, as my author did sa, Into Britane tha come all on ane da.

HOW THAT THE BRITIS PASSIT ALL TO COUNSALL.

Thairof the Britis abasit war ilkone, And suddantlie to counsall all ar gone, 25,930 For to devyss richt haistelie and sone, In that matter quhat best is to be done. Thair king with seiknes vexit than wes so, That he micht nother rycht weill ryde nor go; Vter his bruther in the Walis la 25,935 Richt seik that tyme, as my author did sa; Amang thame self thair wes grit discord, Quhome that the suld mak governour and lord; Tha had no grace that tyme for to agrie, Bot stude richt lang at sic diuersitie. 25,940 VOL. II. N

Lib.9, f.128b. Col. 1. Aurelius that richt weill wnderstude

That thair diuisioun wald do litill gude,

Thairfoir to gar thair myndis cord in one,

The haill mater vpoun him self hes tone.

Thocht he wes waik, and waponis mycht nocht 25,945

weild.

Betuix tua hors gart turs him to the feild On ane litter, that buir him hie on-loft, Within ane bed quhair that he la full soft.

How Aurelius Straik Feild with Occa or Ansuer come agane.

To king of Pechtis ane herald sone he send,
And king of Scottis, the quhilk that maid
thame kend

Ilk word by word as I haif said 30w heir, Beseikand thame that wes his freindis deir, Of thair supple richt sone incontinent. Quhairof thai baith that tyme war [weill] content, Promitting baith that that sould mak supple, In als grit haist as the micht reddie be. Or that ansuer come to Aurelius, Occa that tyme and als Passingius, Thir tua brether, sa grit distruction maid Into Britane ouir mony boundis braid, 25,960 That force it wes than for to gif thame feild With euerie wicht that waponis than mycht weild. Aurelius besyde ane mont tha met In plane battell quhair that the feild wes set; Quhair mony freik wes fellit thair throw force, And mony berne borne bakwart fra his hors,

¹ In MS, tyne,

And mony man in the tyme euill woundit. The Britis all that tyme wer neir confoundit; And had nocht bene this ilk Aurelius, Throw his curage, my author sais thus, 25,970 Quhen that he saw thame drawand all abak, Quhilk causit thame sie confort for to tak, And in the feild syne maid ane new onset, And with thair brandis on the Saxonis bet. Thair wyngis all that warkit of befoir, 25,975 Into that tyme tha fele thame nothing soir, Na in thame na febilnes culd feill, But als ferce and waldin than as ane eill: And in that stour right stalwartlie tha stude, Spilland richt mekle of the Saxone blude, 25,980 And wrocht thame wo with mony woundis wyde. The Saxonis than vooun the tother syde, Turnit thair bak ilkone and tuke the flicht. Aurelius, for it wes neir the nicht, Forbad to follow forder of that plane, 25,985 In gude ordour gart thame thair still remane, Quhill on the morne that it wes fair da licht. Syne equalic that tyme to eueric wicht, Efter his grie and facultie that tyde, The haill spulze amang thame gart provyde. 25,990 Syne maid ane moustour efter on ane plane, Numberit his men and fand so mony slane, He thocht he wald no moir battell persew, Of Scot and Pecht quhill that he gart reskew. And for that caus, for tua monethis and ane, 25,995 Trewis that tyme with the Saxonis hes tane; Skaillit his oist, syne passit is anone Onto ane place wes callit Gouentone. Into that place quhair that he did remane, This ilk herald come hame to him agane, 26,000

Fra Conranus and king of Pechtis also, Schort quhile befoir he maid to thame till go, Within les space sayand na monethis thre, That the wald send him grit help and supple.

Col. 2. How Occa send his Bruther for New Power into Saxone, and of his agane cuming with thame, and as ane Monk poysonit Aurelius be Tressoun.

Occa that tyme, quhen he knew that it wes so, 26,005 Passingius his bruther hes gart go For new supple out of Germania. With new power than fra Saxonia He come agane within ane litill space, On to his bruther in that samin place. 26,010 In that same tyme, as my author did sa, Be the persuasioun of this ilk Occa, Ane mensworne monk, full of ingratitude, Sayand he wes ane of the Britis blude, Ane fals Saxone and fenzeit als we[s] he, 26,015 And rejectit fra religiositie, On to this king in to Gwyntonia He come that tyme, in seiknes quhair he la; Sayand he wes ane potingar richt fyne, And had grit prattik of all medicyne, 26,020 Quhilk tuke on hand that tyme, for litill thing, Of that seiknes that he suld haill the king. The king him self, rycht so did all the laif, To this fals monk richt grit credence tha gaif; Trowand that he sua sicker wes and suir, 26,025 Tha pat the king alhaill into his cuir. That samin nicht he poysonit him or da, Syne thiftuouslie he staw fra him awa; On to Occa syne passit hes richt sone, And schew to him all thing how he had done. 26,030

How Occa, efter Aurelius was poysonit be Tressoun, enterit in Britane with grit Crudelitie that all the Britis fled in other Partis.

Quhen Occa knew Aurelius wes deid, But successour that tyme into his steid; Except Vter nane vther than had he, Quhilk viseit wes with grit infirmitie, That tuichit him weill scharplie and rycht soir, 26,035 Into the Walis as I said of befoir. And or thair power suld removit be, Of Scot or Pecht or tha get moir supple, This ilk Occa, with mekill bost and schoir, Moir cruellie nor euir he did befoir, 26,040 Richt grit distruction, and with amaritude, Ouir all Britane maid of the Britis blude; Without discretioun other of zoung or ald, The bludie boucheouris busteous wes and bald. The Britis all tha fled fra hand to hand, 26,045 Sum in the Walis, and sum into Pechtland; All febill folk that tyme that mycht nocht fle, Without reuth tha maid thame all to die.

How the Scottis and the Pechtis cumand to Aurelius, heirand of his Deith, passit Hame agane.

That samin tyme, into ane ordour gude,
Of Scot and Pecht ane rich[t] greit multitude,
Qubilk cumand war to this Aurelius
In his supple, my author sais thus.
Syne quhen tha hard Aurelius wes deid,
And nane vther succeidand in his steid

To gyde the laif, bot fleand to and fra, 26,055 And tha knew nocht thair freind than be thair fa; And for that caus tha turnit all agane, In gude ordour syne passit hame ilk ane. Off Ambross ring into the auchtane zeir, All this hapnit as I haif said zow heir. 26,060 The Britis all fra he wes put in grave, Baith zoung and ald, lordis and all the lave, Onto the Walis passit in ane ling, And crownit hes this Vter to be king. Quhen he wes crownit with the haill consent, 26,065 With all the lordis syne incontinent, Proclamit syne hes with an opin cry, That euirilk man richt sone and suddantly Suld reddie be, alss gudlie as he micht, Agane Occa for to defend thair richt. 26,070 And so the did, within the tuentie da Semblit richt sone, as my author did sa, With mony wicht that waponis weill culd weild, Ane grit power weill furneist for the feild. Vter him self as knawin wes that tyde, 26,075 So seik he wes micht nother gang nor ryde, And for that caus committed all the cuir Of that battell, and [all] the auenture, Vnto ane man hecht Natolay to name, Of sempill blude without honour or fame. 26,080 And for that caus, as that my author writis, Displesit wes the nobillis of the Britis, That sic ane man of law birth and valour, Sould thame prevaill into so grit honour, And with thair king haldin so deir and leif; 26,085 Quhilk wes the caus efter of thair mischeif.

HOW GOTHLOUS, LORD OF CORNEWALL, LEFT THE FEILD, FOR INVY HE HAD AT NATHOLOY THAIR CAPTANE.

Quhen the battell wes reddie for to june, And trumpettis all blawand in sindrie tune, The lord of Cornewall, callit Gothlous, In all his tyme ane freik wes richt famous, 26,090 With all his folk he left the feild that da, And wald not feeht, as my author did sa. On him [he] had so grit rancour and noy, For the preferring of this Nathaloy, Quhilk wes unworthie intill all degre, 26,095 To Gothlous ane fallow for to be. The Britis all persaueand he wes gane, And that in feild wer left but help allane, And vmbeset with Saxonis on euerie syde, Tha tuke the flicht and wald no langer byde: 26,100 In gude ordour, at greit laser and lenth, Tha fled right fast togidder till are strenth. This ilk Occa quhen that he saw thame fle, Trestand that tyme it sould for tressone be, Seand befoir Gothlous fled so sone, 26,105 Or ony thing into the feild wes done; Than for ane trane trowand that it wes wrocht, And for that eaus farder he follouit nocht, Or dreid tha suld begyle him with ane slycht. For that same quhy into the feild all nycht, 26,110 Remanit still in ordour and array, Qualified Quality Quality Quality on the morne that the micht ken the day. Syne on the morne quhen that the da wes cleir, And he saw none into his sicht appeir, He knew full weill than that the Britis fled; Fra that tyme furth the weill les he thame dred.

Col. 2.

HOW OCCA, EFTER THE FEILD WAS WYN, SEND ANE HERALD TO VTHER, COMMANDAND ALL HIS BRITIS TO PAS IN THE WALIS AT ANE DA VNDER THE PANE OF DEITH, AND SO HE DID.

To Vter syne and herald some he send, Command[and] him right haistelie to wend With all his Britis that tyme to the Walis Within ane da, thairof gif that he falis, 26,120 That ane wer fund thair other les and moir, Into the bound his fader had befoir, Zoung or ald without restrictioun, Tha suld all de for thair transgressioun. Vter that tyme thairof he lykit ill, 27,125 **t**it neuirtheles he thocht he wald fulfill All his desyr, for his plesour sum part Into that tyme, qualil he saw efterwart Of his purpois he micht cum better speid: Into that tyme it stude him in sic neid. 26,130 And to the herald said agane in feir, Thir samin wordis as I sall schaw zow heir. "Gude freind," he said, "sa to my cousing deir, " I am content now of his cuming heir, " And lykis weill that he haif to remane, 26,135 "Quhair plesis him, in hie land or in plane, " Boundis richt braid for him and all his men, " Off that conditioun so that he will ken, "That we ressaue him alway for oure freind, " At our plesour in our landis to leind; 26,140 " And nocht be force, na zit throw sic maistrie, " As ze this tyme of ws had victorie, " Bot as oure freind quhome we love with our hart,

" Agane all other for to tak oure part.

¹ In MS. nane.

Lib.9,f.129b. Col. 1.

"And we to him sall obleiss ws siclike, 26,145
"To tak his part quhill we ma stand and stryke;
"Foure wyiss lordis to cheis on euerie syid,
"And obleis ws at thair decreit to byde,
"Quhat euir it be, without ony repreif."
With this ansuer the herald tuke his leif, 26,150
And to Occa he schew baith les and moir,

The wordis all that I schew zow befoir.

HOW THAT VTER AND OCCA MET AT ANE TRYST, AND BE THE ADUISS OF LORDIS ON ILK SYDE DIUYDIT BRITANE BETUIX VTHER AND OCCA THAT TYME.

Off this respons Occa wes weill content: Without delay richt sone incontinent Tha set are da quhair sic thing suld be done, 26,155 Into ane place quhair that the met rycht sone. Foure lordis syne chesit on euerie syde, That wysast wes for to convoy and gyde The haill mater, and tak on thame the cuir. Syne four for four togidder than tha fuir, And sone all aucht, with rype knawlege and cleir, Accordit hes as I sall schaw zow heir. The eistmest part of Britane to the se, On to the middis with toun and touris hie, Saxonis sal haue thairin for to remane, 26,165 Without reclame [of] ony Brit agane. Britis the laif of all Britane to bruke In peice and rest; syne sueir on bell and buik, That euerie on to vther sould be trew In tyme to cum for ald feid or for new. 26,170 Quhen this wes done as ze haif hard me sa, Ilk man tuke leif and passit hame his wa.

How Vter, King of Britis, haldand his 3ule in Lundoun, tuke fra Gothlous, Lord of Cornewall, his Wyffe, and gat on hir in Adultrie Arthure that wes King.

Lang efter that the leuit in peice and rest. Sick ydilnes [as] that ma nocht weill lest, Bot insolence and vther vices mo; 26,175 The Britis all wer in that time rycht so. Efter lang peice to grit riches tha grew, Syne efterwart to vices all the drew, Lyke brutell beistis thair appetit fulfill; Oftymis welth garris wisdome to go will. 26,180 This ilk Vter, syne efter mony zeir How hapnit him, tak tent and ze sall heir. At Lundoun town in the nativitie Of Christ Jesu, with grit solempnitie, In mid winter guhen that the wedder is cuill, 26,185 This ilk Vter that tyme he held his Zuill, With mony lord and mony ladie bricht, That curtas war, and mony nobill knycht. Amang the laif, my author sais thus, Thair wes that tyme the nobill Gothleus, 26,190 Of Cornewall lord, befoir as I yow tald, In all his tyme that wes ane berne full bald. With him that tyme thair wes his lady cleir, In all Britane of plesance had no peir; Of quhome Vter sic plesance tuke that tyme, 26,195 That he for lufe wes lampit in the lyme, And Luiffis dart thirlit his hart so soir, Into that tyme he suffer micht no moir.

HOW VTER SEND TO GOTHLOUS WYFFE.

To hir he send ane seruand of his awin, Richt quyetlie ane tryst for to haif drawin, 26,200 At his plesour quhair he and scho suld meit; The fyre of lufe him handlit with sic heit, Col. 2. He tuke no rest qualil that sic thing wer done. Thairof hir lord than warnit wes rycht sone; Syne quietlie, as my author did sa, 26,205 That samin nycht he staw with hir awa. Quhen Vter knew that scho wes passit so, Foroutin schame richt haistelie but ho, On fit and horse he followit efter rycht fast, Quhill he ouirtuke that ladie at the last. 26,210 Hir lord that tyme his lyfe so soir he dred, Onto ane castell of his awin he fled To saue him self, he wes into sic dout. Vter ane seig gart la the hous about; Syne at the seig quhair that he la sa lang, 26,215 And wan the hous, thocht it wes neuir so strang, It biggit wes so stark of lyme and stone. Out of the hous quhen Gothlous wes tone, With king Vter accusit wes full soir, Quhairfoir he fled out of the feild befoir 26,220 Fra Natholoy befoir richt mony zeir, Bot schort quhile syne as I haif said zow heir. And for that caus with grit crudelitie, And his awin wyffe, this Vter gart him de.

THE COMMENDATIOUN OF ARTHURE.

That samin tyme he tuke his wyfe him fro,
He gat with hir, my author sais so,
Ane sone wes callit Arthour to his name;
In all Britane wes none of grittar fame.
Thocht he wes gottin in adulterie,
3 it efterwart he wan grit victorie,
As I sall schaw within ane litill space,
Sone efterwart quhen I haif tyme and place.

And of his getting vther sum men sais, Be meane of Merling in the samin dais; The quhilk Vter transformit mervelus 26,235 Into the figur of this Gothlous, Syne in his liknes with his wyfe he la. Gif this be suith I can nocht to zow sa. Becaus sic thing is nocht kyndlie to be, Thairfoir my self will hald it for ane lie. 26,240 This ilk Arthure, fra tyme he grew to eild, In all Britane wes nocht ane farar cheild, And all prattik he preissit ay to prewe; In him Vther had so gude beleif, That he sould be baith worthie, wyss and 26,245 wycht; And so he wes quha reidis of him richt. Gif it be suith heir as my author sais, No lauchfull sone Vter had in his dais; That wes the caus, also far as I haif feill, This zoung Arthour he louit than so weill. 26,250 For love of him right far he brak the law, As I sall tell, and tak tent to my saw.

HOW VTER, FOR INORDINAT AFFECTIOUN THAT HE HAD TO THIS ARTHURE, GART ALL THE LORDIS OF BRITANE SUEIR IN PLANE PARLIAMENT, THAT EFTER HIM THA SOULD MAK THIS ARTHOUR THAIR KING.

Lib.9, f.130. Vpoun ane tyme, the lordis him beforne
In parliament he gart thame all be sworne,
Efter his tyme tha suld mak Arthure king,
And no vther in Britane for to ring.
The king of Pechtis, hecht Loth, into tha dais,
Had to his wyffe, as that my author sais,
Vteris sister, baith plesand and fair,
Quhilk wes to him narrest and lauchfull air; 20,200

And of Vter he wes right euill content, And sindrie syis his seruandis to him sent, Beseikand him with plesand wordis fair, That he wald nocht defraud the rychtuous air, Cristane his wyfe, that wes ane ladie brycht, 26,265 Wittand so weill that scho had all the richt. For no requeist that he culd send him till, This ilk Vter wald nocht brek of his will Nocht worth ane hair, but at his purpois baid, And wald nocht heir requeistis that war maid. 26,270 The king of Pechtis that tyme guhen he knew, That justlie than he might nocht weill persew, Als lang as Vter levand war on lyfe, No kynd of richt pertenand to his wyffe, All Vteris tyme this ilk schir Loth thairfoir, 26,275 He held him closs and spak thair of no moir.

How the Britis grew to Ydolatrie be Cumpany of the Saxonis.

The Britis all, quha had greit cumpany With the Saxonis, grew to ydolatrie; Efter thair law levand the faith of Christ, And left thair barnis alway vnbaptist, 26,280 And leuit all tyme at thair faith and lair. Sic wes the vse of Britane ouir all quhair, In greit errour richt lang and mony zeir, Of zoung and ald that odious wes till heir. For clerk or preist, or zit religious man, 26,285 Na for na bischop that wes in Britane, So wnfaithfull that tyme wes all tha folk, Thair greit errour culd nocht gar thame revoik. Ane halie bischop, callit Germanus, And his collige, to name hecht Sevarus, 26,290 Into Britane Vter agane he[s] brocht, Quhilk for na travell that tyme tyrit nocht.

Preichand ouir all in previe and in plane,
Reformand mony to the faith agane;
Quhilk clengit thame richt clene of all thair
cryme,

And mony miracle kyth into the tyme; Quhilk brocht the Britis all, baith les and moir, To the same faith that the war at befoir.

How Perdix and Kynricus come to Occa with greit Power.

26,295

In this same tyme now that ze heir me sa, Tua grit nobillis out of Germania, 26,300 Perdix the one, and Kynricus hecht the vther. I can nocht tell gif that he wes his bruther, Bot weill I wait, with mony nobill man To this Occa the come into Britane. Of thair cuming this Occa wes full fane; 26,305 In sindrie landis quhair tha sould remane Maid ilk ane lord of his awin gratitude, Becaus to him tha war so neir of blude. Col. 2. Vter thair of he was nothing content: Ane herald syne to him incontinent 26,310 He send, and schew how he had gottin wit So wranguslie that he brak his promit. Gif mister be, he askit him to preve, For to ressaue sic strangearis but his leve; That wes agane the oblissing he maid, 26,315 Quhilk seillit wes with baith thair seillis braid. And he did so, he said it wald distroy Peax and concord, and gender sturt and noy; Within schort quhile it sould occasioun be That name might left into tranquillitie. 26,320

HOW OCCA MAID ANSUER TO VTERIS HERALD.

Quhen this wes said, as I haif said zow heir, Befoir Occa ilk word by word perqueir, He was displayed right far at that thing, And said, "Gude freind, say now wnto thi king, "That he is far this tyme into the wrang; 26,325 "That sall he wit I trow, and I leif lang. " Agane the richt so far I heir him rave, "That blaimes me becauss I did ressaue " My tender freindis in my awin land; " As I of him sic dreid and aw suld stand, 26,330 "That I durst nocht, but his plesour and will, "Ressaue na freind cumis on caice me till; " As he war king and governit ouir all, " And [I] to him war sympill bund and thrall. " And mair attouir, se thow sa to thi king, 26,335 " I faillit neuir to him into nathing; " Na in my tyme thocht I neuir till do, " Quhill he on force compellis me thairto. "Thairfoir," he said, "and I leif half a zeir, " He sall forthink that euir he send the heir, 26,340 " Or causit the sic langage for to sa; " No moir as now, thairfoir pas hame thi wa."

HOW VTER WAS ABASIT FOR FEIR OF OCCA.

Befoir Vter quhen this epistill wes red,
Of this ansuer he wes richt soir adred
For aventure that efter micht befall,
Into that tyme, so wes his lordis all.
Ane vther herald sone send Occa till,
With grit reward to satisfie his will;
At his plesour gif tha mycht purches 1 peice,
In tyme to cum to gar all weiris ceiss.

26,350

In MS. purchest.

Col. 1.

All the reward into grit thank tha tuke. Bot his desire richt schortlie tha forsuik. Without ansuer the messinger wes fane. Saiff of his lyif, for to pas hame agane.

> How the Britis, seand the Falsheid of Sax-ONIS, MAID THAME ALL FOR BATTELL.

The Britis all, fra tyme tha hard and knew 26,355 That be no way the Saxonis culd be trew, For no conditioun, oblissing or band, No zit for otht or halding vp of hand, Lib.9, f.130b. Wald sicker be, for signet or zit for seill, For-quhy thair kynd wes neuir zit to be leill; 26,360 Thairfoir that tyme this Vter gart proclame Ouir all Britane, that nane sould byd at hame, Bot to convene within ane lytill space, Of thair best wayis at set da and at place, To pas with him quhat way that he wald wend, 26,365 Off all thir weiris onis to mak ane end. Siclike the Saxonis, on the vther syde, Buskit for battell wald na langar byde. Tha king of Pechtis that thair divisioun knew, Becaus the Britis to him was so wntrew, 26,370 As to defraude him of his heretage, Modred his sone, the quhilk wes within age, And for that causs the Britis him forsuik, With this Occa richt plane part than he tuke; Of guhome Occa wes right hartlie content, Quhen that he knew how this king Lothus ment.

> HOW KING LOTH SEND TO CONRANUS FOR HELP AGANE VTER

The king of Pechtis, that callit wes Lothus, Ane herald send onto this Conranus,

The king of Scottis, for his help and supple; Sayand, that tyme so grit mister had he 26,380 Agane the Britis sic wrang that had him wrocht, Contempnand him and his power to nocht, His barnis als, the quhilk wes lauchfull air To this Vter the quhilk his sister bair, King Lothus wyffe, Cristina hecht hir name, 26,385 Quene of the Pechtis of greit honour and fame. This king Vter no lauchfull sone had he; Arthure his sone, into adultrie Gothleus wyffe to him befoir scho bair, Off all the Britis he wes maid prince and air, 26,390 To bruik the croun efter king Vteris deid; That wes the caus this Loth held him at feid. Of him that tyme for to revengit be, Desyrit hes at Conranus supple.

HOW CONRANUS DENYIT TO HELP LOTH.

To this desyre Conranus into plane, 26,395 And his lordis sic ansuer maid agane. Sayand, the culd be no titill of right Agane the Britis to move battell or mycht, Without the wald be fals bayth and mensworne, Brekand the aith that the had maid beforne 26,400 Onto the Britis, quhilk for no stres or neid Faillit to thame vther in word or deid. Ane vther thing the said the dred far moir, Quhilk in thair mynd than movit thame rycht soir. And in thair conscience wes ane stang and 26,405 brode. For to tak pairt with ennimeis of God And halie kirk, in contemptione of Christ, With the barbouris the quhilk war vnbaptist, VOL. II.

Col. 2.

Agane the Britis, memberis of halie kirk; Greit wrang it wer with thame sic thing to 26,410 wirk. And the did so, the said, it seruit blame. With that respons the herald passit hame On to king Loth, and tald him all perqueir, Ilk word by word as I haif said now heir. Lit neuirtheles thouht he sic ansuer gat, 26,415 With this Ocea, foroutin ony lat, With mony freik that tyme he fuir on toun, Agane Vter to battell maid him boun. Thairof Vter he dred this tyme full soir, And lordis all of Britane les and moir, 26,420 For be no way of no wisdome tha wist Thair grit power how that the suld resist. Makand thair mone vnto this Germanus The halie bischop, and to Sauerus, Quhome of to zow I schew schort quhile befoir, 26,425

How King Vter and his Lordis, throw the Counsall of ane halie Bischop callit Germanus, passit to the Feild and vincust the Saxonis.

The help of God that tyme for to imploir.

This Germanus bad thame the sould nocht be rod,
Bot haif gude hoip and put thair help in God
In thair defens, and of his faith also,
And follow him and he suld formest go
26,430
Into the feild, and he sould wndertak
That the sould nother suffer skaith no lak;
Traistand in God, and fecht in his defens,
The suld prevail but ony violence.
In that beleif king Vter gart proclame
29,435
Ouir all Britane, wnder the paice of blame,

Lib.9, f.131. Col. 1.

That euirilk freik war habill for the feild, And all other that waponis dought to weild, On thair best wayis within ane litill space, Suld reddie be to meit at da and place. 26,440 On the same da quhen that the tryst wes set, The Britis all togidder thair tha met Vter thair king vpoune ane plesand plane. The halie bischop, callit wes Germane, And his collige Sauerus that same da, 26,445 With all the kirkmen in Britania. Convenit wes into that samin place, Within the grit solempnitie of Pace. Wes baptist thair that same da of the Britis Richt mony thousand, as my author writis, 26,450 Levand the law of superstitioun, Quhilk war befoir of all conditioun, Vsand the law of fals ydolatrie, Dalie with Saxonis had sic companie.

How that schew to Vter that the Saxonis wes so neir, and of the Counsall of Germanus.

To thame that tyme thair come are spy and 26,455 tald. How that Occa with mony berne full bald, And king of Pechtis in his cumpanie, With greit power wer cumand neirhand by. Than king Vter, suppois that he wes rod, \$it neuirtheles he had sic traist in God 25,460 He put his men in till ordour gude; All in array syne in the feild tha stude. This Germanus the vangard tuke to leid, With stalf in hand, and myter on his heid; Weill eled he wes in his pontificall 26,465 Into that tyme, so wes the kirkmen all. 02

Eurilk man according to his stait,
In kirk habit withoutin maill or plait,
Ane crucifix of birneist gold so bricht,
Befoir thair face he gart bair he on hicht. 26,470
Syne gaif command to all man les and mair,
Ouir all the oist that tyme wes present thair,
Tha suld tak tent quhen that tha hard him cry;
Syne euerie man for to reherss in hy
The samin word, and in the samin tone, 26,475
With loud voce se that it sould be done.

HOW VTER AND OCCA MET IN PLANE BATTELL, AND VTER WAN THE FEILD WITHOUT ONY STRAIK BE ANE MIRACLE OF ANE HALIE BISCHOP GERMANUS.

Be this wes said the Pechtis war in sycht, And Saxonis all with mony baner bricht, In gude array evin reddie for to june; The trumpetis blew in mony sindrie tune. 26,480 This halie bischop Germane gaif ane schout, And all the kirkmen standard him about, Alluleya! with ane schout tha sang; And sic ane sond with all the rochis rang. Syne all the laif of Britis that war by, 26,485 Siclike tha sang, all with ane schout and cry, That throw the sound, the rumord and the reird, The schawis schuik and trimlit all the erd. With sic rebous reboundand fra the bruke, The Saxonis all thair of greit terror tuke; 26,490 And Pechtis als siclike amang the laif, Semand to thame the erd opnit and claif, And all the cragis that wer standard by Suld fall on thame, thairfoir richt suddantlye In that effray thair armour kest thame fra, 26,495 And fled right fast ouir mony bank and bra,

Onto ane flude quhair tha thocht ouir to found, Quhair mony thousand of thame thair wes dround. In sic affray thai war than of thair lyfe, Tha tynt the feild but straik of sword or knyfe. 26,500

How the Saxonis tynt the Feild and fled without Straik, and how the Britis followit and maid greit Slauchter, and syne tuke all the Spulze.

With greit blythnes the Britis than beheld, And tuke with thame the spulze of the feild. Syne efter that, vpoune the secund da, Ilk man tuke leif and passit hame his wa: Seand the Saxonis cum so lidder speid, 26,505 Fra that da furth that had of thame no dreid. The Saxonis als, thocht the Britis wer few, Fra that da furth tha durst thame nocht persew Efter all that richt lang and mony zeir, Quhill at the last hapnit as ze sall heir. 26,510 Thir tua bischopis, of guhome befoir I spak, Sone efter that thair levis bayth did tak, And saillit furth ouir salt se and ouir sand, With greit blythnes hame in thair awin land, In Gallia, with greit honour and gloir, 26,515 To thair cite's quhair that the war befoir. Syne efter that Vter the king of Britis, And all his lordis, as that my author writis, Fra tyme tha war diswsit fra the weir, Sic viuarie and euil laittis did leir 26,520 Of drinking, dansing, hurdome and harlatrie, Quhat wes the caus I can nocht tell 30w quhy Into the tyme that sic thing suld be done, That the changit free nobill men see some To vyle bode without ressone or skill, 26,525 Lyke brutell beistis takand ay thair will.

Col. 2.

For no preching of prelat, preist or clerk,
That the culd schew, other in word or work,
The wald nocht leve their wickit mynd and will,
For no exempill culd be schewin thame till.

26,530

How Occa was slane in the Feild agane the Britis.

Thair vicius lyfe quhen Occa wnderstude, He thocht the tyme wes ganand than and gude, For to redeme the greit honour and gloir He tynt throw thame into the feild befoir. Syne on ane da, quhair that the feild wes set, 25,535 In plane battell with baith thair poweris met, With euerie wicht that micht ane wapin weild, Quhair that the Saxonis richt sone wan the feild. Fyftene thousand of Britis thair was slane, The laif all fled na langar wald remane; 26,540 Into the feild no langar than durst byde. King Occa als, vpoune the tother syde, Throw misgyding wes slane into the feild. In his defens wes mony Saxone keild, And so greit skaith into the feild tha gat, 26,545 Richt mony da ane lang quhile efter that, In plane battell the Britis to persew Durst nocht agane, qubill that thair strenthis grew.

EFTER THE DEID OF OCCA, HIS BRUTHER SONE CALLIT OCCA WAS CROWNIT.

Quhen that this king, as 3e haif hard, wes deid,
His bruther sone tha crownit in his steid,
Quhilk in his tyme ane freik wes of grit fame,
And Occa als he callit wes to name.
The Saxonis seand how into that feild
Thair king that tyme and mony mo war keild,

Of that mischeif, as my author did wryte,
To king of Pechtis alhaill tha gaif the wyte,
Into that tyme alledgand than that he
In that battell the Britis suld supple,
Agane the aith he maid to thame beforne;
Quhairfoir, tha said, he wes fals and mensworne: 26,560
And for that caus this ilk Occa pretendis,
Gif that he ma, of him to haif ane mendis.

How Colgernus come fra Saxone in Britane Lib.9, f.131b. to Occa.

And sone efter ane chiftane cheualrus, The quhilk to name wes callit Colgernus, With greit power furth of Saxonia, 26,565 He brocht that tyme out of Germania. Syne gaif to him than for rewaird and meid, The landis lyand betuix Tyne and Tueid, With all fredome of firth, forrest and fell, Baith Scot and Pecht so that he wald repell 26,570 Be strenth and force, other of blude or fyre, And he thair of for to be lord and syir. And so that did sone efter on ane da, This Colgernus and als the king Occa, With ane greit ost, right large of lenth and 26,575 breid, Tha enterit syne betuix Tyne and Tueid: Baith Scot and Pecht that the fand in that steid, Richt suddantlie tha pat thame all to deid. Than all the laif tha fled richt fast awa, Sum in Pechtland and sum in Gallowa, 26,580 To thair kingis with greit reuth and petie, Schawand to thame all thair calamitie.

Thir kingis boith, with all power tha mocht,

QUHEN THIS COLGERNUS HAD FLEMIT BAITH SCOT AND PECHT OUT OF NORTHUMBERLAND, THAI PASSIT TO THAIR KINGIS AND SCHEW THE GREIT TRUBILL THA WAR IN.

Richt suddantlie towart the Saxonis socht, Without delay other nycht or da, 26,585 Quhill that the come quhair that the Saxonis la. Into that tyme, as that my author writis, With thir tua kingis thair wes rycht mony Britis, Come thair that da of thair auctoritie, Agane thair fa thair freindis to supple, 26,590 Quhilk in that oist richt greit wounderis that schew Of thir Saxonis, and tha had all bene trew; Sayand tha war of so greit quantitie, So stark and wicht, full of crudelitie, And so awfull with visage grym and wan, 26,595 Ane luke of thame wald flie ane vther man. Throw sic langage ouir all that ost tha spak, Into the tyme so greit terrour tha tak, Ilk man that da than, baith of Scot and Pecht, Present wes thair refusit for to fecht. 26,600 Syne at the last throw curage of thair kingis, Quhilk schew to thame by mony sindrie thingis, That tha that tyme wes right abill to speid, The Saxonis als wer no men for to dreid, No zit so bald for all thair bost and schoir, 26,605 Quhilk vincust war richt oft syis of befoir, Be ressonis quhy tha schew thame in that tyde, Quhilk causit thame all baldlie for to byde, And all their dreid changeit into yre, Birnand in anger het as ony fyre, 26,619 As wood lyonis into the tyme tha fuir. Thir kingis tuo than tuke on thame grit cuir

Col. 2.

To put thair men than into ordour gude,
In till array sync neir the Saxonis zude,
All in anc mynd, anc will and anc intent.

26,615
The Saxonis baldlie baid thame on the bent,

In plane battell with mony birny bricht,

HOW THAI FAUCHT QUHILL THE NYCHT TWYNNIT THAME.

And faucht all da quhill tuynnit thame the nycht. On euerie syde richt mony than war keild Of nobill men la deid into the feild. 26,620 Thir tua kingis that samin nycht lang or da, Out of the feild tha passit hame thair wa, With all the laif right haistelie in hy. The Saxonis held tha wan the victory, Vpoun the morne seing thir kingis fled, 26,625 Out of the feild sua suddantlie thame sped. This beand done, ane litill efter syne, Baith Scot and Pecht betuix Tueid and Tyne, Out of the landis richt fast gart thame fle, Vsand in thame so grit crudelitie 26,630 In fyre and blude, with mony warkand woundis, Quhill tha war baneist all out of the boundis; And Saxonis sone in thair saittis set down. Inhabitand baith castell, tour and toun. Syne Colgernus, for his reward and hyre, 26,635 Of tha landis tha maid him lord and syre, And for to haif the gyding of all thing, Ouir all the laif nixt hand Occa the king. This ilk Occa richt weill that tyme he knew In Albione freindis he had waill few, 26,640 In any syde, that wald him ony gude, Thairfoir he knew quhen thai thocht tyme to

That all the princes into Albione, Suld him assay with thair power ilkone.

dude,

And for that causs, dredand it suld be trew, 26,645 Richt mony strenth hes biggit of the new; The ald strenthis distroyit war befoir, Gart big agane at lasar les and moir.

HOW OCCA GAIF VTER FEILD AND WAN THE FEILD, AND COMPELLIT HIM AND ALL HIS BRITIS TO PAS TO THE WALIS, AND LEFT ALL THE LANDIS TO OCCA QUHILK HUNGEST HAD BEFOIR.

Syne turned hes his anger and his yre On to the Britis als het as ony fyre, 26,650 Agane the aith that he had maid beforne, Settand nocht by for to be mensworne. For trow me weill, tha culd neuir zit be trew, Quhen plesis thame thair partie to persew; Haiffand na dreid other of schame or lak. 26,655 Thair is no band that mannis wit can mak Ma fessin thame in forme or zit effect, Quhen plesis thame that find ane caus to brek. And so tha did that samin tyme to the Britis, In tyme of trewis, as my author writis, 26,660 Sayand that the with sa grit bost and schoir, To Scot and Pecht into the feild befoir, Quhair mony ane of thame wes maid to de, Incontrar thame the maid so grit supple; And for that caus the gaif king Vter feild, 26,665 Quhair mony Brit that samin da war keild, And all the laif war skatterit far in tuyn. This [Occa] syne quhen he the feild did wyn,

Lib.9, f.132. Col. 1. This [Occa] syne quhen he the feild did wyn Vpoun ane da to Lundoun maid him boun, But ony seig ressauit hes the toun. Syne all the Britis thairin that he fand, And all other withoutin ony ganestand, Into the Walis compellit for till go, And this Vter quhilk wes thair king also.

26,670

The boundis all in Britane les and moir,

The qubilk Hungest inhabit of befoir,

This ilk Ocea he brukit in tha dais

At his plesour, as that my author sais,

Callit Ingland, into gude peax and rest,

And biggit strenthis quhair him lykit best.

26,680

HOW THAT ANE SAXONE POYSONIT KING VTER.

Vter that tyme, as my author did sa, Into the Walis seik in the febris la, Of guhome the nature, het as ony fyre, Is ay cald watter erast to desyre. Richt so did he, as my author did meyne, 26,685 Ane fals Saxone trowand and Brit had bene, Out of ane woll discendend fra ane spring, He send that tyme cald water for to bring. This fals Saxone, that subtill wes and sle, Into the water rank poysoun pat he; 26,690 Of the quhilk Vter drank for to cuill his thrist, At greit lasar also oft tyme as he list; Quhilk efterwart swellit him fit and hand, With so greit sturt micht nother ly nor stand; Fra syde to syde ay turnand to and fro, 26,695 Out of this warld quhill he wes maid till go. Than of his ring into the auchtene zeir, Thus endit he, as I haif said zow heir, The zeir of God fywe hundreth wes and ane, And tuentie als into that tyme bigane. 26,700

How Congallanus spak Prophecie of the Saxonis, the Pechtis and the Britis, (Quha was Abbot of Ecolumkill).

Ane nobill man, hecht Congallanus to name, Ane faithfull father of honour and fame,

Col. 2.

Quhilk abbot wes than of Ecolumkill, Quhome to sic grace God in his tyme gaif till, Be inspiration of the Halie Spreit 26,705 Of thingis to cum culd gif ane suith decreit, Evin als perfyte as it war all gone by; Perfite he wes into sic prophecye. He tald richt lang, as that my author writis, Befoir the tyme, the distruction of the Britis; 26,710 And of the Pechtis did siclike also, Als perfitlie as it had bene ago; And of Scotland how that it sould succeid In heratage, as previt weill be deid, Richt lineallie discendit hes ay doun, 26,715 Sen first Fergus of Scotland tuke the croun. Als of the Saxonis in the tyme said he, Lang efterwart the sould richt afald be In the honour of God and halie Kirk, Wounderfull werkis efterwart sould wirk, 26,720 Syne finallie, syne efter to conclude, Of thair ending he spak bot litill gude. Richt mony thingis in his tyme he schew, Quhilk efterwart war all fund verra trew. Ane halie virgin wes in that same tyde 26,725 Borne in Scotland, callit wes Sanct Bryde. Be that scho come to fourtene zeiris of age, In Christis faith scho had so hie curage, That for his saik the warld scho forsuik, And in the tyme religious habit tuik; 26,730 Ressauit wes into that samin quhile, Be ane bischop duelt into Mona Yle; Efter hir deith syne bureit in tha dais, In till Yrland of ane religious wais, In Duna abba, as my author did sa, 26,735 In the same graif quhair that Sanct Patrik la.

¹ In MS. In.

Marling also wes in the samin dais
Into Britane, as that my author sais,
Ane incobus with subtill sorcerie,
Quhilk be illusioun of the ennimie,
Quhen that him list to round into his eir,
Culd tell perfitlie baith of peax and weir:
And sindrie thingis be nature mycht be knawin,
Of quhome the secreittis oft syis wes him schawin,
Quhilk the euill angellis knawis by nature,
That till all man is hie and richt obscuir.
In this mater no langar will I dwell,
Bot turne agane my storie for to tell.

How the Britis, aganis the Commoun Law, efter the Deid of Vter crownit his Sone Arthure; the Quhilk wes ane Bastard.

Efter the deith of Vtter king of Britis, No lauchfull sone, as that my author writis, 26,750 Into that tyme he had to be his air. Anna his sister, plesand and preclair, Schir Lothus wyfe quhilk to him sould succeid, Gif all be suith in storie as we reid, To him scho buir schir Modred and his brother 26,755 Gawane the gay, als gude as ony vther, And Cemeda hir one dochter also, That mother wes to halie Sanct Mungo.¹ The king of Pechtis schir Loth into tha dais, On to the Britis, as my author sais, 26,760 Ane greit ambaxat suddantlie he send, Beseikand thame with hartlie recommend,

¹ In MS. Nungo.

Him to ressaue vnto thair prince and king, Sen be his wyfe he had richt to that thing, Quhill that his barnis war of lauchtfull age, Quhilk aucht the croun of verra heretage Of commoun law and propper det, for-thi Be consulted the micht him nocht deny.

26,765

How the Britis gaiff Ansuer to the Herald.

The Britis all thair rycht lichlie leuch, With greit heidding and scornyng alss aneuche; 26,770 Sayand, schir Loth nor nane of his ofspring, Quhilk Pechtis war, sould be thair lord and king: Na nane vther, thairto tha war all sworne. Lib.9,f.132b. Without he war ane verra Britane borne.

Col. 1.

With this ansuer, with loud lauchter and blame, 26,775 That samin tyme tha send the herald hame; Syne wranguslie, agane the commoun law, With haill consent than baith of ane and aw, This zoung Arthure, borne in adulterie, The crownit king and put the richt air bye. That wes the caus, as ze ma wnderstand, Quhy this schir Loth send in Northumberland To Colgernus, of quhome befoir I spak, Promitting him his plane part for to tak Agane the Britis intill enirilk thing, And speciallie agane Arthure thair king, Quhilk wranguslie vsurpit had the croun, In contrair him and his successioun. All thir conditionis richt weill Arthure knew, Be sindrie men thair secreittis to him schew; And weill he wist his power wes ouir small, In plane battell to fecht agane thame all.

26,785

26,780

26,790

How Arthure and Occa met besyde Lundoun in Feild, and Arthure wan the Feild and chaissit Occa and slew mony of his Men.

Fra Armorik right mony nobill man, For that same caus he brocht into Britane. Ane nobill man that callit wes Hobell 26,795 Thair chiftane wes, as my author did tell. Syne king Arthure, as my author writis, With all the power he had of the Britis And Armorik, richt sone he tuke the wa, For to gif feild onto this king Occa, 26,800 Or the Saxonis bezond the water of Humber, And Pechtis als sould cum and eik his number. Richt haistelie, or the suld all convene, Causit Arthure with battell him prevene. Besyde Lundoun, quhair that the feild wes set 26,805 Within ten myle, thir tua kingis thair met, In plane battell standard sa lang at stryfe, Quhill mony Saxone loissit hes the lyffe. The duchteast that da wes maid to de. And all the lawe on force than for to fle. 26,810 With so greit grace this king Arthure began, For the first feild that euir he straik he wan Greit victorie, quha lykis for to luke, The Britis all of him sic curage tuke, Within schort quhile traistand throw [him] 26,815 to be Restorit all agane to libertie. To Lundoun toun syne on the secund day, With all power he tuke the narrest way; Befoir the zettis thair he lichtit down, With lytill travell syne he wan the toun, 26,820 And enterit in at his plesour and will; With his lordis thair he remanit still.

At greit laser als lang tyme as tha lest, Aduisand thame quhat thing to do war best.

How Occa, efter the Feild Wes' tynt, passit to Saxon and brocht with him new Power, and, or he come agane, Arthure vincust the Saxonis be North Humber.

This ilk Occa out of the feild that fled, 26,825 Col. 2. Of zoung Arthure he was so soir adred, Seand he had so gude fortoun and chance, Out of Britane he passit into France. Syne tuke the se sone efter on one da, And passit hes on to Saxonia, 26,830 His power thair agane for to renew. All this counsall guhen that king Arthure knew, Intill all haist he sped him with greit number, On to the Saxonis duelland bezond Humber. He thocht he wald with battell thame persew, 26,835 Or Occa come hame with his power new. The king of Pechtis, schir Loth, or he come thair, With all his power that tyme les and mair, And Colgernus, nocht far fra Humber flude, The met Arthure with an greit multitude. 26,840 This gude schir Loth the wangard led that da, Aganis him men of Armorica, With thair chiftane, Hoell that hecht to name, Ane berne full bald withoutin ony blame. With bernis bald, that waponis weill culd 26,845 weild,

Agane Colgerne king Arthure tuke the feild. Quha had bene thair that da for to haif sene Sa mony berne la bleidand on the grene,

¹ In MS, w.in.

Sa mony steid la stickit in the feild,
And mony knicht full cald wnder his scheild.

Tha nobill men than of Armorica,
Into that feild tha did so weill that da,
That force it wes the Pechtis for to flie,
Of thame tha had sic superioritie.
The Saxonis saw quhen that the Pechtis fled;
Into greit dout so soir tha war adred,
For basitnes tha durst no langar byde,
Bot left the feild and fled richt fast that tyde.
With all the haist tha doucht awa till hy
To Eborac, that tyme wes neirhand by.

26,860

How Arthure seigit Eborack and wan it nocht.

About the toun Arthure ane seige gart sett;
With diligence tha haif done all thair dett.
For thre moneth that seig lestit still,
And king Arthure that tyme gat nocht his will,
That toun it wes so stalwart, stark and strang. 26,865
Quhen king Arthure had lyne thair so lang,
Ane messinger sone come to him than and schew
How king Occa with greit power of new,
Fra Saxone come with schippis out of number,
And had tane land into the mouth of Humber; 26,870
And all the Saxonis in Northumberland,
He had with him togidder in ane band:
The king of Pechtis, schir Loth, that wes nocht
lidder,

With haill power were cumand baith togidder.
Fra thir tydenis war to king Arthure tald,
Thair at the seige no langer ly he wald;
Seand his power also ilk da faillis,
Richt sone he passit hame on to the Walis;
And left his men in strenthis thair to ly,
On to the bordour quhill winter war gone by.

VOL. II.

P

Lib.9, f.133. Col. 1.

And syne him self with honour and renoun, And mony lord, passit to Lundoun toun; And in the toun all wynter did remane, At thair counsall, quaill symmer come agane. This king Arthure, as my author did sa, In Lundoun toun that wynter guhair he la, He vsit hes sick liberalitie, Of gold and siluer in sic quantitie, That ilk man said he rakkit nocht of gold No moir that tyme than muldis of the mold.

26,885

26,890

HOW ARTHURE WAN THE FEILD TWYSS AGANIS OCCA AND COLGERNUS, AND SYNE WAN THROW ANE TRANE OF ANE BRIT WITHIN THE Toun.

Syne into ver, quhen that the da grew lang, This king Occa, with all his power strang He brocht with him out of Saxonia, He tuke the feild syne efter on ane da. And Colgernus, quhilk wes at his command, 26,895 With all the Saxonis in Northumberland, Amang the Britis raisand fyre and blude, Distroyand all thame that in that tyme ganestude. This zoung Arthure, that wes baith het and hie, Of thame that tyme for to revengit be, 26,900 Richt mony ane that waponis weill culd weild, Fra Lundoun toun he tuke with him on feild, And gaiff thame battell tuyss on ane plane. In ilk battell wes mony Saxone slane; And thocht king Arthure loissit mony man, 26,905 Tha feildis baith with greit honour he wan. To Eborac sone thairefter maid him boun, And set are seig richt sone about the toun. Within the toun biggit with stone and lyme, Ane Brit thair wes remanand in the tyme,

26,910

26,930

And for ane Saxone haldin than wes he, Amang thame quhilk had greit auctoritie. Of eueric port he knew richt weill the gyn; Vooun the nicht he lute king Arthure in, And tuke the citie sleipand as tha la, 26,915 Greit slauchter maid syne lang or it wes da, Baith zoung and ald that war of Saxonis seid, Richt blyth thai war quhen that the saw thame bleid. And had nocht bene Arthure the nobill king Had in his hart sic pitie of that thing, 26,920 That stanchit thame quhen that he hard thame mone. Richt cruellie tha had bene slane ilkone. Baith man and wyffe withoutin mair mercie; The Britis bald at thame had sic invye. Syne in the toun remanit hes thair still, 26,925 All symmer ouir, at his plesour and will; With mony carmusche oft on euerie hand Of the Saxonis dwelt in Northumberland, Quhile to persew and quhile to defend,

How Arthure and all the Nobillis of Britane remanit in Eborac the nixt Wynter.

Quhill all that symmer passit wes till end.

In wynter syne this nobill king Arthure,
Within that toun that sicker wes and sure,
And all the nobillis that war in Britane,
Remanit thair with mony vther man,
Conducit war to pas into his weir,
With hors and harnes, and all vther geir.
In Eborac, sen first on ground it stude,
Wes neuir sene so greit ane multitude,
As in that toun remanit euirilk da,
With dansing, singing, feisting, sport and pla,
28,940

P 2

Drinking, dyis, and all sie wrang abusioun. For multitude oft makis greit confusioun; Throw ydilnes, in greit gulositie, Tha faill right far without humanitie, Or zit ressone; als het as ony fyre, 26,945 Lyke brutell beistis takand thair desyre. This same king Arthure, as my author sais, In Eborac into tha samin dais, He was the first with glutony and guill That euir begouth to mak sic feist in Qule; 26,950 In Eborac, that wynter quhair he la, Continuand wnto the threttene da. Quhilk wes the caus thairfoir that all the Britis Fell in sic folie, as my author writis, That the forzet their great honour and gloir, 26,955 And victorie that the had win befoir; Quhilk maid thame all vnabill for the feild, To walk and fast, and waponis for to weild. All that wynter, quhen tha vsit sic glew, This king Occa his power did renew 26,960 With nobill men out of Saxonia, Him to supplie brocht in Norththrumbria, That worthie war thair waponis for to weild. In symmer syne, quhen Arthure tuke the feild, The Britis all, war wont so bald to be, 26,965 War sopit so with sensualitie, With gluttony and lichorus appetyte, Quhair in that tyme the put their haill delyte, Of weir that tyme tha had no moir desyre, Nor for to put thair feit into the fyre. 26,970 For that same caus, as my author judgis rycht, This king Arthure thocht he wes wyss and wycht, Quhilk in his time sic fortoun had and chance, Quhairfoir richt mony dois him now aduance, Agane his fa richt semdill culd prevaill, 26,975 And of his purpois oft wes maid to faill.

How Arthure maid and Band to Loth, that efter Arthuris Tyme Loth and his Airis suld succeid to the Kinrik of Britane for Ay.

And for that caus, quha right can vnderstand, With king Lothus king Arthure maid ane band, Agane Occa than for to tak his part; Syne all malice and rancour in his hart 26,980 Glaidlie forgif, without ony invye, Stryfe and injure in tymes passit by. Of that condition I sall to zow schaw, Concord wes maid be cours of commoun law; That is to say, foroutin ony stryfe, 26,985 That king Arthure for terme of all his lyfe, Evin as him list, and at his awin lyking, Sould bruke the croun of Britane and be king. Efter his deid the croun suld than retour To schir Modred, quhilk wes of hie honour, 26,990 King Lothus sone and als his lauchtfull air, The quhilk his wyfe Cristina to him bair, That sister wes to king Vter also, And lauchfull air withoutin ony mo. Schir Gawin als, that wes zoung Modredis 26,995 Lib.9, f.133 b. Col. 1. Bot he alone that tyme tha had na vther, With king Arthure he sould remane ay still, And for to haue, at his plesour and will, Lordschip and land of Arthour in his fie, And in the court richt greit auctoritie. 27,000 Decretit wes also amang the lawe, That Modredus in mariage sould have The fairrest ladie that wes in Britane, That dochter wes than of ane nobill man, Quhilk callit wes Gualanus to his name. 27,005

The fair ladie of all bewtie but blame.

Into Britane that tyme scho buir the bell, Gif all be trew that I hard of hir tell. Hir father als, of honour and renoun. Grittest he wes in Britane nixt the croun. 27,010 The caus it wes, gif I richt wnderstude, Modred suld wed into the Britis blude, His barnis borne and fosterit be also, Into Britane quhill the culd speik and go; And all thair tyme sould haldin be for Britis, 27,015 And no Pechtis, as that my author writis; And first Brit langage for to speik and vse, So that the Britis culd nocht weill refuse, Quhen that tyme come, Modred to be thair king, And his barnis to succeid to his ring. 27,020

ARTHURE PROMITTIT ALL THE LANDIS BE NORTH HUMBER AGANE TO THE SCOTTIS AND PECHTIS.

Promittit wes siclike that tyme in plane,
That Scot and Pecht sould haif alhaill agane
The landis all be north the water of Humber,
As tha war wont, but ony clame or cummer,
But ony fraude, as tha war wont als frie,
Agane the Saxonis for to mak supple.
And mekle mair wes done into that tyme,
No I list heir to put in verss or ryme.

How Arthure, King of Britis, and Conranus, King of Scottis, with the King of Pechtis, MET TOGIDDER.

This beand done, within ane litill we
Convenit hes thir nobill kingis thre,
Arthure and Loth with mony vther mo,
And Conranus the king of Scottis also,

At Tyne water with mony worthie wicht, In basnet, brasar, and in birny bricht; With helme and habrik, and all vther geir, 27,035 On hors and fit with mony bow and speir, Of fals Saxonis for to revengit be, But faith or law full of iniquitie. This king Occa, that knew right weill befoir All thair prouisioun that tyme les and moir, 27,040 Traistand richt weill he micht na powar be In plane battell agane tha kingis thre, For that same caus out of Saxone he brocht, Witht greit power, in all the haist he mocht, Ane nobill man of grit honour and fame, 27,045 The quhilk Cheldrik wes callit to his name, Off all Saxone of knichtheid wes the flour. Col. 2. Into his tyme he wan so greit honour. This king Occa of thir thre kingis knew, Lang of befoir as secreit men him schew, 27,050 Tha wald be thair with all power tha mocht; Thairfoir that tyme I trow he tareit nocht, Bot in greit haist, with all power he ma, Prevenit thame at set place and at da; Airlie at morne, sone be the da wes lycht, 27,055 Ather of vther cuming ar in sycht.

How the greit Armie was dilydit in Thrie Battellis; the King of Scottis tuke the Vangaird, the King of Pechtis the Reirward, and Arthure in the Midward.

This king Arthure without tarie that tyde,
In thre battellis thair power did divyde.
To Conranus, quhilk lykit him to haue,
With mony Scot the vangard he him gave;
To king Lothus, wpoun the tother syde,
The secund wyng with Pechtis gaif to gyde.

Betuix thame two he rayit his awin feild,
With mony Brit that waponis weill culd weild.
Siclike king Occa, on the tother syde,
In thre battellis his armie did diuyde;
To Cheldrik, as flour of all the laif,
At his gyding the vangard than he gaif,
Him to obey and be at his bidding,
In feild to fecht aganis the Scottis king.

To Colgernus the tother wyng also,
Aganis Loth in battell for till go;
With mony Saxone waponis weill culd weild,
Agane Arthure him self syne tuke the feild.

How Colgernus come furth fra the laif and repreuit Loth, and passit agane but Ansuer.

This Colgernus vpone ane cursour wycht,

With speir in hand all cled in armor brycht,

Befoir the lawe furth in the feild he raid,

Towart king [Loth] wnder his baner braid,

And with ane voce richt loud on him did cry,

"Fy on the king! fy on thy falsheid, fy!

27,080

" Withoutin caus that brokin hes thi band,

" And oblissing thow maid with thi awin hand,

" To we that faillit neuir [3it] to the,

" In word nor werk as weill ma previt be;

"And makand freindschip quhair thow had 27,085 greit feid,

" Of thy injure without ony remeid,

" The quhilk to the sa oft befoir hes faillit,

" And of thair purpois also had prevalit,

" Had nocht bene we, for ony thing thow docht:

"Now weill I wait thi kyndnes is for nocht." 27,000 And mekle moir dispitfullie he spak: To him king Loth no ansuer than wald mak. Schir Colgernus than prickit ouir the plane, Without ansuer, on to his men agane.

How Arthure and Conranus with Lothus gaif Lib.9, f.134.
FEILD TO OCCA AND COLGERNUS AND WAN
THE FEILD, QUHAIR OCCA FLED AND COLGERNUS WAS SLANE.

On euerie syde the trumpetis blew on hycht. 27,095 With baneris braid that brodin war full brycht, And standartis waiffand with the wynd full wyde, The cruell Scottis was awfull till abyde. Of fedderit flanis in the feild that flew, Heidit with steill als thik as ony dew, 27,100 And ferce as fyre out of the flynt dois found, Quhair cuir tha hit tha maid ane werkand wound. With speiris lang, and mony schynand scheild, The men of armes enterit in the feild; So thrafullie togidder that the thrang, 27,105 And sic ane raiss that all the rochis rang, Quhair mony berne wes laid vpoune his bak, And mony speiris all in spalis brak; With kene knokis ilk ane on vther quellit, Quhill mony freik into the feild wes fellit. 27,110 In the vangard quhair that the Scottis faucht, So mony rout amang the Saxonis raucht, Schir Cheldrik, thocht he wes neuir so wycht. Wes slane that da; the laif all tuke the flicht, And left the feild without ony remeid, 27,115 Quhair mony Saxone thair that da la deid.

How Colgernus straik Loth fra his Hors, and how Colgernus was slane with Tua Pechtis.

Schir Colgernus vpoun ane cursour wycht, Agane schir Loth he ran ane cours full richt.

Or he wes of him warnit in that tyde. He hit king Loth vpoun the farrar syde, 27,120 And festnit hes his speir into his scheild, Doun of his hors syne draif in [to] the feild. Tua pert Pechtis on hors wer huvand by, Schir Colgernus richt sone and suddantly With thair speiris him stickit in that steid, 27,125 Doun of his hors syne to the ground fell deid. King Loth thair lord, withoutin ony pane, Boith haill and feir syne horsit hes agane. Colgernus men, seand that he wes slane, Into the feild no langar wald remane: 27,130 Of his slauchter so greit disconfort hed, Out of the feild right fast away tha fled. The middill battell into king Occais feild, Persauit weill the wyngis baith wer keild, And thai but help wer left vpone the plane, 27,135 Into the feild no langar wald remane: For ocht Occa culd outher do or sa. The left the feild and fled right fast awa. Occa¹ him self onto the se he fled, Syne in ane schip, quhilk reddie thair he had, 27,140 Richt quyetlie, soir woundit, on ane da That samin tyme fled in Saxonia.

How the Saxonis, efter tha had tynt the Feild, come all to King Arthure beseikand him of Grace, and of his Ansuer agane.

Col. 2. Sone efter that, within ane lytill space,
The Saxonis all convenit in ane place
To thair counsall efter tha tynt the feild. 27,145
Syne quhen tha knew thair captanis all wer keild,

In MS. Occo.

And in the feild sa mony als war slane, Without beleif to gif battell agane; For-quhy thair power sempill wes and small, And that tyme but chiftane war withall, 27,150 For that same caus, or than my author leis, Befoir king Arthure all vooun thair kneis Richt piteouslie his grace tha did imploir, For to remit all faltis of befoir. Beseikand him of his hienes and grace, 27,155 That he wald grant thame in sum quyet place For to remane withoutin skaith or lak, At his plesour gude service for to mak. Quhen king Arthure hard thair desyr and will, Into that tyme sic ansuer maid thame till: 27,160 Gif that the list to tak the faith of Christ Withoutin baid, and for to be baptist; Of halie kirk als for to keip command, The sould be fre to duell into his land, At thair plesour ilk ane baith les and moir, 27,165 With all fredome sic as tha had befoir, In peax and rest all tyme baith evin and morne; Syne bodelie ilkane for to be sworne, Britis agane neuir mair till persew In plane battell, for ald feid or for new. 27,170 Quha lykis nocht for to keip that command, In pane of deith he war fund in that land; And no les pane, as my author did sa, Quha did remane attouir the fyftene da.

How the Saxonis passit all fra Albione onto Saxone at the Command of Arthure.

Sone efter that ane company full large
Of Saxon men, with mony bark and barge,
Tha tuke the se all efter on ane da,
Syne passit hame on to Saxonia.

The men of gude that duelt about neirhand,
Seand the Saxonis cumand to the land,
Lyke to pereis baith of hungar and cald,
Tha swoir and said amang thame mony fald,
That efterwart, and tha thair tyme micht se,
Of that injure tha sould revengit be.
Richt mony Saxone, efter tha war gone,
Remanit still lang into Albione,
Quhilk fenzeit war takand the fayth of Christ,
With greit corruptione still into thair thocht,
Into that tyme suppois tha said richt nocht.

27,190

HOW THE SAXONIS DUELLAND IN VECTA ILE THAT LEVIT WAR BE ARTHURE SEND IN SAXONE, AND BROCHT ANE GREIT POWER OF MEN IN BRITANE, MAKAND GRIT DISTRUCTIOUN.

This being done as I haif said 30w heir, Gude king Arthure, richt lang and mony zeir, Greit diligence he hes done da and nycht, The Christiane faith with all power and mycht, And Christis kirk, agane for to restoir 27,195 To the same forme that it wes of befoir. And hes gart big kirkis that war cassin down, Prelattis and preistis of greit deuotioun, Solempnitlie thairin to sing and sa; The commoun pepill on the halie da, 27,200 Diuyne seruice and word of God to heir, All ceremoneis efter the law to leir. Baith da and nycht ane lang tyme so he wrocht, Quhill all Britane vnto the faith wes brocht. My author sais in the samin quhile, 27,205 The Saxonis duelland into Victa Yle, Fra Albione that lyis sum thing south, Evin richt foirnent the water of Tamis mouth,

Lib.9,f.144b. Col 1.

Out of Saxone ane greit power hes brocht. So quietlie amang thame it wes wrocht, 27,210 Or Arthure wist, tha wrocht richt mekle noy Ouir all Kentschyre quhilk tha schupe to distroy. And quhen that caice to king Arthure wes kend, To king of Scottis and Pechtis sone hes send For thair supple, siclike as of beforne, 27,215 Agane thair fais fals war and mensworne, The faithles doggis gif that he culd dant. All his desyre tha tua kingis did grant; Ten thousand men fra euirilk king also, To king Arthure that time wer maid till go. 27,220 Ane man of gude callit Ewgenius, The sone and heir of nobill Congallus, Quhilk king of Scotland wes into his dais, Conranus bruther, as my author sais, Vnkill also wes to this ilk Ewgene, 27,225 Quhilk captane wes to all the Scottis men. Schir Modred, king Lothis sone and air, Prince of the Pechtis, baith plesand and fair, Quhome to his father gaif the oist to gyde Of proude Pechtis that war rycht full of pryde. 27,230

How Eugenius, Prince of Scotland, and Modred, Prince of Pechtland, passit to Lundoun to Arthure.

Thir tua princes, withoutin ony baid,
Towart Lundoun to king Arthure tha raid.
Of thair cuming richt blyth and glaid wes he,
Welcumand thame with all humanitie,
And thankit thame with hartlie mynd and will, 27,235
In his supplie at sic neid come him till.
Towart Themys vpoun ane plesand plane,
Neirby Lundoun, he gart the ost remane,
Quhair tha plantit all thair palzeonis doun;
And he him self syne passit to the toun,

27,240

And lordis all war with him thair ilkone, Baith les and moir to counsall syne ar gone. Efter counsall, thre dais in the toun Remanit still thair at thair oratioun; Syne finallie, efter on the fourt da, 27,245 Solempnitlie he gart baith sing and sa Diuyne service with prelat, preist and clerk. In his baner syne all of brodin wark, Porterit perfite the Virgin clene and puir, Of hir bosum the quhilk that Jesu buir, 27,250 Fra that tyme furth, as that my author sais, In his baner he buir hir all his dais. Syne furth of Lundoun tuke the narrest wa, Onto the camp guhair his grit ost lay, Commendand him on to the Virgin brycht, 27,255 That Jesu buir, for to manteine thair rycht.

Col. 2.

How it wes schawin to Arthure that the Saxonis was neirhand, and how he send Modred and his Gude-father Guallanus to spy thairof, and of the fals Tressoun of the Saxonis that Tyme to Modred and Guallanus.

Ane man to Arthure schew into that quhile,
The Saxonis all within les nor fyve myle,
Evin at thair hand war huvand by ane hicht,
On fit and hors, all cled in armour bricht.
Schir Modred, ane chiftane cheualrous,
And his gude-father nobill Guallanus,
Thir tua freikis quhilk war of mekle force
Passit befoir than with fyve thousand horss,
In curage cled, that burneist wes full bricht.
So as the raid furth vpoun randoun richt,
Fra Saxonis send ambassadouris to meit
To king Arthure, quhome gudlie the haif greit,

Traistand richt weill but perrell to remane In that same place quhill that the come agane; 27,270 And for that caus vooune the samin feild, Traistand no ill, the baid baith man and cheild. Quhen this ambaxat come king Arthure till, And schew to him all thair desyre and will, Quhilk in the tyme zit thai obtenit nocht, 27,275 Traistand for tressoun that it sould be wrocht; Richt weill he wist that that culd nocht be leill, Thairfoir les will be had with thame to deill, To thame no ansuer in the tyme he gawe, Quhill that he war aduysit with the laif. 27,280 That samin tyme the fals Saxonis wntrew, Schir Modred, that na disceptioun knew, Or ever he wist that, with ane cry and schout, In rayit battell set him round about. Quhen Modred saw it micht na better be, 27,285 Withoutin schame also he might nocht fle, Suppois his power in that tyme wes small In feild to fecht agane the Saxonis all, it neuirtheles that tyme he tuke to reid That euerie man revenge suld his awin deid; 27,290 Gif weirdis wald of force sic thing to be, Throw fals tressone tha suld be maid to de.

HOW MODRED TUKE FEILD AGANIS THE SAXONIS.

Syne in the feild tha enterit with ane crak,
Quhair mony berne war laid vpone thair bak,
And mony ane war maid full braid to bleid,
Into that stound la steickit wnder steid.
Schir Modred, his power wes so puir,
Into the feild no langar micht induir;
Thair of his men the tua part than wer slane,
The laif all fled no langar mycht remane.

27,300

To the grit oist richt fast tha tuke the flycht,
And styntit neuir quhill that tha come in sycht.
Schir Modred wes brocht away of force,
And Guallanus, but ony hurt on hors;
Haill and feir, suppois thair men wes slane,
To king Arthure thir tua come hame agane.
Quhen this wes schawin to gude Arthure the king,
Quhilk gritlie wes aggreuit at sic thing,
The Saxone herald thair remaning maid,
3it wndeliuerit on his ansuer baid;
Then king Arthure with his captanis ilkone
That present war, to counsall all ar gone,
Efter decreit in presens of the lawe,

Lib. 9, f.135. Col. 1.

HOW ARTHURE GAIF ANSUER TO THE HERALD.

- " Zour greit falsheid oft befoir I kend, 27,315
- "That brought zow ay wnto ane wickit end,
- "And ay will do, I bid nocht for to heill,

To that herald sic ansuer than he gawe.

- " For in my tyme I fand 30w neuir leill.
- " 3e schaw zour self wnfaithfull, fraudfull schrewis,
- "Now wnder traist, quhen 3e war takand 27,320 trewis,
- " Out of beleif trowand of 30w no ill,
- " So greit injure as ze haif done ws till.
- " Quhairfoir," he said, "heir I command in plane,
- " 3e send to me no message[r] agane,
- " In tyme to cum we will thame nocht ressaue. 27,325
- " And thow thi self this ansuer now sall haue:
- " For the fals tressoun this tyme 3e haif wrocht,
- " And I may leif it salbe full deir bocht;
- " Fra blude and battell I sall neuir blin,
- " Quhill thair is ony of 30ur cancarit kin 27,330
- " In Albione, that I mak God avow.
- " Na vther ansuer sall thow get as now."

This beand said befoir that multitude, Thair come fourtie of the grittest men of gude, That wes that tyme in all the Saxone oist, 27,335 To king Arthure, lawlie but ony boist Excusand thame of all wes done him till; Sayand, it was against the nobillis will All that wes done, as the sould gar him ken, Vnhappelie be ill asposit men, 27,340 That knew nocht weill quhat that the nobillis ment. Nor git of thame had counsall nor consent. Arthure, that dred thair greit falsheid and fraude, Into the tyme he gaif command and bad Without ansuer the sould be keipit still, 27,345

Quhill efterwart that he had wrocht his will. And so the did that tyme at his command, Gart thame remane thair still without ganestand.

HOW ARTHURE LANG FORROW DA TUKE THE SAXONIS ALL SLEIPAND, QUHAIR THA ALL SLANE FOR THE MOIST PART, AND ALL THE LAWE WAR CHASIT.

That samin nycht, ane lang quhile forrow da, This ilk Arthure, quhair that the Saxonis la, 27,350 With all his power movit in schort quhile, Quhair that tha la within les nor thre myle. In thre partis the greit oist than diuydit; The formest ost this ilk schir Modred gydit In gude ordour, with egir mynd and will, 27,355 Qualify that he come neirby the Saxonis till. The vtter watche war sone in handis tane; The inwart watche war slane and chaist ilk ane; Onto the camp all sleipand quhair tha lay, Ouir all the oist tha maid ane felloun fray, 27,360 VOL. II.

Col. 2.

With so great dreid among thame all ilk deill, Quhat for till do tha wist nocht ane than weill. Thairfoir that tyme tha dred ilkone full soir, For the injure tha did Modred befoir; Wittand richt weill thair wes na dome bot deid, 27,365 Richt will tha war how tha suld find remeid. Than, or the micht be grathit in their geir, With breistplait braid, with bow, bukler and speir, Richt mony thousand war maid for to de; Without armour als all the lawe to fle 27,370 Heir and thair, with mony cairfull cry. Than efter thame king Arthure sone gart hy Horssmen in haist, with speiris scharpe and lang; Quhair tha ouirtuke thame in the thickest thrang, Withoutin respite, reuth, or zit remeid, Richt doggitlie tha dang thame all to deid.

How the Saxonis that fled dround in ane Flude.

The lawe that chaipit fra thair hand that tyde, Into ane flude that wes neirhand besyde, Bot fra the feild that wes ane lytill we, Tha dround ilkone for fercenes ouir to fle. 27,380 Quha had bene thair that da for to haif sene Sa mony grume la granand on the grene, Greit petie wes to luke vooun that plane, Sa mony thousand in that tyme la slane, With sic abundance bleidand of thair blude, 27,385 Sa mony als wer dround into the flude; The cairfull cry wes hiddeous for till heir Of woundit men and sic that micht nocht steir, Sum but the leg, and sum wantit the arme, To ony hart it wald haif done grit harme 27,390

For to behald the reid blude as it ran, And mad murning of mony woundit man. The Saxonis all that into strenthis la, To Arthure come sone efter on ane da, With all the lawe that levand war on lyve, 27,395 On kneis bair ilkane, baith man and wyfe, With soir sobbing, right oft saying allace! Beseikand him of his excellent grace, With piteous voce he wald for thame prowyde Within his bound is to remane and byde, 27,400 And that suld be gude seruandis ay him till, At his plesour in all thing as he will: Sayand right litill it might him availl, Sic puir pepill quhilk to him neuir did faill, For to perische with hunger or with cald, 27,405 That mucht thame weild evin as him awin self wald.

Quhen Arthure hard as the haif said him till, Rycht gratiuslie he tuke thame in his will, Without offence other of zoung or ald; Thair wes no Brit that tyme durst be so bald, 27,410 For ony feid of Saxone or injure, For till offend other riche or pure, Quhill tha war fred and passit euerilk one Without injure hame into Albione. The puir pepill that tuke the faith of Christ, 27,415 That fenzit war suppois tha war baptist, Tha war levit all at the kingis will, Into Britane to lawbour and byde still, And grit tribute and victigall alsua, Ilk zeir by zeir to king Arthure till pa; 27,420 And neuir till vse hors, harnes or geir, Or zit waponis that neidfull war in weir; And neuir agane the Britis till persew, Bot euirmoir sworne to be leill and trew.

Lib.9, f.135 b, Col. 1, How Arthure passit to Lu[n]doun, and gair greit Rewardis baith to the Scottis and Pechtis, and how that tuke thair Leve at Arthure and passit Hame.

Quhen this wes done king Arthure mad him 27,425 boun. And all the nobilis onto Lundoun toun, Quhair tha remanit quhill the tuentie da, With dansing, singing, feisting, sport and pla. To Scot and Pecht rycht grit rewarde he gaif, The wantit nothing that the list to haif. 27,430 Ewgenius, and gude Modred also, Tha tuke thair leif and hamewart bayth did go, With greit blythnes thairby, ze ma weill ken, In thair travell tha loissit right few men: Syne haill and feir, without ony ganestand, 27,435 Ilkone of thame come hame in thair awin land. Fra king Arthure so worthelie anone Of Saxone blude had changeit Albione, He maid the Britis alway to leif fre Ouir all Britane, with land and libertie, 27,440 In peice and rest, richt lang and mony da. That samin tyme, as my author did sa, Gude Conranus without stop or ganestand, In pece and rest he gydit all Scotland. Equale he wes ay baith to riche and puir, 27,445 Quhill he wes zoung and micht travell induir, Vnder his wand he leit be wrocht na wrang; And syne wox ald might nother ryde nor gang, On to ane man committit all the cuir, Quhilk wnder him than all the office buir, 27,450 Ouir all Scotland wes justice in the dais, Callit Toncet, as that my author sais. Suppois he had so greit auctor[it]ie, 3it borne he wes bot of ane law degrie,

Infectit far with auerice that syn;

Quhair euir he knew gold or gude to wyn,

Wald find ane falt suppois thair had bene naue,

And wranguslie distroyit mony ane,

Gat he thair geir he set nocht ellis by;

Quhairat ilk lord dispyit had and invye,

And luikand ay quhill tha thair tyme micht se,

Of this Toncet for to revengit be.

HOW TONCETUS, HALDAND ANE AIR IN [F]ORESTOUN, FOR COUETUSNES GART SLA TUA SAIKLES MEN, QUHAIRFOIR HIS FREINDIS SLEW TONCET ON ANE DAY.

This ilk Toncet, of gultome befoir I tald, It hapnit him in Murraland to hald In Forest toun that tyme are justice-air, 27,465 And for na petie riche and puir wald spair, Quhat euir tha war, to mak thair pak full thin; Quhair euir he wist that thair wes gude to wyn, Richt saiklislie sa mony he gart die. So in the toun thair happit for to be 27,470 Thre riche merchandis duelland in the tyme, Quhilk wer condampnit for ane causles cryme, But ony falt, haifand no e to treuth, Syne put to deid but pitie or reuth, For causs he knew that thair wes gude to wyn. 27,475 Thairfoir thre nobillis of thair awin kin. This ilk Toncet ane da quhair tha did meit, Richt cruellie tha slew him on the streit, Syne of the toun fled to thir hillis hie, To saue thame self, it might na better be; 27,480 Knawand so weill how that the king wes sett, For no requeist thair wes, no grace to get

Col. 2.

That levand wes thairof, man or wyffe,
Als lang as he micht leve and bruke the lyfe.
And for that causs, knawand it wald be sua,
Decreittit hes thair king and prince to sla,
And tak thair chance gif that wald be remeid;
No yther wa tha micht evaid his feid.

OFF THE TRESSONE OF THE LORD OF ATHOILL, CALLIT DONALD.

Ane lord of Athoill, callit wes in tha dais Donald to name, as that my author sais; 27,490 With this ilk king weill louit [than] wes he, And of him had right greit auctoritie, Lit neuirtheles he keipit ane euill part To that same king he louit with his hart; At him that tyme he had right grit invy, 27,495 Quhat wes the causs I can nocht tell zow quhy. Into Lochquhaber, ane toun sum tyme of fame, Quhil Inverlochtie callit wes to name, Quhair that the king remanit for the tyme, And this Donald committar of the cryme, 27,500 Withoutin caus, as that my author schew, He send for thame that this Toncetus slew Richt quietlie, and bad thame cum him till, Gif that [thai] thocht thair purpois to fulfill, Than wes best tyme gif tha list to do ocht, 27,505 And he sould help thame als far as he mocht. Richt quyetlie syne efter on ane nycht, Quhen all war cloiss, onwist of ony wicht, This fals Donald that knew full weill the gin, In the chalmer quhair that the king la in, 27,510 Into ane bed besyde him quhair he la, He leit thame in, syne staw him self awa Richt quietlie, as none knew his intent, Of all sic thing as he war innocent.

How Conranus askit thame Mercie on his Kneis.

This saikles king in his bed quhair he la, 27,515 Persauit weill richt lang befoir the da The greit tressoun that tyme wes to him wrocht, And what till do rycht weill than wist he nocht. Out of his bed he lap with all his cuir, On kneis bair syne sat down on the fluir 27,520 Richt piteouslie befoir thame in that place, Beseikand thame of thair mercie and grace. On kneis bair befoir thame that he sat, Haldand his handis to the hevin with that, Beseikand thame than for to saif his lyfe, 27,525 Ilk ane of thame out throw him thrang a knyfe, On wittand syne tha passit all awa: Thair he la deid syne on the fluir quhill da. Sic wes his chance, as I haif said zow heir, Then of his ring the fyve and threttie zeir. 27,530 With greit dolour syne, bayth of gude and ill, Tha buir his bodie to Ecolumkill, Of kinglie wyiss takand thairof grit cuir, Syne sesit him thair into sepultuir, Lib.9. f.136. Than of our Lord fyve hundret zeir ago, Col. 1. 27,535 Threttie and fyve withoutin ony mo. Ane nobili prince in all his tyme was he, Except in eild with sic partialitie He gydit wes as ze ma heir me mene, Quhilk till ane prince of na way suld pertene, 27,540 Thair counsall vse quhilk war of law degrie. For-quhy ane man that is in pouertie, The quality pretendis to ane hiear stait, For to win riches all tyme air and lait, Swyfter nor ane swallow will by ressone ryn, 27,545 On to him self ma he get gude to wyn.

That wes the caus, as it ma weill be kend, This nobill king maid sic ane hastie end.

How Ewgenius the Sone of Convallus, efter the Deid of Conranus, was crownit King of Scottis, the Quhilk Ewgenius was with Arthure at 1 the Wynnyng of the Saxonis, as 3e haif hard befoir.

Quhen he wes deid as I haif said zow heir, The lordis all of Scotland far and neir, 27,550 Convenit hes into that samin quhile, To croun thair king togethir in Argyle. But contrapleid other of ald or zing, Ewgenius tha crownit to be king, The eldest sone of worthie Congallus, 27,555 And als he wes that ilk Ewgenius, With king Arthure than wan sic laud and gloir In the last feild, as ze haif hard befoir, Quhair mony Saxone deit on ane da, Schort quhile befoir as ze micht heir me sa. 27,560 Sone efter syne that he wes crownit king, Perswadit wes with wordis richt benyng, Of men of gude in mony sindre steid, For to revenge this gude Conranus deid, His deir vnkle so tender of his blude, 27,565 In tyme to cum till ken all other gude, So cruellie without caus or offence, For to put hand other in king or prince. Eugenius this counsall did neglect: Thairfoir the pepill held him all suspect 27,570 That he sould be assistar to that cryme, Suppois he wes richt saikles in the tyme,

In MS. as.

For-quhy the king he louit as his lyfe. it neuirtheles this ilk Conranus wyfe, With tua sonnis sone efter on ane da, 27,575 For dreid of him fled in Ybernia. This fair ladie, quhilk wes of fame vnfyld, Departit thair syne with hir eldest child. The zoung[er] child, right plesand and benyng, Remanit thair in keiping with the king, 27,580 Ane bony barne, withoutin ony blame, Quhilk callit wes Adamus to his name. Ewgenius, the first zeir of his ring, So worthelie he had him in all thing, To riche and puir with greit equalitie, 27,585 Aboue all vither louit than wes he. Baith gude and ill than stude of him sic aw, So just he wes without rigour of law; Humbill and meik, and curtas till all man, With love and fauour all thair hartis he wan. 27,590 And gif it hapnit ony innocent Col. 2. Be partiall way be hurt in jugment, Thair caus gif tha micht find [na] refuge, Committit suld be till ane hiear judge, For to reforme be his auctoritie 27,595 Sic wrang sentence agane to equitie; And gif it hapnit ony to be so puir, Process of law that might nocht weill induir, In falt of riches, gold, substance or mycht, Without power for to defend thair richt, 27,600 The coist alhaill to be in his expense, So that the puir man sould thoill na offens. No man ane wedow fra hir hous suld caw Attouir ane myle for to thoill the law. Richt [mony] that he maid into his tyme, 27,605 That I list nocht heir for to put in ryme; Thairfoir of him heir I will hald me still, And to king Arthure turne agane I will.

How the Britis, efter lang Peax, grew to Riches, quhair throw tha misknew baith God and thame self, quhair throw tha causit Arthour to brek the Band to the King of Pechitis, as efter follows.

Lang peax and rest causis greit policie, Quhair throw oft syis thair cumis grit plentie 27,610 Of gold and riches in till abundance, Of meit and drink, with sporting and plesance, In sic acces quhilk causis mony men The warld, thame self, and God for to misken. This suith example, as my author writis, 27,615 I verifie ma richt weill be the Britis; Quhilk throw lang peax to sic riches and mycht Tha grew that tyme and efter till sic hight, With greit abusioun than ouir all Britane, That the misknew richt far bayth God and man. 27,620 Quhilk causit thame, withoutin causs, wnwraith To brek thair band with oblissing and aith On sacrament in sanctuar wes sworne To king Lothus, as ze haif hard beforne, Efter the tyme of king Arthuris ring, 27,625 That Modred than of Britis suld be king, Quhilk efterwart revoikit and forthocht; Of all the said are word the keipit nocht. Arthure him self na laufull sone had he, For-quhy his wyffe ay in sterilitie, 27,630 All his dais scho wes withoutin cheild, Alls weill in zouthheid as scho wes in eild. Becaus Arthure had no successioun For to succeid efter him to his croun, Into Britane thair king and prince to be, 27,635 The Britis all but oportunitie,

Hes causit Arthure in the tyme declair,
Quhilk efter him of Britis suld be air
Of all Britane, quhilk war ane man of gude.
All in ane voce togidder tha conclude,
That king Modred sould neuir bruke thair croun,
Nor zit nane of vther of his successioun,
Agane the aith and oblissing befoir
That tha had maid the Britis les and moir.

HOW ARTHURE DECLARIT CONSTANTYNE, S[CHI]R Lib. 9, f.136b. CADROCHIS SONE OF CORNEWALL, KING OF BRITANE EFTER HIM.

The gart Arthure richt sone declair that thing, Efter his tyme quha sould be lord and king. At thair desyre that he wald nocht deny, Ane man of gude that standard wes neirby, Quhilk Constantyne to name callit wes he, Schir Cadrochis sone, of greit auctoritie, Of Cornewall lord, ane greit nobill tha dais, This ilk king Arthure, as my author sais, Hes namit him for to be prince and king, Efter his tyme ouir all Britane to ring. Fra that tyme furth ouir all Britane wes he Haldin for prince with greit auctoritie. Ane quhile befoir, as that my author sais, Schir Loth the king of Pechtis in his dais, The quhilk Pechtland efter that samin da, Efter his name callit it Loudonia, Departit wes ane quhile befoir nocht lang; Modred his sone into his steid than rang.

27,650

27,645

27,655

27,660

How Modred, King of Pechtis, Herand. How Arthure and all the Britis had Brokin thair Band maid befoir to his Father Lothus, was right commount, and or he wald invey Battell, [send] to thame and Herald.

Quhen Modred knew thair greit perversitie, Vnfaithfulnes with sic fragilitie, The band and aith to him that the had brokin, 27,665 He wist nocht weill how that he sould be wrokin, Of thair falsheid for to revengit be, He knew so weill thair instabilitie. And thocht to him the had done sic offence, it wald he nocht be way of violence 27,670 Into that tyme his purpois till persew, Perfitliar thair myndis quhill he knew. With agit men that culd of curtasie, He send to Arthure for that samin guly, Him to requeir with Britis les and moir, 27,675 To keip promit that the had maid befoir. The quhilk to do he might nocht weill deny, Sen he nor his had nother caus nor guhy To brek the band that the had maid before. With mony aith thairto obleist and sworne. 27,680 Befoir thame all that present thair wes plane, This king Arthure sic ansuer maid agane.

How Arthure Gaif Ansuer to the Herald.

[&]quot;Gude freind," he said, "ze be in wrang for-thy,

[&]quot;That blamis ws withoutin caus or quhy,

[&]quot; Sayand to 30w we haif brokin promit;

[&]quot;That is nocht trew, as thow sall rycht weill 27,685 wit.

Col. 2.

" And for this causs, oure band and oblissing "Wes to schir Loth and to na vther king, " Quhilk all his tyme we keipit richt perfite. "Thairfoir," he said, "we ar nocht for to wyte, 27,690 " Efter his tyme thow ma weill wnderstand, "Suppois to zow we keip nocht that same band." This was the ansuer that king Arthure gaif, With loud lauchter and scornyng of the laif; Syne but reward, with mekill bost and blame, To king Modred the herald passit hame, And schew to him ilk word, boith les and moir, At greit lasar, as I haif said befoir. This king Modred quhen he thair ansuer knew, And his lordis all, in sic anger grew, 27,700 Into the tyme ilkane baith said and swoir, Other to die or of that grit injure Revengit be, micht tha haif tyme and space,

HOW MODRED ASKIT HELP AT EWGENIUS.

Richt suddantlie with help of Goddis grace.

In that mater, or the wald moir intend, 27,705 To king Eugene ane herald sone tha send, And schew to him the mater all and how, Ilk word by word as I haif schawin 30w; In sic effect befoir as tha war spokin, And how Arthure his aith and band had 27,710 brokin. Beseikand him of his help and supple, Of tha injuris for to revengit be; Saying also, Arthure ressauit hed All flemit men furth of Scotland that fled, And furneist thame baith into horss and geir, 27,715 And all waponis that neidfull war in weir; Quhilk with the Britis on the bordour la, Greit heirschip maid oft into Gallowa;

Sayand richt sone, and he his tyme mycht se,
Of Scot and Pecht he wald revengit be 27,720
For the injure wes done to thame beforne,
Richt mony ane zeir or ony of thame wes borne.

HOW EWGENIUS GRANTIT HELP TO MODRED.

Ewgenius considderit than richt weill All that wes trew, and also had ane feill That Arthour thocht sone efter, and he mycht, 27,725 All Albione, suppois he had nocht richt, Weild at his will for the injure and wrang, To his eldaris wes done befoir richt lang. For that same caus rycht hartlie with gude will, All his desyre moir glaidlie grantit till; 27,730 Sayand, he suld within ane litill space, With all power meit him at da and place. With this ansuer the herald hame he zeid To the king of Pechtis callit wes Modreid, And schew to him ilk word, baith les and 27,735 moir. Of his ansuer as ze haif hard befoir. Quhairof that tyme rycht weill content wes he; Syne gart proclame be his auctoritie, That euerilk man, als gudlie as he ma,

Quhairof that tyme rycht weill content wes he;
Syne gart proclame be his auctoritie,
That euerilk man, als gudlie as he ma,
Sould reddie be within ane certane da,
For to convene at sett da and at steid,
On thair best wayis, wnder the pane of deid.
And so tha did, keipit the place and da;
King Ewgene als, as my author did sa,
With greit power of Scottis out of number,
He met Modred vpoun the water of Humber;
Vpoun ane plane wes on the water syid,
Tuik purpois thair togidder for to byde.

How Arthure Bownit to the Battell aganis Lib.9, f.137. Modred with Supple of Ewgenius, and How the Pechtis met Arthure in Feild.

Arthure richt weill that all thair counsall knew,
Richt suddantlie that tha suld him persew; 27,750
For that same caus, out of Armorica
Ane armie brocht that come with him that da;
And euerie Brit that waponis docht to weild,
On fit and hors he brocht with him on feild.
Full mony berne that wes baith bald and 27,755
wycht,

In curage cleir that burneist wes full brycht, On to that feild wnder his baner brocht, Of glitterand gold that worthelie wes wrocht. The proud Pechtis on the tother syde, In rayit battell on the bent did byde, Weill cled in curage and cot of armour cleir, With buglis blast that hiddeous wes till heir, And staitlie standertis strickit vpon hicht, Thair face for face stude in thair fais sicht.

27,760

How the Bischopis 3EID BETUIX THAME.

Off Scotland, Pechtland, and Britane also,
In to that tyme betuix thame thair did go
Richt mony bischop with thair oratioun,
And famous men als of religioun.
And first of all onto thir kingis tuo,
Beseikand thame that the sould nocht do so,
Bot to be wyiss and at gude counsall byde,
For greit dangeir that efter micht betyde
On to thame all, gif sua hapnit to be
That da to meit in to that mad mellie.

Ouir all the warld, guhen it war kend and 27,775 spokin,

Of Albione the power was so brokin,

That the micht nocht theme from their for defend;

" On to the Saxonis syne quhen it is kend,

" Quhilk hes zow all at malice and invye,

"Traist weill tha sall, right sone and suddantlye, 27,780

" Of Albione haif haill auctoritie,

" Or mony thousand on ane da sall de." Quhen this wes said befoir thame all present, Baith Scot and Pecht thairof wer weill content; So that the Britis wald keip thair aith and 27,785

band.

Tha maid befoir subscript with their hand. Forder as than tha sould thame nocht invaid, And keip to thame conditions that the maid; And wald the nocht, quhat euir efter fell, The wyte of all sould light among thame sell. Quhen this was said befoir thame all ilkone, To Arthure syne thir prelatis all ar gone, And schew to him siclike as of befoir, With greit effect the danger les and moir; The greit perrell of battell and the chance, To him the schew with all the circumstance. Syne efterwart tha schew to him also The gudlie ansuer of thir kingis two, All thair desyr als far as the culd knaw, Wes all bot richt according to the law, And of all ill als tha war innocent. Arthure thairof that tyme wes weill content To keip the band that he had maid but leis, With Scot and Pecht to leif in rest and peis.

27,800

27,790

27,795

How the Brit Lordis wald nocht let Col. 2.
Arthure cord with Modred, and bostit
the Bischopis that maid Intercessioun.

Into that tyme war standard neir besyde 27,805 Britis full bald, presumpteous, full of pryde, To Constantyne that war of kin full neir, The quhilk befoir, as I haif said yow heir, Declarit wes of Britane to be king, Efter the tyme of this king Arthuris ring; 27,810 Quhilk haldin war of greit auctoritie, Baith with the king and the communitie; Into the tyme maid greit impediment, And be no way wald grant, or zit consent, To keip the band that the had maid befoir; 27,815 For-quhy tha said, with mekle bost and schoir, Thir kingis tuo alledgit had sic lawes Aganis thame withoutin ony caus, Or ressoun quhy, just battell till inveife, Quhilk in that tyme the offerit thame to preve. 27,820 All this tha said with greit affectioun Of Constantyne, and no way be ressoun, Quhilk efterwart tha mycht forthink full soir The Britis all, and sall do euir moir. For no requeist or intercessioun 27,825 Thir bischopis maid oft with greit oratioun, The Britis bald be no way wald conceid To the desyr of this king Modreid. Richt scharpe langage to thir bischopis tha gaif, Sayand, tha come king Arthure to dissaue; 27,830 Out of thair sight that bad thame hy thame sone, Or the suld rew that euir sic thing wes done. Sic manassing the maid theme with grit boist, Quhairthrow that tyme thair raiss throw all the oist

VOL. II.

Col. 1.

Sic rude rumour of all war standard by, 27,835 That euerie syde richt sone and suddantlye, With mony one that waponis weill culd weild, On fit and horse hes enterit in the feild.

HEIR FOLLOWIS THE BATTELL OF THE BRITIS, BETUIX KING ARTHURE ON THE ONE SYDE AND SCOTTIS AND PECHTIS ON THE OTHER SYDE, STRIKIN AT HUMBER WATER.

The bowmen bald, that war bayth strang and stuir, Of Scot and Pecht into the feild tha fuir. Thair scharp schutting maid sydis for till sow, Throw all thair geir tha gart thame grane and grow. The Britis bald into that stour that stude. For all thair bost tha bled richt mekle blude. The Scottis bowmen and the Pechtis 1 baith, 27,845 Into the feild tha did richt mekle skaith. Lang efterwart of thame it had bene spokin, War nocht that tyme that thair array wes brokin With men on hors, couerit with targe and scheild, That skaillit thame richt wyde into the feild, In sindrie partis vp and doun the plane, That the culd nocht cum till array agane. Be that the vangard of the Britis syde, Thair prince that tyme, schir Constantyne, did gyde, Lib.9, f.137b. With all thair power enterit on the plane, 27,855 Of Ordolus the lord faucht him agane. Gude schir Gawane that da, with Arthure king, The secund wing he had at his gyding, Tytest that tyme he wes of ony vther Agane Modred, suppois he wes his bruther. 27,860 Ewgenius and schir Modred also, Into the feild agane Arthure did go

¹ In MS. Scottis.

With sic ane counter, like ane thunder crak, Quhill scheildis rawe and mony speiris brak; Birny and basnet brist wer all in schunder, 27,865 Heidis war hewin in pecis that war wnder. Tha rappit on with mony rout full rude, Quhill breistis brist and bockit out of blude; Full mony freik war fellit thair on force, And mony stout man stickit on his horss; 27,870 Full mony berne lay bulrand in his blude, And mony stalwart stickit quhair he stude. Into that stour that stalwart wes and strang, With dyntis dour ilkane on vther dang, Quhill all the water into Humber flude, 27,875 Als reid as roissis 1 ran all ouir with blude, And all the coist full of deid corsis la. Continuallie fra morne airlie that da, Tha faucht ay still quhill nune wes passit by, And no man wist quha had the victorye; 27,880 Quhill at the last ane stalwart Scot and stout, In Brit langage full loud he gaif ane schout That all the Britis vnderstude richt plane; "Allace!" he said, "oure nobill king is slane! " Arthure, allace! for euir now art thow gone! 27,885 " And slane this da oure nobillis ar ilkone. " Is no remeid to all the laif bot flie. " Or doutles all ilk man heir man we die." Full mony Brit quhen that the hard that cry, Tha kest fra thame thair harnes haistelie, 27,890 But ony stop or the wald langar stynt, Syne fled als fast as fyre dois out of flynt. The lawe that knew that cry wes for ane trane, Still in the feild ay fechtand did remane, Suppois that tyme thair power wes bot small, Quhill syne on force tha wer confoundit all,

Col. 2.

And slane ilkone for all thair senzeorie:
To Scot and Pecht so fell the victorie.
This battell wes richt bludie to thame baith,
Wes none that da that chapit but greit skayth; 27,900
Of Scot and Pecht that da into the feild,
War tuentie thousand and king Modred keild.
King Arthure als vpoun the tother syde,
And schir Gawane with mony vther gyde,
With threttie thousand best war of the Britis, 27,905
Wer slane that da, as that my author writis.

How Ewgenius held the Feild that Nycht, and on the Morne partit the Spulze amang his Men.

Eugenius he held the feild that da, Syne on the morne quhair all the Britis la, Richt mony nobill fra the feild that fled, Within thair tentis lyand in thair bed, 27,910 Thair with thair quene, Gwanora hecht to name, And hir ladeis vnmaculat of fame. Eugenius, thair sleipand quhair tha la, Into thair bed he tuke thame lang or da, And all the riches in the tyme tha had. 27,915 Syne haistelie on to the feild him sped, And all the spulze in the feild he fand, Richt quietlie, without stop or ganestand, To euerie man into the tyme he gaif, Efter his deid as he hes wrocht to haif. 27,920 Arthuris wyffe was callit Gwanora, That in hir tyme wes fair as dame Flora, Onto the Pechtis quality plesit thame to haif,

This ilk princes Eugenius to thame gaif,

¹ In MS. Gunanora.

And ladeis all, suppois tha had bene may, 27,925 With mony vther presoner and pray. Syne all the laif, quha lykis for to heir, In Scotland brocht baith pray and presoneir. Sielike the Pechtis with the quene Gwanoir, And presoneris that the had les and moir, 27,930 Tha send to keip into Orestia, Quhilk callit is now Angus at this da. Into ane castell callit Doun-bervie, Quhairof the fundament restis zit to se, Quhilk biggit wes richt weill with lyme and 27,935 stone, Tha presoneris war keipit thair ilkone, Remanand thair ilkone qubill tha war deid. Thair graifis zit apperis in that steid, By Megill toun, ten myle aboue Dundie, Thair graifis zit remanis for to se: 27,940 Off quene Gwanoir all tyme amang the laif, Be the scriptour weill knawin is the graif. This was the end, as I haif said yow heir, Of king Arthure the thre and tuentie zeir Than of his regnne, and of Eugene also, 27,945 The auchtene zeir withoutin ony mo, And of oure Lord fyve hundreth als but faill Fourtie and tua, that wes the number haill. In no storie autentik that I reid, it hard I neuir of this Arthuris deid, 27,950 No of his werk, alss far as I can speir, Moir worthines nor I haif said zow heir. Thocht mony fule affectit to him be, That rakkis nocht to fenzie or to le In his loving, trowing right weill thairfoir 27,955 To bring his name to sie excellent gloir; Thairof begylit weill I wait thai war, For-quhy thair fablis fenzeit ar so far, And ar so lyke impossibill for to be, That all men wait rycht weill thairfoir tha lie. 27,960

Lib.9, f.138. Col. 1

Off Fyn-Mak-coull, and als of Robene Hude, And of Arthure als schortlie to conclude, The suithfastnes guha knew of all thir thre, Off thame richt oft ar maid full mony le. As for my self, sa ilk man as tha will, 27,965 Off king Arthure quha sais gude or ill, Moir in effect nor I haif said zow heir, He fenzies far, that wait I weill but weir. Off quhome the name is zit in memorie, Richt famous men befoir that wrait this storie, 27,970 Efter thair mynd, siclike as tha me schew, Ilk word be word out of thair werk I drew, Quhilk haldin is of greit auctoritie, Thairfoir trow thame, gif ze will nocht trow me. I wait nocht weill how it come first in vse, Withoutin caus to mak of him sic russ; Considdering all his infelicitie, Haif e to right and lat affectioun be, I hald him for the maist vnhappie king Off all the Britis that did in Britane ring. 27,980 For-quhy he wes so faithles and wntrew To king Modred, befoir as I zow schew, And manesworne als, the hand of God thairfore, As ressone wald, it tuechit him full soir. Britis bifore quhilk wes of sic renoun, 27,985 Sensyne tha tynt baith thair kinrik and croun; As plesis God, till all men weill is kend, Falsheid come neuir till ane better end.

How the Britis, efter the Deith of King Arthure, in Lundoun Toun crownit Constantyne thair King.

Efter this tyme that I haif said 30w heir,
The Britis all convenit far and neir
To Lundoun [toun] into ane parliament,
And crownit hes with all thair haill consent

This Constantyne, of quhome befoir I tald. Syne efter that thir bludie bouchouris bald, In vilipensioun of this king Modred, 27,995 That his airis suld nocht to thame succeid, His tua sonis wes keipit in the cuir Of Gallanus, the quhilk his dochter buir, Tha slew thame baith with greit crudelitie In hir armes but reuth or zit petie: 28,000 And so endit the haill successioun Of king Modred, the quhilk had richt to the croun. This saikles slauchter and ingratitude, The cruell deid, the vengence of thair blude, Abhominabill other to heir or se, 28,005 Vnpuneist lang God wald nocht suffer it be. Ouir all the warld the word it wrocht rycht plane, Richt suddanelie how king Arthure wes slane, With all the nobillis of Britania, In that same feild wer tane and slane that da, 28,010 And of the pepill slane wer out of number, In that conflict vpoun the water of Humber.

HOW THE SAXONIS, HERAND THE DEITH OF KING ARTHURE, COME AGANE IN BRITANE WITH RYCHT GRIT POWER.

The Saxonis sone thairfoir in bark and barge,
To Albione with greit power and large,
Tha sped thame sone with all the haist tha ma, 28,015
Quhill that tha come into Britania,
Into ane place quhairat tha tuke the land,
With litill stryff, but stop or 3it ganestand.
The Britis all quhometo that fortoun falis,
Tha maid on force to pas all to the Walis:
Saxonis sensyne, as 3e sall wnderstand,
Inhabite hes the boundis of Ingland,

Withoutin pley, at plesour les and moir,
That callit wes Britania of befoir.

I mervell quhy that men sould so commend
Arthure, the quhilk maid so wnhappie end,
For quhais falt sic infelicitie
Remanis¹ zit, and ay like for to be.
Throw his vnhap, his falsheid, and his gilt,
So mekle blude richt secreitlie wes spilt;
The Britis als than tynt honour and gloir,
Kinrik and croun, and will do euir moir.

HOW CONSTANTYNE, THE KING OF BRITIS, PASSIT IN YRELAND, AND TUKE RELIGIOUS HABITE THAIR VNKNAWIN.

Col. 2. This Constantyne quhilk efter him did ring Into the Walis of Britis to be king, Ane man he wes of religiositie, 28,035 And guhen he saw the greit calamitie And seruitude tha Britis war in brocht, He traistit weill the greit falsheid tha wrocht In the defrauding of the king Modreid, Quhilk richteous wes till Vter to succeid; 28,040 Into his mynd thairfoir he dred so soir, That wes the caus that tha war puneist foir, Within him self richt havelie he buir, So wranguslie he tuke on him sic cuir, In the defrauding of the richteous air. 28,045 Thairfoir his ladie, plesand and preclair, The quhilk he louit ouir all erthlie thing, And sonis als quality efter him suld ring, The hand of God departit hes him fro, And left him self richt destitute in wo. 28,050 Syne quhen he knew the caus quhy and quhairfoir, Quhat wes the caus he puneist him so soir,

¹ In MS. Remanit.

Richt quyetlie on to Ybernia, Into ane bark he passit on ane da; Kinrik and croun and all the warld forsuik, 28,055 And syne on him religious habit tuke Amang the monkis thair in ane abba, To greit knawlege syne grew ilk da be da: Syne efterwart, preichand with greit desyr The faith of Christ, wes martyrit in Kyntyre. Sic wes his chance, his fortoun and his werd, Quhilk now ane sanct is haldin in this erd, And of Kynnoule the patroun als is now, And Govane als, bot tua myle fra Glasgow. Of this mater heir will I speik no moir, Bot turne agane quhair I come fra befoir.

28,060

28,065

HOW JURMAURIK RANG IN BRITANE THE TYME OF CONSTANTYNE.

This Jurmaurik, of Saxonis that wes king, Into Ingland that samin tyme did ring, The first degrie fra Hungest wes discendit, In all his tyme greit pece he ay pretendit. With Scot and Pecht, as my author did sa, He keipit pece onto his ending da. Ewgenius, quhilk wes of Scottis king, In pece and rest syne all his tyme did ring; Syne efterwart, as I sall schaw zow heir, Than of his ring the aucht and threttie zeir, And of our Lord fyve hundretht and saxtie, And aucht also, compleit war and gone by, Departit hes into that samin quhile. His bodie borne wes syne to Iona Yle, With all sie pomp ane prince pertenit till, And bureit wes into Ecolumkill.

28,070

28,075

28,080

Col. 1.

How Convallus, the Bruther Germane EUGENIUS, WAS CROWNIT KING EFTER THE Deid of Ewgenius his Brother.

Quhen so departit wes Eugenius, His bruther germane callit Convallus, Richt circumspect and wyss into all thing, 28,085 Lib.9, f.138b. Wes crownit than of Scotland to be king. Vnsufficient my mynd is for to dyte, My hand wald irk, my pen wald tyre to wryte, Gif that I sould perfitlie put in verss, His greit vertew my author did rehers. 28,090 Als far as Phebus with his bemis bricht All vther sterne excedis into licht, Siclike this king, baith into word and deid, In godlines all other did exceid. The crucifix he held in sic honour, 28,095 Aboue ilk zet of castell, toun and tour, In purpure, asure, and in gold sa bricht, In audience he gart be set on hight; Quha gois by on fit, and als on hors, Suld honour him that deit on the croce. 28,100 Forbad also in paithment or in streit, To mak ane cors quhair men zeid on thair feit, That it sould nocht dishonorit be so far, Vnder thair feit to stramp into the glar. Ane crucifix of birneist gold so bricht, 28,105 With rubeis reid and dyamontis weill dicht, Vpoun ane staff weill cled with siluer cleir, With poleist perle, and mony gay sapheir, Quhair euir he raid that corce he gart be borne, Into his sicht ane lytill him beforne; 28,110 And as he on lap, or lightit of, his horse, Vpoune his kneis he kissit ay that corss. Into the kirk quhill that he sat or stude, Vpoun his heid come nother hat nor hude;

And richt semdill, bot gif my author leis, 28,115 Into the kirk he was sene of his kneis. To kirk men als richt greit honour did he, And causit thame obeyit for to be Intill all thing wes ordand thame to haif, And greit reward right oft to thame he gaif 28,120 Off buik and chaleis, and of vestiment, Of gold and siluer, and of vther rent. Throw the greit vertew in him self he had, The fame of him ouir all the warld it spred, In Ingland, Yreland, and Armorica, 28,125 In France, in Flanderis, and Almonia, That mony one desyrit him till se, For his gude lyfe the prasit him so lie.

HOW ANE HALIE MAN, CALLIT COLUMBA, COME FURTH OF YRELAND IN SCOTLAND TO SE THE HALIE KING.

Ane halie man, Columba hecht to name, Into Ireland quhen he hard of his fame, 28,130 This halie man of ane religious place Abbot he wes ane weill lang tyme and space, With ten brether of greit auctoritie, In Scotland come Convallus for to se. With all honour that sic ane man suld haif, 28,135 This Convallus Columba did ressaue, Quhilk of his cuming wes richt blyth and glaid, And freindfullic richt oft to him he said, "Welcum 3e ar, my deir father, to me, " With all my hart, and euir moir salbe. 28,140 " And all your brether that ar with yow heir, "To me alway sall tender be and deir." And in his armes tenderlie hes tone This halie man and his brether ilkone.

Col. 2. So did the lordis all that stude him by,
Imbrasit thame that tyme full tenderly.
Ouir all Scotland tha come baith far and neir,
This halie man Columba for to heir,
Ilk da be da into greit multitude
Of riche and puir ouir all, baith ill and gude.
He thocht him happie into na degrie,
This halie man that come nocht for to se.

How Convallus, the King of Scottis, ordanit ane Plac[e] in Iona Yle to Columba.

Ane fair tempill thair wes in Iona Yle,
That biggit wes befoir ane weill lang quhile
Be secund I Fergus as I said lang syne,
Quhair ordand wes the sepulture diuyne
Of eueric king with greit solempnitie,
Quhilk wes ane place of greit auctoritie.
This plesand place wes presentit thair in plane
To this Columba quhair he suld remane,
Of his brether, siclike of all the lawe
Wes thair befoir, auctoritie to hawe.
That place sensyne quhair he remanit still,
It callit wes to name Ecolumkill.

How Brudeus, the King of Pechtis, send for Columba to preiche into his Landis Goddis Word.

The king of Pechtis, callit Brudeus, 28,165
The bruther sone that wes of Modredus,
Of quhome befoir schort quhile to 30w I schew,
Of this Columba quhen he hard and knew,
Richt greit desyr he had him for to se,
And send for him with all humanitie; 28,170

In MS. Beseikand.

Beseikand him with hartlie mynd and will, For his plesour that he wald cum him till, The word of God in his bound is to schaw, And to him self, quhairby that he mycht knaw The faith of Christ and law to vnderstand. 28,175 This halie man wes reddie at command: Syne with his brether 1 efter on ane day, To Lowtheane passit the narrest way, And fand the king into Camelidone, Quhilk wes richt blyth, sua wes the laue ilkone, 28,180 Of his cuming, also blyth as tha micht be, So great desyr that had him all to se; Ressaueand him with reuerence, laud and gloir, That present wes that tyme baith less and moir. First with the king in commonying he zeid, With lordis syne ilkane as tha thocht neid; Syne efterwart that passit vp and doun, Preichand the faith in euerie place and toun, In Wicomage and als Loundonia, And all the pairtis of Siluria. 28,190

HOW SANCT MUNGO, THE HALIE BISCHOP, AND SANCT COLUM MET TOGIDDER IN GLASGOW, AND SYNE PASSIT TO CALIDONA AND BAID THAIR ANE QUHILE.

The halie bischop callit wes Mungo,
Remanand was that tyme into Glasgow.
The sone he wes of king Eugenius,
And dochter sone also to king Lothus,
The quhilk Tenew wes callit to hir name.
Quhen scho wes 30ung and fluresand in fame,
This king Eugene into his tender age,
Magir hir will, he wes of sic curage,

Lib.9, f.139. Col. 1.

28,195

¹ In MS. bruther.

Deflorit hir, for scho micht not him lat, This halie man that tyme with hir he gat. 28,200 The halie man callit wes Columba, With this Mungo convenit on ane da, Into Glasgow quhair tha remanit still, At greit laser ane lang tyme at thair will. Syne to ane place togidder baith ar gone, 28,205 That callit wes the castell of Calidone, Quhair that the king Convallus for the tyme, Ane fair tempill gart big with stane and lyme, Richt neirhand Tay vpoun ane plesand plane, With vther lugeing quhair men micht remane, 28,210 Within that tempill for to sing and say, Quhair now standis ane fair tempill this da, Of ony zit that euir I hard of tell, The quhilk to name is callit now Dunkell. Thir halie men ane lang quhile did remane 28,215 Into that place right opinlie and plane, The faith of Christ instructand euerie da To Athoill men and of Orestia, Of Calidone and vther partis by; Without mesour did ilk da multiply 28,220 Of Scot and Pecht, ouir all part far and neir, The word of God of thame that tyme to heir. Thair tha remanit neirhand by the space Of half ane zeir into that samin place, In greit glaidnes, quhair none did vther greif, 28,225 Syne tenderlie than haif tha tane thair leif.

HOW SANCT MUNGO AND COLUMBA DEPARTIT; THE TANE PASSIT TO GLASGOW, THE TOTHER TO IONA YLE.

The halie bischop callit wes Mungow, He passit hame agane onto Glasgow. Columba als in the samin quhile, Without sojorne passit to Mona Yle;

28,230

And in that place bot schort quhile did remane, Syne on to Yrland passit is agane. Into Yreland agane quhen he come hame, Of his cuming the rumor and the fame, Ouir all the land it zeid baith far and neir; 28,235 Richt mony come of his tydenis to speir. At him that tyme the sperit eueric one How he wes tretit into Albione? Quhat wes the vse, thair fassoun and thair law, And quhat mervell amang thame thair he saw? 28,240 And he agane sic ansuer maid ilk deill, Sayand, with thame he wes resauit weill, With king and quene, lordis and all the laif, With mair honour nor he wes worth to haif. Sayand also, the keipit weill the law; 28,245 As for farleis right few thairin he saw, Exceptand ane all vther did exceid That euir he saw or in his tyme did reid; This Convallus, that wes of Scottis king, At his desyre haiffand all erthlie thing, 28,250 Col. 2. With greit plesour of sporting and of pla, In meit and drink richt delicat ilk da, Quhilk causis men richt far for to misknaw God and him self, and till abuse the law; And ay the moir thairin that he wes vsit, 28,255 The warld euir the farrar he refusit, And ay the moir to vertew that he grew, And sic exempill to the laif he schew, That neuir man micht sa in word and deid That he did wrang, without thair of the leid; 28,260 And all the kirkmen in that land that war, In godlines he did exceid right far. Rejosit wes thairof baith ald and zing, Herand sic loving of that nobill king; For oft of him tha hard speik of befoir, 28,265 How that his name extollit wes with gloir.

Ane man with vertew that is kend and prounit, With euirilk man richt gritlie wilbe louit; So is all thing that in the self is gude.

And for that caus, heir schortlie to conclude, 28,270 So wes this king, quhair that his deid wes kend, Into the mouth of all men with commend.

How Convallus causit Columba to bring out of Yreland Adamus the Son of Conranus, that fled fra him befoir with his Mother into Yreland.

Nocht lang gane syne as that I schew zow heir, Conranus sone, befoir richt mony zeir, For king Eugene that tyme wes soir adred, 28,275 With his mother into Yreland that fled, The quhilk to name wes callit Adamus, At the command of this king Convallus, The halie man Columba hame hes brocht In Albione with all honour he mocht, 28,280 Efter the tyme of this Convallus deid, In Albione to ring into his steid. And as he come than sailland ouir the sand, In Albione quhair that he tuke first land The nychbour men that duelt into that steid, 28,285 Tha schew to him that Convallus wes deid; Sayand the lordis of that land ilkone, To Iona Yle on with his corss ar gone, With ceremonie to put in sepulture. So 1 Columba tuik on him greit cuir 28,290 And bissines, suppois he wes wnblyth, To Iona Yle qualil that he come rycht swyth. The lordis all that tyme baith les and mair, Richt blyth tha war than of his cuming thair;

In MS. To.

Col. 1.

And still remanit quaill the auchtane da, 28,295 Obsequies thairfoir to sing and sa. Quhen that wes done, within ane litill quhile, The lordis all convenit in Argyle, With haill consent than baith of ald and zing, For to declair quhome that the wald mak king. 28,300

BRUTHER Con-Kynnatillus, \mathbf{or} THE WES CROWNIT KING EFTER VALLUS, DEID OF CONVALLUS, AND OF HIS TYME.

Efter the deid as I haif said zow heir Lib.9, f.139b Of Convallus, quhilk wes in the tent zeir Then of his ring, syne of the zeir of God Fyve hundreth zeir, sevintie and aucht als od, With haill consent thair baith of gude and ill, Convallus bruther callit Kynnatill, Ane plesand man richt lustie and benyng, Of Scotland than wes crownit to be king. Of his deidis I can nocht tell zow heir, For-quhy his tyme wes lytill ouir ane zeir. 28,310 Schort quhile efter he did his croun resaue, In the presens of the lordis and the lawe, This Adamus, of quhome befoir I spak, Richt freindfullie into his armis did tak, And bad he suld of gude confort than be, 28,315 Richt weill he wist within schort quhile that he Thair sould succeid into his faderis steid, And bruik the croun but contrapley or pleid. And as he said, richt sone it come to hand; The tuentie day efter, I winderstand, 28,320 He wes crownit and tuke on him the cuir, Throw sair seiknes, thocht he wes stark and stuir, He tuke that tyme, quhilk maid him ay on steir Continuallie tua moneth and ane zeir, VOL. II. S

Langar to suffer had nother strenth nor mycht, 28,325 He tuke his leif and bad thame all gude nycht. In Iona Yle tha pat him in his graue, With all honour siclike as wes the laue.

How Adamus was crownit King be the Handis of the haly Man Columba efter the Deith of King Kynnetillus.

Efter his deid within ane litill quhile, The lordis all convenit in Argyle; 28,330 With thame that tyme Columba haif the brocht, But his aduiss the lordis wald do nocht. With haill consent of all wes in that steid. The diademe he hes set vpoun the heid Of Adamus, with sword, sceptour and ring, 23,335 And crownit him of Scotland to be king; Quhome of that tyme greit prophecie he spak, Quhairof as now I list no mentioun mak. Ouir lang it war gif I suld all report, And weill ze wait my tyme is verie schort. 28,340 In that mater now I will mute no moir, Bot turne agane quhair I come fra befoir. Quhen this was done that tuke thair leif ilkone, And euerie man ane sindrie gait is gone. This ilk Columba in the samin quhile, 28,345 To his bruther passit in Iona Yle. This Adamus, as my author did sa, With ane armie passit in Gallowa. Richt mony cheif that tyme in to that land, Of Britis blude befoir him thair he fand; 28,350 Sone efterwart, within ane litill we, Vpoun ane gallous maid thame all to die, And put that land into gude pece and rest, With the theuis wes puneist and opprest.

HOW ADAMUS MAID THRE JUGIS INTO SCOTLAND.

This beand done he ordanit in that tyde, 28,355 Thre gude judgis the haill realme for to gyde: Col, 2. Ane in Caitnes and ane in Gallowa, The thrid sielike into Locquhabria, Justice and law quhairfoir to execute To puir and riche, without ony refute. 28,360 This ilk Columba, clene and innocent, Gart sit besyde thame into judgment, To heir and se that the sould nother do wrang. The lawis thus wes led in Scotland lang, That thift and reif, and slauchter all did ceiss; 28,365 Greit plentie wes in Scotland lang of peice, Into all part but ony oppin wrang. Bot fals Fortoun, that will nocht suffer lang No stait to stand into stabilitie; Efter sie peax and grit tranquillitie, 28,370 Richt sone tha grew into greit insolence, Quhilk efterwart did Scotland greit offence.

HOW THE LORDIS OF SCOTLAND DISCORDIT AT THE HUNTIS, QUHAIR THROW THAIR FOLLOWIT RICHT GREIT SKAITH.

Greit men of gude at hunting on ane da,
Of licht motioun, as my author did sa,
Contendit hes, I can nocht tell the caus,
Quhill that the waikest zeid sone to the wawis,
And greit slauchter wes maid into the tyme.
Syne that hat wes committaris of the cryme,
Quhen tha war socht for to thoill law thairfoir,
In Loutheane tha fled baith les and moir
28,380
To Brudeus, quhilk wes of Pechtis king,
Beseikand him with wordis richt benyng,

s 2

Within his landis for to lat tham leind
With his fauour, and be to tham ane freind.
For saikles men tha said that tha had slane,
Within Scotland tha durst nocht weill remane.

28,385

How Adamus send to Brudeus ane Herald.

Quhen Adamus hard tell that the wer fled, To Brudeus richt sone efter he sped Ane messinger, desyring to restoir Tha flemit men that fled fra him befoir, 28.390 Throw the conditioun that wes maid beforne, Quhen ilk till vther bodalie wer sworne; And in that poynt most special of the laue, No flemit men of vtheris till ressaue. For no requeist that he culd mak thairfoir, 28,395 This Brudeus wald nocht agane restoir, So greit petie of thame that tyme he had, Sen tha for girth so far to him hed fled; Als in the tyme he treittit thame richt weill. This messinger, quhilk had ane richt grit feill 28,400 For no requeist to be that tyme ontred, Come hame agane and his erand vnsped, And schew the king sic ansuer as he gat. This Adamus wald nocht zit leif with that, Bot sindrie syis he send agane him till, 28,405 Ane lang quhile so la waittand on his will. Syne quhen he saw he gat nocht his desyre, He grew in anger hett as ony fyre, And maid ane vow he suld revengit be Of that injure richt suddantlie, or die. 28,410 How Adamus, the King of Scottis, send ane grit Armie in Orestia, and tulk away greit Spulze.

Syne efterwart gart tak vpoun ane da, Richt grit spul; ie out of Orestia; Wes nothing fre befoir thame that the fand, And slew the men that maid stop or ganestand. The Pechtis als siclike vpone ane da, 28,415 With greit power passit in Gallowa; Makand heirschip ouir all baith far and neir, And greit slauchter that horribill wes till heir. The Scottis syne that micht nocht suffer weill, With mony stalwart that war clad in steill, In Wicomage richt suddantlie thai send. The Pechtis quhilk weill [of] thair cuming kend, Wes reddie bydand in till ordour gude, And gaif thame battell neirby Carroun flude. On euerie syde so stalwartlie tha stude, 28,425 Quhill all the brume wes browdrit ouir with blude; And mony semelie wnder scheild wes slane,

HOW THE PECHTIS TYNT THE FEILD, AND FLED EFTER THAT THAIR KING WES SLANE.

So pertlie than the previt on the plane.

The Pechtis proude, thocht tha war bald and wycht,
Out of the feild tha fled and tuke the flicht 29,430
On till ane mos that wes richt neir hand by,
And left the Scottis with the victorie.
Quhairof that tyme tha war bot richt vnfane,
For-quhy thair prince into the feild wes slane,
The eldest sone wes of this Adamus, 21,435
Arthure to name, ane chiftane cheualrus;
Than of his deid moir drerie wes ilk man,
Na tha war blyth of victorie tha wan.

Lib.9, f.140. Col. 1. How the walle Man callit Columba blamit Adamus, the King of Scottis, for injust Battell he mouit aganis the King of Pechtis.

Quhen thir tydenis wer to Columba tald,
Withoutin baid na langar byde he wald,
Quhill that he come to Adamus the king,
And blamit him richt soirlie for that thing,
Quhy that he sould, without caus or querrell,
Dispone him self into sic dout and perrell;
And wirk sic wrang, quhair that he had na
21,445
caus,

At his plesour, without ordour or lawis, Brekkand the band to Brudeus he maid, Without causs his landis to invaid; And for to wirk sic wrangis and injure Vpone the pepill innocent and puir, 28,450 Quhilk faillit neuir to him in thair tyme. Quhairfoir, he said, the grit injure and cryme, Richt weill he wist, wer it nocht mendit sone, He suld forthink richt soir that he had done: For-quhy, he said, for sic wrang and wnrycht, The hand of God on him richt sone suld licht. That efterwart he suld exempill be To all this warld for his iniquitie. Syne tuke his leve, bad him gude nycht in plane. No langar thair sayand he wald remane; 28,460 For-quhy he dred some efter for to se, The hand of God with sic crudelitie Wald licht on him sone efterwart, he knew Sould mak all Scotland euir moir till rew.

How Adamus, for greit Displesoure that he had done Wrang, grat befoir Columba the halie Man.

Col. 2.

Quhen this wes said as 3e haif hard me mene, 28,465 The bitter teiris fra Adamus ene, Evin lyke ane strand out of ane well tha sprang, Weipand for wo that he had wrocht sic wrang. Dreidand thairfoir the hand of God suld lycht On him richt sone, for sic wrang and vnrycht, 28,470 With sobbing soir Columba did beseik, Richt piteouslie with wordis myld and meik, Of his counsall how that he sould amend: Sayand no moir agane he sould offend To God or man, so far as he had mycht, 28,475 And to reforme all wrangis and wnrycht; All skaith and dampnage also to restoir, In tyme bigane committit wes befoir.

How Columba maid Peax betuix the Tua Kingis.

This halie man had greit compassioun, Quhen that he hard his lamentatioun, 28,480 Takand on him greit bissines and cuir, And sindrie syis betuix thir kingis fuir. Ane lang quhile so richt wyislie that he wrocht, Thir kingis boith in concord till he brocht, Reformand all the faltis maid befoir: 28,485 The spulzie als agane he gart restoir; The band siclike he gart agane renew, And ilk syde sworne for to be leill and trew; Malice and yre forgiffin wes alhaill, In tyme to cum nane suld to vther faill. 28,490 Syne tuke his leif within ane litill quhile, And passit hame agane to Iona Yle,

Vpone his [fit], also oft bairfeit as schod,
Amang his brether in honour of God,
And his moder the Virgin most bening,
Dalie thair service for to say and sing.
Sone efter that I find into my buik,
Quhen he come hame ane greit seiknes him tuke,
Quhilk him dalie vexit with gute and gravell.
Fra that da furth he docht no moir to travell,
Era that da furth he docht no moir to travell,
Into the closter quhill his latter da.
Heir will I leve him into Iona Yle,
And to the Saxonis turne agane my style.

How the Saxonis, efter the Deid of Jurmaurik, diuydit Ingland in Sevin Kinrikis.

This Jurmeurik of quhome befoir I tald, 28,505 The king of Saxonis bellicois and bald, Quhen he departit of this present lyfe, No barne he had that tyme borne of his wyfe That lauchfull wes to him for to succeid. For that same caus, as sais my author Beid, 28,510 And als thairwith for mair auctoritie, Of mony kingis, for greit securitie, The Saxonis ring, quhilk wes of pomp and pryde, In sevin kinrikis that tyme the gart diuyde, To sevin kingis of greit power and micht. 28,515 So that the Britis for to reskew thair richt, In Albione quhat euir efter befall, Sould haif no strenth aganis thir kingis all. The northmest king, as ze sall winderstand, Wes Edelfred, king of Northumberland. 28,520

Lib.9, f.140b. Col. 1.

¹ In MS. king kingis.

Ane subtill man and of ingyne richt hie,
In all his tyme he wes baith fals and slie.
Baith da and nycht it wes ay in his thocht
For to delait his kinrik and he mocht;
Wes nocht to him moir thankfull in his lyfe, 28,525
Na vther kingis for to fecht and stryfe;
Rejosit wes quhen he hard sic thing spokin,
Traistand richt weill quhen thair power wer brokin,
To vincust thame with litill sturt or dyn,
With sic wayis thair landis for to wyn. 28,530

How Edfridus, King of Norththumberland, causit the King of Pechtis to make Weir with the Scottis.

And for that caus to Brudeus he send, Desyring him with Scottis to contend, Fra tha did nocht the haill spulzie restoir, That wranguslie tha tuke fra him befoir. And for that caus he micht, without reprove, 22,535 Ane just battell agane him for to move, Quhen euir he thocht expedient to be, Of him he sould haif greit help and supple. This Brudeus, that knew weill his intent, Till his desyre wald nocht gif his consent; 28,540 Quhill efterwart he causit wes till dude Be his lordis, the quhilk wer men of gude, In quhome that tyme he did right far confyde, Corruptit war be this king Edilfryde, Throw greit reward he gaif thame to thair 28,545 meid.With Brudeus his mater for to speid. To Adamus the send right some in hy, Gaif ouir the band and did him than defy; And for that caus he did nocht [thame] restoir The haill spulze wes tane fra thame befoir; 28,550

And secundlie, right mony Scottis cheif Within their boundis had done grit mischeif, And hereit had the partis moir and les, Quhairof agane the culd get no redres.

How Adamus, the King of Scottis, maid and Band with the Britis aganis the Peciitis.

Then king Adan, quhen that he kend and 28,555 knewVnkyndlie wes the Pechtis till be trew, In guhome no man might traist or zit confyde, And the dissait als of this Edilfryde, Thairfoir with Britis he has maid and band. Gif Edilfryde and Pechtis in his land 28,560 With battell come to seik thame or persew, Richt haistelie he suld in thair reskew Come thair him self, with all power and mycht; And the siclike defend him in his rycht, Gif efterwart so hapnit for to be, 28,565 That the suld cum siclyke in his supple.

How Edfridus and Brudeus passit in Weir on the Scottis.

Col. 2. King Edilfrid that knew [richt] weill that thing,
Convenit hes with Brudeus the king,
Of bernis bald, with mekle brag and bost,
In feir of weir with ane greit royall ost,
Withoutin stop or ony moir ganestand,
Syne enterit hes into the Britis land,
For that same causs, as wes the commoun fame,
The king of Scottis to draw richt far fra hame.
Be sic wayis and wylis he did wirk,

28,575
Traistand the Scottis for till tyre and irk,

In mos and mure, in montane and in myre, Throw sic travell trowand that the suld tyre. 2it neuirtheles the nobill Scottis king, With mony freik weill furneist in all thing, 28,580 Come thair richt sone the Britis to supple, On the best wayes that he culd bodin be. This Edilfrid and Brudeus also, Postponit hes to battell for till go; Ilk da be da that wes thair haill desyr, 28,585 With lang tarie the Scottis for till tyre, Quhill that the victuall wer consumit haill; Quhairthrow on force the suld be maid to faill, And euirilk day thair power be maid les, And thair power suld grow and incres. 28,590

HOW FYNLYNUS, THE KING OF WEST SAXONE, WAS VINCUST WITHT ADAMUS, THE KING OF SCOTTIS.

That samin tyme of West Saxone the king, Callit Fynlyn, come with ane gay gadering, In the supple of this king Edilfrid; Syne rayit him vpoune ane reuer syde, In breist plait, braser, and in birny brycht. 28,595 This king Adan of him quhen he gat sycht, He gaif command na langar for to byde, Bot gif thame battell suddantlie that tyde, Or Edilfryde or he wer met togidder. Thairto the laif wes nothing sweir nor lither: 28,600 Suppois he wes into the grittar number, Tha counterit him, and countit of na cummer, With sic ane rusche that all the rochis rang, Quhill speris brak, and all in spalis sprang Aboue thair heid, right heiche into the air; 28,605 And brandis bricht, that scharpe as rasour shair, Richt baldlie thair thai baitht in vtheris blude. Into that stour sa stalwartlie tha stude,

Lib. 9, f. 141. Col. 1.

And previt vther pertlie on the plane, Quhill that Cuta, Fynlynus sone, wes slane, 28,610 His narrest air, of West Saxone the prince. The laif no langar baid to mak defence; Out of the feild that tyme on fit and horss Tha fled richt fast, to thame it wes sic force, Sa mony thousand of thame thair wes slane; 28,615 Fra tyme tha fled tha durst neuir luke agane. The Scottis fast that followit on the chace, Greit slauchter maid in mony sindrie place, Quhair that tha fled heir and thair ouir aw. Adanus 1 than ane trumpet hes gart blaw, 28,620 Quhilk causit thame for to return agane, Syne pat thame all in ordour on that plane; In gude array gart thame remane thair still, Quhill that he wist this Edilfridus will, In the boundis gif he wald langar byde, 28,625 And gif battell or pas his way that tyde. And for that caus he gart thame thair remane, In gude ordour stand still vpoun that plane. Mellefluat than wes the melodie Tha maid that tyme, for the greit victorie 28,630 In that feild fechtand that tyme thai wan, With menstralie and mirth of euerie man. Than as tha war at sic sporting and pla, This Edilfrid, as my author did sa, And Brudeus with power les and moir, 28,635 And Fynlynus the quhilk that fled befoir, With all thair power knit in ane togidder, Towart Adanus sped thame richt fast hidder, With mony berne buskit in armour bricht. Syne guhen tha come into the Scottis sicht, 28,640 At the first blenk tha did vpone thame luke, Of thair attyre so greit terrour tha tuke,

1 Sic, et postea, in MS.

That the forzet all blythnes and all bourd;
Amang theme all wes nocht spokin and word,
Bot in the tyme the held theme, all and sum,
Als still and quyet as the had bene dum.
This Adanus theirof he thocht greit ill,
Quhen he theme knew so quiet and so still,
Dreidand full soir that all suld nocht go richt;
And for that caus ascendit to ane hicht,
Into ane place aboue theme all full hie,
Quhair eueric man micht him baith heir and se;
Syne in the presens of theme all wes their,
He said to theme thir wordis les and mair.

How Adanus, the King of Scottis, maid his Oresoun to his Men before the Feild.

"O ze," he said, "that victouris wer richt now, 28,655

" So suddantlie quhat is it causis zow

- "Disconfort tak so sone heir at ane sicht,
- "Withoutin pruif of thair strenthis or micht,
- " Quhilk vincust thame that power had far moir,
- " In the last feild quhair that 3e faucht befoir? 28,000
- " Quhairof we aucht the moir curage to tak;
- " On to ws all it war ane lestand lak
- " For euir moir, with greit repreif and schame,
- " Heir in this place beand so far fra hame,
- "Withoutin straik, of sic ane mad menze 28,665
- " So schamefullie to turne oure bak and fle.
- " Quhairfoir," he said, "sen we haif all the rycht,
- " And sic power, ordenance and micht, " Of men and horss into sic multitude,
- " Knawand so weill that oure querrell is gude, '28,670
- "Thair is no causs quhairfoir that we suld dreid;
- " Sen euerie man may haif this tyme to meid
- " Greit victorie, with honour, laud and gloir,
- "Sic in this warld wes neuir zit wyn befoir."

Be this wes said, richt fraklie in the feild

HEIR FOLLOWIS THE ORDOUR AND THE FASSOUN OF THE FEILD BETUIX ADANUS AND EDFRIDUS.

The enterit all that waponis docht to weild. King Adanus, as my author did sa, The vangard led into the feild that da, With mony Scot of greit power and pryde. Col. 2. King Brudeus vpoun the tother syde 28,680 The vangard led, that wes baith fals and sle, With Pechtis proude that haltane war and he. The tother wyng siclike on to ane Pecht, Directit wes aganis ane Scot to fecht, With mony man that waponis weill culd weild, 28,685 Of Scot and Pecht that faucht into that feild. King Edilfryid in the mid feild he faucht Agane the Britis, with his standert vpstraucht. Fra bowmen bald that bikkerit on the plane, That da thair flew richt mony fedderit flane, 28,690 That perssit hes thair playen plaittis throw, And mony grume maid grislie for to grow. The speiris scharpe persit baith targe and scheild, And Millane malzeis skaillit in the feild. Into that stour that wes baith stif and strang With dyntis dour ilkane at vther dang.

How Brudeus, the King of Pechtis, was woundit, and fled out of the Feild.

So at the last it hapnit for to be, King Brudeus wes woundit in the thic, With sic vneis that he doucht nocht to stand, That with ane hors wes reddie at his hand,

28,700

28,675

In MS. The.

Out of the feild tha haistit him in hy On to his tent that reddie wes neirby. The Pechtis all that da had bene windone, Had nocht than bene the Britis fled sa sone. Throw thair mischance it happit so to be, 28,705 The Pechtis fled quhen that the saw theme fle. King Adanus, that baid behind to fecht, His zoungest sone, the quhilk Dongarus hecht, Reskewit him throw his manheid and force, Out of the feild he put him on ane hors, 28,710 Quhill he wes saifflie passit ouir the plane. In his reskew this Dongarus wes slane, And Brenyus the lord of Mona Yle, Into his tyme that wes his richtast style; And Theobald vpone the tother syde, 28,715 The bruther germane of this Edilfryid; And he him self thair with ane straik full sle, That samin da thair loissit hes ane ee. And Cutha als, ane plesand prince and zing, Fynlynus sone, of West Saxone the king, 28,720 Quhairof his father micht be rycht wnfane, That da befoir into the feild wes slane. At Deglastoun, quhair mony knichtis wer keild, Into Britane thair strikin wes this feild.

How Adanus, the King of Scottis, passit in Gallowa and slew Edelfryid, the King of Northumberland.

King Edelfryde, that culd nocht be content
Of victorie that God had to him sent,
Bot sone efter, into the symmer tyde,
Arrayit hes ane royall ost to ryde
In Gallowa, with buglis blawand loud.
King Brudeus with all his Pechtis proude,
28,730

In gude array, bot stop or 3it ganestand,
He met with him syne vpone Sulwa sand,
Lib. 9, f. 141b. And baith thair power jonit hes togidder.

Col. 1. King Adanus, that tyme that wes nocht lidder,
With all his power sped him in the tyde,
28,735
To meit the Britis on the bordour syde,
Quhair tryist wes set, richt lang befoir the da,
To meit thame thair, as my author did sa.

HOW EDELFRYID VMBESET THE GAIT.

This Edelfryid, as ze sall wnderstand, He furneist hes the furdis of Annand, 28,740 And all places quhair strenthis war to ly, So be no way the Scottis micht wyn by To meit the Britis baid thame at the coist. King Adanus that tyme and all his oist, Chesit ane place quhair tha micht byde all nycht, 28,745 And bekynnis brynt with mony baillis brycht, And strenthis maid about thame quhair tha la, As tha suld byde into that place qubill da. Syne wnder silence in that samin nicht, Quhen all thair balis birnand wer full bricht, 28,750 Be gude gydis tha gat into that land, Passit ouir Esk richt lauch ouir Sulwa sand, And Annand baith, on to the tother syde, And met the Britis quality thair on thame did byde;

And enterit syne into Northumberland, 28,755
And sparit nocht befoir thame that the fand
That levend wes, other ill or gude,
Distroyand all thing baith with fyre and blude,
With greit heirschip, that hiddeous wes till heir,
In till all part the maid baith far and neir. 28,760

HOW KING EDILFRYID LEFT THE WALIS OF ANNAND AND SPED HIM SONE TO NORTHUMBER-LAND.

Quhen this was schawin to the king Edilfryde, Withoutin tarie ony tyme or tyde, And Brudeus siclike with him also, That haistit thame that tyme, but ony ho, On fit and horss richt fast ouir Sulwa sand, 28.765 Quhill that the come into Northumberland, Without tarie vther da or nycht. Quhill that the come into the Scottis sicht, In gude ordour togidder quhair tha la. Syne efterwart, vpoun the secund da, 28,770 Thir proude princes, with mekle pomp and pryde, Bownit for battell vpoun euerie syde, With baneris braid that browdin war full brycht, And staitlie standartis streikit vpone hicht, And pensillis proude, of mony diverss hew, 28,775 Glitterand as gold with mekle game and glew Of trumpet, talburne, and of clarion cleir, And schalmis schill that hevinlie wes to heir. Thir proude princes syne pertlie on that plane, Preuit thair pith ilkane other forgane. 28,780 The fedderit flanis in the feild that flew Throw birneis bricht, richt mekle blude tha drew; The speiris scharpe, that war baith grit and lang, Throw all thair armour in thair flesche tha thrang, With mony wound that wes baith deip and 28,785 wyde,

In breist, in brow, in bak, and als in syde, Quhill mony bowell brist out on the grene. Ane scharpar sembla 3it wes neuir sene. Richt mony Saxone deit thair that da, Throw thair folie, as my author did sa,

Coi. 2.

28,79

VOL. II.

m

Contemnand Scottis, seand thame sa few,
Without armour the battell did persew.
The Scottis men, that armit wes so weill,
At euerie straik ane Saxone knycht did keill.
With dyntis dour tha draue thame to the deid,
And ay agane thair enterit in thair steid,
Richt mony knicht into the feild agane,
Prevand thair pithtis pertlie on that plane
But victorie, that wounder wes to se,
Thocht mony Saxone thair wes done to die.

28,800

HOW ADANUS BLAMIT HIS CAPTANIS.

This Adanus thairto tuik heid a lyte; Traistand richt weill thairof had all the wyte His four captanis that he had with him thair, Accusit hes thair negligence richt sair, Seand thair fa in poynt thairfoir to tyne, 28,805 And victorie on to thame self inclyne, That scharpliar wald nocht thair fa persew, Leithand wes thair awin folkis to reskew. The Scottis captanes, the quhilk that war nocht lidder, Murdow the tane, Congamis hecht the tother; The tother tua als, as my author writis, The quhilk that tyme wer captanis to the Britis, The tane of thame was callit Allencryne, The tother als to name hecht Constantyne; At his command, als wod wes as ane wyld boir, 28,815 For to reforme the falt wes maid befoir, Fers as ane lioun enterit in the feild, Quhair mony Saxone in the tyme wes keild. On force the laif out of the feild than fled, No moir reskew into the tyme tha hed. 28,820 Baith Scot and Brit fast follouit on the chace; Quhome tha ouirgat, but ony girth or grace,

3 oung or ald, for petie sauit none
Of Saxone blude that tyme mycht be ouirtone.
Into the chace that da wer slane far mo
28,825
Nor in the feild, my author said me so.
Fynlynus, king quhilk wes of West Saxone,
Deit that da and vtheris mony one.
Ane greit nobill, Cailus hecht to name,
Quhittellus als of greit honour and fame,
With mony thousand of the Pechtis blude,
Deit that da and Saxonis to conclude.

How Adanus diuydit the Spulze of the Feild.

King Adanus quhen he had wyn the feild, Quhair mony Pecht and Saxone als wer keild, The spulze first he gart thame agane restoir Of Gallowa that the had tane befoir. The tent part syne on to the kirk he gaine, But ony fraude, that left wes of the laue. The baneris bright into the feild he wan, And staitlie standertis of ilk nobill man, That tha that da had wyn into the feild, The cot armour, the targis and the scheild, He gart send thame into Ecolumkill; Perpetuallie thair ay to remane still, That it sould lest in memorie euir moir, Of thair triumph sie victorie and gloir. Syne all the lawe remanand wes behind, Rycht equalic, als far as I can fynd, Be the leist prick of hors, harnes or geir, Distribute hes amang his men of weir.

28,835

28,840

Lib. 9, f. 142. Col. 1.

28,845

28,850

How Sanct Columba, beand in the Ylis, schew the Victorie of the Battell in Northumberland.

Off this battell in the samin quhile, Columba, being in to Iona Yle, The victorie vnto his brether schew, As efterwart tha fand baith leill and trew. The tyme, the vse, quhen the battell did june, 28,855 The victorie quhen that the feild wes done, Off Adanus the honour that he wan, The deid also of euerie nobill man, As all wes done he schew thame enery deill, Quhilk efterwart tha fand als trew as steill. 28,860 Mony than said, as I can right weill trow, And zit siclike richt mony sais now, Be intercessioun of this halie man, King Adanus the victorie thair wan. Syne efter that, into the secund zeir, 28,865 This Columba of quhome I schew zow heir, With murning mad than baith of man and wyfe, He tuke his leve out of this present lyfe. In Iona Yle syne graithit wes in his graif, With all honour that sic ane man suld haif, 28,870 Intill ane place callit Ecolumkill, Quhair that his bodie restis zit thair still. Thocht mony man that speikis out of tune, Quhilk dois alledge that he lyis in Dunwn, Within Ireland, into Sanct Patrikis graif, 28,875 Siclike Sanct Bryde, I hald thairof tha raif. As the alledge be mony sindrie vers, Quhill at this tyme I list nocht now rehers, For-quhy I gif moir credeit to Sanct Beid, No ony vther of thame all I reid. 28,880

How Sanct Augustyne, with his Collige Melletus, prechit the Faith of Christ into Ingland.

That samyn tyme, as my author me kend, Tua halie bischopis in Ingland wer send Fra paip Gregour, the fayth of Christ to preiche, The rude pepill till instruct and teiche, Ay to that tyme levand of gentill ryte, 28,885 Ane Augustyne, the tother hecht Mellyte. The king of Kent, quha lykis for to luke, He was the first the faith of Crist that tuke, Syne efter him siclike, with greit desyre, Did all the laif that duelt into that schire, 28,890 With euerie scitic that wes neir besyde. The pepill all, and princes of greit pryde, In sindrie partis beleuit all in Christ, Syne tuke the faith ilkane and wes baptist, Throw the instructioun of thir halie men, 28,895 Quhilk war the first, quha lykis for to ken, Into Ingland prechit the faith of Christ, Col. 2. Fra idolatrie the pepill for to tyst, Four hundretht zeir and moir I wnderstand, Efter the faith come first into Scotland. 28,900

How Sanct Bald[reid] departit out of this present Lyfe.

The samin tyme in Scotland, as I reid,
Ane halie man that callit wes Baldreid,
Of Scottis blude ane greit nobill he wes,
And in ane craig that callit is the Bas,
Within the se on Forth on the South hand,
Tua myle and mair evin furth fra the mane land,

Thair he remanit mony of his dais Amang the Pechtis, as my author sais, Instructand thame the law of halie kirk, And for na travell than wald tyre or irk, 28,910 Quhill finallie he tuke his leif to pas Out of this lyfe, departit in the Bas. Of thre kirkis the pepill for him straif, Quhen he wes deid, quha suld his bodie haif. Aldem, Prestoun, and Tynnyghame also, 28,915 With so greit stryfe that the war like to go In plane battell withoutin ony byde, Had nocht than bene the bischop wes besyde, Quhilk causit thame befoir all be sworne, In hop of concord, quality the tother morne 28,920 For to pas hame, syne on the morne to meit, And thair to byde ilkane at his decreit. Syne on the morne togidder guhen tha met, Tha fand thre bodeis in thre beris set, Of similitude, cullour and quantitie, 28,925 Of forme, and figour, and equallitie, That no man culd, for ony takynis derne, Ane by ane vther in the tyme decerne. Quhairof tha thankit greit God of his grace, And ilk paroche tuke ane vp in that place, 28,930 And had it hame with diligence and cuir, Solempnitlie put it in sepultuir.

OFF THE HALIE MAN CONVALLUS.

Ane halie man of Scotland of greit fame, That samin tyme, hecht Convallus to name, Discipill als he wes of Sanct Mungow,¹ In Inchchennane, schort gait bewest Glasgw,

28,935

¹ In MS, Nungow.

His bodie lyis, quhair I my self hes bene In pilgremage, and his relicques hes sene. Now to my storie turne I will agane, And all my purpois sall mak to zow plane. 28,940 This king Adane of quhome befoir I schew, Quhen that he hard the maner all and knew That Columba the halie man wes deid, So he that tyme he tuke it in his heid, Throw grit displesour and throw seiknes soir, 28,945 He tuke his leif for he micht leif no moir. Nane nobillar in all his tyme did rax. The zeir of God sex hundreth syne and sax, And of his regnne the sevin and tuentie zeir, To Iona Yle tha buir him on his beir, 28,950 With mekle murning baith of gude and ill, Syne bureit him into Ecolumkill.

HEIR FOLLOWIS THE CROWNYNG OF KYNNETHUS Lib.9, f.142b. KEIR EFTER THE DEID OF ADANUS THE KING. Col. 1.

Quhen he wes deid, efter ane litill quhile The lordis all convenit in Argyle, Kynnethus Keir, ane man baith traist and trew, 28,955 Convallus sone, of quhome befoir I schew, The halie king thair in that parliament He crownit wes, with all thair haill consent. Of him na thing I can tell in this place; For-quhy he had so litill tyme and space, 28,960 Quhairthrow he might to vice and vertu draw, In word or werk by ony sing to schaw, Quhairby he micht get lak or zit commend, Till all men zit his deidis ar vnkend. The fourt moneth syne efter of his ring, 28,965 Throw sair seiknes, and throw na vther thing, He tuke his leif and passit to the laue; In Iona Yle syne graithit wes in his graue.

HEIR FOLLOWIS THE CROWNYNG OF EUGENIUS EFTER THE DEID OF KYNNETHUS KEIR.

Syne efter him Eugenius the zing, With haill consent wes crownit to be king, 28,970 Adanus sone of guhome befoir I spak, That all his dais levit ay but lak. Siclike his sone did efter him succeid, This nobill king, quha lykis of him to reid, Eugenius, the fourt king of that name, 28,975 Ane nobili prince of grit fredome and fame, And keipit all commandis les and moir, Wes teichit him be Columba befoir. Gratious he wes and full of gratitude, Acceptabill ay to euerie man of gude: 28,980 Theif nor revar gat of him no girth, Quhair tha war fund in ony feild or firth. In pece and rest all his tyme he rang, But outwart weir or ony inwart wrang. Heir will I rest of him ane litill quhile, 28,985 And to the Saxonis turne agane my style.

HOW THE KING OF MARCHE WAN EDILFRED.

This Edilfred king of Northumberland,
The king of Merche that tyme, I wnderstand,
And his pepill, quhilk that his nyehtboures war,
With weir and wrang oppressit hes rycht far. 28,990
And for no quhy it wes, gif I richt ken,
Becaus that tyme that thai war Cristin men,
With Augustyne befoir had bene baptist,
And Edelfred wes ennimie to Christ;
For that same caus, and for na vther quhy, 28,995
Injurit thame for malice and invy.
Tua Saxone kingis of the Orient
Of Ingland, than baith of ane haill intent,

Col. 2.

Ane Ethalbrech, ane freik wes of grit fame, Redwald the tother callit wes to name, 29,000 For to revenge the harmes and injure That Edilfrid wrocht on the pepill puir, In the contemptione of the faith of Christ, He baneist had richt mony wes baptist; For that same caus into Northumberland, 29,005 Thir tua kingis togidder in ane band, With all thair power sped thame in that tyde, With mort battell agane king Edelfryde, And vincust him thair fechtand on the plane, Quhair he him self and mony ma wer slane. 29,010 Thir tua kingis, efter that he wes deid, Hes crownit thair, to ring into his steid, Ane Edwynus wes of the Saxone blude, Ane greit nobill and als are man of gude. This Edilfryde sevin sonis had that tyme, 29,015 And ane dochter that clene wes of all cryme, Baith zoung and fair, and fluresand in fame, Quhilk callit wes than Ebba to hir name. Thir sevin sonis this Edwyn so tha dred, Into Scotland to king Eugene tha fled; 29,020 Suppois thair father had done mekle skayth To king Eugene and to his father baith, it neuirtheles that tyme, for puir pitie, Ressauit thame with all humanitie; With laud and gloir siclike of all the laif, 29,025 As did pertene kingis sonis [for] to haif. Thair on sister that taikin wes in hand, In prisoun syne wes festnit fast with band. Quhat wes the quhy I can nocht schaw to zow, As scho chaipit, or zit the maner how, 29,030 Bot gif it wes onlie be Goddis grace, Deliuerit wes out of that panefull place. Syne on ane bot, on Humber water la, But falloschip so saillit furth hir wa

To Forthis mouth, that tyme quhair that scho 29,035 fand Ane lytill craig that la right neir the land, Within the se, quhairof scho wes richt fane. Syne all hir tyme thair scho did remane, In fasting, prayer and in oresoun, With mony wemen of relegioun, 29,040 In that same place, as my author did sa, Quhilk callit is Sanct Abbis heid this da. The sevin brether, of quhome befoir I tald, The first Eufred, the secund hecht Oswald: As for the laue, I like nocht to reherss 29,045 Of thair names heirfoir to put in verss; Bot as my authour did me mentione mak, Thir sevin brethir, of quhome befoir I spak, Into Scotland that tyme the war baptist, And weill instructit in the faith of Christ, 29,050 Be halie men of greit perfectioun, And mony vther of religioun. Sone efter that Ewgenius the king, The fyftene zeir the quhilk wes of his ring, He tuke his leif than bayth at gude and ill, 29,055 And grauit wes than in Ecolumkill.

OFF THE TUA HALLE MEN IN THA DAYIS, SANCT BONEFACE AND SANCT MOLOC.

Tua halie men that samin tyme thair wes,
Ane hecht Moloc, the tother hecht Boneface.

Thair sanctitude it war ouir lang to schaw
To me this tyme, gif I suld tell it aw,

Col. 1.

Col.

In Rosmarkie syne bureit baith in graue; 29,065 Quha lykis moir go thai and luke the lauc. Euge[n]ius, of quhome befoir I tald, Thre sonis had baith bellicois and bald: Ferquhard to name than hecht the eldest bruther, Fyacrius als callit wes the tother, 29,070 And Donald the zoungest of the thre. In Mona Yle that tyme within the se, Thir thrie remanit at the studie than, With the bischop that callit wes Conan, Vertew and science dalie for to leir, 29,075 In thair zouthheid befoir right mony zeir. Feacrius, that wes the secund bruther, Most abill wes that tyme of ony vther, And kest him ay to vertew and doctryne, Fra vices fled, to vertew did inclyne. 29,080 In him that tyme wes nocht for to accuiss, Syne at the last the warld he did refuiss: Sone efter syne, be auenture and chance, Richt quietlie he passit into France Fra kyn and kith, levand all wes his awin, 29,085 In vyle habite thair for to be vnknawin. Sone efter syne into ane quiet place, Predestinat to him be Goddis grace, Ane armit lyfe he levit mony da, Heir efterwart as I sall to zow sa. 29,090 His eldest bruther, Ferquhard hecht to name, Gottin of ane man and borne baith of ane wame, 1 Quhairof thair nature differt than richt far, In all this warld wist I neuir nane war Na wes Ferquhard, fra tyme he wes maid king, 29,095 Befoir, sensyne, or in his tyme did ring. For schame this tyme I dar nocht to zow tell, The greit mischeif into his tyme that fell,

¹ In MS. woman,

Col. 2

Of murthure, slauchter, reif and commoun thift, That nane micht thryve, nor zit haif e to thrift. 29,100 With greit discord amang the lordis als, Held nane vp heid bot he that culd be fals: With sic oppressioun baith of ald and zing, And all the falt wes in this vicius king. For ma vices thair rang into his cors, 29,105 Nor thair wes hairis on his grittest hors; And speciallie ane vice did in him ring, Quhilk rang neuir zit into na Scottis king, Fuill arrosie, as that my author writis, That he leirit fra kirkmen of the Britis, 29,110 Than be the Saxonis wes amang thame brocht, And tha for succour that tyme to him socht. Of quhome that tyme it was the commoun fame, The quhilk richt oft wes laid vpone his name, That baptizing regeneratioun, 29,115 The sacrament als of confessioun, He said richt oft, quhair he wald tell his taill, Tha war bot fenzeit and of litill vaill. The prelattis than, and all the men of gude, Displesit war guhen that that winderstude, 29,120 Sic commoning that tyme of thair king, That wes infectit with sa foull are thing. Thairfoir richt sone, with consent of thame all, Ane counsall set and hidder did him call; And he agane that did thair counsall heir, 29,125 Wes contumax, and sic wald nocht compeir, Wittand sa weill that he wes in the wrang. Syne in ane strenth, that stalwart wes and strang, He held him cloiss fra he thair myndis kend, Wald nocht compeir for na summondis tha send; 20,130 Within that strenth he held him thair stand still. The lordis all with ane consent and will, Richt sone are seig about the hous tha set,

With all ingyne that gudlie wes to get;

With litill lawbour syne the hous tha wan,
And in thair travell than tynt nocht ane man.
Syne tuke the king and put in presoun strang,
Fetrit richt fast, quhair he wes keipit lang
Closit in cuir, quhair he wes keipit weill,
With sicker men that wer als trew as steill.

29,140

How the Lordis of Scotland send in France for Feachius to mak him King.

The lordis syne in parliament togidder, Decretit hes for Feachar his bruther To send richt sone, and no tarie to mak, Quhome of befoir schort quhile to zow I spak, Far furth in France into ane heremetage, 29,145 Quhair he remanit sen he wes ane page, In prayer, pennance and penuritie, In fasting, walking and necessitie, In Goddis seruice right contemplatine, Remanit thair the terme of all his lywe. 29,150 Sone efter syne, throw fortoun and throw chance. This messinger is cumin into France: Feacrius, that of his cuming knew, Quhilk secreitlie the Halie Spirit him schew, Throw intercessioun that he hes maid than, 29,155 Transformit wes into ane lipper man, Abhominable to ony man to se, With plowkie visage, bowdin brow and bre. This messinger quhen he hes fund him so, Desyrit him no forder for to go, 29,160 Bot tuke his leve and left him thair allane: In Scotland syne passit is hame agane, And schew to thame the maner all and how, Ilk word by word as I haif said to zow. The samin tyme that done wes all this thing, 29,165 Into presoun this curst vnhappie king,

Throw greit dispair as Sathan to him schew, Richt suddanelie him awin self thair he slew, The threttene zeir quhilk wes than of his ring.

Thus 1 endit he that ill wnfaithfull king.

29,170

How Donewaldus was crownit King of Scottis efter the Departing of Ferquha[rd].

Donewaldus, syne efter he wes deid, His bruther syne wes crownit in his steid, Quhilk did reforme all faltis les and moir, That his bruther king Ferquhard maid befoir. The puir pepill he keipit vnopprest, 29,175 And held his kinrik in gude peax and rest. The secund zeir syne efter of his ring, Ane hecht Penda, that wes of Marchis king, And Gadwallane that king wes of the Britis, Baith in ane band, as that my author writis, 29,180 Edwynus, king wes of Northumberland, That samin tyme as ze sall wnderstand, Vincust in feild, for all his greit renoun, Depryving him baith of his lyfe and croun.

Lib.9, f.143b. Col. 1. How Donewaldus, the King of Scottis, send to Gadwallane, the King of Britis, and causit to restoir Elfridus Sone to his Heretage.

Fra that this cace to Donewaldus wes kend,
Ane herald sone to Gadwallane he send,
Richt famous wes, that tyme as to his freind;
Beseikand him richt curtaslie and heind,

¹ In MS. This.

Eufred, the sone of Edelfred befoir, On to his croun he wald agane restoir, 29,190 Quhilk wranguslie fra Edelfrid wes tane Be this Edwyn that laitlie now is gane: The landis all now of Northumberland, He wald resing into Elfridus hand, At the requeist of Donewald the king. 29,195 This Gadwallan content was of that thing. That samin tyme, as my author did sa, Thir kingis hes diuydit into tua Northumberland, baith firth, forrest and fell; Quhat wes the caus I can nocht to zow tell. 29,200 To this Eufride the northmest part tha gaif, To ane Osrik syne gaif the all the laif. Thir tua kingis, but stop or zit ganestand, With peax and rest rang in Northumberland; And, for the mair securitie of peice, 28,205 All weir and wrang and scisma to gar ceis, Osricus dochter, fair and zoung of age, This Eufridus hes tane in mariage.

How Osrik left the Faith of Christ.

This ilk Osrik, quhilk wes ane vicious man,
Richt sone efter ane wickit lyfe began.

The Cristiane faith, suppois he wes baptist,
Renuncit hes, and left the faith of Christ.

This Eufred all quhilk leirit at his loir,
Forzetand quyt all doctryne of befoir,
Into Scotland quhen that he wes¹ richt zing,
With Conanus and gude Eugenius king,
The faith of Christ he hes forzet full quyte,
And turnit, hes to ydolrie full tyte;

¹ In MS. that hes.

Wirkand the warkis of iniquitie,
Throw greit affectioun of affinitie 29,220
To this Osrik, and to his wyfe he had.
Wes neuir none war in no storie I red
Na wes thir tua, quhill that thair tyme mycht lest,
Kirk and kirkmen so far that tyme opprest;
And all vther that cristnit wes that tyme, 28,225
Accusand thame of Cristin faith as cryme,
Sum puneist soir, and sum tha pat to deid,
And vther sum tha flemit but remeid.
Lang thus tha wrocht, but stop or 3it ganestand,
Ouir all the partis of Northumberland. 29,230

HOW GADWALLANE AND PENDA SEND TO THIR TUA KINGIS TO CAUS THAME TO REFORME THAIR FALT.

And king Penda richt soir blamis and witis Thair negligence richt far into sic thingis, Promouit had sic tua vneristin kingis, Frutles but faith, cursit and Cristis fo, Col. 2. 29,235 Depredaris also of halie kirk also. This Gadwallane right oftsyis to thame send, Beseikand thame to leif sic falt and mend. And halie kirk to the awin stait restoir, Keipand the faith that the had tane befoir. 29,240 Thir tua kingis, richt cursit and misknawin, Fra tyme this charge on to thame bayth wes schawin, For wickitness so wranguslie tha wrocht, The messingeris that thame the bodwart brocht, Sum tha gart hing, and vther sum tha gart heid; 29,245 Sum to the kirk that fled to get remeid, * Baith kirk and queir tha set all into fyre, Within the girth syne brint thame bane and lyre.

Then Gadwallane, that king wes of the Britis,

And all the kirkis in Northumberland, And preistis als thair in that tyme tha fand, Tha brint thame ilkane in to poulder small, And syne the laif of kirkmen ane and all; And all the laif tha maid richt far to fle, That cristnit wes, or than like dogis die.

29,250

How all the Kingis in Albione mouit Weir aganis thir Tua evill Kingis.

Quhairof the kingis into Albione, 29,255 Commouit was at that tyme right far ilkone; Of that injure for to revengit be, Committit hes the haill auctoritie To Gadwallane, that king wes of the Britis; And all thair power, as my author writis, 29,260 Thir tua kingis with battell did persew, And vincust thame and mony Saxone slew. Syne put thame baith into ane presoun strang, Ay efter that quhair that tha la full lang; Syne throw dispair, dreidand for gritar pane, 29,265 In that presoun ilkone hes vther slane. Wes none of all moir speciall in the tyme, To be revengit of that cursit cryme, No gude Oswald, that tyme tytest of other Into the feild agane Eufrid his bruther. 29,270 Faithfull he wes thairby ze micht weill ken, And captane wes to all the Scottis men, And of thame had the haill auctoritie Come thair that da the Britis to supple, Be Donewald the quhilk war hidder send. 29,275 This ilk Oswald that da gat sic commend, With haill consent, but stop or zit ganestand, Tha maid him king of all Northumberland, For to succeid vnto king Edelfryde, His father wes befoir in to sum tyde. 29,280 VOL. II. U

Lib.9, f.144.

Col. 1.

How Oswaldus, King of Northumberland, send in Scotland for Clerkis to preiche the Faith.

This gude Oswald, quhen he wes crownit king, In Scotland send desyring sic ane thing At Donewald, that he wald to him send Devoit doctouris the faith of Crist best kend, Quhilk wer expert into the halie writ, 29,285 In theoligie and canoun law perfyte, His rude pepill to instruct and teiche, All neidfull thingis planelie for to preche. At the requeist of gude Oswald the king, This Donewald, quhome plesit sic thing, 29,290 With haill consent than of his lordis all, Ane famous clerk ane did Cormanus¹ call; In halie scripture richt expert wes he, Ane doctour als he wes in theoligie; To king Oswald he send into that tyme, 29,295 To clenge his kinrik out of all sic cryme. Quhair he remanit still compleit ane zeir, In teching, preching and devoit prayer, In greit laubour ilk da ouir all that land, Quhair litill frutt or fauour zit he fand; 29,300 For all his preching come bot hulie speid, And mekill mager gat als to his meid. The pepill quhilk wes of ingyne so rude, Of his preching full litill wnderstude: He schew to thame thingis that wer so hie, 29,305 The inwart secreittis of the Trinitie, Incomparable quhilk wes of excellence To thair wisdome and rude intelligence. The pepill all thairfoir, baith riche and puir, Quhat euir he said tha tuke bot litill cuir. 29,310

¹ In MS, Colmanus.

And quhen he saw that he culd cum na speid Of his purpois, nother in word nor deid, He tuke his leif, but stop or zit ganestand Come hame his wa agane into Scotland. Befoir the king and prelattis all togidder, 29,315 He schew to thame how first quhen he come hidder, Richt fruttles folk but ony faith he fand In all the partis of Northumberland; And how he went amang thame and he woik Ilk da be da moir travell [that] he tuke 29,320 To teiche and preiche, and halie scriptour reid, Syne of his purpois he culd cum no speid. Moir eith it war, he said, I bid nocht le, To bring the Bas and May out of the se, Na caus tha pepill of nature sa nyce, 29,325 To trow in Christ and for to leif thair vice. The prelattis all that tyme that war present, All in ane voce tha said with ane assent, No moir agane, as the culd wnderstand. To send to preche into Northumberland, 29,330 Amang the pepill of ingyne so rude, So weill the wist it wald turne to ne gude.

How Adanus repredit Cormanus of his Preching.

Ane halie bischop full of grauitie,

Amang thame all of most auctoritie,

Ane frutfull father, full of faith and fame,

The quhilk Adanus callit wes to name,

For suith, he said, it war ane greit pitie,

That gude Oswald withoutin help sould be

Left destitute into so greit ane thing,

That halie 'prince so lawlie and benyng.

To this Cormanus than agane said he:

"I dreid me, sone, thi greit subtillitie,

Col. 2.

- " Thy eloquence and preching wnplane,
- "Hes bene the caus thi laubour wes in vane.
- " Ane zoung stomack, suppois that it be rude, 29,345
- " It wald be fed with soung and tender fude,
- " And speciallie with sueit milk that war warme;
- " Of groiss meittis it ma tak skayth and harme,
- " Vsit befoir it wes nocht wont to be;
- " For quhen it is of most securitie, 29,350
- " Richt suddanelie it will, with litill schoir,
- " Evome agane all that it tuik befoir.
- "That wes the thing," he said, "sueit sone, I dred,
- "Tha haif done so thir folkis that thow fed;
- "Thy subtill sentence of ingyne so hie 29,355
- " Transcendit far thair small capacitie;
- "That wes the cause I trow, quha list to luke,
- " To thi talking so litill tent tha tuke.
- "Thairfoir," he said, "quha wald thair hartis wyn,
- "At plesand mater first tha man begin; 29,300
- " And plesandlie of hevinlie thingis schaw,
- "The quhilk it war most neidfull for to knaw,
- "That giffin war in precept and command,
- "In plane termis and eith to wnderstand,
- " Quhair of tha micht mater of plesance haif; 29,365
- " Syne efterwart at lasar all the laif,
- "That neidfull war, tha micht schaw thame till,
- " At all plesour with hartlie mynd and will."

How the King of Scotland and the Kirkmen causit Adanus to pas to Oswald the King.

The prelattis all war present thair ilk deill,
Thocht all ilkone that he had said richt weill,
And wes content to stand at his decreit;
Beseikand him, sen that he wes maist meit,
That he him self wald tak on hand sie thing,
For the plesour of gude Oswald the king.

Than Adanus, in presens of the lawe, 29,375 Wald nocht ganestand the counsall that he gawe; He tuik on hand that tyme to fulfill, To satisfie all thair desyre and will. Sone efter that, as ze sall winderstand, He passit syne into Northumberland 29,380 To king Oswald, quhilk him ressauit than, With all honour that he culd do or can. The lordis all siclike bath far and neir, And commoun pepill, come ilk da to heir This Adanus, his counsall wes so gude, 29,385 And plesand als quhen tha him wnderstude. Adanus than, as my author did wryte, In Saxone langage wes nocht richt perfyte, The quhilk to him wes greit impediment To schaw to thame quhat wes in his intent. 29,390 The king quhilk leirit, quhen that he wes zoung, The Saxone langage and the Scottis toung, Sevintene zeir fra his father wes slane, Continiewallie in Scotland did remane. Of Scottis langage he was als perfyte 29,395 As of his awin, and culd baith reid and wryte, And all the langage, to his pepill rude, Of Adanus, that the nocht wnderstude, Ilk word be word he schew to thame agane In thair langage, richt plesandlie and plane. 29,400 Quhairby that tyme, as I traist weill be trew, The pepillis hartis haill to him he drew; And did all thing that he gaif in command, At his plesour without stop or ganestand. That samin tyme, as that my author sais, 29,405 This Adanus he baptist in sevin dais, Of men and wemen into taill wntald, Then fyftene thousand baith of zoung and ald; With greit blythnes, baith of ald and zing, And speciallie of gude Oswald the king, 29,410

This Adanus that tyme without ganestand,

Lib.9, f.144b. Col. 1.

Wes maid bischop of all Northumberland. Richt mony men than of religioun And secular men of greit denotioun, To Adanus out of Scotland tha zeid, 29,415 Him to supple in his mister and neid, The faith of Christ amang thame for to plant, For in that land the kirkmen were rycht skant. Within schort quhile to sic vertew tha grew, Be his doctryne and miraclis that he schew, 29,420 Northumberland that samin tyme, we reid, Into the faith all Ingland did exceid. Syne fals Fortoun quhilk lattis no thing lest In ane stait, oft quhen that ane man is best, Traistand he is in most tranquillitie, 29,425 Throw hir fauour set on the guheill so he. Or euir he wit scho makis him to fall Doun fra the hight, garrand him light so law. The king of Marchis in the samin tyde, Callit Penda, of greit power and pryde, 29,430 In all his tyme that wes baith fals and sle, Had greit invye at the prosperitie Of gude Oswald, that wes baith lele and trew, Fenzeit ane caus, syne efter did persew This king Oswald with mort battell in feild, 29,435 Vincust his men, him self also hes keild. For puir invie, this gude Oswald the king Deit that da, and for na vther thing; Quhilk efterwart, that micht nocht weill be hid, Richt mony miracle in the partis kid; 29,440 Into his tyme wes countit amang kingis, Quhilk now in hevin amang the sanctis ringis In joy and blis, with greit blythnes and gloir, Withoutin end, and sall do euir moir.

¹ In MS. les.

How Donewaldus, throw Misgyding on the Water of Tay, was drownit in ane Boit.

Sone efter this that ze haif hard me say, 29,445
King Donewald vpoun the water of Tay,
Into ane bot, throw rakles misgyding,
The fyftene zeir quhilk wes than of his ring,
And of oure Lord fourtie zeir and fywe
And sex hundreth, agane the streme did strywe; 20,450
Quhair he wes dround into the samin quhile.
Syne efter that, syne into Iona Yle,
His bodie borne and bureit into graif,
With all honour put in amang the laif.

HOW THE HERETICK CALLIT MOHOMEIT DEIT.

Schort quhill befoir his dais war compleit, 29,455 The scismatik callit wes Mohomeit, In Arrabie closit his latter dayis, Gif all be suith heir that my author sayis. He was the first this foull faith that began, Quhairby this da thair levis mony man 29,460 But Christis law, or zit but Cristindome, Quhilk restitat ar fra the kirk of Rome, As Turkis, Pagane, and Seresane also, And mony vther in this warld mo. His lyfe and law quha lykis for to heir, 29,465 Pas tha thame self wnto sum man and speir, Moir lasar hes nor I haif to remane; Now to my purpois turne I will agane.

How Ferquiard, the Sone of Ferquhard foirsaid, wes crownit King of Scottis.

The bruther sone of this king Donewald,
Ferquhardus sone of quhome befoir I tald,
Nocht lang gane sync befoir as 3e haif hard,
This 30ung man also he callit wes Ferquhard,

Into Argyle with suord, sceptour and ring, Of Scottis thair wes crownit to be king. Or that he come to that auctoritie, 29,475 Richt large he wes and full of libertie; Fra that fassoun syne changit hes rycht far, And callit wes with all man father war, Gif war micht be, and war, and war agane. Heir I abhor for to report in plane 29,480 Sa mony faltis and vices as did ring Vncorrigill into this wnwyiss king. One halie bischop, callit wes Colman, And mony vther in the tyme wes than, For na command nor counsall tha him gaue, 29,485 No for requeist of lordis and the laue, He wald nocht mend of all that worth ane mytte, Quhairat his lordis had rycht greit dispyte; Ane counsall set how the suld him corrack, Decrettit syne in handis him to tak. 29,490 So had the done richt weill I wait as than, War nocht the counsall of this ilk Colman, Into the tyme quhilk said to thame and schew The hand of God suld schortlie him persew, Richt suddantlie, and with far scharper pane 29,495 Na thai culd do, he promeist thame rycht plane. And so it wes be ordenance diuyne, Within ane moneth at the hunting syne, Wnder ane buss quhair he sat him alone, With ane wod wolf wes bettin to the bone, 29,500 Into his syid ane deip wound and ane soir, Into his tyme quhilk mendit neuir moir. Thair wes no leich culd mak his panis les; Ilk da be da his dolour did incres, With foull fetor that wes intollerabill, 29,505 And humor als that wes abhominable;

¹ In MS. Within

Moir horribill als that tyme for till abhor, No canker, fester, gut, or zit grandgor. Tua zeir and moir, I bid nocht for to lane, He puneist wes still with sic cruell pane; Syne at the last his vices did repent, Confessand him with ane clene intent. The halie bischop callit wes Colman, His confessour quhilk in the tyme wes than, Confessit him of all his crymis clene; The sacrament of the altar betuene 1 Ressauit hes with clene and contreit hart; Syne suddantlie the cruell aufull dart Of dulefull deid, quhair that he la rycht warme, Persit his hart in this Colmanis arme. Thus endit thair this ilk Ferquhardus king, The auchtene zeir efter that he did ring. That samin zeir, gif I richt wnderstand, The halie bischop of Northumberland, Ane Scottis man richt faithfull of gude fame, Quhilk callit wes Adanus to his name, To king Oswald the quhilk befoir wes send, He tuke his leif out of this warld to wend. One holie bischop in Scotland wes than, Quhilk to his name that callit wes Fynane. This Fynanus into Adanus steid Succeidit syne sone efter he wes deid, And bischop wes maid of Northumberland, Richt mony folk befoir him quhair he fand, That vicius wes, suppois tha war baptist, With litill credence to the faith of Christ. Thair he on him dalie greit travell tuik,2 Out-throw the land vpoun his feit he woik, With mekle pane in mony sindrie rod, Instructand thame into the faith of God.

29,510

29,515

29,520

29,525

29,530

Lib.9, f.145. Col. 1.

29,535

29,540

¹ Bedene?

In eueric pairt quhair that he prechit in,
He causit thame to leve thair vice and syn,
And turne to Christ, and keip the commoun law,
Part for his love and vther part for aw
Of bitter pane, he schew to thame preichand,
Sould be reward quha keipit nocht command.

How the halie Man Fenanus Baptizit Penda.

The king of Marchis callit wes Penda, He baptizit him, as my author did sa, And syne confirmit with his awin hand, And all the laif that wes into his land. 29,550 And thus he wrocht wnto his latter end. Ouir all that land as it was right weill kend. The halie bischop callit wes Colman, Efter his deid succeidit to him than, Ane Scottis man befoir as I zow schew, 29,555 Ane greit doctour and full of all vertew, Bischop wes maid than of Northumberland, Fra Eborae north on to Sulwa sand; His greit vertew all vther did exceid In operatious baith of word and deid; 29,560 His sanctitude I can nocht to zow sa, Thocht I wald walk all ouir this samin da; I can nocht schaw, nor put heir into write, His perfectioun and halie lyfe perfyte; Ouir all the partis into Albione, 29,565 With greit instructione on his fit is gone. This Pendas sone, of quhome befoir I spak, Of this Colman the Cristiane fayth did tak; And mony vther of the Saxone blude He baptist hes befoir that war nocht gude. 29,570 Heir will I leve ane litill and remane, And to my storie turne I will agane.

¹ In MS. Pendeus.

Col. 2.

How Maldowyn, the Sone of Donewald, efter the Deith of Ferquhard, wes crownit King.

Efter the deith of Ferquhard, as I tald, Loung Maldowyn, the sone of Donewald, With haill consent into the samin quhile, 29,575 Wes crownit king of Scottis into Argyle. Ane lustie man he wes withoutin leis, In all his tyme had greit desyre of peice; With Brit and Pecht, and Saxone to also, He maid gude peax withoutin ony fo. 29,580 In all his tyme richt gude justice thair rang, Wes nocht ane wicht [that] durst do vther wrang. So hapnit it into the samin quhile, The Lennox men and nobillis in Argyle, With greit contentioun baith of lad and lord, 29,585 For litill caus fell into greit discord. The Ylis men, wer nychtbouris to Argyle, Tuike thair plane part into the samin quhile, And to the Lennox siclike Gallowa Tuke thair plane part, as my author did sa. 29,590 Richt mekle euill betuix thame had bene done, War nocht the king, quhilk maid remeid rycht sone With greit power, of quhome sic aw tha stude, That all the fauoraris schortlie to conclude, Of him that tyme so soir tha war adred, 29,595 To saue thame selffis on to the Ylis tha fled. The Ylis men quhilk of the king stude aw, Or he on thame suld execute the law, For to accuiss als of the samin cryme, The tratouris all tha tuke into the tyme, 29,600 And send thame bundin ilkane to the king; Quhilk efterwart he hes maid for to hing Vpoun ane gallous but reuth or remeid; Thus finallie thair endit all that feid.

Fra that tyme furth wes none so pert to prewe 29,605 Sic prattik moir, or zit ane vther grewe In work or word that wes agane the law, Of this gude king tha stude sa mekle aw. That samin tyme, as ze sall wnderstand, The bischop Colman fra Northumberland, 29,610 With mony kirkman in his cumpany, In Scotland come, and for the samin guhy, Will ze tak tent, as I sall tell zow heir, Ouir all the warld into that samin zeir, The pepill haill, for thair falt and offence, 29,615 War puneist sair with plaig of pestilence, Deand ilk da be thousandis out of number, And speciallie into the land of Humber. For that same caus this ilk Colmanus dred, And in Scotland than hame agane he fled, 29,620 Within the Ylis syne in ane abba, With his brether, as my author did sa; And in gude concord without sturt or stryfe, Remanit thair the laue of all his lyfe.

How the Saxonis and the Pechtis invaidit the Scottis, and of the manlie Defence agane of the Scottis.

Sone efter this the Pechtis in ane band,
And Elfridus king of Northumberland,
With all injure into the tyme tha dar,
Invaidit hes the Scottis than rycht far.
The Scottis als siclike to thame agane;
In thair defence wes mony Saxone slane.

29,630
Ane lang quhile so into sic stryfe tha stude,
On euerie syde quhill spilt wes mekle blude.
The king of Scottis that wes baith wyss and wycht,
That samin tyme wes murdreist on ane nycht

Be his awin wyfe, and to that same effect, Because of hurdome scho held him suspect. This cruell quene wes tane in the same tyme, And all the laif gaif counsall to that cryme; Syne in ane fyre, vpoun ane hill full hie, Tha war all brint that mony man mycht se. Thus endit he, as I haif said 30w heir, Than of his ring into the tuentie 3eir, And of oure Lord sex hundreth and fourscoir, And four 3eiris, withoutin ony moir.

29,635

29,640

How Eugenius the Fyft, the Sone of Dongarus, efter the Deid of King Ferquhard, wes crownit King of Scotland, and of his nobill Deidis.

Ane nobill man callit Eugenius, Fyft of that name, the sone of Dongarus, Quhilk bruther wes to this foirnamit king, Wes crownit than in Scotland for to ring. Quhilk to Edfrid king of Northumberland, Ane epistill send subscriuit with his hand With ane herald, desyrand at him peice, Quhilk Edfridus grantit him, but leis, Of this conditioun so he wald restoir The spulze all that tane wes of befoir, Be 1 Scottis men furth of Northumberland, And Pechtis als, guhilk wes baith of ane band, And he of thame sould desyr na redres Of oucht wes tane of Scottis mair or les; And ellevin moneth gif that he ast to haue Of peice and rest, and no moir for to craue. All this he did, withoutin ony leis, With fraudfull mynd dissimuland sic peice, As he that wes full of subtillitie, Onto the tyme that he micht reddie be

29,645

Lib.9,f.145b, Col. 1,

29,650

29,655

29,660

¹ In MS. The.

With mort battell the Scottis till persew. 29,665 Eugenius, that weill his purpois knew, Commandit hes with diligence and cuir, For till abstene fra all wrang and injure, Fra Edfridus and the Pechtis also, Quhill tyme of trewis war passit and ago. 29,670 Als gaif command that tyme to euerie man, For to prowyde also gudlie as he can, For hors, harnes, and al sic ganand geir, That neidfull war into the tyme of weir. Or the tent monet[h] passit wes compleit, 29,675 This Edfridus quhilk reddie wes and meit For mort battell, with all thing as him lest, He causit hes withoutin ony rest, Full mony Saxone efter on ane da, Richt mekle gude tak out of Gallowa; 29,680 And sindrie men into the tyme tha slaw, That maid defence their guidis to reskew.

How Eugenius send to Edfridus, Askand Redres of the Spulze that he tuke Awa.

Eugenius quhen that he knew that thing,
Ane herald send to Edfridus the king,
Askand agane the spulze to restoir,
Be the conditioun maid wes of befoir.
Siclike the men for to deliverit be,
The slauchter maid, to his auctoritie,
As ressoun wald, for to be in his will,
On to quhat pane that he wald put thame till. 29,690
Quhen this wes said, the quhilk wes all in vane,
This Edfridus this ansuer maid agane;
"Gude freind," he said, "to the I say full suir,
"This tyme to yow we haif done na injure,

¹ In MS., et postea, Egfridus.

Col. 2.

" For-quhy," he said "it is in oure defence, 29,695

" Befoir to ws ze did sic violence

" In tyme of peax and wald no mendis mak;

" Sen lefull is agane to ws to tak

" At our awin hand, sen ze will keip no law,

" For band or aith, for seill or 3it for saw. 29,700

"Thairfoir," he said, "yow sall gif traist to me,

" Of yow no way sen we can sicker be,

" Within aucht dais, and I be levand man,

" In your boundis with all power I can,

" I sall persew 30w baith with fyre and blude; 29,705

" Tak thair thi ansuer schortlie to conclude."

How Eugenius, the King of Scottis, passit in Gallowa with ane Armie aganis the Saxonis and Pechtis.

Eugenius, quhen he this ansuer knew,
Ilk word be word as the herald him schew,
Held vp his handis to the hevin on hicht,
Beseikand God that all perrell and plicht 29,710
To licht on him and on na vther man,
In quhome that fraude and falsheid first began.
Contraccit syne ane greit power togidder,
Quhairto that tyme wes no man laith no lidder,
Baith 3 oung and ald that waponis docht to 29,715
weild,

On fit and hors to follow him on feild. To Gallowa syne tuke the gait full rycht, With staitlie standertis streikit vpone hycht. King Edfridus, or he came thair befoir, And king of Pechtis with mekle bost and schoir, 29,720 By the se coist with all thair power lay, Segeand ane castell callit wes Dunskey. This Edfridus that tyme quhen he did heir The king of Scottis cumand wes so neir,

He left the seig and passit to the feild, 29,725
With mony man that waponis weill culd weild,
The quhilk in battell oft befoir had vse,
And met the Scottis on the water of Luse,

HEIR FOLLOWIS THE ORDOUR AND MANER OF THE GREIT BATTELL BETUIX EUGENIUS AND THE SAXONIS.

With mony baner brodin wes full bricht, Lyke ony lanterne kest ane aureat lycht, 29,730 And staitlie standertis streikit in the air, Agane the face of Phebus flamand fair. The Scottis als vpoun the tother syde, Decernit wes in battell for till byde, Of thair injuris to revengit be, 29,735 And neuir ane fit out of that feild to fle, Suppois thair lyvis sould all be forlorne; Thairto ilkane war bayth oblist and sworne. With baneris braid that brodin wer all new, With gold and siluer, and with asur blew, 29,740 Palit with purpure, plesand and perfite, Quhair on to luke it was an grit delyte. The trumpettis blew with sic ane mirre sound, Quhill that thair beir gart all the bankis rebound. The bowmen bald syne enterit in the feild; Thair scharp schutting hes schorne mony scheild, Doand grit skayth in the breist of the oist, Quhair throw richt mony in the tyme wes lost.

How the Pechtis fled or the Feild enterit.

The Pechtis all, or euir the feild did june,
In rayit battell till ane montane sone,
Quhat wes the caus I can nocht to 30w sa,
In rayit feild tha fled rycht fast awa.

Quhen Saxonis saw the Pechtis war all fled, Doutles that tyme tha wer rycht soir adred; Quhairfoir abak tha zeid ane litill we, With greit apperance that the suld all fle. This Edfridus thairof wes nocht content: Amang his men, to gif thame hardiment, With bair visage he passit to and fro, Quhair perrell wes he sparit nocht till go; Syne at the last, throw auenture and caice, With ane arrow wes woundit in the face, With [sic] power that persit hes his heid, Syne af his hors amang thame fell down deid.

29,755

Lib.9, f.146. Col. 1. 29,760

How Eugenius vincust the Saxonis in Feild.

The Scottis than all with ane cry and schout, 29,765 That in that tyme war baith stalwart and stout, Vpoun the Saxonis dourlie that tha dang, With sic ane reird quaill all the rochis rang. Langar to byde the Saxonis had no micht; Out of the feild tha fled and tuke the flicht. 29,770 The Scottis fast syne follouit on the chace, And vp and down in mony sindrie place, In eueric pairt quhair that tha war ouirtane, Of Saxone blude thair chapit neuir ane. Richt mony than, to swome that had na vse, 29,775 Wes drownit that da in the water of Luse. Tuentie thousand, as my author did sa, Of Saxone blude deit thair that da, That stalwart [war] sum tyme to mak ganestand. And Edfridus, king of Northumberland, 29,780 For his falsheid, as it wes richt weill kend. Amang the laif he maid ane febill end. Sex thousand Scottis in the samin tyde, Deit that da vpoune the tother syde. VOL. II.

 \mathbf{x}

Eugenius, with greit honour and gloir,
Of that grit feild the spulze les and moir,
To euerie man efter his facultie,
Richt equallie distribut than hes he,
To euerie man efter his regard,
And gaif amang thame mony riche reward.

29,790
Syne passit hame, with greit triumph and glore,
To the same place that he come fra befoir.

How King Brudeus, efter the Saxonis had tynt the Feild, passit and destroyit all Northumberland.

King 1 Brudeus of Pechtis quhen he knew, In that battell that laitlie wes of new, Sa mony Saxone slane wes in the feild, 29,795 Of Edfridus the king also wes keild, And of the Scottis sa mony wer slane, That eselie the micht nocht weill agane To thair strenthis within schort quhile restoir, With sic power as the had befoir. 29,800 Thairfoir richt sone, but stop or zit ganestand, He enterit hes into Northumberland, With all the power that he douch[t] to be, Crabit and kene, full of crudelitie; Quhilk vsit [hes] that tyme into his yre 29,805 Richt greit distructione baith of blude and fyre. The sault name befoir theme that the fand, Ouir all the pairtis of Northumberland. With greit oppressioun in that tyme tha wrocht, Northumberland had all bene put to nocht 29,810 Richt haistelie, I wat rycht weill as than, Had nocht bene Cuthbert that same halie man,

In MS. Kingis.

29,815

Throw his requeist and wayis that he fand, Quhilk bischop wes than of Northumberland, Throw his prayer he mesit hes his yre, And stanchit hes baith battell, blude and fyre.

Col. 2.

How that the Pechtis discordit amang thame SELFFIS.

Sone efterwart, as my author did sa, Amang thame self, for pairting of the pra, Richt suddanelie tha fell into greit stryfe, Quhair throw that mony loissit hes the lyfe, 29,820 And mony berne als for to bleid full braid, Amang thame self richt mekle slauchter maid, That force it wes, gif I rycht wnderstand, Pas hame agane and leve Northumberland. Schort quhile efter that done wes all this thing, 29,825 Eugenius, the fourt zeir of his ring, With greit murning, as that my author sais, Of euerie man, closit his latter dais. His bodie syne with all honour tha buir To Iona Yle and put in sepulture. 29,830

How Eugenius the Saxt, and Sone of Fer-QUHARD, EFTER THE DEID OF THIS ILK EU-GENIUS, WES CROWNIT KING OF SCOTTIS, AND OF HIS NOBILL DEIDIS.

This beand done befoir as ze haue hard, Eugenius the sone wes of Ferquhard, The saxt king also wes of that name, With Adanus ane father of greit fame, That bischop wes that tyme of Mona Yle Wnder his cuir he wes into that quhile, With haill consent of all man to sic thing. He crownit wes of Scottis to be king.

29,835

Col. 1.

Deuoit he wes, as that my author sais; Greit honour als he did in all his dais 29,840 To kirk and kirkmen quhill his tyme mycht lest; The puir pepill he keipit wnopprest, In peax and rest quhair euir tha lest to go, With euerie lord weill louit wes also. The halie bischop callit Adanan, 29,845 Of Mona Ile the quhilk wes bischop than, And bischop Cuthbert of Northumberland, Thir tua togidder baith into ane band, Causit this king gude peax and rest to mak With all Saxone, and trewis for to tak. 29,850 Bot for na thing that the culd sa or do, With Brudeus he wald neuir grant thairto Trewis to tak, for-guly tha wer so fals To Scottis ay and to the Saxonis als; As previt weill schort quhile befoir in deid, 29,855 Left thame in feild guhen that the had most neid. it neuirtheles thir holie bischopis than, With denoit mynd and all the cuir tha can, Greit diligence tha haif maid nycht and da, For gude concord betuix thir kingis tua. 29,860 So at the last reveillit wes thame till, As plesit God that tyme he wald fulfill, Thir kingis tuo ilk other sould invaid, Lit for their saik sic intercessioun maid, It grantit wes be gratius God so hie, 29,865 Betuix thame tua na mort battell suld be. And so it was with make sturt and stryfe, Lib.9, f.146b. For all the tyme of this Eugenius lyffe, With mekill sturt and euerie da on steir; Quhill of his ring syne efter the tent zeir 29,870 He tuke his leve and passit to the laif;

In Iona Yle syne closit was in his graif.

How Ambrigillus, the Sone of the Fyft Eugenius, efter the Deid of this Eugenius, was crownit King.

Efter his deith with haill consent and will Of euerilk man, ane callit Ambrigill, Quhilk wes the sone of fyft Eugene the king, 29,875 Wes crownit than in Scotland for to ring. Befoir this tyme with ilk man wes weill lude, So gentill wes, so gratius and so gude, So leill, so large with liberalitie; Syne guhen he come to sic auctoritie, 29,880 Ane war king syne, as that my author sais, In Albione wes nocht into his dais. His vicis all I list nocht now to number, For-quhy to me it war ouir mekle cummer. Of sic rehers thairfoir heir will I rest, 29,885 Sen gude it is ay for to say the best. The king of Pechtis, callit wes Garnard, Off Ambrigillus quhen he knew and hard With his liegis all how he wes ill lude, And speciallie with grittest men of gude, 29,890 Traistand his tyme wes than most oportune, For to revenge injuris that war done To him befoir, without stop or ganestand. With ane greit oist he enterit in his land; And greit distructione in the tyme he maid, 29,895 Birnand thair boundis that war lang and braid. The Scottis lordis, quhen tha hard and knew So greit distruction maid wes of the new, Convenit thame with thair king Ambrigill, And causit him, richt sair agane his will, 29,900 Than for to pas with all power and micht, Agane his fa for to defend his richt. Syne vpoun Tay, besyde ane lytill toun, Remainit thair and set thair palzeonis down.

That samin nycht this ilk king Ambrigill,
With tua feiris that he had chosin him till,
Onto the closit quyetlie zeid he
Richt secreitlie to his necessitie.
Be auenture as he wes sittand thair,
Ane small arrow, that scharpe as rasour schair,
It maid his hart that tyme to brek and brist;
Bot quha it wes thair wes zit nane that wist.
The secund zeir of this ilk kingis ring,
So endit he that doucht bot litill thing:
To Iona Yle than had wes to the lawe,
With all honour wes graithit thair in graue.

How Eugenius the Sevint, and Bruther of this Ambrigill, efter his Deid wes crownit King.

With haill consent [than] baith of ald and zing, Of Ambrigill the bruther als wes he, Wes chosin than thair king and prince to be, With haill consent of young and ald than bayth, Into that tyme that the sould tak ne skaith, Perfitlie than so that he might provide The haill armie for to convoy and gyde. This king Eugene richt weill he kend and knew, 29,925 Col. 2. For to gif feild that time he wes ouir few. For that same caus are schort trewis tuik he, Quhill efterwart gif so hapnit to be Peax and rest betuix thame for to mak: Of this titell betuix thame trewis tha tak. 29,930 This beand done, as ze haif hard me sa, Ilk man tuke leve and passit hame his wa. Tak tent to me and ze sall heir me tell Of sick freindschip betuix thame efter fell.

Eugenius, of that name the sewint king,

¹ In MS. his.

How Ewgenius waddit Garnardus 1 Dochter.

Sone efterwart, as my author did sa, 29,935 Garnardus dochter callit Spontana, Of pulchritude richt plesand and decoir, For to conferme the trewis tane befoir, And for that caus moir kyndnes thame betuene, Eugenius hes² tane to be his quene. 29,940 Syne sone efter into the secund zeir, It hapnit sync as I sall say 30w heir. Into Atholl condampnit wes ane man, And put to deid, quhilk wes of ane grit clan; Tua sonis had wes of ane cursit kynd, 29,945 Thair fatheris deid thai buir ay in thair mynd, Into thair hart ascending ay so hie, Off that injure for to revengit be. Syne secreitlie, sone efter on ane nycht, Tha slew this quene wnwist of ony wicht, 29,950 Into hir bed, saikles of all sick thing, Troward that tyme that scho had bene the king. Sua of thair pra thai war richt far begylit, Slayand this quene consauit greit with child, To fyle thair handis with so greit ane cryme, 29,955 Syne of thair purpois come no speid that tyme. This cruell caice quhen it wes herd and knawin, To all the lordis of the realme syne schawin, The wyit and caus of all that cruell thing The pepill put alhaill vooun the king, 29,960 Richt sone gart set ane counsall in the tyme, For till accuiss him of that samin cryme, As he the wyit of all that thing had bene, With euerie man so louit wes the quene. Syne as God 3 wald, thir folk tha[t] so offendit 29,965 That same tyme wer ilkane apprehendit.

¹ In MS. Gernardus.

² In MS. had.

³ In MS. gold.

Lib.9, f.147. Col. 1.

Befoir ane juge syne broch[t] into the tyme, Convictit wes thair of that cruell cryme, Syne on ane gallous hangit war full he, And doggis meit all efter maid to be. 29,970 The pepill all richt blyth wes of thair king, That he wes fund so saikles of that thing; And had nocht bene the bischop of Annane, Quhilk causit him to pretermit as than, He had persewit scharplie in the tyme 29,975 The lordis all that put to him sic cryme. Thairof that tyme he clengit wes richt clene, For so God wald are innocent had bene. Eugenius syne efter all his dais In peax and rest, as that my anthor sais, 29,980 With Pecht and Saxone all his tyme was he: Ane man he wes of greit vrbanitie. Of his faderis preceidand him befoir, Of ill and gude thair deidis les and moir, He gart collect togidder in ane storie, 29,985 That the suld be in euir lasting memorie. Thair nobilities and all thair duchtie deidis, That euerie [man] that heiris thame or reidis, Wisdome ma leir, and suith exempill tak Honour to win and to wmschew greit lak. 29,990 Of Romanis, Saxonis, Pechtis and of Britis. Collectit hes siclike, my author writis, In Albione thair deidis les and moir. Onto that da preceidand him befoir. In Iona Yle syne in Ecolumkill, 29,995 Put thame to keip at all plesour and will: That euerie man quha lykis for to reid, Micht efterwart knaw his foirfaderis deid.

OFF [ANE] HALLE SCOTTIS ARMEIT CALLIT DONE-WALD.

That samin tyme, as my authour me tald, Ane Scottis man wes callit Donewald, 30,000 Amang the Pechtis in Orestia, In wildernes he duelt richt mony da. In grit pennance ane scharpe lyfe thair he hed, With breid of beir and cald water wes fed; Quhairof that tyme rycht weill content wes he, 30,005 Onis of the da for to refreshit be. Nyne dochteris als into that tyme he hed, Of siclyke fude the samin tyme wes fed, Quhilk virginis wer withoutin ony blame, The eldest hecht Mazota to her name, 30,010 The secund sister callit Fyncana; Quhat hecht the laif I cannot to zow sa, For-quhy my author schew thame nocht to me; Thair namis now thairfoir I will lat be. Of thir virginis, bot gif my author leid, 30,015 In legend of [the] virginis that I reid, I fand neuir zit in no autentik write, Of nane vther moir holie and perfyte. Efter the deid thair of thair father syne. Be ordenance of the greit God devyne, 30,020 Tha war promouit till ane vther place At will and plesour of the kingis grace. Ane greit village hecht Othilenia, Quhilk Abirnethie callit is this da, The kirk of Pechtis metropolitane, 30,025 Into the toun foundit and feft wes than; Translatit syne into the Scottis dais To Sanct Androis, as that my author sais. The king 2 of Pechtis, quhilk Garnard hecht to name, Thir nyne sisteris quhilk wer of so greit fame,

¹ In MS. fatheris.

² In MS. king king.

Col. 2.

At their request are proper mansioun He biggit thame into that samin toun, With kirk and queir, to sing and for to sa Thair observance and ouris of the da, Thair tha remanit lang and mony zeir, 30,035 In fasting, walking, and devoit prayer, With perseuerance to thair latter da. Syne erdit 1 all, as my author did say, Wnder ane aik that wes baith grit and hie, Quhilk standis zit as sum sais to se. 30,040 Eugenius, of quhome befoir ze hard, That weddit hed the dochter of Garnard. Tha keipit ay richt gude affinitie, In peice and rest with lufe and cheritie, In gude concord withoutin ony feid; 30,045 Schort quhile befoir thir halie virginis deid, This king Eugene with all humanitie, Come to thair place thair observance to se, For the greit fame of halines tha had, Quhilk in the tyme ouir Albione it spred. 30,050 This king Garnard, quhilk hapnit to be thair, And all his lordis with him baith les and mair, Ressauit him richt blythlie and benyng, With all honour pertenyng to ane king, With greit triumph, with mekle pla and sport. 30,055 Bot sic vane gloir, the quhilk lestis richt schort, It endit sone with cair and greit murnyng. Within schort qubile this ilk Eugenius king, That samin tyme assaillit wes so sair With greit seiknes, that he micht leve na mair, 30,060 Quhilk of his ring wes than the sevint zeir. With mony lord his bodie on ane beir, In Iona Yle quhair that the buir him till, He bureit wes into Ecolumkill.

¹ In MS. endit.

How Murdo, the Bruther Sone of this Eugenius, efter his Deid, was crownit King of Scottis.

His bruther son, efter that he wes deid, 30,065 Callit Murdo, succeidit in his steid. Ane man he wes of religiositie, For all his tyme with greit tranquillitie With his nichtbouris in peice and rest he rang, But outwart weir or ony inwart wrang. 30,070 The kirk of Christ he gart agane restoir Till all fredome sic as it had befoir. The kirkis [all], the quhilk war fallin doun In weir befoir, and brocht to confusioune, Than tuyss also weill he biggit hes agane, 30,075 With neidfull thingis for preistis to remane, Thair observance thairfoir to say and sing, That neidfull ar that the sould want nothing. Into Quhiterne alss in the samin tyme, Ane fair tempill biggit of stane and lyme, 30,080 Quhilk in greit weir distroyit wes befoir; Syne feft he hes, thair to remane euir moir, Religious men thairfoir to sing and sa, Quhilk religioun remanis thair this da. Syne efterwart quhen endit wes this thing, 30,085 The saxtenit zeir that tyme of his ring, He tuke his leif than baith at gude and ill, And grauit wes into Ecolumkill.

HOW ETHEYN, THE SONE OF EUGENIUS THE SEVINT, EFTER THE DEID OF MURDO, WES CROWNIT KING.

Ane nobill man that callit wes Ethfyn, With haill consent of all baith mair and myn, 30,096 Of sevint king Ewgene sone also wes he, And crownit king of Scotland for to be. Col. 1.

In all his tyme he louit weill ay peice, All weir and wrang he causit for to ceis; Thift and reif, and all sic oppin cryme, 30,095 Durst nocht be vsit intill all his tyme. In Albione wes nocht ane better king, Qubill he micht steir or had zoutheid to ring. Syne efterwart he grew into sic eild, As he wes wont he micht nocht walk on feild; 30,100 Sic travell than he micht nocht weill induir, To foure lordis thairfoir he gaif the cuir, With haill consent of all the lordis than, The lord of Athole callit wes Colan. The secund, Donald lord wes of Argyle, Conraith of Mar quhilk lord wes in that quhile, The fourt, Murdo lord wes of Gallowa; Lib.9, f.147b. On thir four committit wes alwa To reull and steir all Scotland at thair will, With equale justice baith to gude and ill. 30,110

HOW ANE MAN IN THE YLIS, CALLIT DONALD, REBELLIT AGANIS THE KING THAT TYME.

Sone efter this, as my author me tald, Ane of the Ylis callit wes Donald, Ane plesand persoun and of large stature, **2** it neuirtheles he wes rycht euill of nature; In all his tyme he lukit neuir to ressone, 30,115 Bot thift and reif, murthure and opin tressone; In Gallowa he wes committit than, With grit oppressioun of richt mony man. Ane lang quhile so at his awin will he wrocht, And mony man he to confusioun brocht. 30,120 This lord Murdo, that regent wes that tyme, Maid na remeid agane that cruell cryme, At his awin plesour thoullit him rebell, Quhat wes the caus I can nocht to zow tell;

Bot sum man said, quha lykis for to reid,
Himself wes causs of all sic wickit deid,
Quhairof he thocht richt litill schame or syn.
That samin tyme the agit king Ethfyn
Departit hes, quhilk wes ane nobill king,
The threttie zeir and no les of his ring;
To Iona Yle the lordis syne him buir,
Amang the laue put him in sepulture.

How Ewgenius, the Sone of King Murdo, wes crownit efter the Deid of the King Etheyn.

Eugenius, the sone of king Murdo, The auchtane king wes of that name also, At ane counsall togidder in Argyle, 30,135 Wes crownit king into that samin quhile. Sone efter syne that he wes crownit king, Richt diligent he wes in that same thing; Nycht nor da na sojorne wald he mak, This ilk Donald qualil that he hes gart tak, 30,140 And all the laif that caus wes of that cryme; Syne on ane gallous in the samin tyme, He maid thame all without remeid to de. Sone efter syne of his auctoritie, This lord Murdo, of quhome I spak befoir, 30,145 Accusit hes of all thing les and moir That Donald did, giffand him wyte of aw, For he on him wald nocht exerce the law; Quhairfoir he said he had moir wyte no he, And for that caus condampnit wes to de. 30,150 The tother thre of regentis gart accuiss Sone efter that, becaus the wald not vss Justice and law be thair auctoritie. As wes decreitit for that tyme to be;

And speciallie for caus that [thai] no wald Resist the wrang than of this ilk Donald, The quhilk that tyme tha war oblist to do. And the agane sic ansuer maid theirto, Sayand no wyit theirof to theme redundis, For-quhy sic wrang wes nocht done in their boundis,

30,155

30,160

And the aucht bot ansuer for to mak,
Of no moir cuir nor the did wndertak.
Be sic ressoun that tyme the fand remeid,
Quhairby the war deliuerit fre deid;
3 it neuirtheles for their grit negligence,
Wald nocht resist agene so greit ane offence,
Or that the culd be clengit of that cryme,
Richt mekle gold the gaif into the tyme
Onto the king, or that thei culd be fred

30,165

Onto the king, or that that culd be fred

Out of that feid and of thair purpois sped.

This beand done withoutin ony ganestand,

Thair wes no lord that tyme in all his land,

That for his lyfe ane vther durst injure,

Or be so pert for to oppres the puir.

Quhairfoir that tyme rycht weill louit wes he

With auld and zoung of hie and law degre,

And as thair father in that tyme had bene;

Wes none so maid that durst euill of him mene.

30,170

30,175

How the King Eugenius sone efterwart changit fra ane nobill Prince to ane

Sone efter syne, as my author did wryte, I can nocht tell thairof quhat had the wyte, He changit syne into ane vther man, And left the way in quhome he first began. With fornicatioun far he wes infeccit, With auerice so blindit and so blekkit.

TIRRANE.

30,180

He countit nocht quhair riches wes to wyn,
At richt or wrang be 1 conscience to begyn.

Set at the last befoir his lordis all,
Ane innocent for to condamne gart call,
For his riches to put him self to deid.

Quhairfoir thair raiss greit murmour in that
steid,

With sic ane schout, and sic ane schouder and schow.

That euirilk one that tyme zeid other throw:
All this that tyme wes done bot for ane trane,
With sic ane slicht quhill that the king wes slane.
Amang thair handis deid thair he fell doun, 30,195
The thrid zeir efter that he tuike the croun.
His ill counsall in handis all were tane,
And on ane gallous maid to de ilkane;
His bodie als into the samin quhile,
Wes borne and bureit in to Iona Yle. 30,200

How Fergus the Thrid, the Sone of Ethfyns, efter Eugenius, was crownit King of Scottis.

Ethfyns sone with haill auctoritie,
Fergus the thrid than of that name wes he,
Efter the tyme that king Eugene wes deid,
He crownit wes syne efter in his steid;
And fit be fit vpone king Eugen[i]us tred 30,205
He follouit syne, of him gif I richt red.
In all his tyme wes neuir nane 3it war,
To fornicatioun affectit wes so far,
Puttand his plesour into euerie huir,
That of his wyfe he tuke richt litill cuir. 30,210
His quene thairof richt grit displesour tuik,
And mony nicht at his bed syde scho woik,

In MS. he.

Lib 9, f.148. Col. 1.

Beseikand him that he wald nocht sa do: And he agane tuik litill tent thairto, Bot ay the mair fulfillit his delyte, 30,215 Takand him plesour and full appetyte. This quene seand thairof he wald nocht mend, Throw greit rancour did in hir hart ascend, Into the nicht the thrid zeir of his ring, With hir handis scho murdreist this ilk king: 30,220 And so that tyme scho plaid him lill for law; Gif scho did weill God wait or nocht ze knaw. Vpone the morne the kingis corss wes deid, Tha brocht it furth into ane opin steid, Into the presens of the pepill aw, 30,225 Quhair tha war wont to execute the law; And of his seruandis mony tuke that tyme, 30,230

Accusand thame right planelie of that cryme, Qubill tha war neir condampnit to [the] deid, Without delay but respit or remeid, As that tyme the culd mak then no defence. The guene richt weill that knew thair innocence, Into hir hart scho had richt greit petie For hir awin deid to se thame saikles de. Befoir thame all scho did hir than confess, And euirilk thing scho schew thame moir and les, How that scho did, and als the caus quhairfoir, Ilk word be word scho schew thame les and moir. Befoir thame all scho tuik on hir that tyme, Tha men wer all rycht saikles of that cryme: 30,240 Quhen scho had said, ane lytill knyfe scho drew, Thairwith hir self rycht suddantlie scho slew, To put hir self out of that pley and pleid; Amang thame all syne to the ground fell deid. The kingis cors into the samin quhile, 30,245 The built and bureit in to Iona Yle.

How Solwatheus, the Sone of Eugenius, efter the Deid of this Fergus, wes crownit King of Scottis.

Ane nobill man callit Solwatheus, The sone also wes of Eugenius, Off that ilk name that wes the auchtane king, Wes crownit than in Scotland for to ring. 30,250 Ane man of gude in all his tyme wes he, Fra that he come to sic auctoritie. The wynter syne wes efter that thre zeir, Into the snaw at hunting of the deir, The fervent frost so bitter wes and bald. 30,255 Into the tyme with sic acces of cald, Wnder the wand allone quhair that he woik, The podagra in baith his feit he tuke: Quhair throw he wes vnabill all his dais, To ryde or gang, as that my author sais. 30,260

How Makdonald rebellit aganis the King.

In this same tyme that I haif to 30w tald,
Ane of the Ylis callit Makdonald,
Into ane Yle that callit wes than Tyre,
Quhairof that tyme he wes bayth lord and syre;
Ane man also of greit auctoritie,
Of all the Ylis in his tyme wes he;
Richt circumspect he wes intill all thing.
And quhen he hard and knew weill that the king
With seiknes vexit in the tyme wes so,
So soir that he micht nother ryde nor go,
The strenthis all into the Ylis ilkone,
Be strenth and falsheid in the tyme hes tone.

¹ In MS. Kyntyre.

Col. 2.

So¹ grit desyre he had of staitlie stylis, Callit him self the king of all the Ylis: The Ylis als, withoutin pleid or pley, 30,275 On force that tyme he gart thame all obey. Quhairof that tyme he culd nocht be content; Sone efter syne he come in continent, First into Lorne, syne efter in Kintyre, With greit distructione bayth with blude and 30,280 fyre. Solwatheus, als fast as he that wist, Sone hes he send his power to resist The lord of Athole, callit wes Duchquhain, And of Argyle the lord callit Cullain. Syne into Lorne within ane litill space, 30,285 Off this Banis tha maid ane haistie chace Out of the feild, quhair mony men wer slane Off his that da la deid voun the plane. Banis Makdonald, quhen he tint the feild, He and his men that levand war wnkeild, 30,290 Richt speidelie tha sped thame in the tyde, On till ane strenth that wes neirhand besyde, Betuix ane watter and ane hingand hewche, Wes closit in with mony craig and clewche; Except ane entrie closit round about, 30,295 Bot at that place mycht nane wyn in na out. This ilk Banis into that strenth he la, His contra part than keipit that entra: Without thair leve micht nane pas out na 2 in,

How Banis send to the Lordis for Peax.

Quhen Banis saw it mich[t] na better be, That force it wes of hunger for to de,

The entrie wes so strang and euill to wyn.

30,300

In MS. To.

² In MS. outwa.

Or for to cum into thair grace and will, Richt suddantlie than hes he send thame till. Sayand, the sould rycht sone and suddentlie, 30,305 All kynd of armour in that place cast by, And waponis als, with bow, sword and knyfe, Into that tyme sa tha wald saue thair lyfe, Syne lat thame fre in the Ylis hame go. Of that condition and the wald do so, 30,310 Richt suddantlie tha sould all cum thame till, And at their plesour put theme in their will. Thir tua lordis that knew full weill that cace, How tha war lokkit in so strang ane place, With mony craig wes closit round about, 30,315 And but thair leif weill mycht tha nocht wyn out, And force the caue that tyme [thairin] to be Into that same place of hunger for to de, Or than to cum and put thame in thair will, On to quhat pane that pleis to put thame till; 30,320 To thair desyre tha wald not grant ane word, Without ilkane come with ane naikit sword Vpoun his kne, withoutin pley or pleid, And in thair willis offerit vp his heid, As plesit thame other to saue or sla. 30,325 And the agane the quhilk wald nocht do sa, Bot gaif thame battell haistilie agane, And faucht that da quhill tha war ilkane slane. Sone efter syne quhen that the feild wes done, Thir tua lordis passit hes richt sone 30,330 Onto the Ylis with thair power plane, And put thame all in peax and rest agane. In the same tyme that I haif to yow tald, Joung Gillecam, the sone wes of Donald, Eugenius of that name the aucht[ane] king, 30,335 Schort qubile befoir, as 3e haif hard, gart hing,

To be revengit of his faderis deid, In Gallowa richt mony toun and steid, Weill biggit war, hes brint all in ane fyre, Bayth hall, chalmer, baghous, barne and byre. 30,340 Thir tua lordis, of quhome I schew befoir, This Gilleguham and his men les and moir, Sone efter that, withoutin ony hurt, Tha tuke thame all with litill pane and sturt, Syne maid thame all voone ane gallous de: 30,345 To his reward sic end that tyme maid he. Lib.9, f.148b. In this same tyme, as that my author writis, Betuix the Pechtis. Saxonis and the Britis Dalie in weir and mekle stryfe tha stude, With heirschip, fyre, and spilling of thair blude. 30,350 That wes the caus, my author sais but leis, So[l] watheus had so greit rest and peice, In all his tyme but ony weir or wrang, For tuentie zeir the tyme wes that he rang. And quhen tha zeiris war completit and no mo, 30,355 He tuke his leif out of this lyfe till go; The zeir of God aucht hundreth and four scoir, And sewin zeiris compleit war, and no moir, He grauit wes into Ecolumkill, In that same place zit quhair he lyis still. 30,360 In that same tyme, as that my author sais, Four halie men in Scotland war tha dais, The quhilk exceidit into sanctitude, And borne tha war all foure of Scottis blude. Ane halie bischop hecht Makcarius, 30,365 Ane vther archidene callit Deueintius; And tua abbottis wer of religioun than, Conganus ane, the tother hecht Dunstan; In halines all vther did exceid In word and werk, in thocht and als in deid, 30,370 In thair legend as ze ma reid and luke. Loving to God heir endis the nynt buke.

How Achayus, the Sone of Ethfyns, efter the Deith of So[l]watheus, was crownit King of Scotland, and of his nobill Deidis.

Lib. 10.

Ane nobill man wes callit Acha[y]us,
Ethfyns sone, my storie tellis thus,
Into Scotland wes crownit for to be 30,375
Thair king and prince with haill auctoritie.
In Scotland than betuix lord and lord,
And lang befoir, thair wes rycht grit discord:
This nobill king sic inwart battell dred,
Richt fane concord amang [thame] wald haif 30,380
hed.
With Pecht and Saxone first he hes maid peice.

With Pecht and Saxone first he hes maid peice, All outwart weir to sober and gar ceiss; Syne misit hes all rancour and discord Amang thame self, betuix lord and lord: Throw greit rewardis he gaif to thame than, 30,385 With love and fauour all thair hartis wan. This samin tyme now that ze heir me sa, Ane multitude out of Ybernia Off theif and river, with malice and yre, And hereit all the landis of Kyntyre; Baith brint and slew; syne all thing that tha fand, Tha tursit hame with thame in thair awin land. To king Achay fra that this thing wes kend, Ane herald sone in to Yrland he send, With sair complaint makand to thame amang, 30,395 Withoutin caus quhy that the wrocht sic wrang To him the quhilk that neuir faillit to thame, Quhairfoir he said that tha war soir to blame. To every man he said that it wes best, Withoutin stryfe to leve at pece and rest, 30,400 No for to be in to discord and weir, In dreid, in danger, and in dalie feir

 Λy of thair lyfe, baith be land and se; Gif that the lyke in peax and rest to be, Brek nocht the band that tha had maid befoir; 30,405 For it was done he countit nocht ane hoir, Thairof nothing he suld displesit be, Sua it come nocht of thair auctoritie; Bot prayit thame with hartlie mynd and will, Col. 2. In tyme to cum to mak remeid thair till, 30,410 And new trewis betuix thame for to tak, And peax and rest into thair tyme to mak. The lordis all sic ansuer maid thairtill, Sayand, that thing wes done aganis thair will; it neuirtheles tha wald nocht than, but leis, 30,415 Into that tyme ane word commoun of peice, Quhill that the war revengit of that cryme; Syne efterwart, quhen that the saw thair tyme, The sould do so that the sould be content. With this ansuer the herald hame is went. 30,420 In this same tyme now that ze heir me sa, Into ane yle, that callit is Yla, Out of Yrland thair come ane naving large, Of schip and bote, with mony bark and barge. Syne in that yle, as my author did sa, 30,425 Tha left na gude that the mycht turs awa, Baith far and neir that the fand in that Ile; To schip than went within ane litill quhile, For to pas hame with presoner and pray. Syne as God¹ wald sone efter hapnit sway, 30,430 Ane grit tempest, as my author did tell, Doun fra the hevin of ill wedder tha[ir] fell. Throw wynd and waw tha 2 wer so will begone, Baith schip and bote were dround that tyme ilkone, With all the gude out of the yle tha brocht. It was weill set, for the the tressone wrocht

¹ In MS. gold.

² In MS. thair.

Into the tyme quhen tha war treitand trewis. I pray to God that all sic vther schrewis, Of sic purpois cum neuir better speid No thai did than, I pray to God so beid.

30,440

HOW ACHAYUS WALD SEND NO MOIR IN IRELAND.

Achayus, guhen he hard it wes so, Diuysit hes that nane agane sall go Into Yreland to treit agane for trewis, In tyme to cum, becaus the war sic schrewis: Full [weill] he wist richt sone efter, but leis, 30,445 The suld be fane to send to him for peice. And so tha did within ane litill space; To Enverlochty, quhair the king on cace Into that tyme thair hapnit for to be, Ane nobill man of greit auctoritie, 30,450 Out of Yrland to him that tyme wes send, With greit requeist and hartlie recommend; Beseikand him all malice and invy, Wrang and injure, and all melancoly, For to remit quality that had done before, 30,455 Sen gratius God had puneist thame so soir. His halie hand so soir on thame did smyte, "For-quhy," he said, "we war all in the wyte; " Sen it was sua, now we forthink full soir, " In tyme to cum we sall do so no moir, 30,460 " Now of your grace, and ze will ws forgeif, " Gif plesis 30w now for this anis to preif; " In tyme to cum and we do so agane, " We obleis ws now wnder the heast pane " To puneist be, and of the scharpest wyiss, 39,465 "Than mannis wit can in this erth devyiss." This nobill king quhen he hard him sa so, So will of wand, and weipand for greit wo,

So greit petie he had of him that tyme,
Forgevin hes the greit injure and cryme,
Oct. 1.

And all offence that tha had done befoir,
And grantit peax withoutin ony moir.
Quhairof the herald in the tyme wes fane,
Syne tuke his leif and passit hame agane.
Fra that tyme furth, as that my author sais,
Tha keipit peax richt lang and mony dais.

How Chairlis the Mane, King of France and Empriour of Almane, send ane Herald to King Achay than in Inuernes.

That samyn tyme it hapnit vpone chance,
Chairlis the Mane, the quhilk wes king of France,
And emprioure als wes of Almane,
Into his tyme had sic auctoritie,
To king Achay ane herald he hes send,
Of friendlie wyis with hartlie recommend,
In Inuernes, ane citie of the se,
Quhair he that tyme thair hapnit for to be.
This oratour he come and fand him thair,
And all his lordis that tyme les and mair;
Befoir the king and his lordis ilkone,
Thir wordis all he recknit hes anone.

How the Herald maid his Oresoun to the King Achay as followis:

" Chairlis the king and michtie empreoure,

"Into his tyme that wyn hes sic honour 30,490

" On Christis faith ay into this day,

" Gretis the weill, O nobill king Achay!

" The thing in erth that maist desyris he,

" With the and thyne for to confiderit be.

" Ouir all the warld is hard your nobill fame, " Zour wisdome, honour, and zour nobill name, " So magnifeit with sic excellent gloir; " So mony fa as ze haif had befoir, " Quhilk had sic power, strenth, riches and mycht, " Zit to this da ze haif keipit zour richt, 30,500 " And maid your self all tyme to leif frie, " With land and law, honour and libertie. " In Albione the Saxone blude that ringis, " And cursit than contrar all Cristin 1 kingis, " To zow and ws, and Pechtis to also, 30,505 " Hes bene and sall be ay ane mortall fo. " Charlis the Mane, with diligence and cuir, "The fayth of Christ ay quhill he ma induir, " For to defend fra ony opin wrang, " The Sarizenis invaidit hes so lang, 30,510 " In Affrick, Egypt, and in Arraby, " And laitlie now als into Lombardie, " Richt mony toun quhilk wallit war with stone, "With greit power be way of deid hes tone, " And spilt also hes mekill Cristin blude; 30,515 " Richt mony nobill in vyle seruitude, "Tha had with thame at thair bandoun to be, " Sumtyme befoir had greit auctoritie; " Charlis the king, of quhome befoir I tald, " In mony battell with his bernis bald, 30,520 " His blude hes bled the faith for to defend, " And brocht his purpois narrest to ane end; " War nocht, he said, the wickit Saxone blude, " In Albione with thair ingratitude,

Col. 2.

30,525

" Tha failze nocht that tyme quhair euir tha be.

"That waitis him quhen that he is fra hame

"In his weiris, with all the bost and blame "That the can do, baith be land and se,

¹ In MS. Cristint.

- "Quhairfoir," he said, "O nobill prince and king!
- " His most desyre is ouir all vther thing, 30,530
- " Agane the Saxonis, that ar fals and sle,
- " With the and thyne for to confidderit be.
- " Sua thow wald grant richt glaidlie with thi h[art],
- " And euerilkone ay to tak otheris part,
- "In tyme of neid, agane the Saxone blude, 30,535
- " This is his mynd now schortlie to conclude.
- " The quhilk to the is proffeit and honour,
- " To be confidderit with the warldis flour,
- " And cheiffest chiftane in this erd that ringis,
- " At his command ma haif sa mony kingis; 30,540
- " 3it neuirtheles this tyme ouir all the laive,
- " Hes chosin the as narrest freind to haif,
- " Quhome of thow ma haif grit help and supple
- " Agane thi fais into necessitie.
- " Quhairfoir methink 1 it war bot litill wrang, 30,545
- " Agane tha folk hes bene thi fa sua lang,
- " For to colleg with sic ane emprioure,
- "Quhairthrow thow ma haif proffeit and honour."
 Siclike as this, and mekle mair perqueir,
 He said to him no I will tell 30w heir.

 30,550

How King Achay set ane Da to giff Answer to the Herald.

Quhen this wes said with all the circumstance,
This nobill king of his deliuerance,
He set ane da with consent of the laue,
Of his desyre ane answer for to haue.
With all the plesance in the tyme he micht,
30,555
Hunt on the da, and syne vpoun the nycht,

¹ In MS. mething.

In dansing, singing, and in sport and pla, He held him still quhill on the auchtane da, That tyme wes set the lordis sould convene. The da wes fair, the wedder richt and ameyne; 30,560 This oratour with feiris ane or mo, That da in hunting he hes maid till go, Into that tyme that he suld nocht be neir, Of thair counsall other to se or heir. The lordis all that cuming than wer hidder, 30,565 At thair counsall quhairat tha sat togidder, To this herald to gif deliuerance, Befoir thame all in oppin audience, The lord of Mar, that callit wes Cullan, The king commandit be his name as than 30,570 In that mater his counsall for to schaw. Ane man he wes expert into the law, And als that tyme of greit auctoritie; Befoir thame all thir wordis than said he.

How the Lord of Mar, callit Cullan, gaif his Counsall to the King.

" Excellent prince and worthie nobill king, 30,575

" I wnderstand nocht richt weill of this thing.

" Suppois the Scottis haif richt greit desyre

"To be allyit with the hie impyre,

" And gude Chairlis the michtie king of France,

"In all Europe most singular of substance, 30,580

" And most of honour also in this tyde,

" Of ony other in this world so wyde,

" So mony princes hes at his command,

"With so greit power baith be se and land,
To the and thyne it ma greit honour be,
30,585

Lib.10, f.149b.

" Ouir all Europ with sic ane prince as he,

" To be collegit baith into ane band,

" Sic power hes in mony sindrie land.

- " Ouir all the warld the fame of ws wald spring,
- " War we confiderat with that nobill king, 30,590
- " And with princes into the realme of France,
- " Of honour, riches, and of daliance,
- " In all Ewrope this da hes no compeir,
- " In ony part or kinrik that I heir.
- "Thought this opinioun, as I can weill trow, 30,59
- " Be most allowit of yow all as now,
- " 3it, neuirtheles, apperis weill to me
- "The contrarie of all this thing to be;
- " And for this caus, and ze will wnderstand,
- "With France this tyme now and we mak 30,600 a band,
- "Than force it is to haif the Saxonis feid,
- " For euir moir with mort battell and pleid;
- " With dalie stryfe, and tynsall of our gude,
- "With thift and reif, and spilling of grit blude.
- " Is nocht in erth ane mair vnsicker lyve, 30,605
- " Na with my nychtbour ilk da for to stryve,
- " For quhois feid it is richt euill to fle;
- " Sen it is so, it semis weill to me,
- "Giff ony man lykis to do the best,
- "With his nichtbour be ay at pece and rest; 30,610
- " Quha dois nocht standis ay in grit dreid,
- " And spurnis oft quhen he trowis to speid.
- " And secundlie, I say also for me,
- " With France this tyme and we allyit be,
- " Quhome to no tyme ma other cum or go, 30,615
- " No tha till ws, bot evin out-throw our fo;
- "The quhilk I wait ze haif all a grit feill,
- "Without greit skaith can nocht be done weill.
- " Quhairfoir I traist, other in peice or weir,
- "Tha[i]r feid to ws ma do bot litill deir, 30,620
- " Or thair fauour in oure necessitie,
- " So far fra ws ma mak bot small supple.
- " And mair attouir ane thing is that I dreid,
- " Perauenture quhen that we haif maist neid,

" Gif hapnis so oure power parit be,

30,625

- " So far fra ws ma mak bot small supple,
- " And all oure power brocht to sic ane end,
- " Without strenth oure self for to defend,
- " Quhen standis ws in sic necessitie,
- "That the till ws sall mak bot small supple. 30,630
- " For suith," he said, "I wait nocht weill but fenzie,
- " And tha do so quhome to we sall complenze,
- " Or quha ma gar ane mendis to ws mak,
- " Quhen we haif tane grit skayth with thame and lak.
- " And for this caus, gif I rycht wnderstand, 30,635
- " I hald far better that we mak ane band
- " With Pecht and Britis, and the Saxonis to,
- " Siclike befoir as we war wont till do,
- " And our fatheris richt mony da befoir;
- "In this mater, schir, I can sa na moir." 30,640

How the Counsall refusit Cullanus Speiking, and how the Lord of Ylis maid Answer.

Quhen he had said all that he wald sa than,
Amang thame all that tyme wes nocht ane man,
Bot of his talking he wes so aggrevit,
Wes neuir ane word of all he said apprevit.
Tha thocht his ressone wes nocht worth ane fle, 30,645
Nor had no strenth for till admittit be.
The lord of Ylis, callit Albiane,
Into that tyme quhilk wes ane nobill man,
And als thairwith had grit auctoritie,
Befoir thame all on this same wyss said he. 30,650
"It is weill kend on to 20w all ilkone,
"Foure kynd of pepill is into Albione,

- "The quhilk hes bene [richt] mony zeir ago,
- " As Scot and Pecht, Saxone and Brit also,

- " Quhilk neuir zit amang thame self culd ceiss, 30,655
- " But weir or wrang, to leve in rest and peice.
- " Amang oure self and we culd leve in rest,
- " As he hes said, I think that it war best,
- "That euerilk ane suld kyndnes keip till vther,
- "With love and lautie as he wer his bruther, 30,666
- "We neidit nocht to seik help or supple
- " At Frenche men so far bezond the se.
- " Bot weill I wait, quhilk that oure fatheris knew,
- "The Saxone blude wes neuir leill no trew,
- " For aith or band, or zit for oblissing, 30,665
- " For conscience, kyndnes, or for cheresing,
- " Se tha thair tyme thair awin vantage to tak,
- " Or to thair nichtbour ma do skayth or lak;
- " Quhill that tha knaw the perrell all be past,
- "Thair is no band that dow to hald thame 30,670 fast,
- " No neuir wes, als far as I can reid,
- " Bot gif it war on verra force and neid.
- " As preuit weill in all thair tyme bigone,
- " And of thair cuming into Albione,
- " Quhen that the Britis brocht thame thair 30,675 intill,
- " Ressaueand thame at 1 thair plesour and will,
- " And grit rewardis in the tyme thame gawe,
- "With all plesour tha lykit for till have,
- " Agane thair fa thame to help and defend,
- " Quhill all the weiris brocht war till ane end, 30,680
- "The Saxonis swoir for to be leill and trew;
- "Within schort quhile the contrair than tha schew.
- " Sone efter syne, quhen tha thair tyme mycht se,
- "Turnit thair kyndnes in crudelitie,
- " Denudand thame bayth of kinrik and croun, 30,685
- " Lordschip and law, honour and renoun,

CRONICLIS OF SCOTLAND.

"	And put thame all in sic necessitie,		
	Now at this tyme as your awin self ma se.		
"	As to oureself, I neid nocht for to schaw		
	Falset sa oft, as weill zour self ze knaw,	30,690	
	And to the Pechtis and the Britis als.		
66	Force is to thame on nature to be fals,		
"	Amang thame self the quhilk can nocht be tre	ew,	
	For land and lordschip ilkane other slew,		
	With poysoun, tressoun, and subtillitie;	30,695	
66	Is none so wyis ma sicker of thame be.		
	Thocht tha be festnit fast with grit effect,		
	Se tha thair tyme tha find ane caus to brek,		
"	Of thair injure sayand to tak ane mendis,		
"	And als so lang as thair power extendis,	30,700	
"	To do thair nychtbour other lak or skayth,		
"	Be slycht or force or ony tyme with bayth,		
"	For no trettie tha will no trewth tak,		
"	Als lang as tha ma do other skayth or lak.		
66	Sen it wes neuir nor neuir 3it wilbe,	30,705	
"	No tyme with thame leue in tranquillitie,		
"	Bot waittand ws other with skayth or lak,		
"	Neid is till ws with sum natioun to mak		Lib. 10, f. 150. Col. 1.
"	Band and colleg, that ma mak ws supple,		Coi. 1.
66	Quhen standis ws in sic necessitie.	30,710	
	Quhair can we find moir gudlie till avance,		
	No with Chairlis the michtie king of France,		
	Quhilk riches hes and power infinite,		
	And mony prince of policie perfyte,		
	Scheild and defence quhilk is of halie kirk?	30,715	
	I can nocht wit moir wyislie for to wirk,		
	Na mak oure freind of all Ewrop the flour,		
	Quhairthrow we may haif proffeit and honour	,	
	Agane oure [fais] as oft greit neid haif we,		
	Freindschip and fauour, greit help and supple	; 30,720)
	As for my self, I hald this best till do,		
66	Lat ilk man say quhat plesis him thairto."		

Quhen this wes said befoir thame all wes thair,
Bayth king and lord ilkane than les and mair,
Of all he said with hartlie mynd and will,
To euerie word consentit hes thairtill:
Syne to conclude decretit hes that thing,
To mak ane band with gude Charlis the king.
The oratour befoir thame syne gart call;
The nobill king, in presens of thame all,
Of his awin wit, be counsall of the lawe,
As 3e sall heir, sic ansuer to him gaue.

How King Achay and his Counsall gair Ansuer to the Herald.

"Forsuith," he said, "ze ma weill wit that I,

" And all thir lordis that standis heir me by,

- "Thinkis we haif grit fortoun, grace and chance, 30,735
- "With gude Charlis the nobill king of France,
- " For to be bund as brethir in ane band.
- " And mair attouir, I do zow wnderstand,
- " In all Scotland is nother wyfe nor maid,
- " But scho thairof is wounder blyth and glaid 30,740
- " To grant to zow now all thing that ze crave,
- " Quhairthrow tha traist grit honour for to haue;
- " And ze of ws siclike on the same mak,
- " Sall proffeit haue withoutin schame or lak,
- "Syne efterwart, to oure posteritie, 30,745
- " Freindschip but feid for euir moir to be."

How the Herald tuke his Leve and passit to the King of Pechtis.

This oratour thairof wes weill content;
Syne tuke his leif and on his way is went
To king Hungus, quhilk wes ane nobill man,
King of the Pechtis in the tyme wes than;
30,750

Col. 2.

Siclyke of him desyrand for to be In that colleg of thair fraternitie, Quhairthrow he micht haif grit honour and gloir, And to his kinrik proffeit euirmoir.

How Hungus, the King of Pechtis, gaif Ansuer to the Herald.

This king Hungus than ansuer maid him till, 30,755 Richt oft thankand the kyndnes and gude will Of king Charlis, desyrit him to be Of that colleg and thair fraternitie. And syne agane to him so said this king, Without lang vysment in so grit ane thing, 30,760 Quhair sic perrell apperit for to be; Thairfoir he said, that neidfull wes that he War weill adwysit and his lordis all, For grit perrell that efter micht befall. Als far, he said, as he culd wnderstand, 30.765 Agane the Saxonis for to mak ane band, For nichtbour weir he thocht rycht perrellous, So dreidfull als and ilk so dangerous, With sic apperance of greit skayth and ill, That he culd nocht weill gif consent thairtill. 30,770

How the Herald tuke his Leif fra Hungus, King of Pechtis, and passit agane to King Achay.

The oratour, quhen he that ansuer knew,
In that mater no moir wald him persew,
Becaus he was so schort into that thing,
Bot tuik his leif; syne to Achayus king
Come hame agane richt suddantlie and sone,
And schew to him ilk word how he had done.

VOL. II.

How King Achay deliuerit the Herald, and send his Bruther Germane, callit Gillelmus alias Gilmoure, with Foure thousand Men in France.

This king Achay heirand that it was so, He furneist hes with him in France till go His bruther germane of honour and fame, Quhilk callit wes Gillelmus to his name; 30,780 Ane vther storie I haif red befoir, That he to name wes callit Gilmoir; And foure thousand of nobill men in weir, With hors and harnes, and all vther geir, To gude Chairlis quhen lykis him to ga, 30,785 To fortifie him agane Christis fa. Foure greit doctouris he hes with him syne, Johnne and Cleme[n]t, Rabone and Alkwyne, In cannoun law, in theologie and art, And all science richt plesand and expert. 30,790 Thir four feiris, qubilk war of Scottis blude, In Athenis lang at the studie stude, In Scotland syne had grit auctoritie; Thairfoir that tyme tha war send ouir the se, With king Chairlis for to devyss this band. 30,795 Sone efter syne, as ze sall wnderstand, Be grace of God sic wes thair hap and chance, Befoir the wynd tha saillit sone in France.

HOW CHAIRLIS THE MANE, KING OF FRANCE, WES REJOSIT OF GULIELMUS, KING ACHAYUS BRUTHER, AND HIS CUMPANY, AND MAID THE BAND BETUIX THAME AS FOLLOWIS.

Off thair cuming gude king Charlis the Mane
Rejosit wes, richt wounder blytht and fane.

This Gulielmus with grit honour and gloir,
And all the laif wes with him les and moir,

Ilkane that tyme efter his facultie, Ressauit wes with all humanitic. In greit blythnes, with mekle sport and pla, 30,805 He held thame still quhill on the auchtane da; And syne tha maid the tennour of thair band, With seillis braid subscriuit with thair hand, Betuix thir kingis gudlie till advance, The nobillis als of Scotland and of France, 30,810 For euirmoir with diligence and cuir, But ony fraud in that forme till induir. This was the tennour that tyme of thair band: Lib.10, f.150b. Col. 1. Gif ony Saxone come into Scotland, In feir of weir for to do ony wrang, 30,815 The king of France suld, with ane army strang, Cum him awin self, gif mister war to be, Into Scotland for thair help and supple. Siclike also gif hapnit vpoun chance, In ony tyme the Saxonis come in France, 30,820 The land of France with battell till persew, The king of Scottis siclike in thair reskew, With his power sould cum on thair expens, Richt suddanelie in France for thair defence. Decretit wes, gif so hapnit to be, 30,825 Gif ony Scot maid help or zit supple, Or Frenchemen to the Inglis blude, In tyme of weir quhen it in neid thame stude, That he sould be declarit for sic thingis, Tratoure and rebell than to bayth thir kingis. 30,830 All fugatouris als far fra the law that fled, Siclyke for rebell to thame bayth be hed. Syne finallie this was the hynmest act, That none of thame suld peax or trewis tak With the Saxonis without vtheris consent, 30,835 Schort or lang, bot gif tha war content, And the siclike concludit war thartill, Of baith thair myndis it sould proceid and will, z 2

As neidfull war withoutin ony enorme.

In Latyng letteris and in dowbill forme 30,840

Tha wrait it, syne subscriuit with thair hand;

The tane part thairof send into Scotland,

The tothir part at thair plesour and will,

Tha gart remane with thair awin self thair still.

Quhilk band and leig, withoutin ony cryme, 30,845

Wnmaculat remanis to this tyme.

How Guillielmus, alias Gilmour, with his Cumpany and Tua of the Foure Doctouris remanit with King Charlis in France, and the viher Tua Doctouris come Hame in Scotland, and of the victorious Deidis of Guilliame and the Tua Doctouris callit Johne and Cleme[n]t in France.

Quhen this was done as I haif said zow syne, Thir tua clerkis, Rabone and Alkwyn, Come hame in Scotland agane with gude chance. The tother tua remanit still in France, 30,850 With gude Chairlis the nobill king and prence. This foirsaid Johnne, and als this ilk Clemens, Into Pareis that vniuersitie Wes foundit than of thair auctoritie, Thay war the first that euir tuke ony cuir 30,855 To reid or teiche, other to riche or puir; Science or vertu in that place to plant, Quhairof befoir it had grit falt and want: The guhilk sensyne increscis to this hour, Of all studie is apersic and flour. 30,860 This Guillielmus siclike, and all the laue Of men of weir he did thair with him haue, For all thair tyme remanit ay thair still,

With king Chairlis at his plesour and will.

And quhair he went, with him in all his weir Tha wer formest, and oftest did maist deir On to thair fa, into all kynd of thing, And best louit with gude Charlis the king. To Guillielmus now will I turne my styll, And tarie heir to tell of him ane quhile, Nixt Chairlis ouir all the realme of France, Wes haldin most of honour till advance, As previt weill ay be his nobill deid, In his storie quha lykis for to reid. Now at this tyme it come into memorie, Bot laitlie now I reid in till ane storie, In Lumbardy how fair Florence that toun Distroyit wes, and put till confusioun, Be the Gottis perforce that held it than. This Guilielmus syne worthilie it wan; To the awin stait syne did agane restoir, With mair fredome na euir it had befoir. The citineris that scatterit wer full wyde Ouir Italie far vp and doun that tyde, He brocht thame [syne] agane into the toun, Gart euirilk man in his awin sait sit doun, With land and law, and with all libertie, Siclike befoir as tha war wont to be. The wall befoir, the quhilk wes cassin down, Gart big agane evin round about the toun, With mony toure and turat les and moir, Far strenthear nor euir it wes befoir. And mekle land and townis neir hand by He subjugat wnto thair senzeory, And eikit hes thair honour and thair gloir To far mair fame nor euir tha had befoir. Syne ordand hes in the rememberance Of gude Chairlis, the nobill king of France, Quhair broucht [war] all agane to libertie, In thair arms to weir the reid lillie.

30,865

30,870 Col. 2.

30,875

30,880

30,885

30,890

30,895

30,900

Quhilk hes bene ay the king of Frances flour, And this arms proceidand to this hour. And mair attouir he ordand hes ilk zeir, In audience quhair all ma se and heir, Solempnitlie to set ane reid lyoun, 30,905 Syne on his heid to put ane goldin croun, As he to thame wer prince alway and king, Eternallie in takyn 1 of that thing, That he that buir the lyoun in his armes, Fra all injures, dampnage, skayth and harmes, 30,910 Redemit thame agane to libertie, Alss fre befoir as tha war wont to be. Quhilk ceremonie, as suith men to me sais, In Florence zit ar keipit in thir dais.

HOW GUILIELMUS WAN GRAIT HERETAGE AND FOUNDIT AND FEFT MO FAIR ABBAYIS, AND DID MEKILL ALMOUS DEID IN HIS DAIS.

This 2 Guilielmus, quhilk wes ane nobill man, 30,915 Into the weiris greit heretage he wan, In all his tyme had nother barne nor wyfe, For-quhy he wes exercit all his lyfe Into the weir with gude Chairlis the king, Impediment wes till him in sic thing. 30,920 And for that caus, as my author did sa, Foundit and feft richt mony riche abba; Into his tyme did mony almous deid, Becaus he had no barnis to succeid, Gottin of him self his heretage to bruke. 30,925 My author sais, quha lykis for to luke, Fyftene abbais that war of lyme and stane, He foundit hes with riche infeftment ilkane. Syne thair fundatioun ordand for to be Writtin in Irische, quhilk schawis zit to se 30,930

¹ In MS. talking.

² In MS. The.

To nane of thame ane abbot suld succeid, Bot he the quhilk the fundatioun culd reid. In that beleif sic ordenance maid he, That Scottis men sould abbotis of thame be, And no vther, as my author did sa; Quhilk keipit is zit to this samin da. Heir will I leif of him ane litill quhile, And to Achayus turne agane my style.

Lib. 10, f.151. Col. 1.

30,935

How Hungus, Kyng of Pechtis, send and Herald to Achayus for Help and Supple.

Neir by this tyme, my author sais thus, The king of Pechtis callit [wes] Hungus, 30,940 Ane herald sone to Achayus send he Beseikand him of his help and 1 supple. The king of Ingland callit Ethalstone, In his boundis bot laitlie now bygone, With reif and spulze, with grit slauchter and 30,945 fyre, Richt grit distruction, formalice and ire, He maid thairin ane lang tyme quhair he la, Syne with grit spulze pas[sit] hame his wa; Quhair that he thocht nocht lang for to remane, Rycht weill he wist he wald cum sone agane, 30,950 With mair power, and with far grittar schoir, In his boundis nor euir he did befoir. Beseikand [him] thairfoir of his supple, For the affectioun and affinitie. Betuix thame ay all tyme in to thair lywe. 30,955 This Hungus sister wes Achayus wywe, Quhilk Fergussana callit wes to name, Scho buir to him of grit honour and fame Gude Alpinus richt plesand and benyng, Quhilk efterwart of Scotland that wes kyng. 30,960

In MS, and and.

How King Achayus send Ten thousand Men to help Hungus, King of Pechtis.

Into this tyme Achayus hes gart waill Ten thousand men, and tald thame weill be taill; Syne till ane captane did thame all commend, Quhome 1 with till Hungus rycht sone syne he send. Thairof king Hungus blyth and glaid wes he, Ressauit thame with all humanitie; Syne mony berne that worthie wer and wycht, Buskit for battell all in armour bricht, He semblit syne togidder on ane grene: Ane fairrar sicht richt semdill hes bene sene. 30,970 Syne in the tyme, without stop or ganestand, Passit with thame all in Northumberland; Ouir all tha boundis that wer lang and braid, Bayth da and nycht grit heirschip thair tha maid. This king Hungus so gentill wes and gude, Wald raiss na fyre, nor zit wald spill na blude; Curtas he wes without crudelitie, Than of the puir he had so greit petie. \$it neuirtheles, as my author did sa, Richt grit spulze gart turs with him awa 30,980 For his redres into that tyme for-thy, For that same caus and for na vther guhy. Quhen this was done as I haif said zow heir, In Loutheane syne come hame [baith] haill and feir.

How King Ethilstone, was gritlie displesit of the Heirschip done in Northumber-LAND, come with ane greit Army in Loutheane.

Col. 2. Quhen this wes schawin to king Ethalstone, 30,985 Out of his mynd as he war maid begone,

¹ In MS. Quhone.

As rampand lyoun, bald as ony boir, He swoir and said, with mekle bost and schoir, Of king Hungus he suld revengit be, Or on ane da richt mony one sould de. 30,990 With mony knicht syne cled in armour cleir, And buglis blawand with ane busteous beir, He tuke na rest without stop or ganestand, Quhill that he come into Northumberland. Or he come thair king Hungus wes awa; 30,995 Into that place thairfoir schort quhile he la. With all his power sped him on richt fast, In Lowdeane quaill he come at the last. Then king Hungus, as my author did sa, Besyde ane burne with all his ost he la, 31,000 Voonn ane plane quhair he wes plantit doun, Tua myle and les that tyme fra Haddingtoun, Into that place tuke purpois thair to byde, The haill spulze amang thame to devyde, Richt equallie, without ony demand, 31,005 Tha brocht with thame out of Northumberland. King Ethalstone that weill thair counsall knew As of his awin, his spyis to him schew, He sped him on in all the haist he ma, Syne on the morne come in thair sicht be da, In rayit battell reddie for to june, And mony trumpet blawand in to tune, And baneris braid that borne war rycht he: Thair multitude wes marvelus to se. This Ethalstone syne with ane opin cry, 31,015 Proclamit hes that none be so hardy To saue or tak other man or cheild, Of Scot or Pecht that wer fund in that feild, For ony ransoun, reuth, or zit remeid; Withoutin petie put thame all to deid. 31,020 Quhairof the Pechtis so grit terrour tuke, For verra dreid tha trymlit all and schuke;

Into the feld that tyme quhair that tha stude, Quha had bene thair and sene thair multitude. Into the tyme king Hungus gaif command, 31,025 That euerilk man sould laubour with his hand, To mak ane strenth about thame quhair tha la; And so the did als heistie as the ma. This Ethalstone with all his multitude, In rayit feild befoir thame quhair he stude, 31,030 With mony semblie schrowdit vnder scheild. That reddie war to enter in the feild. And or he wald the grit battell assay, First in the feild for to mak thame ane fray, Men vpoun hors neirhand thame he gart ryde, 31,035 To preve and se gif the durst langar byde. The Pechtis than right pertile on that plane, Siclike on hors hes riddin thame forgane; And mony counter in the tyme tha maid, Quhill speiris brak, and scheildis that war braid 31,040 War maid to fall into the feild on force, And mony berne borne bakwart fra his hors On to the grund rycht lauch than quhair he la. With sic ryding tha draif to end that da, Withoutin feild thair preikand on the plane, 31,045 Quhill that the nicht departit thame agane. Lib.10.f.151b. Amang thame all wes nother Scot nor Pecht, Bot he decreittit on the morne to fecht. And tak the chance that God wald send thame till, Quhat euir it war, and put thame in his will, 31,050 As plesis him vther to leve or de, Out of that feild ane fit or tha wald fle.

Col. 1.

And cuerie man hes left [of] vousting vant, Into that tyme beseiking mony sanct, With humbill mynd richt lawlie on thair kne, 31,055 Implorand thame for thair help and supple Agane thair fa wald reif fra thame thair richt, Quhilk had sic strenth, sic multitude and mycht;

Into that tyme it stude thame in sic neid, Without thair help tha wald cum hulic speid. 31,060

How King Hungus prayit to Sanct Andro, And how Sanct Andro apperit, and of his Cors in the Air.

Than king Hungus prayit and maid ane vow To the apostill halie Sanct Androw, With greit kyndnes quhilk suld nocht be to crawe, Of his kinrik the tent part he suld haue, Richt peceablie in frie regalitie, 31,065 For euir moir with all auctoritie, And all fredome is neidfull to be hed, Of his purpois that tyme and he war sped. For verrie [dreid] syne piteouslie did weip, Quhill at the last he fell richt sound on sleip. 31,070 Syne in his sleip thair did till him appeir Sanct Andro than, and bad him mak gude cheir, And have no dreid, for all thing suld go rycht, Quhilk grantit wes be the grit God Almycht; Vpoun the morne quhilk sould nocht be to 31,075 crawe,

Honour and gloir, and victorie to haue.

Sanct Androis corce apperit in the air

That samin tyme, quhilk sene wes ouir alquhair,

About the Pechtis quhair that [thai] did ly,

As bureall brycht, als cleir into the sky;

Out of that place wald nother move nor wend,

Quhill that the battell brocht wes to an end.

The watchis standard on thair feit that woik,

Grit wonder had vpone that cors to luke,

Amang thame self with greit talking betuene,

Imaginand than quhat that corss suld mene.

Col. 2.

How King Hungus schew his Visioun, and how he sould win Victorie be the Apperance of the Croce in the Air, off the Quhilk he tuke greit Confort.

Quhen that the king syne walknit quhair he la, He schew to thame, as ze haif hard me sa, How in his sleip Sanct Androw did appeir, And said to him, as I haif said zow heir, 31,090 How on the morne he sould haif victorie The quhilk his cors that tyme did signifie, Into the air than that he saw so cleir. Then war tha blyth all and maid a mirrie cheir, And put away all dreddour and all dreid, 31,095 In gude beleif of thair purpois to speid: Amang thame self richt blythlie than tha sang, With sic ane novis quaill all the sky rang. The Inglis men that standard on the streit, Quhilk all that nicht had walkit on thair feit, Quhen that the hard theme mak so mirrie cheir, And saw the croce about thair heid appeir, Of tha takynnis grit terrour tha tuke, Lyke ony leif tha trimlit and tha schuik; With quaikand hart dreidand that tyme far 31,105 moir, No Pecht or Scot vpoun the nycht befoir.

Than king Hungus proclamit with ane cry,
That euerie man, be he micht ken the sky,
Sould reddie be, weill graithit in his geir,
That neidfull war vpoun his cors to weir,
With bow and brand, with braid buklar and scheild,

31,110

Aganc thair fa syne for to gif thame feild.

How Hungus the King ordourit his Men and set suddantlie on the Saxonis.

And so the did syne intill ordour gude, And syne set on the Saxonis quhair tha stude, Richt suddantlie with ane greit schout and cry, 31,115 Quhill all thair noyis rang vp to the sky; All with ane voce the cryit in that tyde, "This da Sanct Andro be oure gratius gyde!" Syne straik togidder with so rude ane reird, Quhill rochis rang and trumlit all the eird, 31,120 Thair scheildis raif and all thair speris brak, Full mony berne wes laid vpone his bak, And mony knicht wes maid full law to kneill, Into the tyme wist nother of wo nor weill. The Saxone blude that da wer haill confoundit, 31,125 Mony war slane and all the laif ill woundit. The laif that fled tha gat bot litill girth Quhair tha war fund, other in fell or firth; Of all the Saxonis, my author did sa, Scantlie fywe hundretht chaipit wes awa, 31,130 Bot all the laue other that tyme wer tane, Or in the feild fechtand wer slane ilkane. King Ethilstone full cald wnder his scheild, Amang the laue la deid into the feild: Deit that da, as eith is to presume, 31,135 The samin deith as he him self gave dume. Out of the feild syne haif tha tane his cors; Syne to ane kirk wes careit on ane hors, Wes neirhand by, and syne put in to grave, With mair honour nor he wes wont to have. 31,140 That samin place, as my author did sa, Quhair he wes slane is callit to this da, Efter his name quha lykis for to heir, Ethilstane-furd, gif that ze list to speir In Haddingtoun, and ze sall find anew 31,145 Can tell 30w weill gif that this thing be trew.

Col. 1.

How King Hungus partit the Spulze equalie OF THE FEILD AMANG HIS MEN AND MAID HIS PILGRAMAGE TO SANCT ANDRO.

Quhen this was done, the spulze of the feild, Richt equallie to euerie man and cheild Diuydit hes into greit quantitie, To puir and riche efter his facultie. 31,150 Syne king Hungus and all the men of gude, Siclike the lawe als of that multitude, Onto Sanct Andro be the leist ane page, Lib.10, f.152, The passit all ilkone in pilgremage. This gude Hungus richt laulie on his kneis 31,155 Befoir the altar passit vp the grees, And syne kissit the relict of Sanct Androw, Completit thair baith pilgremage and vow. Siclyike the laue, ilk man in his degre, Richt lawlie thair inclynand on his kne, 31,160 Kissand the relict of Sanct Androw sweit. His pilgremage and offerand to compleit.

How the Scottis tuke thair Leif fra Hun-GUS, SYNE PASSIT HAME TILL ACHAYUS.

Quhen this was done, than all the Scottis gard Tha tuke thair leve with mony riche reward Hungus thame gaif, with mekill vther thing, 31,165 Syne passit hame till Achayus thair king; And schew to him the maner all and how Of the battell, as I haif schawin zow, Ilk word be word quhilk I neid nocht reherss, No mak to tarie for to put in verss. 31,170 To king Hungus, sen it is in memorie, Now will I turne and tell 30w of his storie.

How King Hungus gart big Sanct Androw of New, and dotit it with riche Rent and mony Relict and Ornament, and grit Privilege gaif thairto, and of his Ring and King Achavus departing.

Nixt is to wit, without fabill or faill, Sanct Androis kirk wes of rycht littill vaill Befoir this tyme, as my author ma schew, 31,175 Quhill king Hungus gart big it of the new, Richt plesandlie of poleist stane and lyme, Baith kirk and queir all new into the tyme. Syne dotit it with mony riche rent, Adornit weill with euerilk ornament, 31,180 With buik and chalice, and with all the laue, In sic ane place that neidfull war till haue; Prelat and preistis ay quhill domisday, Thair observance thairin to sing and say. Ane cors of gold that wes bayth lang and 31,185 braid. For the relict of Sanct Andro he maid, Adornit wes with mony pretious stone, With diamontis ding, and margretis mony one. To represent the tuelf apostolis Of Jesu Christ, richt sone syne efter this, 31,190 Tuelf images into that kirk he maid Of fyne siluer, quhilk war baith hie and braid. The image als quhilk wes of Sanct Androw, Wes gilt with gold for to compleit his vow. Quhen this wes done, syne amang all the laue, Onto the kirk greit priviledge he gaif, To all kirkmen quhilk wes ane greit refuge, Sould nocht be callit with ane secular juge. For to thoill law in caussis criminall, Or ony actione efter micht befall. 31,200

This printledge lestit bot few dais: The fourt king efter, as my author sais, Quhilk Feredeththus callit wes to name, Into his tyme thocht nother syn nor schame, All priviledge and proffeit les and moir, 31,205 Quhilk to the kirk king Hungus gaif befoir, Baith priviledge, possessioun, and all mycht, To reif fra thame without ressoun or rycht. Col. 2. Quhilk wes the caus, as mony said sensyne, Be the provisioun of greit God dinyne, 31,210 Pechtis befoir quhilk wer of sic renoun, Schort quhile efter tynt bayth kinrik and croun; As ze sall heir, quha lykis for to luke, Sone efter now into this same buke. This king Achay, as that my author sais, 31,215 And king Hungus syne efter, all thair dais, Rang with gude rest in thair auctoritie, In peax and rest and grit tranquillitie. Syne gude Achay, as ze ma efter heir, Into his ring the tua and threttie zeir, 31,220 And of oure Lord aucht hundreth and nyntene, So greit and nobill in his tyme had bene, Of Hungus ring the sixt zeir also, With mekle menyng, murnyng and greit wo, Of euery leid, baith barne, man and wyfe, 31,225 He tuke his leif out of this present lyfe. In Iona Yle, with mekle pomp and pryde, Ingrauit wes into the samin tyde.

HOW THAIR RANG IN SCOTLAND FOUR HALIE DOCTOURIS IN THA DAIS, AND CALLIT AS FOLLOWIS.

Into Scotland thair rang into tha dais
Foure halie doctouris, as my author sais;
31,230

Lib.10, f.152b. Col. 1.

Geruatius as 3e sall wnderstand,
Bischop and prechour into Murra land;
Glacianus als of grit auctoritie,
Ane archibischop and grit prechour wes he;
And tua brether wer of grit faith and fame,
Moden and Meden callit wer to name.
Thair halie werkis culd nocht weill be hid,
So mony miracle in thair tyme tha kyd;
Syne efterwart, as halie kirk ws grantis,
Ar numberit now in hevin amang the sanctis.

31,240

How ane nobill Man callit Congallus was crownit King of Scotland efter the Deith of King Achay, and of his Deceis.

Ane nobill man wes callit Congallus, And sone he wes also to Dongallus, Ethfynus bruther, and the patruell To king Achay alss far as I haif feill, Schort quhile efter king Achayus deid, 32,245 Of Scotland king wes crownit in his steid. Quhilk with king Hungus, as my author sais, Familiar wes and tender all his dais. Sic lowe and lawtie as wes thame betuene, Betuix tua kingis hes bene semdill sene: 31,250 Wes nane of thame, other ane or vther, That wald do oucht but counsall of the tother. And Hungus syne in to his latter dais So febill wes, as that my author sais, Befoir Congallus of Scotland that wes king, 31,255 Baith croun and kinrik than he did resing To Drostolog, quhilk wes his sone and air, Out of this lyfe syne tuke his leif to fair. This Congallus efter that he wes gone, For him ilk da sic murning maid and mone. 31,260 With sic displesour detestand all playis, Quhilk wes the caus of schorting of his dais, VOL. II. AΛ

Sone efter syne of his ring the fyft zeir, He tuke his leif and baid na langer heir; Ingrauit wes syne in Ecolumkill, With all honour belonging wes thairtill.

31,265

How ane Man of Gude Callit Dongallus wes crownit King efter Congallus, and of the 20ung Scottis Lordis that rebellit aganis him.

Ane man of gude wes callit Dongallus, Quhilk wes the sone of king Solwatheus, Schort quhile befoir as ze ma reid and se, Wes crownit king with haill auctoritie, 31,270 Into Argyle efter Congallus deid; Syne peceablie he rang into his steid. Ane nobill king in all his tyme wes he, Richt just also in his auctoritie, And equall als without ony injure 31,275 In his office baith to riche and puir. That samin tyme, as my author recordis, Into Scotland thair wes right mony lordis, **Coung and wantoun, and full of reuery,** At his justice had rycht full greit invy, 31,280 And durst nocht tak thair plesour ay at neid, Of his justice tha stude sic aw and dreid. For that same caus, or tha thair will suld want, The fand are way this Dongallus to dant.

How the 30ung Scottis Lordis perswadit 20ung Alpynus, Sone to Achayus, fra Dongallus to tak the Croun.

Ane plesand child of greit honour and fame,
Achayus sone, Alpynus hecht to name,
Persuadit him fra Dongallus the king
To tak the croun and occupie his ring,

Justice and law siclike and all the laue, His heretage the quhilk he aucht to haue; 31,290 At thair power with hartlie mynd and will, At his plesour tha sould mak help thairtill. This Alpynus tuke litill tent thairto, Bot did ilk da sic as he had till do; His mynd wes set rycht far agane that thing, 31,295 So louit he Dongallus the gude king; This king to him keipit so gude ane part, And for that caus he louit him with his hart. So on ane da it hapnit for to be, Thir same lordis quhair thair wes none bot he, All him allane intill ane quyet place, With drawin swordis and with austrun face, Tha boistit him scharplie bayth sad and suir, Without richt sone he tuke on him sic cuir As the commandit, and auctoritie, 31,305 Of thair handis than doutles he suld die. This zoung Alpyn that tyme for aw and dreid, As force it wes it stude him in sic neid, At thair command consentit than thairtill, Suppois it wer richt far aganis his will; 31,310 Syne tuke the feild with mony cankerit knaif, Quhilk lykit weill ane lous warld to haif, And mony rebald in ane mekle rout, With greit vneis of all the land about. Syne efter that, within ane lytill quhile, 31,315 With this Alpyn tha passit to Argyle, Quhair tha that tyme thocht to croun him king; Bot zoung Alpyne that lykit nocht that thing, Vpoun the nycht, as my author did sa, Richt secreitlie he staw fra thame awa, 31,320 Quhen that tha wist richt litill of sic thing, Syne come agane to Dongallus the king, And schew till him the maner all and how, Ilk word by word as I haif said to 30w; A A 2

Col. 2.

How all that wes done sair aganis his will, 31,325 That force it was him to consent thairfull. Or than till de, thair wes na vther dome, That it was so richt weill he mycht presume. This Dongallus of him he wes rycht blyth, And in his armes hint him sone and suyth; 31,330 Syne freindfullie that tyme he said him till, "Welcum to me with hartlie mynd and will! " All is zour awin amang our handis heir; " Quhen plesis 30w to tak the reull and steir, " I salbe reddie all tyme at command, 31,335 " For till resing all richt into your hand; " As ressoun wald that ze zour rycht suld haif "Withoutin pley, quhen plesis 30w to craif." This zoung Alpin, with hartlie mynd and will, Requyrit him for to continew still, 31,340 As he wes wont, withoutin ony stryfe, Into that cuir for terme of all his lyfe; And he also sould service mak him to, Sick as the sone sould to the father do, And in all thing also blythlie him obey, 31,345 At his plesour withoutin ony pley. The pepill all the war richt blyth and glaid, Quhen that the hard how ilk till vther said; Of that concord and [of] thair meitting than, Rycht blyth and glaid wes mony wyfe and man. 31,350 Quhen this wes done, syne on the secund da, Thir rebellaris, as my author did sa, Ane message send to Dongallus the king, Beseikand him than of his grace bening, All ire and rancour, malice and invy, 31,355 For to remit, postpone, and lat pas by; And thame 1 agane of his humanitie Resaue agane, quhilk traist and trew suld be.

¹ In MS. than

Off thair desyre nothing the king wald heir;
Bot said agane within les nor ane zeir,
And plesit God thairto, ane vow maid he
Of that injure for to revengit be.
And so he wes far sonner nor tha trowit,
Or euir tha wist, as euerie man allowit,
As tha had seruit in the samin tyme,
War tane ilkone and puneist for that cryme.
Fra that tyme furth, withoutin ony leis,
In all his tyme he leuit ay in peice.
Heir will I paus and leve ane litill quhile,
And to the Pechtis turne agane my style.

31,370

How the King of Pechtis callit Drostolog was slane be his Bruther, quhilk ¹ vsurpit the Croun and Mareit his Brutleis. Col. 1.

THERIS WYFFE THAT WES QUENE, QUHOME Col. 1.

SCHO SLEW ON ANE NYCHT.

The king of Pechtis hecht Drostolog to name, His on bruther la with him in ane wame, So greit desyre he had to be ane king, He slew his bruther syne occupeit his ring. And for that caus he held with him ane gard, 31,375 And gaif to thame right mony riche reward Of land and riches, gold, siluer and fie, To tak his part gif neid hapnit to be. Brenna the quene richt plesand and benyng, Oswynus dochter, of West Saxone king, 31,380 That tyme, to stanche hir malice and hir stryfe, In matrimonie he tuke his brutheris wyfe, Quhilk quietlie at him had ay grit feid. Syne efterwart, for to revenge the deid

¹ In MS, and,

Of Drostolog hir husband wes befoir, With greit malice incressand moir and moir, Richt subtillie with grit sorcerie and slycht, Into his bed scho slew him on ane nycht. Thair faillit all the successioun and seid Of king Hungus, gif it be suith I reid.

31,385

31,390

How Dongallus send Message to the Pechtis,

This zoung Alpyne, quhilk wes his nepos neir, His sister some befoir as ze micht heir, Acha[y]us sone of Scottis that wes king, Quhome to the richt of all the Pechtis ring Be commoun law, efter thir tua war deid, 31,395 Redoundit haill withoutin pley or pleid. And for that caus, Dongallus the gude king Considerit weill he had right to sic thing, Tua wyiss lordis that all thair richtis kend, With greit triumph onto the Pechtis send, 31,400 Beseikand thame rycht hartlie and benyng, For to ressaue than 1 as thair prince and king This Alpynus, the quhilk had be his mother The richt thairt[o] that tyme had and na vther. Quhairfoir thai aucht richt blyth and glaid to 31,405 be,

And for to lowe the gratious God sa hie, That baith thair kinrikis vnite had in ane, That of befoir into the tyme bigane, Rycht saikleslie, but ony caus or gilt, With abundance sa mekle blude had spilt.

31,410

- " And sen Fortoun hes schawin ws hir face,
- " And gratious God, of his excellent grace,
- " Had ordand ws wnder ane king to be,
- " Of baith oure blude and oure genelogie,

¹ In MS, thame.

- "The quhilk that hes so greit ressone thairtill, 31,415
- " Quhairfoir we aucht richt hartlie with gude will
- " For to love God that is in hevin so he,
- " Provydis so for oure posteritie,
- " For euir mair to leif in peice and rest;
- " As plesis him so suld we think it best." 31,420

How the Pechtis Chesit thame and King.

The proude Pechtis that knew weill sic thing,
Amang thame selfis chesit thame ane king,
Quhilk Feredethus callit wes to name,
Or Alpynus¹ his croun come for to clame.
Quhairthrow tha mycht, gif he sic thing suld
craif,

Him to resist moir strenth and power haif; For-quhy right ill it lykit thame sic thing, That ony Scot sould be thair prince and king.

Col. 2.

How the Messinger schew his Credens to the Pechtis in Camelidone.

The messinger on to Camelidone
Is passit syne, quhair he fand thame ilkone 31,430
With Feredeth, quhome to his credens schew,
Befoir thame all quhair that thair wes anew,
Ilk word be word to thame baith les and moir,
With all the tennour that 2e hard befoir.
Quhen this wes said, with mony mow and knak, 31,435
Amang thame self greit dirisioun tha mak,
With rude rumour and with so loude ane noyis,
As it had bene of bairnis 2 and of boyis,
That neuir ane, throw the murmour tha mak,
Mycht heir ane word than that ane vther spak. 31,440

¹ In MS. Alpunus.

² In MS. bairdis.

Quhen 1 of thair breist ouir blawin wes that blast, And ceissit syne with scilence at the last, This Feredethus with ane voce so cleir, Sic ansuer gaif as I sall schaw 30w heir.

- " With lang adwysing we haif considderit haill, 31,445
- " Nixt the successioun of king Hungus faill,
- " And Alpynus be narrest of his blude;
- " 3it neuirtheles we haif ane consuetude,
- " Incontrar quhairfoir that 3e [haif] no aw
- "To clame oure croun be ony richt or law. 31,450
- " For-quhy we find ane act into oure buik,
- "Wes maid lang syne, that na stranger sall bruik
- " Oure croun or kinrik to be king ws till,
- " Without it be with our consent and will.
- " As for my self, siclike dois all the lawe, 31,455
- "We lyke him nocht as for our king to haue.
- " Als we haif power, gif that neid so be,
- " For to translait be oure auctoritie
- " Alhaill the rycht fra ane hous to ane vther,
- " Full weill ze wist zour self or ze come hither. 31,460
- " Sen all the richt we haif translatit now,
- " Fra Hungus hous, as ze haif hard heir how,
- " Onto ane vther with haill auctoritie;
- " Quhairfoir," he said, "ze ma weill wit that ze
- " Hes litill richt, suppois 3e haif grit will, 31,465
- " To ask oure croun or zit haif clame thair till,
- "Thocht he be narrest of king Hungus blude.
- " Tak thair your ansuer, schortlie to conclude."

How the Messinger come to Dongallus and schew his Ansuer, and how he hes send agane to the Pechtis.

Befoir thame all quhair that thair wes anew, This messinger come hame agane and schew

31,470

¹ In MS. Quhill.

Col. 1.

31,495

Ilk word be word sic ansuer that he gat. This Dongallus, that wald nocht leve for that, Thair myndis better quhill he knew and kend, To thame agane the samin herald send, To get knawledge of all thair mynd moir cleir, 31,475 For he wald nocht put so greit thing in weir. In that purpois gif the remanit still, Commanding him that he sould say thame till, Within ane moneth and les, gif he micht, With all power he sould persew thair richt. 31,480 This Feredeth, that knew full weill sic thing, That sic message come fra the Scottis king, He has send men to meit thame be the way, Lib.10, f.153b. Commanding thame sone be the secund day Out of thair land to pas but ony pleid, 31,485 Richt suddanelie wnder the pane of deid. This messinger that durst nocht disobey; Richt weill he wist, and he maid ony pley, Thair cruelnes it wald cost him his lyfe, And for that caus he maid thame na mair 31,490 stryfe, Bot said he sould all thair command fulfill. Quhen that wes said, syne efter said thame till, " Heir in the name of Dongallus oure king, " Alpyn oure prince, and lordis of our ring,

" Heir we defy zow baith of fyre and blude, "And plane battell within the tuentie da." Syne tuik his leif and passit hame his wa, And tald the king the mater all and how, Ilk word be word as I haif said to zow. 31,500 Quhen this ansuer befoir thame all wes schawin, All in ane voce, or tha war sa ouirthrawin, Tha maid ane vow for no perrell to spair Baith land and lyfe in that querrell to wair; For weill tha wist it wes baith just and gude. 31,505 Richt so that tyme said all the multitude:

" And all the laif als of oure men of gude,

In all Scotland wes nother gude nor ill, Gaif nocht consent and gude counsall thairtill. This Dongallus, of quhome befoir I spak, On him that tyme greit travell he did tak 31,510 Ouir all Scotland, and maist of his awin coist, For to furneis ane grit armie and oist, To fortifie Alpinus in his richt, Greit diligence he hes done da and nycht. That samin tyme vooun the water of Spey, 31,515 Throw misgyding, or than the man wes fey, Quhilk of the tua I can nocht tell zow heir, Into ane boit [he] drownit than but weir, The saxtenit zeir the quhilk wes of his ring. Quhen he wes deid that wes so gude ane king, 31,520 This Alpinus, sone efter that schort quhile, Gart bair his bodie on to Iona Ile; With grit honour of kirkmen and grit cuir, Solemnitlie put it in sepultuir. Quhen this was done, syne out of Iona Ile, 31,525 The lordis all convenit in Argyle, This Alpinus that wes baith fair and zing, With hail consent wes crownit to be king. Syne to compleit that the had take on hand, This Alpinus he gaif richt strait command 31,530 That eueric man within the fourtie da, Suld furneis him als gudlie as he ma, And syne convene withoutin ony lat, At tyme and place quhair that the tryst wes set. And so the did neirby Arrestia, 31,535 Convenit all at [ane] set place and da, Without oppression that tyme of the puir, And fit for fit to Forfar all tha fuir. Into that tyme the stanchit fra all yre, Nother spilt blude, nor zit wald rais no fyre, 31,540 Quhill that the come at grit laser and lenth

To Forfar toun, that tyme quhilk wes ane strenth;

Vpoun ane plane plantit thair palzeonis doun, Syne set ane seig evin round about the toun.

How Alpinus, King of Scottis, and Feredeth, King of Pechtis, met in Battell at Restennot, as follows.

This ² Feredeth, of Pechtis that wes king, 31,545 Wes neirhand by and knew full weill that thing, Col. 2. With greit power, as my author did sa, Then in thair sicht come on the secund da. Than Alpynus guhen he saw it wes so, He left the seig and to the field did go, 31,550 With baneris braid, and buglis blawand loude, With staitlie standartis, and with pensallis proude. At Restennoth thir freikis met in feild, And knokit on quhill mony ane war keild, And birny brist, and mony burdoun brak, 31,555 And mony bald man laid vpoun his bak, And mony freik wes fellit thair throw force, And mony knicht wes keillit throw the cors. Into that stour so stalwart wes that stryfe, That mony leid hes loissit thair his lyfe, 31,560 War neirhand lost, and als had tynt that ward, War nocht ane new fresche armit gard, With Fenedech of Athoill that wes lord, And four hundreth weill knyt in ane concord Off nobill men, renewit that feild agane, 31,565 And met the Pechtis richt pertlie on the plane With sic curaige that mony Pecht war keild, Trowand befoir that the had wyn the feild. Amang the Scottis, quhair tha war maist thrang, Or euir he wist wes closit thame amang, 31,570

¹ In MS. Federeth.

² In MS. The.

31,575

Of mony nobill of the Pechtis blude,

For his defence into that stour that stude,

And faucht quhill tha war so werie begone,

In his defence that tha war slane ilkone,

And he him self, quha lykis for to luke.

Quhairof the Pechtis no disconfort tuke,

Bot manfullie with all thair strenth and mycht

Tha faucht stane still quhill twynnit thame

the nycht;

Syne drew abak quhen na better mycht be,
On baith the sydis becaus tha mycht nocht se, 31,580
And to thair tentis raikit on full richt.
The Pechtis than sone efter that same nycht,
Quhen that tha knew how that thair king wes lost,
With him also the maist part of thair oist,
Thair haill cariage and tentis quhair tha la, 31,585
And all the laif tha left richt lang or da;
For grit dreddour out of that place tha zeid,
Sum heir, sum thair, tha sped thame waill gude
speid.

Till Alpinus quhen this wes schawin sone, Or dreid sic thing for tressoun suld be done, 31,590 Men vooun hors he hes gart haist in hy To hillis hie, about thame for to spy, With diligence baith for to spy and speir, In ony part gif thai saw thame appeir. And so that did, syne that same day at none, 31,595 Tha come agane and schew how tha had done All the command that he had gevin thame till, And how tha raid fra euerie hill to hill, Bot tha culd nocht se, other far or neir, No levand leid into thair sicht appeir. 31,600 Then Alpynus, and all his cumpany, Rejosit wes of that greit victory;

¹ In MS. than.

Col. 1.

And all the spulze that tyme that the wan, Richt equallie he hes distribut than To euerilk man, withoutin fraud or faill, 31,605 Efter his deidis as he wes of availl. Syne hes decretit or the partit thair, In tyme to cum that the wald fecht ne mair Lib.10, f.154. With haill power, without mair be ado, Bot tak the tyme ay as tha micht win to. 31,610 Syne scaillit hes and passit hame ilk man, And tuke with thame the haill spulze tha wan. This Alpynus, or he fuir of that feild, King Feredeth in that battell wes keild, With all honour that sic ane prince sould have, 31,615 Into Forfair gart put him in his graue. Syne efterwart, ouir all Arestia Greit heirschip maid, and spulze euirilk da, Of corne and cattell, and all other geir, Of gold, siluer, and claithis for to weir. 31,620 Ilk da in Athoill hame with thame syne brocht, Quhill all that land wes waistit haill to 1 nocht, And the induellaris flemit all and fled, For no reskew in all that tyme the had. Bridus, the sone of Feredeth the king 31,625 That eldest wes, succeidit to his ring; Ane freik he wes for litill thing wald feir, And luifit nocht for till heir tell of weir; For no counsall nother of man or cheild, Wald neuir consent to cum into ane feild. 31,630 Syne how it wes, I can nocht tell 30w plane, Amang thame self sone efter he wes slane; And for quhat causs, quhy or zit quhairfoir, Or how it wes, I can tell zow no moir. Bot gif it wes, as I can richt weill ges, 31,635 Becaus he wes of sic unworthines,

¹ In MS. nocht.

That all his lieges thocht of him grit lak. Gif it was so, it was the far les rak. His secund bruther callit Kennethus, Quhilk wes the sone of this ilk Feredethus, 31,640 Wes crownit syne efter his brutheris deid, For to be king of Pechtis in his steid; Ane kyndlie cowart, as it wes weill kend, Sone efter that that maid ane far war end: And how it wes tak tent and I sall sa. 31,645 Vpoun ane tyme into Arestia, Quhair he wes causit, soir aganis his will, With all his power for to pas thairfull, Quhair king Alpynus, with ane mekle oist, Lay in that tyme endlang the Eist se coist; 31,650 Fra this Kennethus come into thair sicht, And syne beheld sa mony basnet bricht, In ravit battell on ane feild that stude, Vnmensurable he thocht that multitude. Quhairof that tyme so greit terrour he tuik, 31,655 And wes so frayit also at the first luik, He kest fra him baith cot armour and scheild, Or euir tha wist syne fled out of the feild, All him allane, withoutin ony feir: And how it hapnit efter ze sall heir. 31,660

How Kenethus fled out of the Feild for Fleitnes, and wes slane be the Schiphird Carle, and how Bridus wes crownit efter him King of Pechtis.

Ane schiphird carle keipand a flok of fe,
Ane grit burdoun vpoun his bak buir he,
Quhilk of this king na knawledge than he had,
Bot weill he wist out of the feild he fled;
And in the tyme rycht neir he did him go,
31,665
Reprevand him quhy that he suld do so,

Out of the feild than fra the king to fle. He said agane, "Quhat makis that to the?" And suddantlie thai 1 fell into ane pley. This schiphird carle he gaif him sic ane swey 31,670 With that greit burdoun on his bak he buir, This carle that wes baith stalwart, stark and stuir, Doun of his hors he drawe him to the erd, And slew him thair: sic wes his hap and werd. The Pechtis syne quhen tha knew he wes fled, 31,675 No other chiftane in the tyme tha hed To be thair gydar other in or out, That da to fecht tha thocht it ouir grit dout; Thairfoir bakwartis in gude ordour ar gone, And left the feild, syne passit hame ilkone. 31,680 Efter the deid syne of this Kynnethus, Ane nobill man that callit wes Bredus, Amang thame all of most auctoritie, Wes crownit than of Pechtis king to be. To Alpynus qubilk send ane messinger, 31,685 Richt reuerentlie that tyme did him requeir, At his plesour, withoutin bost or schoir, For to reforme all faltis maid befoir, To euerie part withoutin skaith or lak, Syne peax and rest and gude concord to mak, 31,690 Siclyke befoir as it wes wont to be, In peax and rest and perfect vnitie. This Alpynus sic ansuer maid him till, And all his lordis siclike in ane will, Sayand, of thame that the suld neuir haif peice, 31,695 No zit fra battell thocht tha neuir to ceis, Without respect tha wald richt sone resigne His croun to him, and knaw him as thair king, Syne him obey, and for thair prince to knaw, As ressoun wald be course of commoun law. 31,700

1 In MS. thair.

Col. 2.

That messinger syne passit hame agane, Befoir thame all syne schew his ansuer plane To king Bredus withoutin ony moir, Ilk word be word as ze haif hard befoir. Quhair of that tyme he wes nothing content, 31,705 Quhen that he hard the ansuer that he sent, And in his mynd remordit oft and knew, Richt suddanelie that he suld him persew. For that same caus, as ze sall wnderstand, To Edwenus, that king wes of Ingland, 31,710 Of gold and siluer ane grit quantitie, Into the tyme with ane herald send he; Beseikand him richt humblie with his hart, Aganis the Scottis for to tak his part, And he siclike agane all vther wicht, 31,715 Sould tak his part at all power and micht. This Edwenus, that rycht weill wald heir haue, Into the tyme the money did ressaue, Promitting als that he sould send him to Richt grit power when he had oucht till do. 31,720 The messinger syne passit hame agane, And schew to him how he promittit plane, So friendfullie, and with so gude ane will, Richt greit supple that he sould send him till; Withoutin thair of haif he [than] no dreid, 31,725 Quhen euir it war thairof that he had neid. Of this ansuer richt blyth and glaid wes he, So wes the laif als blyth as tha mycht be; In him that tyme the had so grit beleif, With mort battell guhen plesit thame to preif 31,730 The cruell Scottis that war baith big and bald, As thair awin will to weild thame as tha wald. it neuirtheles thair wes right mony Pecht Lib.10, f.154b. Gaiff lytill traist or credence to his hecht, Trowand he buir into his mynd full soir, 31,735

Col. 1.

The cruell slauchter that wes maid befoir

Be thair fatheris, quhen tha slew Ethilstone Without mercie and vtheris mony one; Sayand he wald revenge that, and he mycht Se he his tyme, other be strenth or slight. 31,740 In this same tyme now that ze heir me sa, In all the pairtis of Arestia, Fra Grampione evin onto Tayis flude, Wes neuir one left of all the Pechtis blude Without ane strenth, or he that did obey 31,745 To Alpynus withoutin ony pley. This king Bredus quhen he did wnderstand, How Alpynus had conqueist so his land, Ane herald sone to Edwenus he send Richt freindfullie with hartlie recommend, 31,750 Beseikand him with hartlie mynd and will, Of his supple sone for to send him till, In all the haist that he micht gudlie speid, For-quhy, he said, it stude him in sic neid; And gif it war that no better micht be, 31,755 Send he the men and he sould pay thair fe. Edwenus than sick ansuer maid thairto, Sayand, him self sa mekle had ado, That he that tyme mycht help him [in] na thing, And Lues als of France the nobill king, Quhilk wes his freind quhome he mycht nocht deny, Requeistit him richt oft and tenderly, Scottis no way as than for to invaid, The quhilk condition to him he had maid. " Bid him postpone vnto ane vther zeir, 31,765 " And sa my self befoir him sall appeir, " Quhen euir he will, at set place and at da, "With all the power in the tyme I ma." Than king Bredus that tyme and all the laue, Quhen that the hard sic ansuer as he gaue, Wareit the wycht in quhome that wisdome grew, To trow in him or traist he culd be trew. VOL. II. BB

Difficill is, the said that tyme ilk ane, Bring throw the flesch that bred is in the bane; Quhometo that mater gaif sic propertie, 31,775 Withoutin faith to be baith fals and sle. This king Bredus, without ony deley, Proclamit hes vpoun the tuentie day, That euerie wicht that wapin docht to weild, Suld furneist be to follow him on feild, 31,780 In Calidone quhair da and place wes set. That samin tyme togidder all tha met, On to the castell syne of Calidone, Syne fit for fit togidder all ar gone, And passit thair all ouir the water of Tay, 31,785 And syne neirby quhair that the Scottis lay Vpoune ane plane besyde ane hill richt hie, Quhair standis now the gude toun of Dundie, Quhill that the come ilkane in otheris sicht. This king Bredus, throw counsall that same nycht, 31,790 Vpoun ane plane quhair tha war plantit doun, Baith wyffe and barne, lad, lymmer and loun, With sic armour into that tyme the had, And all the laif with lynnyng clayth syne cled, The quhilk on far to ony wald appeir 31,795 As it had bene gude harnes new and cleir; Syne euerie man into his hand gart beir Ane greit burdoun, as it had bene ane speir; The carriage hors syne gaif ilkane thame till. Syne in ane schaw bezond ane litill hill, 31,800 Rycht quietlie gart hyde thame thair all nycht, Quhilk on the morne neuir ane suld cum in sicht,

Col. 2.

Syne tak gude tent quhen tha maid thame a signe, Than suddantlie to speid thame at that spring,

¹ In MS. places.

Quhair that tha la ilkane out of that slak, 31,805 In gude ordour behind the Scottis bak. Ane hundreth horssmen but rangat or noy, Tha send with thame that mater to convoy; And so the did as I sall efter schew. Syne on the morne quhen that the Scottis saw 31,810 The Pechtis bydand in so gude array, This Alpynus without ony delay, He put his men all into ordour gude, With rayit feild syne narrar thame he zude, With mony baner flammand war full fair, 31,815 And mony standert streikit in the air, And mony pensall panetit wer full proude, And mony bugill blawand than full loude.

THE JOYNYNG OFF THE BALD BATTELL BETUIX ALPYNUS AND BREDUS.

In birneis bricht, with mony speir and scheild, Thir forcie freikis enterit in the feild, 31,820 So stalwertlie togidder syne tha straik, With sic ane schow quhill all the schawis schak. Thair speris grit, that war baith scharp and lang, In spaillis all aboue thair heid tha sprang. The strenth of Pechtis in the vangard stude, 31,825 Quhair spilt that da war mekle Scottis blude, And had that da bene haill put to the war, Had nocht Alpynus, in the tyme bene nar With grit power, that tyme did thame reskew; Quhair throw the battell did agane renew, 31,830 And with sic force begouth agane to fecht, For all thair power that tyme euirilk Pecht Had in that feild bene other tane or slane, War nocht the tressoun of the subtill trane, The quhilk tha wrocht on the nycht befoir. 31,835 Thir bernis all, with mekle bost and schoir,

Out of ane glen in ane buschment tha brak In rayit feild behind the Scottis bak; Thair lynnyng claithis agane the sone so brycht, As cleir harnes it semit in thair sicht; Thair burdonis big, that 1 stalwart war and strang, The schew to thame as the war speiris leng; It semit als into thair sicht betuene, That euirilk meir ane bairdit hors had bene; Quhairof that tyme tha war so soir adred, 31,845 Turnit thair bak out of the feild and fled Heir and thair to mony sindrie place. The Pechtis syne than follouit on the chace; Into the chace thair wes als mony keild, And mony that da not fechtand in the feild; 31,850 Quhome tha ouirtuke that tyme thair chapit nane. The king Alpyne into the chace wes tane, And baith his handis bund behind his bak; Wes [nane] to him that tyme reskew to mak. Syne guhen tha come [wer] onto the nixt steid, 31,855 Set him down thair and syne straik of his heid. That steid and place, quha reidis rycht sensyne, With ald eldaris is callit at Pas-Alpyne; Alpinus heid in that langage to sa, Pitelpe now is callit at this da. 31,860 As I haif said, so hapnit all this thing In the fourt zeir of this Alpynus ring, Aucht hundretht zeir threttie and four also, The zeir of God wes that tyme and ago. The Pechtis syne, efter Alpynus deid, 31,865 Vpoun ane speir tha haif gart beir his heid, Befoir thame thair onto Camelidone. Lib.10, f.155. Decreittit wes syne with thame all ilkone, Vpoun ane staik, richt heich vpoun the wall, Tha festnit it quhair that it micht nocht fall, 31,870

Ī

1 In MS. than.

Col. 1.

² In MS. deid.

In tyme to cum ane taikin for to be Of thair triumphe and grit nobillitie. The Scottis all into that samin quhile, Convenit hes togidder in Argyle, For to decreit into that samin thing, 31,875 Quhome tha wald cheis to be thair prince and king. Elpynus sone, quhilk wes of lauchtfull eild, Kenneth to name so callit wes that cheild, In all his tyme richt worthie and conding, Of Scottis than wes crownit to be king. 31,880 His 1 fatheris cors syne in Ecolumkill, With all honour that micht pertene thairtill, On gudlie wyiss he hes gart put in grave, Siclike befoir as done wes with the laue. That samin tyme into Camelidone, 31,885 Quhair the Pechtis hes convenit ilkone That nobillis war, that tyme bayth ald and zing, At the command and requeist of thair king, Throw greit presumptione in thair mynd tha tuke, Tha tuichit all ilkane the Evangell buik; 31,890 Decretit als that tyme in ane intent, And sadlie swoir be euerie sacrament, Neuir for to rest fra battell, fyre and blude, In all thair tyme, ay quhill tha wnderstude Of Scottis blude wes nother man nor wyfe, 31,895 Zoung nor ald, left levand vpoun lyfe. Syne gaif command wnder the pane of deid, And no les pane no tynsell of his heid, In tyme to cum quhat euir he wes that spak Of peax agane, or trewis for to tak. 31,900 it neuirtheles thair wes amang thame than, Wes wyiss aneuch richt mony agit man, Quhilk disassentit richt far to that thing; And for that caus, with lordis that war zing,

¹ In MS. In.

Tha war rebawkit in the tyme and blamit, 31,905 And far ouirschot among the laue and schamit. Quhen all this thing discouerit wes and schawin Ilk word by word, and to the Scottis knawin, Quhair of that tyme tha terrour nathing tuke, Bot swoir ilkane, mycht tha thair lyvis bruik, That the sould find far scharper ne the brocht; Of all thair vowis tha rakit bot rycht nocht. Into thair hart it kendlit sic ane heit, With so greit ire and malice in thair spreit, Tha thocht ilkone far levar haif bene deid, 31,915 Or tha war nocht revengit of that feid. That samin tyme, with greit power and mycht, This king Bredus buskit in armour brycht Richt mony man that waponis weill culd weild, Agane the Scottis furneist to the feild: 31,920 Syne passit furth, with mekle bost and schoir, For to compleit their vowis maid befoir. Amang thame selfis rycht suddantlie thair fell, Quhat wes the caus I can nocht to zow tell, Richt greit discord betuix tua men of gude, 31,925 Of greit power and of richt nobill blude; Quhairthrow tha drew to sic parteis that da, That all the oist deuydit wes in tua. For euirilk freind that tyme tuke part with other, Sum with the tone, and sum als with the tother, 31.930 Quhill at the last tha tuke the feild on breid, With brandis bricht gart mony bernis bleid. On euerie syde thair wes richt mony slane, Or tha culd weill be put in tune agane: And or the oist culd stablit be at rest. 31,935 The nicht wes cuming and all the da wes past. This king Bredus greit travell on him tuke, All the lang nycht fra end to end he woik;

Col. 2.

Vpoun his feit gangand fra lord to lord, To mak agane amang thame gude concord. 31,940 Bot all for nocht; that tyme it wald nocht be, On euerie syde so het tha war and hie; In vane that nycht he lauborit still quhill da, Syne left it war and passit hame thair wa.

OFF THE DEID OF BREDUS, AND OF DRASKEN HIS BRUTHER THAT SUCCEID IN HIS STEID.

Bredus thair king sone efter that for-thi,
For greit displesour and melancoly,
That he wes warnit that tyme of his will,
His purpois als he micht nocht weill fulfill,
Within thre moneth efter that and les,
Departit hes into that grit distres.
His bruther germane efter he wes deid,
Callit Drasken, succeidit in his steid;
Quhilk labourit hes, richt lang and mony da,
With diligence and all the cuir he ma,
And tuik on him greit travell and grit pane,
Quhill he brocht thame in gude concord agane.

HOW TUA SCOTTIS MEN QUIETLIE TUKE AWAY ALPYNUS HEID AND BROCHT IT TO HIS SONE KING KENNYTH, QUHILK CLOSIT WAS WITH THE BODIE IN IONA YLE.

That samin tyme thair wes tua Scottis men,
And quhat tha war I culd neuir wit nor ken,
Bot weill I wat that tha wer richt expart,
So he that tyme ascendit in thair hart.

31,960
Alpynus heid, so nobill wes and gude,
With lak and schame vpoun ane staik that stude
Aboue the portis of Camelidone;
Thir tua togidder to the toun ar gone

Then fit for fit, but fallowschip in feir, The Pechtis langage tha culd weill perqueir, And fenzeit thame than merchandis for to be, With merchandice wer new cumit ouir the se, And merchandice the brocht with theme to · sell;

This taill is trew now that ze heir me tell. Syne in the toun thair tha remanit still, Ane weill lang quhile at thair plesour and will, And merchandice the maid into the toun, As plesit thame in all part vp and doun. Syne on ane tyme quhen tha thocht it wes best.

Vpoun the nycht guhen all men wes at rest, Vpoun ane ledder passit vp the wall, And quietlie awa the heid tha stall; The samin gait quhair tha zeid vp come doun, Syne prinatlie tha passit of the toun. Into ane cace wes ordand for sic thing, The put the heid, syne passit to the king, In Caraccone that tyme quhair that he la, Broch[t] him the heid, syne on the secund da Wes efter that within ane litill quhile, With greit triumph borne to Iona Yle; Syne closit wes into that samin steid,

Lib.10, f.155b. Besyid himself befoir that aucht that heid. Col. 1. This nobill king syne gevin hes thir tua Richt grit reward that brocht this heid awa, In heretage efter thame to succeid, For to remember of thair nobill deid; So that thair fame sould lest in memorie, Into ane taikin of thair laud and glorie.

Quhen this was done as I haif tald this tyde, The strenthis all war in the bordour syde, This Kennethus [he] hes gart furneis weill With men and meit, and stiff waponis of steill,

31,995

31,990

21,965

31,970

31,975

31,980

31,985

With gun and ganze, and with all the laue; Thair wantit nocht that neidfull war to haue. 32,000 Into that tyme richt strait command gaif he, That eueric man all tyme sould reddie be With hors and harnes, and all vther geir That neidfull ar for ony man of weir; And to compeir befoir him ane and all, 32,005 At da and place quhat tyme that he wald call, Quhen he thocht tyme his richtis to reskew. Of his lordis that tyme thair wes richt few, That wald thair mynd apply vnto his will, For no requeist that he culd mak thame till, 32,010 The greit mischief remanit in memoir, That the had tane into the feild befoir, Quhair Alpynus thair nobill king wes slane. Quhairfoir tha said tha wald no moir agane To battell went as tha wer wont befoir, 32,015 The Pechtis strenth that tyme the dred so soir, And thocht aneuch thair awin for to defend, And fordermair on na way wald tha wend. Thre zeir and moir withoutin rest and peice, On nother syde that schupe thame for to ceis; 32,020 Bot euerilk da, with pray and prisoneir, Grit heirschip maid ouir all bayth far and neir. This Kennethus syne efter quhen he knew, That he no way his purpois micht persew Withoutin slicht and greit subtillitie, 32,025 Ane nyce ingyne devysit syne hes he. And how it wes, quha lykis for to speir, Tak tent this time and I sall tell zow heir.

Col. 2.

How Kennethus Callit his Lordis to ane Counsall and maid his Oresoun to thame, fra Quhilk tha disassentit, and off his subtill Ingyne diuysit thairanent.

This Kennethus his lordis hes gart call To ane counsall, quhair tha convenit all; 32,030 Desyrand thame at their power and micht, To tak his part and fortifie his right, Agane the Pechtis held fra him sa lang His heretage, tha wist richt weill, with wrang. Quhairof he said that he micht haif remeid, 32,035 And for to be revengit of the deid Of his father, and vtheris mony ane, Efter the tyme in handis tha[t] war tane, Richt cruellie, but mercie or remeid, Without petie tha war put all to deid. 32,040 Wald tha consent ane mendis for to haif, That dett, he said, suld nocht be lang to craif; Quhilk to thame all wer grit honour and gloir, Perpetuallie induring euermoir. Quhen he had said, sat down and held him still, 32,045 Rycht few thair wes that wald consent thairtill. Tha thocht aneuche for to defend thair awin Into sic thrang, and keip thame vnouirthrawin. Richt weill tha wist that thair wes nocht to wyn, Tha saw appeir sa grit perrell thairin, 32,050 Be ane exempill quhilk sat thame richt soir, Nocht lang gane syne into the feild befoir, Quhairof tha said tha micht grit wisdome leir In tyme to cum, other in peice or weir, At sufficence to hald and than cry ho: 32,055 Quhen men ar weill best is to hald thame so, And nocht ouir far in ony thing exceid, Quhen that thair is no indigence and neid.

Than Kennethus, quhen he knew thair intent, That be no way tha wald to him consent, 32,060 Be ane ingyne, befoir as I zow schew, Richt sone he schuip thair wittis till persew. Vpone the morne gart call thame to the dyne, And to remane still to the supper syne. Befoir the king at none into the hall, 32,065 Quhair that he sat into his stait royall, With mony ding lord sittand at his deische, And mekill weltht of mony costlie meiss; Thair wes no wyn quhairof that the had want, No zit na coursis that tyme to thame stant. 32,070 Efter the dyne tha bownit all to pla, With mirrines tha drawe to end that da, Quhill to the supper tha war set all syne; Tha maid gude cheir and drank the riche wyne, And of grit danteis in the tyme tha had, The maid gude cheir and syne went to bed, In mony chalmer ilkane by and by, Dewysit wes quhair that the all sould ly. That samin nycht, this ilk Kennethus king Diuysit hes ane wounder subtill thing; 32,080 Of fischis skynnis, that in the self hes licht, The quhilk will schyne about the mirk and nycht, With all greit licht as it wer ane lantern, Withoutin low, als bricht as ony sterne, Gart cloikis mak, and sindrie thairin cled; 32,085 Syne quyetlie before ilk lordis bed, Vpoun the fluir that nycht he gart thame stand, And euirilkane that tyme had in his hand Ane roittin tre, the quhilk siclike caist lycht, As dois ane sterne into ane frostie nycht: 32,090 And ane grit horne, that borit wes all throw, Quhair[in] the spak richt hideuslie and how.

¹ In MS. richtis.

Syne efter drink, quhen tha war sound on sleip,
Quhair to that tyme tha tuke ilkane gude keip,
And in the horne tha blew sa grit ane blast,
Out of thair sleip tha walknit at the last.
Syne lukit how and saw so greit ane licht,
Tha trowit weill it wes na erthlie wicht;
Like ony sterne it semit than as cleir,
With vncouth voce that awfull wes to heir;
Syne as tha la sic tent to thame to tak,
Out throw the horne ilkone that tyme tha spak
Richt vncouthlie, and with sic awfull sound,
Quhill that thair beir gart all the bed rebound:
And said to thame than with ane voce mair 32,105
cleir,

Ilk word by word as I sall schaw 30w heir.

Lib.10, f.156. Col. 1.

- " I am ane seruand send down fra the hight
- " Of God, in quhome is all power and micht,
- "The michtfull maker of the sone and mone;
- " At his devyiss all thing in erth is done. 32,110
- "Thair is no stait ma stop or zit ganestand
- "To dissobey or brek his hie command;
- " Quhat euir he be wirkis nocht at his will,
- "Tak tent," he said, "quhat follouis sone thairtill.
- "The Pechtis proude, with thair subtillitie, 32,115
- "Wald him begyle, and mak him blind to be;
- "The hie sentence quhilk his awin mouth hes spokin,
- "Tha think on force agane it salbe brokin.
- " As he hes said, traist weill it man be sua,
- " Magir thair will thocht tha war neuer so thra; 32,120
- " That is to sa, thair kinrik and thair croun,
- " To Kennethus and his successioun,
- " He gevin hes of his hie prouidence,
- " Aganis him tha mak vnjust defence,
- " And wranguslie tha hald fra him his richt 32,125
- " Is grantit him be gratius God of micht,

32,160

"	Quhilk	schaipis	now	to	wirk	on	thame	his	will.
---	--------	----------	-----	----	------	----	-------	-----	-------

" For that same caus he has send me yow till,

" Commanding 30w, aboue all vther thing,

" For till obey to Kennethus 30ur king, 32,130

" And failze nocht to fulfill his desyre;

" For gratius God will so exerce his yre

" Agane the Pechtis that the pley began,

" Of all thair blude sall nother wyfe nor man,

" 3oung or ald, be left in Albione, 32,135

"Traist zow richt weill, or all the weir begone.

"Dreid nocht," he said, "thair power and thair pryde."

Quhen this was said, richt suddantlie that tyde Turnit his cloik that it mycht cast na lycht; His staf also he hid than out of sight 32,140 Wnder his lap, and leit it nocht be sene, Out of his sicht as he had vaneist bene. Syne quyetlie withoutin ony dyn, Opnit the dur, for he knew weill the gyn, Behind his bak syne closit it agane, 32,145 But ony tent of making of that trane. In sindrie partis quhair tha la that nycht, To euirilk one wes schawin sic ane sycht Be sindrie men that culd thair craft perqueir, To do and sa as I haif tald yow heir. 32,150 The lordis all, ilkane baith gude and ill That saw that sicht, grit eredence gaif thairtill; Trowand that tyme are angell it had bene, Quhilk of befoir sic semdill had the sene. Syne on the morne tha schew all to the 32,155 king,

Ilk word be word, the maner of that thing, With grit credence traistand that all wes trew; And he agane siclike the same thing schew That he had sene, and ilk word that the spak, Perfytliar and of ane planar mak. Col. 2.

- " And syne," he said, "my counsall is that we,
- " To keip this clois and quyet for to be,
- " And schaw nothing of all we said befoir,
- " Quhairthrow we may tak ony hie vane gloir,
- " And crab nocht God to ws sic grace hes send, 32,165
- " Bot wirk his will onto the latter end;
- " And lichtlie nocht his hie excellent grace,
- " For to postpone onto ane langar space,
- " Or dreid he think ws negligent and sueir,
- "And so for him we will nocht thryfe this 32,170 zeir.
- " We can nocht faill sen we haif his supple;
- " My counsall is thairfoir richt sone that we
- " To put his will, sen it is all bot richt,
- "To executioun als far as we micht."

Quhairfoir that tyme tha war rycht weill content, 32,175 But contrapleid thairto gaif thair consent.

At his plesour within ane litill space,

Tha set a day quhair tha suld meit his grace,

Syne euirilk lord that thair wes be his name,

Thankit the king, tuke leve and passit hame.

This Kenethus, that no langar wald ly,

Proclamit hes syne with ane opin cry,

That euirilk man als gudlie as he ma,

Suld reddie be agane the tuentie da,

With hors and harnes the best that he mycht get, 32,185

32,180

Syne to convene quhair da and place was set.

The lordis all with all power and micht,

Greit diligence tha haif done da and nycht,

To fortifie and furneis to the feild

Baith 3oung and ald that waponis docht to 32,190 weild.

The samin tyme quhair at the tryst wes set, At da and place togidder all tha met This nobill king and all his men of gude, In greit number and of sic multitude Of bernis bald, buskit in armour bricht, Wes none that da that euir saw sic sicht. 32,195

How Keneth, King of Scottis, and Druskenus, King of Pechtis, faucht in Feild, and how the Scottis wan the Feild.

Quhen tha had maid thair mustur on a mure, To Vicomage togidder all tha fuir; With fyre and blude tha waistit all that land, Wes nane that tyme mycht stop thame or gane- 32,200 stand,

Quhill Druskenus with all power and mycht, Come thair him self sone efter on ane nycht, And euirilk Pecht that docht to ryde or go; Of Inglismen ane greit armie also. Syne on the nycht passit the Scottis by, 32,205 Betuix the camp quhair that the saw thame ly, And thair awin land, as tha that tyme wald sa, Quick with thair lyfe suld neuir ane wyn awa. Syne on the morne be that the da wes lycht, The Pechtis pertlie apperit in thair sycht 32,210 With mekle malice, mager and invye, And set on thame syne with ane schout and cry, Without ordour of takin or command, So stoneist war tha mycht no langer stand, And macchit hes als airlie as tha mocht; 32,215 Thair haistie fair it furderit thame rycht nocht. The Inglismen richt sone and suddanelie, In rayit battell that wer standard by, Sick fray tha tuke, and wes so far adred, Out of the feild onto ane montane fled, 32,220 For to behald onto the latter end. Sone efter thame Druskenus hes gart send

¹ In MS. Drustrenus.

² In MS. that tha.

Lib.10, f.156 b. Ane man on 1 hors with mony jolie Pecht, To turne agane onto the feild and fecht, Of gold and siluer in grit quantitie, 32,225 And leve thame nocht in that necessitie. For all thair hechtis and thair fair promit, The said agane the wald nocht fecht a fit: To men of weir tha said it did pertene, Erar to fle quhair perrell ma be sene, 32,230 And keip thame self onto ane better hour, Na byde and fecht and tyne sa grit honour. Far better war fra sick perrell to blyn, Quhair weill tha wist wes na wirschip to wyn. The Pechtis than that faucht into the feild, 32,235 Throw grit curage thocht thair wes mony keild, Quhen that the saw the Inglismen wer fled, On thair richt hand no help that tyme tha hed; The Inglismen had left that towne full bair Of Inglismen ² that sould haif fouchtin thair; 32,240 In rayit feild awa tha wald have fled. The Scottis than richt spedelie thame sped, With so greit force and gaif thame sic a fray, Incontinent tha gart thame brek array; Out of the feild syne gart thame fle on force, 32,245 Sum vpone fit and vther sum on hors. This Druskenus be aventure that da, Out of the feild he wes had saif awa; Vpone ane hors that reddie wes neirby, On to ane strenth he wes had out of cry. 32,250 This Kenethus hes gevin command that nane Of Pechtis blude be other saue or tane, For ony ressoun, reuth or zit remeid; Bot for to think on gude Alpynus deid, And mony vther efter tha war tane, 32,255 So cruellie but mercie all war slane.

In MS. or.

² The Scottismen.

The Scottis than so bremit war and bald, That da tha sauit nother zoung or ald, Riche or puir, other ill or gude, Als bald as boris to spill the Pechtis blude; 32,260 Ay followand on quaill that the come to Forth, Behind thair bak richt neir wes in the North, Quhair tha that tyme no farder docht to fle. The Scottis than, with grit crudelitie, Into that place ma Pechtis haif tha keild, 32,265 Neirby or ma no fechtand in the feild. The Inglismen that standard zit war by, Quhen tha saw that the haistit theme in hy Fast hame agane, richt warlie with gude will. Quhen tha war passit hyne behind ane hill, 32,270 Far out of sicht seand that the wer fled. Kenethus than into that tyme he dred, That the did so he trowit for ane trane, In rayit battell syne to releue agane, Without ordour his men quhen that the saw; And for that caus ane trumpet he gart blaw, At quhais sound and bidding tha war bane, Returnit all in gude ordour agane, Richt to his hand that tyme bayth man and cheild, And all that nycht the work into the field; 32,280

And all that nycht the work into the field; 32,280 Quhill on the morne that the wist weill but lane, The Inglismen war all gane hame agane. The spulze all that he fand in the feild, Rycht equallie to euerie man and cheild, Efter his stait and his nobillitie, 32,285

Diuydit hes in siclike quantitie
To euerilk man that tyme bayth les and moir:
Syne passit hame with grit triumph and gloir.

Col. 2.

How the Pechtis send and Herald to King Kenneth, and of his Ansuer agane.

Sone efter this that I haif said 30w heir,	
To Kenethus thair come ane messingeir	32,290
Fra Pechtis send, richt lawlie than but leis,	
Beseikand him agane for to mak peice,	
With quhat conditioun he lykit to craue	
Wes ressonabill thairwith bot ask and haue.	
And he agane maid ansuer to that thing;	32,295
Without he war ressauit to be king,	
And to his croun he aucht of heretage,	
"Traist weill," he said, "for ony vther wage,	
"Or zit reward, beleif ze w[e]ill but leis,	
" At weir agane neuir moir to purches peis."	32,300
The messinger said, weill he wist thair will,	
For na gardon that the wald grant thairtill.	
Commandit him he suld sa to thame than,	
Amang thame all quhill levand wes ane man,	
Or zit ane lad on lyve amang the lawe,	32,305
Thair croun and kinrik he suld ay [to] crawe.	
He tuik his leve than bayth at les and moir,	
And left it war na euir it wes befoir.	
Out of tha place tha gart him speid him sone,	
And passit hame and his erand vndone.	32,310
For that same caus the Scottis all thair dais	
Moir cruell war, as that my author sais;	
Into thair hart the hiear ay ascendit,	
Of that ansuer thinkand tha war offendit;	
Quhairof tha thocht ane mendis sone to haif,	
The quhilk rycht lang suld nocht be for to craif	

How Kenethus subdewit the Pechtis in sindre Pairtis, with cruell Slauchter on Baith the Sydis.

Kenethus syne sone efter on ane da Subdewit hes alhaill Orestia; And Othelyne, baith castell, toun and toure, Ressauit him with reverence and honour, 32,320 As king and prince, and swoir tha suld be trew, For ony malice other ald or new; And all the strenthis war into tha landis, Resignit hes alhaill into his handis; To hald of him withoutin pley or pleid, 32,325 At his plesoure and to forzet all feid. Syne efterwart with grit power and large, He passit syne richt sone to Vicomage, Quhair mony ane that tyme come in his will, And all the laue als cumand wer him till; 32,330 Ane da wes set of meitting and concord. That samin tyme, gif that I rycht record, Lib.10, f.157. Col. 1. Ane messinger thair come to him and seliew In Othelyn and Orest of the new, The Scottis all war slane thairin ilk man, 32,335 Be the deception of the Pechtis than: Les no mair was neuir ane left on lyve Without ane strenth, other man or wyve; Sick plesour had to spill the Scottis blude. This Kenethus quhen he that wnderstude, 32,340 Withoutin tarie other nicht or da, He come richt sone into Orestia, Quhair that he sparit nother wyfe no man; For thair falsheid tha gat na fauour than. Till all vther to be ane document, 32,345 For to be fals and fenzeit of intent, And brek the fayth that the had maid beforne, The quhilk to keip ilkane of thame wer suorne. C C 2

How Druskenus, King of Pechtis, come with ane Army to Scone, and send his Seruand for Speich to Kenethus Quha La neirby with his Cumpany.

This Druskenus, of Pechtis that wes king, Rycht weill that tyme considerit all that thing; 32,350 So did his lordis all that time ilkone, That force it wes their kinrik to forgone, Or all thair rychtis in that tyme resigne To Kenethus, and hald him as thair king. Considderand that tyme that as it standis, 32,355 Or manfullie debait it with thair handis, Sen are of thame wes neidfull for to be. Tha chesit all far erar for to die Without ransoun or tha gaif ouir thair right, For boist or schoir to ony erthlie wicht. 32,360 And for that caus bayth zoung and ald ilk cheild, That worthie wes ane wapone for to weild, Ilkone that tyme, and tha had bene far ma, Furneist for feild to set agane his fa:

Ilkone that tyme, and tha had bene far ma, Furneist for feild to set agane his fa:
Betaucht thame syne into dame Fortonis will, Quhat chance that tyme that scho wald send thame till.

32,365

Syne furth tha fuir quhill that the come rycht sone

Onto ane place the quhilk is callit Scone,
In Gowrie land, quhair now this samin da
Of Sanct Michaell thair standis ane abba.

This Kenethus, that weill his cuming knew,
Wes neir hand by with nobill men anew,
Bayth big and bald for to debait his rycht;
Syne ilk of other cuming are in sicht.

The king of Pechtis that weill the perrell kend, 32,375
To Kenethus ane seruand sone he send,

Beseikand him, gif that it wes his will,
Out fra his oist that he wald cum him till;
And he siclike for his plesour agane
Suld meit him thair in middis of the plane,
For sic thingis he had with him till do,
Gif plesit him he prayit him thairto.

32,380

32,395

How King Kenethus and Druskenus met togidder for Intercommoning.

Kenethus then thocht he his mynd wald heir,
And tuke with him sic fallowschip in feir
As plesit him, quhair that the place wes set,
With lyke number with this Druskene he met.
This Druskenus than of ane gude maneir,
He said to him as I sall schaw 30w heir.
"Keneth, king and victor invincibill,
"To the and thyne it wer mair honourable, 32,390

- " And proffeit als, ws to thi freind now haue,
- "With quhat conditioun as ze list to crave,
- " Baith in ane band as we wer wont to be,
- " At all plesure in perfite vnitie,
- " No for to be ilk da into sic stryfe,
- " Quhairthrow rycht mony loissit hes the lyfe,
- " And bayth oure power brokin is so far,
- " Rycht eith it is to put ws to the war.
- "The Saxoun blude that neuir zit wes trew,
- "Oure commoun fa, to thame it is grit glew: 32,400
- "The thing in erth that the wald erast se,
- " Is oure mischeif and infelicitie;
- " For weill I wait, and we so perseueir
- " As we haif done, within les nor ane zeir,
- "That bayth oure riches and oure power haill, 32,405
- "Sall sone be brocht on to ane litill vaill;
- " Magir oure will we salbe maid till gone,
- " Quha chaipis best, far out of Albione,

" Or to the Saxonis be maid bund and thrall, " But libertie, and lois oure landis all; " And euirmair wnder thair bondage be, " With greit mischeif and sic miseritie.	32,410
"Cheis 30w," he said, "now or we tua disseue	r,
" Quhilk of thir tua this tyme that ze had leve	er;
" For to have ws your fallow and gude freind,	32,415
" In love and lautie euir moir to leind,	
"No haue the Saxonis as your mortall fo, "Quhilk ma nocht suffer yow for to do so,	,
"Quhilk ma nocht suffer zow for to do so,	
"But euirmoir 3our maister tha wilbe,	
" And tak fra 30w all 30ur auctoritie,	32,420
"Or than to fleme 30w far out of this land;	
"This will be trew ze ma weill wnderstand.	
"As for redres of king Alpinus deid,	
"Richt equalie can no man mak remeid;	
"For all the gold and [all] the siluer bricht,	32,425
"And all the riches and all vther micht,	
"Into Pechtland and als all vther thing,	
"Ma nocht redres the deid of sic ane king.	
"Siclyke agane war it possibill to haue,	00.400
" Of Feredeth at 30w redres to craue. " And sen we knaw be just equallitie,	32,430
"Wnpossibill is that sic thing weill ma be,	
"And for that caus we spak thair of no moir	
"Into the tyme that it set we richt soir,	
"Na preissis nocht thairof for to mak pleid,	32,435
"Sen none bot God ma mak mendis for deid.	02,400
"Gif all sic thing as I haif said so be	
" Of litill vaill or zit plesour to the,	
"For to redres or satisfie thi will,	
"Richt fre but fraud heir we sall gif the till	32,440
" Alhaill oure landis liand in the North,	,
" Fra Grampione onto the water of Forth,	
" As Othelyn and all Orestia,	
" In heretage euirmoir quhill domisda.	
•	

" Quhairthrow thow ma haif mair honour and 32,445 gloir

" Na euir had king in Albione befoir."

Quhen he had said at his plesour and will,
Sic ansuer than Kenethus maid him till.

Lib.10, f.157b. Col. 1.

THE ANSUER OF KENETHUS AGANE TO DRUSKE-NUS, IN MANER FOLLOWING.

" Sen gratius [God] that hes all thing in erd,

" At his weil[d]ing to weill or zit wan werd, 32,450

" And hes no reule nor mesure be this will,

" Of hes greit grace now grantit hes ws till

" 3our croun and kinrik into heretage,

" Quhilk suld be mine be law of rycht lynage

" Of Hungus blude, and narrest air suld be 32,455

" For to succeid to his auctoritie;

" And ze," he said, "hes done me sic offence,

" The gift of God of his hie prudence,

" Rycht gratiuslie now hes me grantit till,

"Wald reif fra me in magir of my will. 32,460

"Without battell as it is rycht weill knawin,

"Of 30w this tyme I can nocht get my awin;

" And sen I haif ane just querrell and caus,

" As is allegit into mony lawes,

"The man that ma nocht get his awin by 32,465 rycht,

"Than lefull is be way of deith or mycht,

"Gif he hes power for to tak his awin,

"Gude conscience wald that no man wer ouir-thrawin.

" Quhairfoir," he said, "rycht weill ze wait I haue

" Ane just querrell at 30w my croun to craue; 32,470

" And sen it is injustlie ze deny,

" Quhairfoir this tyme ane just querrell haif I

" For to move battell to cum to my awin:

" And dout 3e nocht, or I be sa ouirthrawin,

"Rycht mony thousand on ane day sall de. 32,475
"Traist weill," he said, "that this rycht trew salbe,

Without webt gone in presence of theme all

"Without rycht sone in presence of thame all, Thy croun, thy sceptour, and thy rob royall,

" Rycht frelie ouir agane fra the resigne,

" And tha resaue me as thair prince and king, 32,480

" And all the strenthis that ar in zour landis,

"To put thame all rycht frelie in my handis.

" Quhill this be done traist weill to haif no peice;

" Na zit," he said, "we schaip neuir for to ceis

" In all our tyme fra battell, fyre and blude, 32,485

"Quhill that ane boy be levand of your blude." Quhen this wes said tha tuke thair leif to pas, And left the mater wa[r] no euir it was; And partit hes rycht schortlie on the plane, And euerilk man zeid to his camp agane.

32,490

How Kenethus decretit Battell to the Pechtis or he departit, and callit his Counsall thairto, and maid his Oresoun to thame.

Kenethus than ascendit to ane hycht, Befoir thame all rycht planelie in thair sycht, Proclamit hes than with ane voce so cleir, And said to thame as I sall schaw 30w heir.

"Decretit is be me and euerilk lord,

32,495

"This samin da, but peice or zit concord, For to decyde our querrell and all rycht

" Rycht manfullie with our power and micht.

" But ony stop now heir into this steid,

" Sall endit be the lang stryfe and the feid. 32,500

" Sen it is so, think on the schame and lak,

" And skayth befoir that the gart ws tak,

" Quhen gude Alpyn zour king wes tane in hand,

" And mony nobill as ze wnderstand,

Col. 2.

"So cruellie tha put thame all to deid; 32,505

" Syne for dispyte Alpynus my fatheris heid

"With ane braid ax for grit scorne of the straik,

" Syne set it vp full lang vpon ane staik,

" Aboue the wallis of Camelidone;

"That this be suith ze wat rycht weill ilkone. 32,510

" Quhairfoir," he said, "quhill this revengit be,

" On sic ane way that euerie man ma se

" That we agane hes quyte thame all thair meid,

" We will ay be bot lakit with ilk leid.

" Syne efter that, richt sone as ze w[e]ill knaw, 32,515

" Ane counsall quhair that the convenit aw,

" And swoir ilkane, and thair godis forsuik,

"Tha laid thair handis on the Euangell buik,

- "Within schort quhile that nother man nor wiffe
- " Of Scottis blude tha suld leve vpoun lyfe. 32,520

" 3it traist 3e weill, and tha mycht cum thair to,

- "That samin thing suld nocht be lang to do.
- "And now," he said, "ze se weill how it standis,

"The victorie is haill into oure handis.

- " Quha previs weill, greit honour, laud and 32,525 gloir,
- " And greit reward sall efter haif thairfoir;
- " Quha dois nocht, he sall haif lak and schame,
- " For euir moir greit sclander and defame,
- "And als of me he sall haue but remeid,
- " Stryfe and greit sturt perpetuallie, and feid." 32,530

How Kenethus diuydit his Armie in Thre Battellis, and wan the Feild.

Quhen this wes said, with his auctoritie Diuydit hes his greit armie in thre; Ane nobill man to name wes callit Bar, Quhilk into weir that wes bayth wyss and war,

Col. 1.

Into that tyme he 1 wes nocht for to leir 32,535 Off policie and prattik into weir, As chesin man that tyme of all the laue, In his gyding the vangard than he gaue. To ane Dowgall vpoun the tother syde, The secund wyng he gaif him for to gyde, 32,540 As he that wes abillest of ony vther. The mid battell to Donald syne his bruther, To reule and steir, quhilk rayit wes at right. And syne him self with mony worthie knycht, That waillit war and waponis weill culd weild, 32,545 Behind the laue he come into the feild Richt neirhand by, gif mister so suld be, That he to thame mycht mak help and supple. In euerilk battell that war big and bald, Ane thousand bowmen in the tyme weill tald 32,550 He hes gart place befoir thame quhair tha stand, With big bowis weill bend into thair hand. Syne efter thame the speris grit and lang, That stalwart war to stryke in ony thrang; Syne last of all the stif axis of steill, 32,555 That wer full big, and als wald byte full weill. The trumpettis all than tha blew with sic a blast, Quhill that the Pechtis gritlie wes agast, And schupe to fle or euir the feild began. This Druskenus amang [thame] fast he ran, 32,560 With bissie cuir neirhand out of his wit, Exhortand thame, with mony fair promit, Of better confort in that tyme to be, Lib 10, f.158. And nocht sa sone withoutin straik to fle. Ane flicht of flanis of grit lenth and breid, 32,565 Quhilk flew als ferce as fyre dois of the gleid,

1 In MS. hes.

Amang the Pechtis lichtit in the feild, And persit hes richt mony targe and scheild. Ane other syne sone followit on the taill, Als thik as snaw and scharpe as ony haill. 32,570 Thair stuff of steill that da maid lytill steid, The dyntis dour see mony dang to deid; Thair speiris syne that war bayth grit and squair, In splenderis sprang aboue thame in the air; Thair scheildis rawe, and all thair speiris brak 32,575 At that counter, as ony thunder crak. Thair meitting than sic rude rumour and reird, Wes neuir hard befoir into this erd. Into that stour so stalwartlie the stude. Quhill all the bankis war browdrit ouir with 32,580 blude;

Als thik as dew discendis in the daill, Pechtis that da wer maid to fall and faill. Thair wyffis than that standard war neirby. With mony schout and mony ca[i]rfull cry, Ryvand thair hair, restlis without remeid, 32,585 Befoir thair ene to se thair husbandis deid. And sonnis als of thair bosumis tha bair, With deidlie woundis bleidand war full sair. Thair wes no Pecht gat outher girth or grace, So cruell wes the Scottis in that caice. 32,590 The Pechtis than in the vangard that faucht. Heir and thair be hundrethis sevin or aucht. Out of the feild tha fled richt fast and far. The Scottis captane, quhilk wes callit Bar, In gude array he followit on the chace, 32,595 Quhome he ouir tuik gart nother girth na grace. Ransoun that da of thame tha wald tak nane. Bot slew ay down quhair euir tha war ouirtane. This Kenethus quhen he saw tha war fled, Ane greit battell with him that tyme he hed, 32,600 Of mony wicht man waponis weill culd weild. Onfouchtin that da [zit] in ony feild, That he ordanit, gif sic mister suld be. In tyme of neid to mak help and supple.

This battell that tyme [than] behind the Pechtis.

32,605

Into the feild quhair that his bruther feehtis, He enterit thame, baith on fit and hors, Behind thair bak with mekle strenth and force, With sic ane schout quhill all the schawis schuik; Quhairof the Pechtis all grit terrour tuik, And kest fra thame bayth cot armour and scheild, And harnes als, syne fled out of the feild To sindrie pairtis, in mony sindrie rout, To sindrie strenthis that war neir about. The watter of Tay that tyme behind thair bak, 32,615 Hes stoppit thame thair passage ouir to mak; [And] for that caus, richt soir aganis thair will, On force behuifit on that syde byde still. Kenethus than, knawand that it wes so, In gude array maid efter thame till go 32,620 The freschest men onfowllit wer in feild. Waldin and wicht that waponis weill culd weild; Syne efter thame to follow on the chace, Se that the gave theme nother girth no grace, Bot stalwartlie in sic extremis stryve, 32,625 Quhill one of thame be levand vpone lyfe. Into the feild him self thair did remane With greit power quhill that the come agane, Because it was that tyme so neir the nycht. The laue with that wes passit out of sycht, 32,630 In gude array to follow on the chace,

Col. 2.

32,635

In MS. fled.

Quhill at the last tha come into ane place, And fand Druskenus on the water syde, Quhair he on force behuvit for to byde; And mony barroun with him that he hed,

Out of the feild that samin da that fled, And mony knychtis that suld keip his cors, Weill bodin war than bayth on fit and hors. How the Scottis followit on the Chace, Quhill at the last Druskenus was slane, and thairefter distribut all the Pechtis Landis to the Scottis, and changit thame fra the Ald Name efter the Name of Euerie nobill Scottisman at that Tyme.

And thair the straik are new battell agane, Quhill at the last this Druskenus wes slane, 32,640 And all the laif that war with him in feild, That tyme thair chapit nother man nor cheild. As sum man sais, in sevin placis or aucht, That da the Pechtis and the Scottis faucht, And neuir ane feild that da the Pechtis wan, 32,645 Bot tynt thame all and slane wer euerie man, Bot gif it wes richt few amang thame aw, Out of the feild richt quyetlie that staw. Syne on the morne tha came ilkone agane To Kenethus, and schew how tha had slane 32,650 Drusken thair king, and als with thame tha brecht His cot armour that worthelie wes wrocht; With baner braid that browdin wes richt weill, And all his armour of right nobill steill; The quhilk efter within ane litill quhile, 32,655 The king gart offer into Iona Yle, Into the tempill of Ecolumkill, Into ane takin to remane thair still. Of the triumph and victorie tha wan. Syne equallie baith to lad and man, 32,660 As he wes worthie in the tyme to haif, Ane quantitie of that spulze he gaif; And braissit hes ilk captane in his arme Richt tenderlie with wordis that war warme, And maid ane hecht, hald it gif that he mocht, 32,665 That tyme thair travell sould nocht be for nocht.

Quhen this was done he said syne to thame aw, " My freindis deir, rycht weill ze ken and knaw

"Oure interpryiss wnendit is and done;

" Quhairfoir," he said, "my counsall is rycht 32,670 sone.

" With diligence dalie to do oure det,

"Sen weill we wait na ganestanding to get:

" And for expensis also to spair nocht,

- " Quhill that oure purpois to [ane] end be brocht.
- "Greit danger is oucht langar to defar,

" Sone efter this, or dreid that it be war.

- " The proude Pechtis that ar so fals and sle,
- "Se tha thair tyme quhen tha ma maister be;

" Quhen that thair strenthis growin ar agane,

- " And thinkis on how thair fatheris wes slane; 32,680
- "Traist weill," he said, "and tha ma se ws sua,

"Thair is no gold that our ransoun will pa.

Col. 1.

Lib. 10, f. 158b. "Thairfoir," he said, "wald ze now leif but stryfe,

" My counsall is leve neuir ane on lyfe:

"Than ar ze sicker, quhen thai ar all deid, 32,685

"Baith of the father and of the sonnis feid." Quhen this wes said, that tyme bayth gude and ill Hes suorne ilkone his counsall to fulfill. Sone efter syne. without ony ganestand, Ouir all the partis of the Pechtis land, 32,690

In euirilk steid than bayth of ill and gude, With sic distruction of the Pechtis blude, Except tua thousand, my author did sa, That tyme in Ingland that wer fled awa, Wes not ane Pecht left into Albione,

32,695

Levand on lyfe out of Camelidone.

Quhen this wes done than all the weir did ceis; This Kenethus, to mak gude rest and peice,

Distributt hes to euery man and lord, Rycht equallie without ony discord,

The Pechtis landis as he wes of vaill. All Othelyn he gaif ane to his daill,

32,700

Quhilk wes ane freik of greit honour and fame, Fyffe Duffe that tyme wes callit to his name; Quhilk efter him, as my author did sa, 32,705 This Othelyn is callit Fyfe this da. Orestia sielike amang the laue, To tua brether for thair rewardis gaif; Ane Angustius, quhilk wes ane man expert, And efter him he namit hes his part, 32,710 The quhilk to name gart callit Angustia, That samin name zit callit is this da. The secund heeht Merninus to his name, Ane freik he wes rycht famous of gude fame, Siclike his part, as my author did sa, 32,715 Efter his name wes callit Merina. The nobill chiftane that wes callit Bar, The best weirman amang thame all be far He wes that tyme, as my author did sa; Thairfoir the landis by the Merchis that la 32,720 He gaif to him, and thair of maid him lord. Also that tyme, as I hard mak record, Ane fair eastell standard on the se skar, Is callit now the castell of Dumbar Efter his name, than to reward gat he, 32,725 With mony landis neir la by the se. Rycht lang efter his successioun, Ay lineallie fra him discendand doun, Of greit honour come mony erle and lord, Rycht nobill war quha wald the rycht record, 32,730 Lang efter him discendand down rycht far, The quhilk surname is callit zit Dumbar. To every man siclike ane part he gaif, Into the tyme as he wes worth to haif. Syne changit hes the name of euirilk toun, 32,735 Of euirilk land and euirilk regioun: And principallie the maist part of thame all, Efter ane water to the name gart call,

Till all the daillis liand in the South, Fra the West se rycht on to Tueidis mouth, 32,740 As Cliddisdaill efter the water of Clyde, And Nethisdall, quhilk is bayth lang and wyde, Now efter Nyth, and Tevedaill also Fra Teveot, quhilk throw the land dois go. Siclike the laue, guha lykis for to speir, 32,745 That I lyke nocht now at this tyme tell heir. All this wes done, as I right wnderstand, To change the name of euerie toun and land, To put the Pechtis haill out of memorie, Thair land, thair leid, thair deidis and thair 32,750 storie. And so it wes, within ane little we,

And so it wes, within ane little we, Wes neuir ane of thair genelogie, 3 oung or auld, as that my author sais, In Albione wes left within few dais.

How the King of Scottis seight some efter the Toun of Camelidone.

Quhen this wes done, within few dais anone,
He laid ane seige vnto Camelidone.
The quene [of Pechtis] into that toun than la,
And mony ladie with hir thair that da,
Of quhome the lordis slane wer les and moir,
As ze haif hard into the feild befoir.

Into that toun wes mony wyfe and cheild,
And all the men levand efter the feild;
With mony clerk and preist than of renoun,
And mony wemen of religioun,
And mony burges that war clad in steill,

32,765
The toun that tyme that furneist had full weill,

Col. 2.

¹ In MS. Quhilk.

And forcit had the fowseis and the wall,
At euerie part, and eik the portis all;
With wyne at welth, and victuall at grit fouth.
The nobill toun that stude on Carroun mouth, 32,770
Of policie and plesour in tha dais
Had no compeir, as that my author says,
In Albione of riches and renoun,
Into that tyme exceptand Lundoun toun.

HOW KING KENETH COME TO CAMELIDONE AND SEND TO THE TOUN ANE MESSINGER, AND OF THAIR ANSUER AGANE, AND THAIREFTER GRIT ASSAULT; THAIRTO ANE OFF TREWIS Toun. AND TAKIN BETHE SYNE OF THAIR FALS TRESSOUN; AND HOW THE KING MAID HIS VOW AND WAN Toun of Camelidone Rycht VALIANTLIE. AND PUT ALL THE PECHTIS TO DEID BEING THAIR INTO; AND HOW THE QUENE PECHTIS STAW AWAY ANDFLED IN LAND OUT OF THE TOUN ON THE NYCHT; AND DISTROYIT AND KEST DOUN THE WALLIS OF CAMELIDONE FOR EUIR AND MAID END OF IT.

This Kenethus quhen he come to that place
Quhair this toun stude, within ane little space,
Vpoun ane plane that la rycht neir Carroun,
His tentis all thair hes he stentit doun,
Quhair tha micht be refreschit with the flude.
And quhen all thing wes put in ordour gude,
Ane messinger on to the toun he send,
To spy and speir quhat purpois tha pretend.
Giff that tha wald rander the toun him till,
And cum ilkone and put thame in his will;

¹ In MS. he.

Lib. 10, f. 159.

Col. 1.

Gif tha wald nocht he vowit tha sould haif 32,785 Siclike reward as he gaif all the laif. All in ane voce, with ane consent and will, Into that tyme sic ansuer maid thairtill: "Traist weill," tha said, "quhill we haif strenth or [micht] " Vpoun oure bodie to weir armour bricht, 32,790 " Or ouir the wallis for to cast ane stone, " Amang ws all quhill levand is sic one, " Or zit hes strenth to beir in hand ane stoure, "Traist weill," tha said, "it beis neuir gevin ouir, " For ony chance that efter may befall. 32,795 " Far better is we think within this wall "In oure defence with grit honor to de, " No in his power levand for to be, " Sa mony saikles of our blude hes slane; " Quhairfoir in him we dar neuir traist agane, 32,800 " No neuir sall in so cruell ane king; " As plesis God lat him gyde all that thing." Quhen this ansuer wes to Kenethus schawin, And all thair willis he had hard and knawin, With bowis big, quhairof thair wes no falt, 32,805 All vther thing belanging to ane salt, Into the tyme that he mycht gudlie get, Onto the toun richt sone ane seig he set; And mony flane lute fle attouir the wall. And the within leit stanis fast down fall; 32,810 With mony slung, quhairwith tha war full sle, Like fyre fra flynt tha gart the stonis fle. And the without vooun the tother syde, Into the tyme leit mony ganze glyde, With felloun force attouir the wall that flew, 32,815 As it wes said, richt mony ane tha slew. And thus tha wrocht thir weir men that war wycht,

Quhill da wes gone and cuming wes the nycht;

Syne on the morne, and mony dais mo, Continuellie ane lang quhile hes wrocht so, 32,820 Quhill tha without fillit the fowseis all, At thair plesour mycht cum on to the wall, And sowis maid the wall to wndermynd, And instrumentis of mony diverse kynd. Than the within quhen that the saw and knew, 32,825 So scharplie than the Scottis thame persew, Tha tuik trewis, as my author did sa, To be aduisit on to the thrid da, Into the tyme gif that tha wald or nocht Gif ouir the toun or gritter skayth wer wrocht. 32,830 This Kenethus than glaidlie with gude will, All thair desyr glaidlie hes grantit till; Syne gaif command on to the Scottis all, For till abstene fra seiging of the wall. At his command, as ressoun war and richt, 32,835 Tha left the seig and tuke thame rest that nycht. The citineris that war within the toun, Subtill and slie and full of fals tressoun, Rycht quietlie that nycht tha tuke gude keip, Quhill that the Scottis war rycht sound on 32,840 sleip, Into that tyme belevand of na ill.

And quhen tha saw tha wer sua clois and still,
Furth at ane port wes on the water syde,
Rycht quyetlie tha ischit in the tyde
Ane greit power buskit in armour brycht;
Syne secreitlie, wnder scilence of nycht,
Onto the camp quhair that the Scottis la,
Tha passit all rycht lang befoir the da.
The wachmen, or euir tha wist, ilkone
War other slane or ellis in handis tone;
Syne with ane schout tha set on and ane cry,
Amang the tentis quhair the laif did ly.

D D 2

Col. 2.

Or euir tha culd arrayit be at rycht, So mirk it wes withoutin ony licht, Richt mony Scot, as my author did sa, 32,855 Wes slane that nycht in thair camp quhair tha la. And as the da begouth for to schaw licht, That euerie on of vther mycht get sicht, The Pechtis than with all the speid tha hed, Onto the toun rycht haistelie thame sped; 32,860 And or tha mycht ressauit be agane Within the toun, rycht mony ane wes slane Befoir the port and put to confusioun; And in the tyme also had tynt the toun, War nocht the men stude on the turetis hie, 32,865 Maid sic defence with scharp schuting and sle, With mony ganze that wes grit and lang, And stonis greit down of the wall tha slang. At sick defence the stude vpoun the wall, Quhill closit war thair portis ane and all. 32,870 Kenethus than gart number all the men War slane that nicht, the compt of thame to ken. Syne tald and fand he had sax hundreth slane, Befoir his ene la deid vpone that plane; And for that caus maid ane solemnit vow, 32,875 And euir he war to traist in or to trow, Neuir for to leif the seig of that toun, Quhill it war wyn, distroyit, and put doun; And all within that tyme, bayth man and wyffe, Quhill ane of thame wer levand vpoun lyffe. The fals tressoun to him that the had wrocht. To thame, he said, it suld be rycht deir bocht. Sex hundreth men syne efter on ane nycht, Waillit thairfoir, that war bayth bald and wycht,

Into ane schaw that wes the toun besyde,

Rycht quietly thir men he hes gart hyde,

32,885

With ledderis reddy that war grit and lang, Attouir the wallis for to clym and gang; And all that nycht thair still he gart thame byde. Syne on the morne, vpoun the tother syde, 32,890 Gart set ane seig of mony worthie wycht, Quhilk sailzeit thame rycht scharplie all that nycht. Syne on the morne ane lytill befoir da, Thir sax hundreth into the wod that la Wes neir the toun, rycht quietlie tha staw With lang ledderis rycht sone attouir the waw; For the within that tyme had no beleif, That ony man than suld presume to preif, Be ony craft, ingyne, or subtill art, To seige the toun or salze in that part: 32,900 And for that caus the far les cuir tha tuik To keip that part stude on sa stark ane nuik. Sum men that tyme tha[t] passit ouir the waw, Rycht quyetlie on to ane port tha staw, Wes closit fast, and no man neir hand by; 32,905 The lawe thairout wes reddie within cry, And tha that tyme that knew rycht weill the gyn, Opnit the port and lute the laue cum in. The citineris that faucht vpoun the wall, Richt suddantlie discendit ane and all, 32,910 At sindrie partis quhair tha passit doun, For to defend the streittis of the toun, And gatherit all togidder on the gait, In that beleif thairfoir to mak debait. Bot all for nocht, thair power wes so small; 32,915 With litill force tha war confoundit all, Syne in the toun war skaillit sone full wyde. Bayth king and lord commandit in the tyde, To keip the vow that he had made befoir, But reuth or mercie other to les or moir 32,920 Of Pechtis blude, quhair euir tha war ouir tane, Within that toun to sla thame all ilkane.

The Scottis, quhilk remordit of the trane
Tha maid befoir quhair thair fatheris wer slane,
Within thair hart it kendlit sick desyre,
Wod as ane wolf, and het as ony fyre,
Ouir all the streittis of the toun tha ran,
Preist or clerk, or zit religious man,

Lib.10, f.159b. And mony wedow that war wo begone,

Col. 1. With their brandis the britynnit thame ilkone. 32,930

The zoung ladeis that plesand war and fair,

Wringand their handis and ryvand down their hair,

To heir and se grit pitie wes and harme,
Thair naikit babeis beirand in thair arme;
With brandis bricht that bait thame to the 32,935
bane,

In pecis small tha hewit thame ilkane. Religious men and prelatis of renoun, Bayth preist and clerk that war within that toun, Monk or freir, or ony of the laue, Gat no moir girth nor did the leist ane knave. 32,940 Into the streit tha la stickit like swyne, Heir and thair be hundretis aucht or nyne: Als copius thair blude ran in the streit, As ony burne efter ane schour of weit. Ane rycht lang quhile in sic wodnes tha fuir, 32,945 And tuik on thame grit bissines and cuir, Qualified Quality and the Pechtis in Camelidone War put to deid that samin da ilkone: War neuir ane left thair levand in that steid, To greit ane teir for all the laiffis deid. 32,950 The quene of Pechtis schort quhile befoir that da The seige begouth, scho passit furth her wa Out of the toun rycht quyetlie ane nycht, For dreid of her that men sould get ane sycht, To ane castell biggit with stane and lyme, 32,955 The Madyn Castell callit wes that tyme,

Vpoun ane craig stude in Loudonia, Quhilk Edinburth is callit at this da. And guhen scho hard the maner all and how Camelidone, as I haif said to zow, 32,960 Wes wyn be force, and all war put to deid, For to be fre out of the Scottis feid, Tha left the hous richt quyetlie ilkone, In Ingland syne togidder all ar gone. Quhen this wes done as I haif said 30w now, 32,965 Kenethus than, for to compleit his vow, The wallis ilk one of Camelidone On to the erd gart cast thame down ilkone, Out of that place or he wald farder pas. The bigging all he hes gart burne in ass, 32,970 The tempillis als, quhilk war of poleist stone, In pulver small gart birne thame enerie one; Leit nocht remane pertening to that toun, Vnbrint in ass or ellis cassin doun. This royall toun sa mony zeiris befoir, 32,975 Quhilk had sick riches, honour and grit gloir, Fra the begynnyng lang and mony zeir, Distroyit wes as I haif said 30w heir, And tynt the name, the honor and the tryne, Quhilk neuir wes biggit zit agane sensyne. 32,980 Ane ellevin hundreth zeir, als fiftie and one, Fra the Pechtis come first in Albione, And of our Lord quhilk wes aucht hundreth zeir, Threttie and nyne, as I haif raknit heir, Distroyit wes this nobill foirsaid toun, 32,985 And Pechtis tynt bayth thair kinrik and croun: With sick distruction of the nobill blude, Of riche and puir, and als of ill and gude, Syne efterwart, as I fynd in my storie, Tha war forzet full quyte out of memorie, 32,990 With euerie man that tyme als clair and clene, Into this warld as the had neuir bene.

How the Bischopis Stalf tuke Neidfyre and brint all in his Hand; of greit Battellis that apperit in the Air; of Lawis and Statutis, Peax and Policie; and of Kenethus departing out of this Lyfe.

Col. 2. In Albioun, befoir that samyn zeir That all wes done as [I] haif said zow heir, Vpone Zule da into Camelidone, 32,995 Quhair king Druskene with his lordis ilkone Into the tempill present at the mes, Solempnitlie quhen it sacreit than wes With ane bischop in his pontificall, That tyme his stalf, in presens of thame all, 33,000 It tulk neidfyre right thair into his hand, Singand the mes that tyme quhair he did stand, And wald nocht stanche at that tyme for thame all, Quhill it was brint all into poulder small. Siclyke wes sene, as my author did sa, 33,005 Ouir all Pechtland about none of the da, Quhen that the sone wes schynand fair and brycht. Into the air richt mony armit knycht, Strykand ane feild as did to thame appeir, With greit noyis that hiddeous wes till heir, Quhair mony ane tha thocht to deid war dicht; Syne suddanelie all vaneist out of sicht. Quhat this takynnit I will nocht tell zow heir, Gif 3e wald wit, pas on 3our self and speir: In sic mater I lyke nocht to remane, 33,015 Bot to my storie turne I will agane. All beand wyn as I haif said zow heir, Still efter that, richt lang and mony zeir, This Kenethus, of quhome befoir I spak, With plesour, peax and policie gart mak, 33,020

And was the first, that dar I hardlie sa, In Albione that had monarchia Of tua kinrikis, as my author did sa, Quhilk zit siclike ar keipit in this da. That samin tyme, quha lykis for to luke, Gude lawis maid, syne wrait thame in ane [buik], Quhilk vsit ar zit in thir samin dais. Sone efter syne, as that my author sais, The bischopis sait be his auctoritie, Fra Abirnethie translatit hes he, 33,030 The quhilk befoir that wes ane royall toun With weir that tyme distroyit and put doun, To Sanct Androis that standis on the se, Metropolus of all Scotland to be. And biggit hes the kirk that tyme far moir, 33,035 And far farar nor euir it wes befoir. Rycht riche fundatioun bayth of kirk and land, And vestimentis of mony sindrie stand, With chalice[s] of gold and siluer bricht, Bayth kirk and queir arrayit hes at rycht, 33,040 With tapestrie of mony sindric hew; Bayth butt and ben wer all reformit new. Ane better king, the suith of him quha sais, In all Europ wes nocht into his dais; In peax and weir, and in vrbanitie, 33,045 In godlines and in humanitie, In fame, in wisdome, and in fortitude, In manheid, gentres, and in gratitude, In lautie als and in liberalitie, In gentres, meiknes, and humanitie, 33,050 All other king he did exceid alss far, As bright Phebus the bemis of the star. The tuentie zeir syne efter of his ring, Departit hes this gude Kenethus king, With mad murning of euerie man and wyfe, 33,055 Baith riche and puir, that levand wer on lyfe.

Lib.10 ,f.160. Ouir all Scotland for him the maid grit mone, Col. 1. To Iona Yle syne till his graif hes 1 gone.

How Donaldus, King Kenethus Bruther, efter his Deceis wes crownit King of Scottis, and of his vitius Lyfe.

Ane litill quhile efter his departing, Donald his bruther crownit than wes king; 33,060 Of kin and blude suppois tha war so nar, Of conditioun tha differit than richt far. This ilk Donald, in all his tyme wes he Infectit far with foull faminitie, Sleipand in sleuth, as ony sow als sueir, 33,065 His plesour wes of hurdome ay to heir; Vnsaturabill als of gulositie, In meit and drink, and sleip also wes he Inmensurabill and out of temperance. I can nocht tell zow all the circumstance 33,070 Of his vices; thocht I sould walk a zeir, Ouir litill war for to rehers thame heir. Quhairof displesit wes the men of gude, And erast tha [wes] of the eldest blude, Dreidand full soir the vices of thair king. 33,075 Als[o] with him ane counsall had so zing, Quhilk had no knawledge mair no had ane kow, Bot eit and drink, and fill the bellie fow, Sould efterwart, quhen it wes war to mend, Bring all thair werkis to ane wickit end. 33,080 And so it wes within les no four zeir; And how it hapnit tak tent and ze sall heir.

¹ In MS. his.

How the Rest of the Pechtis that war fled in Ingland desyrit Help of Osbret, King of Ingland, to reskew thair Landis agane; quha come with ane greit Armie and Power of Britis and Saxonis agans the Scottis, and the Scottis siclyke agans thame with greit Power.

As ze haif hard, the Pechtis les and moir Distroyit war with Kenethus befoir, Except waill few that fled war in Ingland, 33,085 Into this tyme amang thame wer duelland, Quhen that tha knew and hard tell of that thing, So far misgydit wes the Scottis king, And mony lord als weill that tyme as he Infectit wes with his infirmitie, 33,090 And of thair king tha stude so litill aw, The land also without justice or law, Tha thocht that tyme wes than rycht oportune For to compleit the thing tha wald haif done. Till Osbretus, of Ingland king the dais, 33,095 Tha passit all with ane consent and sais, Gif it war plesure to his majestie, To thame that tyme to [mak] help and supple, Thair kinrik haill agane for to reskew, Scottis fra thame reft laitlie of the new, 33,100 And had thair king and all thair lordis slane. Wald he, tha said, of his gude grace agane, Expell the Scottis out of ilk regioun, And in thair saittis set thame all fre doun, Ilk zeir of thame, quhilk sould nocht be to 33,105 Ane greit tribut in heretage sould haue;

And the sould hald him for their lord and king,

At his command obey him in all thing.

Col. 2.

This ilk Osbret thairof wes weill content, And suddantlie thairto gaif his consent; 33,110 With Illa than of West Saxone wes king, And Britis als for that same caus and thing, At thair counsall he wrocht that tyme alhaill, And causit [thame] thair of to tak thair daill. Syne efterwart, with grit power and micht 33,115 Of Brit and Saxone into armour bricht, Ane large ost quhilk wes of lenth and breid, Rycht sone that tyme the passit all ouir Tueid, Within the land that samin tyme that la, Quhilk callit is now Tiuidaill this da. 33,120 This Osbret syne are seruand send in hy To king Donald, and bad him suddanely For to remoif out of the Pechtis landis, And all the strenthis also in his handis For to resigne in his handis agane; 33,125 And wald he nocht, he leit him wit in plane, That he sould sone, and all that multitude, Invaid his landis bayth with fyre and blude. Quhairof this Donald than sic terrour tuke. That he durst nother scantlie speik nor luke; 33,130 And in the tyme for nothing did provyde, Seikand ane hoill quhair that he mycht him hyde; Quhill that the lordis causit him on force To tak the feild than bayth on fit and hors, With all the power in the tyme tha hed, 33,135 Or doutles than this ilk Donald had fled. That samyn tyme thair semblit in his sycht, Bernis full bald all into armour brycht, With grit power that come furth of the North, And passit syne all ouir the water of Forth, 33,140 Withoutin tarie other nycht or da, Quhill that the come quhair that Osbretus la Vpoun ane plane wes neirby Jedburth toun. Tha lichtit thair and set thair carrage doun,

And la thair still to rest thame thair that nycht;

33,145

Sync on the morne be that the da wes lycht, The Scottis all, that waponis docht to weild, Arrayit thame and gaif this Osbret feild.

HOW THE SCOTTIS GAIF OSBRET FEILD, QUHA FLED AND TYNT THE FEILD; AND HOW THE SCOTTIS PARTIT THE SPULZE AND WAN THE SCHIPPIS; AND OF SURFAT DRINKING AND VOLUPTEOUS LEVING: AND HOW OSBRET SLEW TENTIS SCOTTIS IN THAIR TUKE KING DONALD NAIKIT WITH AND MONY LORDIS AND LED THAME AWA, AND WEILDIT AT WILL ALL LANDIS TILL FORTH; AND OF THE WOFULL LYFE OF THE SCOTTIS, AND HOW THA SEND ANE ORATOUR TO KING OSBRET FOR PEAX, AND OF KING OSBRETIS Ansuer agane.

The Scottis than, the quhilk war nocht to leir Of all prattik and policie in weir; Expert tha war thair bayth of les and moir, With Kenethus tha had sic vse befoir; At the first counter in the feild tha maid, Burdonis all brak, and mony scheildis braid With swordis scharpe war schorne all in schunder,

33,150

33,155

And mony breist maid bludie that wes wnder; And mony knycht wes killit throw the corss, La deid that da walterand wnder his horss, And mony grume la gruiflingis on the grund, But ony bute, with mony bludie wound. The Scottis war so crwell in that tyde, This Osbretus doucht na langar to byde;

33,160

With all the speid in [to] the tyme he hed, Lib.10, f.160b. Onto ane hill out of the feild he fled. Col. 1 Syne all his men sone efter at the last, 33,165 Out of the feild tha followit him rycht fast, Vp and doun in mony sindrie place. The Scottis than fast followit on the chace, And in the chace thair wes also mony slane, As in the feild quhair tha faucht on the plane. Syne on the morne, to eueric man and cheild, Distribute hes the spulze of the feild; Thair passage maid syne all to Tuedis mouth, Quhair mony schip war cumand fra the South, And in ane hevin arryvit be the se, 33,175 With wyne and victuall in greit quantitie; With gold and riches, and all vther geir That neidfull war to haif in tyme of weir. The Scottis men with lytill prattik than, Or euir tha wist, tha schippis all tha wan. 33,180 That samyn tyme gart lois thame all ilkone, Bayth wyne and victuallis out of thame hes tone, And all the gold and all the siluer bricht; Ane equal part syne gaif to euerie wicht. Syne euery da tha drank of that same wyne, 33,185 With sic exces als drunkin as ane swyne; Ilk da by da in sic gulositie, That horribill wes other to heir or se: In dansing, drinking, putting all thair cuir, In cumpany with mony commoun huir, 33,190 Ilk nycht with thame amang thair palzeonis la, But dreid or schame quaill on the morne wes da; And specially this ilk Donald the king Of all the lave wes foullest of sic thing; As brutell beistis takand appetyte, 33,195 In venerie putting thair haill delyte,

> Withoutin schame or dreid of God betuene. Within schort quhile sone efter so wes sene,

This king Osbret, quhilk hard of all this thing, Of the misgyding of Donald the king 33,200 And his zoung lordis that tyme quhair tha la, With new power sone efter on ane da, In all the haist that he mycht hidder wend, To ony Scot or that sic thingis war kend; Quhilk in the tyme tuke lytill tent thairtill, 33,205 Lyke brutell beistis takand ay thair will, Out of beleif of ony battell moir, Tha war so proud of victorie befoir; Vpoun ane nycht quhen tha war all rycht fow Of michtie wyne, and sleiping lyke ane sow, 33,210 And gone to bed and falling sound on sleip; The watchmen that ordand war to keip The ost that nycht, that it sould tak na skayth, Tha war so drunkin and so sleipry bayth, To walk that tyme no power had no mycht, 33,215 Bot tuke thair bed and sleipit all that nycht; Amang thame all wes nother watche nor spy. This king Osbret, rycht lang befoir the sky Vpone the morne or he culd ken the da, Amang the palzeonis sleipand quhair tha la, 33,220 He enterit in rycht stoutlie in that steid, And all the tentis stude about thair heid, Cuttit the cordis into pecis small, And leit the tentis down vooun thame fall. With brandis bricht quhilk war of mettell fyne, 33,225 Quhair that tha la drunkin as ony swyne, Out of thair bed had no power to steir, Tha bar[t]nit thame lyke ony bludie deir. Quha had bene thair that tyme for [till] have sene Sa mony berne la granand on the grene, 33,230 Bulrand in blude, makand ane hiddeous beir. Ouir all the oist that petie wes till heir. The bludie bouchouris quhilk that war so bald, That tyme the sparit nother zoung no ald;

Col. 2.

33,235

33,240

33,245

Quhill the had power for to stryke or stand,
The bar[t]nit theme with mony awfull brand,
Into their bed then naikit quhair the la.
Of this mischance quhat suld I to 30w sa?
I trow of Troy quhen takin wes the toun,
And all the Trojanis put to confusioun,
So foull slauchter with sic crudelitie,
So horribill als without humanitie,
Wes nocht committit, I dar suithlie sa,
In Troy that tyme as wes 30nder that da.
Nakit and bair, without ony clais,
Out of their [bed] the slew theme as the rais.
Sum heid, sum hals, had hakkit all in sunder,
Sum breist, sum bellie, and bowellis brak out
[vnder];

Sum gat ane bat that breissit all thair bonis,
Quhill all thair bowellis bri[s]t out atonis;
Sum with ane culmische clevin to the belt,
Quhill livar and lungis, modereid and melt,
Boldin and brist, and bruschit on the grene;
Sum out-throw the spald and sum out-throw the
splene;

And sum the arme had fra the schulder sched, 33,255
And vther sum la bludie all forbled,
And sum on groufe la granand on the grene;
So sorrowful sycht befoir wes neuir sene.
For tuentie thousand, or the da wes licht,
Without defence tha murdreist that same nycht. 33,260
The king Donald thair sleipand quhair he la,
In handis tane, syne nakit led awa;
And mony zoung lord in that samin tyme,
Out of thair bed tane sleipand lyke ane swyne.
Rycht few or nane chaipit thair than that da, 33,265
Bot he throw speid that passit saif awa.
This beand done as ze haif hard this tyde,
This king Osbret the spulze gart diuyde

Rycht equallie to euerie man wes thair, Efter his stait to all man les and mair. Syne passit fordwart to Loudonia, Siclike the Britis on to Gallowa, But ony stop that tyme or zit ganestand, At thair plesour possessit all that land. Tha boucheouris bald sa brodin wer of blude, Zoung or ald, schortlie to conclude, Preist or clerk gat nother girth nor grace; Quhome tha ouirtuik in ony toun or place, Seik nor sair that tyme gat no remeid, Like doggis all the dang theme to the deid. This king Osbret than weildit at his will All on to Forth, wes 1 no ganestand thairtill, At his plesour at grit lasar and lenth, Baith toun and tour, with ilk castell and stren[th]. Siclyke the Britis, on the samin syde, Hes conqueist all on to the water of Clyde, But ony stop that tyme or zit ganestand, And tane the strenthis all in thair awin hand. The Scottis than that levand war on lyfe, Tha[t] chainit had out of that stour and stryfe, 33,290 Efter lang murning and rycht havie mane, Bayth man and wyfe hes maid sa lang ilkane, Into all partis ouir all bayth far and neir, That I list nocht now for to tell 30w heir. For and I wald, thair of I wait rycht weill, Suppois that thi hart wer hard as ony steill, That it wald brek and all [in] pecis clewe, For to heir tell thair murning and mischewe. Sen that the pane the plesour dois exceid, Now at this tyme other to heir or reid, Of sic talking no moir now I will tell; Tak tent and heir quhat efter syne befell.

33,270

33,275

33,280

33,285

33,295

Lib.10, f.161. Col. 1.

33,300

¹ In MS. hes.

Quhen that the hard how Osbret in the North, With all his power thocht to pas ouir Forth, In that intent syne efterwart in Fyffe, 33,305 For to distroy bayth man, barne and wyfe, In Loutheane siclike as he had done; The Scottis than heirand thair of rycht sone, Than every man that mycht ane burdoun bair, And euerilk lad also bayth les and mair, 33,310 And euerilk one ane wapin docht to weild, On fit and hors tha come all to the feild, In that intent all on ane da to die, Out of that dreid or to delinerit be. Than king Osbret, guhen he hard it was so, 33,315 Deliuerit hes no farder for till go, Of thair gaddering sic aw he stude and dreid; Far mair that tyme I trow than he had neid; Traistand thair power wes of so greit vaill. Syne quhen he knew the veritie alhaill, 33,320 It was nocht so, as ane tratour him tald, Than in his breist he grew moir hie and bald. Ten thousand men in schipping to the North, He furneist hes attouir the water of Forth; Throw auenture that tyme in wynd and wall, 33,325 On the South coist thair war tha pereist all; Fywe thousand men war suckin be the sand, With grit vneis the lawe come to the land, Bursin and boldin ilkane lyke ane taid, Throw grit travell in wynd and wall tha maid. 33,330 Of wickitnes and grit crudelitie God quit thame than of his auctoritie, Withoutin straik other of swerd or knyfe, That da sa mony loisit hes the lyfe. Quhen Osbret knew how all the maner wes, 33,335 To Striuiling brig tuke purpois for to pas, Agane the streme no moir than wald he stryve, To Striuiling brig syne passit hes belyve.

In that same place, as that my author wrytis, Convenit hes togidder with the Brytis, 33,340 And enerilk one syne schew till vther sone, Into thair travell how that the had done, And syne tuke purpois to pas to the North, With mort battell attouir the water of Forth. Syne as tha war neir reddy for to wend, 33,345 That samin tyme ane oratour wes send Fra the Scottis, with credence for to trow, Quhilk said to him as I sall sa to zow. "O king Osbret, ar thow nocht zit content " Of sic honour as God hes to the sent, 33,350 " As plesis him, and nothing throw thi mycht, " No zit thi strenth, thi power or thi richt? " Bot most of all for our misgouerance, " Quhilk plesit him to send to ws sic chance, " As wes decretit be him self in hevin; 33,355 " For we no way culd hald the ballance evin. "Thairfoir greit God to our damnage and skayth, "To puneis ws and for to preve 30w bayth, " Nocht for zour gude, bot erar for grit ill, "Sic victorie this tyme hes send zow till. 33,360 " Befoir," he said, "sum tyme we war als hie "Vpoun the quheill siclike as now ar 3e, " And hiear als ascending to sic hight; " Becaus that we considderit nocht the rycht, " Quhen we war grittest of auctoritie, 33,365 " Misknawand God that set ws up so hie, " Or euir we wist, he maid ws law to lycht " To grit mischeif rycht far doun fra the hycht. Col. 2. " Quhen men ar weill that tyme is to be war, " And lippin nocht in fals Fortoun ouir far; 33,370 "Be sic exempill as my self hes sene,

1 In MS. it it.

" Quha dois nocht, it sall him turne to tene.

- "Thairfoir," he said, "considder how it standis,
- " Sen God hes put sic honour in zour handis,
- " And victorie at 1 his plesour and will,
- " Nocht for na thank that ze haif done hym till,
- " Or worthie ar of him to haif sic thing,
- " Bot principalie for to puneische our king,
- " And his lieges siclike all for his saik.
- "Traist weill," he said, "sen God can do the 33,380 maik
- "Onto your self and he find caus thairto,
- " As weill I traist sone efter he sall do
- " And [3e] proceed to put your self in perrell,
- "Incontrar ws in quhome ze haif no querrell;

33,385

33,390

33,395

33,400

33,405

- " Quhairthrow ze ma sone crab his majestie,
- " For to proceed with sic crudelitie.
- " For mercie is aboue his work and mycht,
- " And but mercie thair can no erthlie wycht
- " Posses the gloir that he is ordand till.
- "Thairfoir," he said, "than sen it is Godis will.
- " In sic distres ay mercie for to haif,
- "This tyme at zow na vther thing we crave,
- " Bot grant ws peax with the skayth we haif tane,
- " Thairfoir redres at zow we sall ask nane,
- " In tyme to cum and ze will lat ws be,
- " As we war wont with oure awin libertie.
- " Or traist 3e weill we sall our strenthis preve,
- " Quhairin this tyme we haif ane grit beleve,
- "The hand of God ws puneist hes so soir,
- " Is satisfeit and will nocht smyte no moir.
- "And sen he hes now gottin his desyre,
- "Thairfoir we traist his malice and his yre
- " Is stanchit now of his mercie and grace,
- " And he agane sall turne till we his face.
- " Also," he said, "no honour is to the,
- " So puir pepill in sic miseritie

33,415

Lib.10, f.161b. Col. 1.

33,435

- " For to oppres, considderand how it standis,
- "Sen that thow hes oure king into thi handis,
- " And lordis als sould mak remeid thairtill;
- " Quhairfoir," he said, "now gif it be thi will, 33,410
- " Of this desyre thi ansuer I wald haif,
- "Nocht ellis now at this tyme I will crawe." When this wes said befoir thame all in plane, This wes the ansuer that he gat agane:

Efter thair counsall lang into sic thing,

Decretit wes be Osbretus thair king,

With manlie vult and with ane voce so cleir:

- "Gude freind," he said, "we haif considderit heir
 "To grant zow peax, bot no way for zour rycht;
- "Thocht we this tyme of oure power and 33,420 mycht,
- " At oure plesour agane yow ma proceid,
- "Without ganestand of yow or ony dreid,
- " 3it neuirtheles, gif lykis 30w but leis,
- " Of this conditoun we will grant zow peice.
- "Sua that ze will gif ouir alhaill the landis, 33,428
- "That we and Britis hes now into our handis,
- "Withoutin clame bezond the water of Forth,
- "And ze in peice to bruik the laue benorth;
- "The Britis merchis for to be at Clyde,
- "And Alcluth als vpoun the tother syde, 33,430
- " To gif to thame of thair auctoritie,
- " Fra that tyme furth Dunbritane callit to be;
- " And so proceidand fra the West se bank,
- "On to the Eist with richt gude will and thank.
- "The water of Forth also we will that be
- " Fra this da furth callit the Scottis se;
 " And tuentie thousand of gude money alsua,
- " Zeirlie to ws of tribut for to pa;
- " And to observe thir thingis I alledge
- "Sixtie 30ung lordis to be laid in pledge; 33,440

¹ In MS. Alchof.

- " And that no Scot sall cum into oure land,
- " Without oure leif, licence and command;
- " And gif he do, now kennand how it standis,
- " Baith lyfe and gude sall bayth be in our handis;
- " And pleis 3e nocht as I haif said 30w heir, 33,445

" Cum nocht agane ma tydenis for to speir."

How the Oratour schew his Ansuer, and of Angus Lord callit Culenus.

The oratour with his deliuerance Is passit hame, and all the circumstance Ilk word by word he schew to thame agane, The haill report in wordis that war plane. 33,450 Quhairof that tyme tha war rycht euill content, And mony said, or the gaif their consent To lois thair land and tyne thair libertie, All on ane da far erar tha sould de. And other sum, that louit peax and rest, 33,455 The said again that counsall wes nocht best; That force it was for to consent tham etill, And at this tyme to brek far of thair will, Or than dispone bayth honour, lyfe and landis, In greit perrell into thair fais handis. 33,460 Ane weill lang quhile into sic stryfe tha stude, Quhill at the last are nobill man of gude, Of Angus lord, Culenus hecht to name, Fra Bar wes send that tyme of greit fame; Of quhome befoir I schew zow in his tyme, 33,465 As ze ma fynd in meter and in ryme, His nyne sonnis, that worthie war and wycht, With king Donald war all slane on ane nycht; Him self that tyme wes ancient and ald. This Culenus, of quhome befoir I tald, 33,470 With his counsall he send him to the laue, Befoir thame all this counsall he thame gaue.

¹ In MS. oure.

Col. 2.

How Culenus, Lord of Angus, gaif Counsall to the Scottis to tak Peax.

- " Sen to yow all it knawin is full richt,
- "Sum tyme the Romanis of sic strenth and micht,
- " Of sick power, sic puissance and sic pryde, 33,475
- " Quhilk lordis war of all this warld wyde,
- " In Gallowa befoir Galdus oure king,
- "Tha thocht na schame, ze ken full weill that thing,
- " Quhen it stude thame in sic necessitie,
- " Rycht laulie thair befoir him on thair kne, 33,480
- "With piteous voce than peax at him tha crave,
- "With quhat conditioun plesit him to have.
- "Sen tha," he said, "thocht nother lak no schame
- " To ask sic peax, to ws is lytill blame
- " Now at this tyme to ask at thame sic thing, 33,485
- " Sen that we ar withoutin prince or king.
- " Considder als this tyme how it standis,
- " Bayth king and lordis ar all into thair handis;
- " Also this tyme oure power is so small,
- "That scantlie now thair is amang ws all 33,490
- " Fyve thousand men that waponis dow to weild,
- " Or zit hes strenth to stryke in ony feild;
- " Bot boy and barne, as ze zour self ma se,
- " And agit men in richt small quantitie,
- " But hors and harnes, and all vther geir 33,495
- "That neidfull is vpoun thair cors to weir;
- " Quhilk hes no strenth intill ane stour to stand, " Na dow to weild ane wapin with thair hand."
- "Full eith it is sic catives to ouircum,
- " In sic distres will baith grow deif and dum. 33,500
- " Knew I," he said, "that we had strenth or mycht,
- " Or zit power for to debait oure rycht,
- " Or I this tyme thair myndis suld fulfill,
- " I suld be formest that da with gude will,

Quhair that we mycht debait ws with oure 33,505 handis.

Bot now," he said, "ze se weill how it standis; Our power is this tyme brokin so far,

- "Thairfoir," he said, "or dreid that we do war,
- " My counsall is, gif thame this tyme thair will;
- " Peraduenture we may cum efter till 33,510
- " So gude ane tyme, thocht it be now vnknawin,
- " With litill maistrie to redeme oure awin.
- " Moir manlie is for to vmschew ane perrell,
- "Thocht thow haif neuir so gude ane querrell,
- " No for to fecht quhen all the warld ma se 33,515
- "Thow hes no power partie for to be.
- " Full hardines, quhilk neuir had zit gude chance,
- "Cumis alway of ill considderance;
- " And fals presumptioun, cumis of thame bayth,
- "Oft in this warld hes done rycht mekle 33,520 skayth.
- " Thairfoir," he said, "considder zour awin mycht
- " And thair strenthis, suppois 3e haif the rycht,
- " Is no compair with thame for to mak stryfe,
- "Without to thame 3e wald offer 3our lyfe.
- "Grit harme it war and so hapnit to be; 33,525
- " Aduise 30w now, for I haif said for me."

HOW THE SCOTTIS CONSENTIT TO PEAX, AND OF KING DONALDIS DELIUERANCE.

To this counsall consentit euerie man;
No contradictioun wes amang thame than.
Ane legat syne send to Osbretus king,
For to convoy and compromit all thing.
With tha conditionis peax tha maid, and band
With letteris braid subscriuit with thair hand;
Syne pledgis tuik, and king Donald hame send,
And all the lauc quhair plesit thame to wend.

How King Osbret diuydit the Conqueist Land betuix Saxonis and Britis.

Quhen this was done as I haif said this tyde, 33,535 This Osbretus gart equallie diuyde The conqueist land betuix Saxonis and Britis, For to compleit the first promit and writis. The landis all, quhilk war baith lang and wyde, Fra Cumbria onto the water of Clyde, 33,540 And the West se to Striuiling so inwart, The Britis gat tha landis to thair part. Syne all the laif without stop or ganestand, Fra Forth so South onto Northumberland, And fra Striuiling straucht on to the Eist se, 33,545 This king Osbret wnto his part gart he, And of Stirling the strait castell of stane, Wes eassin down bot schort quhile bigane In to the weiris, as my author me schew; And he agane gart big it of the new. 33,550

How King Osbret straik the Stirling Money and gart big the Brig of Stirling, and of ane Stane Cross set thair vpone, and how the Pechtis staw out of Ingland in Lib.10, f.162. Denmark, and of King Donaldis vicius Col. 1. Lyffe and End.

And in that castell that tyme causit he
The Striuiling money for to strickin be,
Quhilk efter Striuiling beris zit that name,
As knawin is be commoun voce and fame.
That tyme on Forth thair wes ane brig of tre, 33,555
But pend or piller, vpone trestis hie,
Quhair he that tyme ane mekle better brig,
With pend and pillar of stane and lyme gart big,

Attouir the watter in that tyme wes set, Of thre kingis quhairat the merchis met, 33,560 Of Scotland, Ingland, and of Britis als. For mair effect that this thing wes nocht fals, Into the place quhairat the merchis met, Vpone the brig ane croce of stane tha set; In Latin syne, quha lykis to rehers, 33,565 Vpone the croce wer gravin thir same vers: Anglos 1 a Scotis separat 2 crux ista 3 remotis; Arma hic stant Bruti; stant Scoti hac sub cruce tuti.4 Quhilk is to sa in our langage perqueir, Of Scot and Brit standis the armis heir, 33,570 And Ingland als, vpone this corce of stane, Quhair metis now thair merchis all ilkane. The puir Pechtis guhen that the kend and knew, Thir thre kingis so cordit of the new With so grit peax, syne delt hes all thair 33,575 lands

Amang thame thre, than seand how it standis
The Inglismen, thair freindis war befoir,
Ouirschot thame than with mekle bost and schoir,
Forzet freindschip and held thame ay at feid,
And euerilk day imaginand thair deid;
And for that caus, the maist part of thame aw
Rycht quietlie than out of Ingland staw,
And passit syne in Denmark ane and all,
For thair begouth thair first originall,
And in that land amang thame did remane.

33,585
To king Donald now will I turne agane.
Efter the tyme sone of his cuming hame,
Quhen passit wes the murmour, and the schame

¹ In MS. Angalos.

² In MS. seperat.

³ In MS. est a.

^{&#}x27; In MS. tali,

Col. 2.

Of his mischance forzet wes and laid doun; For wonder lestis bot nyne nycht into toun; 33,590 But schame or dreid, as my author did sa, Grew war and war the langar euerie da, With ma faltis na euir he had befoir, Incressand euir the langar ay the moir. And in that tyme so mekill wrang wes wrocht, 33,595 That all the kinrik put down wes to nocht, With grit discord and spilling of grit blude, And erast ay amang the men of gude. Quhairof the nobillis war displesit far; Or dreid efter rycht sone it suld be war, 33,600 This king Donald in handis tha haif tane, Syne with consent of all the lordis ilkane, Tha haif gart put hym in ane presoun strang, Quhair he that tyme remanit nocht rycht lang; Him awin self, and my author be trew, 33,605 That samin tyme in the presoun he slew. The saxt zeir quhilk wes than of his ring, So endit he this ilk Donaldus king.

How Constantyne, the Sone of King Kenethus, efter the Deith of Donald wes crownit King in Scone, and of his Wisdome and Statutis aganis Vice.

Efter the deith than of this ilk Donald,
This Kenethus of quhome befoir I tald,
Quhilk in his tyme sic honour wan and fame,
Ane sone he had hecht Constantyne to name,
That samin tyme into ane place hecht Scone,
Wes crownit king vpone the marbell stone,
The quhilk his father of befoir schort quhile,
On to that place had brocht out of Argyle.
Syne on ane know, that wes bayth round and hie,
In that same place 3it standis still to se,

That stane wes set vpone ane deis conding, And in that place thair crownit wes the king, Into the taikin of victorie and gloir, That he had wyn into that place befoir. This Constantyne, quhilk wes wyiss and expert, Rycht hevelie he buir into his hart The grit ouirthraw and thirling of his ring, 33,625 With sic subjectioun of Osbretus king, And of the Britis so abhominabill, To him all tyme wes so implorabill. And for that caus, with all power and mycht, His purpois wes for to redeme his rycht, 33,630 Askand counsall be haill auctoritie Of his lordis, with thair help and supple. And the agane sic ansuer gaif him till, Sayand, tha wald rycht hartlie with gude will, In ony thing quhen tyme wes oportune, 33,635 Quhen lefullie that sic thing mycht be done. Bot than, the said, their strenthis wer so small, With sic discord amang his lordis all, And so ill reule wes than ouir all his ring; Onto the tyme reformit war sic thing 33,640 With wyiss counsall, at grit laser and lenth, And recreat agane als war thair strenth, Sic thing, tha said, than mycht nocht weill be done. This Constantyne, sync efter that rycht sone, Ane generall counsall haistelie gart call 33,645 Into ane place quhair tha convenit all. With their consent and counsell he gart mak, Wes necessar, rycht mony gudlie act, Rycht proffittabill for the commoun weill. The first it wes, also far as I haif feill, 33,650 That no kirkman suld haif auctoritie, No zit tak cuir in temporalitie; Bot vse his office as ane man of kirk, No seruiall werkis with his handis wirk;

Als on his corss na armour for till beir, 33,655 No zit waponis that mycht do ony deir; And euerie kirkman also of his rent, Efter his stait suld hald him weill content. Quhat euir he wes that keipit nocht command, Sould puneist be and pay ane opin pand. 33,660 Sielyke that tyme forbiddin wes exces Of meit and drink, till all man moir and les, Without he war within zouthheid ane cheild; Riche or puir that wes of lauchfull eild, Commandit war gude temperance to keip . 33,665 In meit and drink, with sobernes in sleip, Anis ilk da for to refreschit be, But gredines or zit gulositie: Pluralitie of meit and drink sielike, Forbiddin wes bayth for puir and ryke; 33,670 All fedder beddis forbiddin wes also, But bed or bowster to lig on the stro, With litill happing, nocht to ly ouir warme, That neidfull war to keip thair corpis fra harme; Wnder the pane of lyfe and als of land, 33,675 Quhat euir he war that maid ony ganestand. Syne efter that, within ane litill quhile, Tha left thair vices that war vane and vyle, And vsit hes tha lawis war maid new, And to greit vertew and perfectioun grew. 33,680 Quhair tha war wont affaminat to be, Lib.10, f.162b. Col. 1. And gredie gluttonis with gulositie, All tyme but wisdome, full of negligence, Sleuthfull and sueir, withoutin diligence; Now ar tha maid als bissie as ane be, 33,685 Walkryfe and war, with greit agelitie; Detestand all the vices les and moir, In quhome tha had sa grit plesour befoir; And so perfitlie in that stait the stude, That wonder wes in ony man of gude 33,690

To find ane falt quhair on that men mycht plenze, Without of him rycht falslie he did feinzie. Bot lang sic lyfe may nocht lest for invy: Harkin and heir how hapnit syne for-thi.

How ane Lord callit Ewenus, with 1 certane Lordis of his Factioun, rebellit aganis King Constantyne and his Statutis, quha was tane and hangit and the Lordis of his Partie put in Presoun.

Ane zoung greit nobill in the samin quhile, 33,695 Ewenus hecht, wes lord of ane grit yle; Of meit and drink rycht delicat wes fed, Bayth warme and soft, and costlie wes his bed; He said, the man are fuill wes to profes, Withoutin neid wald tak him self sic stres, 33,700 Or sla him self withoutin ony caus; Full lychtlie than he lett of all tha lawis. The lordis all that duelt into the Ylis, He tretit thame with mony subtill wylis, In Ross, in Catnes, and in Lochquhabria, 33,705 In Murraland, and mony vtheris ma, That is nocht neidfull at this tyme to tell, He causit thame agane the king rebell, And disobey his lawis and commandis; And schupe also on him for to la handis, 33,710 Decretit wes rycht haistelie and sone, And quyetlie quhen tyme wes oportune. Sone efter that guhen all this thing wes schawin To Constantyne, be freindis of his awin, Quhairfoir rycht sone, or that the word sould 33,715 spreid, With greit power rycht suddantlie him speid

¹ In MS. with ane.

On to Ewone, into Lochquhabria, Quhair that Ewenus in the castell la, And all the lordis that wer of his band, In company than reddy at command. 33,720 This kingis cuming wes to thame vnknawin, So secreit wes, be no man it wes schawin. Quhill on the nycht, unwittand quhair tha la, He set are seig about the houss or da, With litill force the houss that tyme he wan, And tuke thame furth that wes thairin ilk man. Syne this Ewenus for his mekle wrang, Vpone ane gallous maid him thair to hang; And all the laif that war thair of his gard, He put ilkone into ane sindrie ward, 33,730 Quhill he war weill aduysit in sic thing, Of thair punitioun and thair pane conding. For this rebell he fand rycht sone remeid; Grit stabilnes syne maid in euirilk steid, And put his kinrik in gude peax and rest. 33,735 Tranquillitie, the quhilk no tyme will lest, Wes changit sone to trubill and grit wo, Within schort quhile that thame wes all ago.

How the Pechtis that fled out of Ingland purchest Supple fra Gadanus, King of Denmark, Quha send his Tua Brether Hungar and Hubba in Scotland with ane greit Armie.

In Denmark than thair wes ane rycht riche king,
Of land, lordschip, gold, siluer and all thing;
Ane man he wes of grit honour and fame,
Gadanus als wes callit to his name.
That samin tyme the Pechtis les and moir,
Out of Ingland that fled had of befoir
Into Denmark, tha passit to the king,
Beseikand him of his gude grace bening,

Col. 2.

That he wald mak thame sum help and supple Agane the Scottis war but humanitic, Had reft fra thame thair kinrik and thair croun, And put thame self all to confusioun, 33,750 Withoutin mercie in greit miseritie, Sen tha war all of ane genelogie, Cumd of ane blude right mony da ago. This Gadanus, guhen he hard him sa so, His tua brether of grit auctoritie, 33,755 Hungar and Hubba, into thair supple He furneist hes thame with an navin large, Of carvell, craik, with mony bark and barge, And threttie thousand in thair cumpany; Than tuik thair leif and passit to the se. 33,760 Lord Eolus maid thame no stop no stryfe, Bot with grit fauour brocht thame sone in Fyfe; Quhair that the set their schippis to ane sand, Syne with thair boittis passit all to land, Quhair tha la still als lang tyme as tha list, 33,765 With grit injure, for none mycht thame resist. With thame that tyme so greit power tha had, That all the folk for feirdnes fra thame fled. That pagane pepill that war wnbaptist, Rycht grit injure did to the kirk of Christ; 33,770 Of preist and clerk, and men of religioun, Rycht mony than the put to confusioun.

HOW THE KIRKMEN FLED INTO THE YLE OF MAY, AND THAIR [WER] MARTERIT BUT REMEID BE THE DANIS, AND HOW KING CONSTANTYNE COME TO FYFFE, AND OF THE STRYFE THAT FELL AMANG THE SCOTTIS.

Into that tyme tha tuke of thame sic fray, Tha fled all fast into the Yle of May,

Within the se, in ane religious place; 33,775 Trowand that tyme thair to get girth and grace, Greit confluence into that place did fle. Thir cankerit cut-throttis of crudelitie, The followit thame within ane litill space Onto the yle, syne in that samin place, 33,780 For Christis saik tha sufferit all the deid, And marteris maid withoutin ony remeid. Of quhome the names remanis in memorie, Rycht mony zit as I find in my storie: Sanct Audreane of maist auctoritie, 33,785 Of Sanct Androis the bischop than wes he, And Monanus the archidene of the same, And Glodanus als meik as ony lam, Stobrandus als and Gayws wes his feir, And mony mo I can nocht tell zow heir. 33,790 All Scottis men tha war into tha dais, Gif it be suith heir that my author sais; Thairfoir me think rycht far tha do bot varie, That sais the Sanctis come furth of Hungarie; Quhair euir tha come tha wer rycht halie men, 33,795 Efter thair deid be thair miracles we ken. In this mater I will no moir remane, Bot to my storie turne I will agane. Lib. 10, f. 163 This Constantyne efter that he hard tell, C ol. 1 How that thir freikis furius and fell, 33,800 Infernall feindis, fais of halie kirk, Within this warld so wranguslie did wirk, Rycht stoutlie than, but ony stop or stryfe, With mony freik he fuir that tyme in Fyffe; And fand the Danis syne vpoun ane da, 33,805 Into ane place togidder quhair tha la, On euerilk syde vpone the water of Levin; Quhen sic ane schour discendit fra the hevin, Quhilk causit hes the water for to grow So greit that tyme, with furdis deip and how, VOL. II.

That nane that tyme mycht wyn ouir to ane vther,

Hungar to Hubba, nor Hubba to his bruther.
This Constantyne, with grit power of pryde,
His men arrayit on this samin syde
Quhair Hubba la, and gaif him feild in hy,
Quhair mony berne vpoun his bak did ly;
And mony burdoun brokin wes betuene,
And mony grume la granand on the grene.
The doggit Danis, suppois that tha war dour,
The kene Scottis hes maid thame law to lour,
And quit thame weill, for all thair bost and schoir,

33,825

33,830

33,835

33,840

Of grit injure tha did in Fyfe befoir. Thocht the war bald the mycht no langer byde; Rycht mony than fled to the watter syde For to pas ouir, syne all into that flume The drownit ilkone becaus the culd nocht swym. This ilk Hubba that culd that craft perqueir, With leg and armes bayth to row and steir, Saiflie he swame ouir to the tother syde, Quhair Hungar than his bruther did abyde; Quhilk of his cuming that tyme wes rycht fane. To Constantyne now will I turne agane, The quhilk that tyme wes blyth as ony be, And all the laif so prydefull war and hie Of victorie that the had wyn that da, Trowand no moir, as my author did sa, Of thame agane to get battell or feild. In that beleif bayth lad, man and cheild, Tha tulk na cuir to ordour to array, Bot sang and drank and dansit all the day. Siclyke that nicht, qualil on the tother morne, With mony blast of bugill and of horne, And all that da with grit glaidnes and glew, Dansit and sang, and mony trumpet blew;

Traistand that tyme quhen that the flude war 33,845 fawin,

Withoutin straik that all sould be thair awin. Tha socht the fische rycht far befoir the net, Quhilk causit [thame] the les gardone to get. About Hubba and his bruther Hungar, Amang thame self discordit than rycht far, 33,850 As the had beath that tyme bene in their handis; Sum bad bynd and hald him fast in bandis; And other sum bad baith [him] hang and draw, Rycht haistelie for ony mannis aw; And other sum that tyme amang the lave, 33,855 Wes nocht content and vther counsall gaive; Sayand forsuith, that ane victour suld be Curtas and clement, but crudelitie; That man zoldin that ma nocht stryke agane, It semis nocht that sic ane suld be slane. 33,860 And thus the strave about [ane] we bocht gait; Bot other wayis it hapnit than, God wait.

HOW KING CONSTANTINE PASSIT OUIR THE WATER OF LEVYN AGANIS HUNGAR AND HUBBA, AND MAID FOR BATTELL.

In the thrid da quhen fallin wes the flude,
This Constantyne, with all his multitude,
In gude array did ouir the water ryde.
This ilk Hungar vpone the tother syde
Diuydit hes his feildis into thre.
To this Hubba the vangard than gaif he:
Ane Inglisman that callit wes Branus,
Quhilk flemit wes, my author sais thus,
The tother wyng vpone the farrar syde,
To this Branus he gaif that tyme to gyde:
And all the Pechtis that war levand than,
He had with him into that wyng ilk man.

Col. 2.

33,865

33,870

F F 2

This Constantyne siclike he did divyde

In thre battellis his armie in that tyde:
His bruther germane, quhilk that Ethus hecht,
In the vangard diuysit him to fecht:
The lord of Athole, callit wes Duncane,
The secund wyng with mony nobill man

33,880
He gaif to him, thair governour to be,
And for to gyde with his auctoritie.
Ten thousand men, as my author did sa,
In euerilk wyng thair wes that samin da;
With mony wycht men that waponis weill culd

33,885

weild,

Him self that da faucht in the midmest feild.

How the Scottis war arrayit, and how the Danis stude in thair Sicht.

Quhen tha war all arrayit sone at rycht,
On euerie syde standand in vtheris sycht,
The Danis all thair cot armour than weir
Of lynnyng clayth that tyme aboue thair geir, 33,890
New and clene, als quhit as ony milk,
War sowit all and brodin with reid silk:
Agane the sone castand ane plesand lycht,
Quhair that tha stude in to the Scottis sycht.

HOW CONSTANTYNE CONFORTIT HIS MEN, AND HUNGAR ALSO ON THE VTHER SYDE.

This Constantyne, with greit humanitie,
On to his men into that tyme said he;
"I thank yow all that heir, les and moir,
"Previt so weill into the feild befoir;
"Standard with me into so strang are stour,

" And conquest hes sic loving and honour. 33,900

- " Quhairfoir," he said, "I zow beseik ilkane,
- "Tyne nocht the honour ze haif wyn bigane,
- "With so greit laubour and so greit distres,
- " In falt of curage now and manlines.
- "Beleve ze weill this tyme as it standis, 33,905
- "The victorie is gevin in oure handis:
- " Sen it is sua I neid nocht sa na moir,
- " Bot euerilk man think on his fame and gloir."

This Hungar als vpoun the tother syde,

With mony standartis waiffand than full wyde, 33,910.

And mony baner brodin war full bricht,

And mony bugill blawand loude on hycht,

His men instructit in the samin tyde, With pensit langage full of hycht and pryde.

"Dreid nocht," he said, "to me it is weill 33,915 knawin.

- " All Albione rycht sone salbe our awin,
- " With gold and siluer, and all vther gude;
- "Quhairfoir," he said, "heir schortlie to conclude,
- "That euerilk man amang ws the leist knave,
- "Sall haif sic part as he is worth to haue; 33,920
- " And he this tyme that is nocht worth his part,
- "Traist weill," he said, "rycht glaidlie with my hart,
- " And I haif hap of him maister till be,
- "Withoutin dume of my handis sall de."

How the Scottis and Danis faucht, and the Scottis fled and tynt the Feild, and Lib.10,f.163b.

King Constantyne tane, and efter slane Col. 1.

BE THE DANIS.

The Danis all befoir thair feildis stude, 33,925 With cors-bowis of ballane that war gude,

Rycht mony ganze ouir the grene leit glyde. The Scottis bowmen on the tother syde, Rycht big and bald, with mony nobill bow, And stringis stark quhilk war of rycht teuch tow,

33,930

The fedderit flanis heidit with hard steill, Within thair fleschis rycht far tha gart thame feill. Syne all the lane that waponis docht to weild, With so great force the enterit in the feild, Quhill all the scheildis into pecis claue, 33,935 And birneis brist, and ribbis vnder raue, And mony bowell brist out on the grene; Ane scharpar sembla zit wes thair neuer sene. Into that stour that stalwart wes and strang, But victorie that tyme tha faucht rycht lang; 33,940 Quhill at the last it hapnit so betyde, The wyngis bayth vpone the Scottis syde, Langar to byde had na power no mycht; Out of the feild thairfoir tha tuke the flycht. The Danis than, it hapnit so on cace, 33,945 Ane fitt schupe nocht to follow on the chace; Bot bayth the wyngis euerilk man and cheild, Come in behynd the bak of the mid feild, Quhair Constantyne that da amang thame faucht, And mony rout vpone the Scottis raucht. 33,950 And quhen the saw theme self with so grit schoir, So vmbeset behind and als befoir, Tha tuke the flycht, for the mycht fecht na mair, And fled als fast as fra the hund dois hair. Into that chace thair slane wes mony ane, 33,955 And Constantyne in handis also tane; And to ane coif wes had into that tyde, Into ane craig that stude be the se syde, And for dispyte into that samin steid, With ane wod-ax thair the straik of his heid. 33,960

The Blak Cove than wes callit, I hard sa,
The Feindis Coif is callit now this da.
This was the deid of Constantyne the king,
The threttene zeir quhilk than wes of his ring.
Ten thousand men that waponis weill culd
weild,
Deit that da of Scottis in the feild;
Far ma siclike vpone the tother syde,
La deid that da with mony woundis wyde.

How Ethus wes crownit King efter the Deith of King Constantyne in Scone, and of his Swyftnes, and how the Danis wan Fyffe and sindrie vther Landis, and slew Osbret and Ella and sindrie vther Nobillis of Ingland for the Faith.

The Scottis lordis than suddantlie and sone, With this Ethus the passit all to Scone; 33,970 And with consent of all wes thair ilkane, The crownit him vpone the marbell stane. This ilk Ethus, bot gif my author lie, Als swift of fit as ony hors wes he; For speid wald tak ane hart agane the bra, 33,975 Als swyft he wes as ony hair or ra. Of him ane quhile now will I heir remane, And to the Danis turne I will agane. Quhen tha had tane all Fyfe than at thair will, But ony stop or zit ganestand thairtill, 33,980 To Loutheane the passit syne rycht sone, And as in Fyfe siclike thair haif tha done; Col. 2. Tha left na leid thair levand vpone lyfe Than, zoung or ald, other man or wyfe, Clerk or preist, among thame that the fand; 33,985 Syne passit southwart to Northumberland,

Osbret and Ella baith in battellis slew,
Of quhome befoir bot schort quhile heir I schew;
And king Edward of Suffok that wes king,
And Northfolk als he had at his gyding;
Ane faythfull man and richt famous wes he,
And for the faith refusit nocht to de;
Rycht constantlie, as ane gude Cristin man,
For Christis saike ane martyre wes maid than.

HOW ELARUD THAT SUCCEIDIT KING OF SUFFOK SLEW BAITH HUNGAR AND HUBBA, AND OF ETHUS KING, AND HIS VICIUS LYFE AND ENDING.

Syne Elarud of Suffok that wes king, 33,995 That efter him succedit to his ring, Agane Hungar he straik rycht mony feild, Quhair he and Hubba bayth that tyme wer keild. Lang efter that this gude king Elarud, In dalie battell with the Danis stude, 34,000 As efterwart I think, with Godis grace, To schaw to zow quhen I haif tyme and space. Thairfoir I will tell no moir of this thing, Bot turne agane vnto Ethus the king, Quhilk fra his father wes degenerit far. 34,005 In Albione that tyme wes nocht ane war Of sleuth, and sueirnes, and gulositie. Without curage or animositie; In harlatrie he had rycht grit delyte, And in huredome with beistlie appetyte, 34,010 That he onirsaw the honour of his ring, The commoun weill neglectit in all thing. For no persuasioun the lordis culd mak, No cuir or travell he wald on him tak;

Bot eit¹ and drank, and fillit his bellie fow, 34,015 All nycht with huiris syne sleip[it] lyke ane sow. The lordis seand him sa obstinat, Amang thame self ane quiet counsall set, Decretit syne for finall conclusioun, Him to depryve bayth of kinrik and croun; 34,020 For weill tha wist [that] he wald neuir mend. Syne suddantlie, or that sic thing wes kend, Tha tuke himself and put in presoun strang; Syne all his gard on ane gallous gart hang, And set are da to cheis are vther king. 34,025 This ilk Ethus quhen that he knew that thing, On the thrid da, for verrie tene and wo, His hart than brak and bristit into tuo; Quhilk of his ring that wes the secund zeir, He maid sick end as I haif [tald] zow heir. 34,030

How Gregorius was crownit King in Scone efter Ethus, quho maid mony vertuous Act for the Commoun Weill and Kirkmen.

Gregorius, quhilk wes ane man of gude,
Ane greit nobill and of the royall blude,
The sone he wes of Dongallus the king,
Befoir Alpyne into his tyme did ring,
With haill consent of euerie lord ilkane,
Wes crownit king vpone the marbell stane.
Baith zoung and ald in him had gude beleif,
So wyiss he wes in nothing for to preif.
In cumpany plesand and amiabill,
In word and werk honest and honorabill,
Laulie and meik and of consall rycht gude;
Justice, temperance, prudence and fortitude,

34,035

34,040

Lib.10, f.164. Col. 1.

¹ In MS. eik.

Thir hie virtuus callit are cardinall, Fixt rycht fast in him wer foundit all. Wnsufficient I am for till discryve 34,045 His nobilnes and eik his halie lyve, His wit, his wisdome, and his hie prudence, His travell, laubour, and his diligence, And so greit cuir as he vpone him tuke. In wynd and weit richt mony nycht he woik, 34,050 For cald and hungar that tyme sparit nocht, Quhill he all Scotland to gude rest hes brocht; As efterwart, quha lykis for to knaw, Tak tent to me as I sall to zow schaw. Quhen he in Scone resauit had the croun. 34,055 With all his lordis fuir on to Forfar toun; Quhair he that toun in ane consall gart mak, For commoun weill and justice, mony act. And in the first, that kirkmen suld nocht be No way subjectit to secularitie; 34,060 That no secular suld haif power to caw Ane preist or clerk befoir him to thole law, Or ony actioun to the kirk belangit; And he did so the kirk rycht far war wrangit. Also the prelattis suld nocht stoppit be 34,065 To vse thair law and thair auctoritie; Quhat euir it war, no way that the sould want it, As priviledge to thame befoir wes grantit. The secund wes, that euerilk king suld sueir At his crowning, quhill he mycht armour weir, 34,070 The priviledge of kirk he sould defend, And kirkmen als vnto his lyvis end. And mony mo that I haif nocht perqueir, He maid that tyme that I can nocht tell heir.

HOW KING GREGOURE WITH HIS POWER PASSIT IN FYFFE, AND THAIREFTER IN LOUTHEANE AND OTHER PARTIS, AND PLANTIT AND PLENEIST AS HE PASSIT.

Quhen this wes done, without ganestand or 34,075 stryfe, With all his power passit on to Fyffe, Quhair that the Pechtis war remanand than, Bayth les and mair that war levand ilk man. The quhilk the Danis had possessit thoir, As I schew heir bot schort quhile of befoir. 34,080 Quhilk of his cuming wes so soir adred, Ilkane ouir Forth rycht far awa tha fled. This Gregour than, without ony ganestand, Rycht peceablie gart pleneis all that land, Ouir all the partis that war in the north; 34,085 Syne with his power passit hes ouir Forth In Loutheane quhair he had done siclyke, Wes nane sa stout agane him thair did stryke; And all the strent[h]is that war in that land, Part on force and part without ganestand, 34,090 He tuke that tyme at his plesour and will. Syne forder mair his purpois to fulfill, He fuir ay furth quhill that he come to Tueid. The Danis all of him tha had sic dreid, By Tuedis mouth with ane grit armie la, 34,095 Of Dayne and Pecht rycht mony that same da, Tha thocht that tyme to gif this Gregour feild. Sone efterwart, guhen tha saw and beheild His multitude and ordenance sa gude, And als rycht weill tha knew and wnderstude The Inglismen siclike as he also, Saw tha thair tyme, siclike suld be thair fo.

Col. 2.

And for that caus as than the wald nocht feeht.

The men of gude that tyme bayth Deyne and Pecht,
On to the castell of Beruik is gone,
And to the toun into the tyme ilkone,
Thair to remane quhair tha war out of dreid;

Syne all the laue that nycht passit ouir Tueid.

How King Gregoure seigit Beruik and wan it, and slew the Danis and Pechtis that war thairin, and tha that war without fled to Northumberland.

This king Gregoure, herand how tha had done, Vnto Berwick he sped him than rycht sone; 34,110 Syne laid ane seig withoutin ony ho, About the castell and the toun also. The Inglismen thairof wes blyth and glaid; Amang thame self ilkane to other said, Rycht quietlie that tyme that it wes spokin, 34,115 Of the fals Danis the sould be rycht weill wrokin; Tha maid ane vow without ony demandis, The suld put theme all in the Scottis handis. The Inglismen that tyme that war thairin, Of euerilk port tha knew full weill the gyn; 34,120 And on the nycht that opnit tham ilkone, Quhair that the Scottis mony ar in gone, And in thair beddis sleipand quhair tha la, Baith toun and castell tuik rycht lang or da. Syne on the morne, guhen that the da wes 34,125 lycht,

This king Gregoure, as ressone wald and rycht, Thir Inglismen he gaif thame at thair will, Gif plesit thame into that place byde still, Or quhair tha plesit with riches and gude, With haill consent of all that multitude.

34,130

The Danis than and Pechtis les and moir, Siclike reward as thair awin self befoir Gaif Constantene, quhen tha straik of his heid, Tha gat that tyme without ony remeid. The laif of thame war liand bezond Tueid, 34,135 Quhen tha hard that tha tuke sic terrour and dreid, As ony spark out of ane fyrie brand, Tha fled als fast all to Northumberland To Heirduntius that tyme quhair that he la, The grittist Dayne amang thame all that da. 34,140 This Heirduntus to him quhen this wes tald, Lyke ony lyoun he wes als brym and bald; And mony aith into the tyme he swoir, And his dais doucht langar to induir, Within schort quhile, for that lak he had tone, 34,145 That neuir Scot intill all Albione, Than gude or ill, other man or wyfe, Zoung or ald, be left levand on lyfe; And all the laif thair hartis wer so hie, That samin tyme tha swoir siclike as he. 34,150

How King Gregoure passit to Northumber-LAND AND FAUCHT WITH HEIRDUNTUS, QUHA TYNT THE FEILD AND FLED, QUHAIR MONY DANIS WAR SLANE.

This king Gregoure with power les and moir,
Quhen he had done as I haif said befoir,
He passit furth onto Northumberland,
Traistand thairin for to get no demand,
Quhilk waistit wes all with the Danis weir,
Withoutin men or ony vther geir;
Quharthrow he had ane grit presumptioun,
That land alhaill to subdew to his croun.
Withoutin stop that tyme or ony cummer,
He passit furth neir to the water of Humber,

34,160

Quhair this Heirduntus at the samin da, With ane greit armie neirhand by he la. Sone efter syne, with haill power and mycht, Ilkane of vther cuming is in sicht, With mony wycht men waponis weill culd weild, 34,165 In gude ordour evin reddie for the feild. With sic desyre of battell and of blude, Of Scottis than wer all that multitude, In to thair mynd remanit zit full soir, Thair faderis deidis schort quhile of befoir, 34,170 Thair wes no neid that tyme thame to exhort; Deliuerit wes all in thair mynd richt schort, Thair fatheris deid than suld revengit be, Or in that battell all that da to die. Syne with ane cry tha enterit and ane schout, 34,175 Quhill all the erth trimlit neirby about; So dourlie than ilkane at other dang, Quhill all the rochis with thair reirding rang; Thair speiris scharp that war bayth grit and lang, Aboue thair heid in spaillis all tha sprang; 34,180 The scheildis crakit and in schunder clawe, Breistplait and birny all in pecis rawe; Helmes war hewin and hakkit all in sunder, Bayth heid and hals siclike that tyme wer vnder; Quhill breistis brist and bokkit out of blude, 34.185 Into that stour so stalwartlie tha stude. The Danis thocht grit lak and schame to fle, The quhilk befoir that vowit had so hie. The Scottis faucht with diligence and cuir, To be revengit of the greit injure 34,190 Wes done to thame bot schor[t] quhile of befoir, Quhilk in thair mynd remanit than full soir. And for that caus the moir stoutlie tha stude, The langar ay with moir desir of blude; And in sic wodnes than tha wox so wycht, 34,195 Langer to byde the Danis had no mycht,

Col. 2.

Bot fled rycht fast to mony sindrie place. The Scottis followit so fast on the chace, Efter the Danis quhair tha gat no beild, And slew far ma nor wes slane in the feild. 34,200 This Heirduntus, with grit laubour and pane, Vpone the morne gatherit his men agane, Of quhome and mo the maist part than wer keild The nycht befoir into the samin feild. And quhen he saw his power wes so small, 34,205 For greit perrell efter that mycht befall, To Rasenus tuke purpois for to pas, With ane armie far south in Ingland wes. This Rasenus he wes most principall, Tha[t] tyme in Ingland of the Danis all. 34,210 And as he wes syne passand furth the way, He met ane man vpone the secund day, Quhilk him that tyme rycht hastie tydenis schew Of this Rasenus, laitlie of the new, And Alarud of Suffolk that wes king, 34,215 Quhome of befoir I schew to 30w sum thing, With all thair power met vpoun ane plane, In that same feild this Rasenus wes slane. And all the laif that tyme put to the war, Out of that feld than chaissit wes rycht far, 34,220 Vp and doun to mony sindrie place, And rycht greit slauch[t]er maid wes in the chace. Rasenus heid, for scorne and greit despyte, Buir on ane speir to Lundoun toun syne tyte: Syne on ane port tha set it vp rycht hie, 34,225 Quhair that it standis on 1 zit still to se. Quhen thir tydenis wer to Heirduntus tald, Suppois he wes baith bellicois and bald, Wes so affrayit of that hastie fray, Ane word that tyme he wist nocht quhat to 34,230 say.

1 In MS. stone,

Vpone ane feild ane litill fra ane toun, He plantit thair than all his palzeonis doun; And thair he baid and doun his tentis set, Quhill efterwart new tydenis for to get.

How King Gregoure partit the Spulze and ressault the Strenthis, and passit bak to Berwick agane.

This ilk Gregoure, of quhome I spak befoir, 34,235 Distribut hes to all man les and moir, Thair all the spulze in the feild tha wan, Rycht equalie to euerie lad and man; That euerilk man rycht glaidlie with his hart, Into that tyme wes plesit of his part. 34,240 This beand done, withoutin moir demand, The strenthis all war in Northumberland, Ressauit hes at his plesour and will, And all the laif he leit remane thair still, For small tribute zeirlie to him to pa. 34,245 Syne all the laif, quhen that he had done sua, And maid gude reule in all part vp and doun, Bakwart agane he come to Berwick toun, Gaif all men leif for to pas hame thair wa. Syne in that toun all wynter ouir he la, 34,250 And mony lord into his cumpany, Quhill all wynter wes passit and gone by.

HOW GREGOURE GATHERIT AGANE ANE GREIT POWER TO PAS VPONE THE BRITIS, AND OF ANE HERALD SEND BE THAME, AND HOW THE SCOTTIS GAT THAIR LAND AGANE.

In symmer syne he gatherit sone agane Ane grit power and passit to the lane, Agane to conqueis, as my author wrytis, The landis all war haldin be the Britis. Of lenth and breid tha samin landis tha[t] la Fra Stirling brigg evin south to Sulwa, The Scottis landis lang and mony zeir, War all befoir as ze zour self mycht heir. Quhen that the Britis wnderstude and knew So scharplie than he schupe thame to persew, And of his loving als hard tell, and gloir And victorie that he had wyn befoir; Als in the tyme perfitlie weill tha wist, Tha had no strenth his power to resist, The Danis had thame so ouirset befoir, And for that causs his help than till imploir, And als that tyme to satisfie his will, Rycht hastelie ane herald send him till; With commendatione humlie fra thair hart, Beseikand him that he wald tak thair part Agane the Danis had thame sa ouirthrawin, And all the landis that sould be his awin At his plesour, and als all vther thing, Into his handis glaidlie sould resing, That samin tyme but ony stop or stryfe: Than all the Britis euerie man and wyfe, That duelland war that tyme into that land, The suld remove but stop or zit genestand. Quhairof this Gregoure wes rycht weill content, And sone thairfill that tyme gaif his consent; So did the laif without ony demand; Off that conditioun bund wes thair that band. Quhairof that tyme ilk partie wes rycht fane, The Scottis als gat all thair land agane. In Albione than wes gude peax and rest, Bot rycht schort quhile tha leit it rax or lest.

34,255

34,260

34,265

34,270

34,275

34,280

Lib. 10, f. 165. Col. 1.

VOL. II.

HOW CONSTANTYNE, KING OF BRITIS, EFTER HIS FADER DEIT, COME IN SCOTLAND WITH ANE ARMIE IN ANNAND, AND HOW KING GREGOURE MET HIM AT LOCHMABEN.

The king of Britis, with Gregour maid this band, Departit efter sone I wnderstand, 34,290 And Constantyne, efter he wes deid, His sone wes crownit in his fatheris steid. This Constant vne vnconstant in all thing, Quhen that he knew how Alarud the king Than vincust had the Danis euerilkone, 34,295 So lang befoir had vexit Albione, Thair he forthocht in his mynd rycht soir, That the gaif ouir the landis of befoir To this Gregoure, as ze haif hard me sa; And for that caus sone efter on ane da, 34,300 With all his power, but stop or ganestand, He enterit sone into Vallis of Annand, And suddanelie he raisit fyre and blude. This king Gregoure quhen he hard how it stude, Da na nycht that tyme he tareit nocht; 34,305 With waill greit power southwert ay he socht. This Constantyne that samin tyme send he To Alarude for his help and supple, The quhilk that tyme he did him sone deny, As it was said, for that same caus and quhy 34,310 He louit Gregour rycht weill with his hart, Agane the Danis tuke so stout ane part. This Constantyne, his ansuer quhen heknew, That he had done begouth rycht soir to rew; Of king Gregour that tyme wes so adred 34,315 With all the spulze hame agane he sped, Quhen he hard tell king Gregour wes cumand. This ilk Gregour in Valis of Annand,

In MS. The.

Quhair he proponit for to pas his wa, Besyde Lochmaben met him that same da.

34,320

How King Gregoure gaif King Constantyne Feild, and slew him with mony Britis, and how Harbert his Bruther wes crownit King of Britis efter him, and of ane Herald send to King Gregoure be Harbertus than King of Britis.

And suddantlie this Gregour gaif him feild, And knappit on quhill mony ane wes keild. Rycht mony Brit wes laid vpone thair bak, And mony burdoun on thair banis brak; Full mony one rycht cald wnder his scheild, 34,325 That samin da la deid into the feild, The Britis bald, for all thair pomp and pryde, Into that battell mycht no langar byde. This Constantyne thair king, that maid the trane, That samin da into the feild wes slane, And the tane half and far mair of his oist, Into that feild siclike that da wes lost. The laue rycht sone wes syne put to the war, Out of the feild syne chaissit wes rycht far. The Scottis syne quhilk followit on the chace, 34,335 Quhair tha ouirtuik thame into ony place, Without fauour thair, as thair mortall fa, Scharpe swordis than thair ransone tha gart pa. Quhen that the Britis knew thame self so war Of power brokin, and of strenth rycht far, 34,340 Thair king and lordis slane war in the feild, Of all the laue the most part all war keild; Also tha knew that tyme in Albione, Freindis rycht few as than tha had or none; And for that caus this Constantinus bruther. 34,345 Harbert to name, wysast of ony vther,

Col. 2.

G G 2

That samin tyme, as that my author writis, With haill consent wes crownit king of Britis. To king Gregoure ane herald sone send he, Beseikand him of his hie majestie, 34,350 With what condition he plesit to mak, Trewis that tyme betuix thame for to tak. Sayand also, that he forthocht full soir Of the grit wrang wes done to him befoir, And said the wyit wes all into his bruther, 34,355 He wist rycht weill, that tyme and in na vther. He had the wyit and gottin als the war, And for his falt wes puneist than rycht far. Thairfoir, he said, sen Constantyne is deid, And all his malice passit wes and feid, 34,360 Beseikand him of his gude grace so hie, For peice and rest, and lat all weiris be.

How King Gregoure gaif Ansuer to the Britis Herald.

King Gregoure sic ansuer maid agane:

" Forsuith," he said, "we haif considderit plane

" 3our greit falsheid and infidelitie, 34,365

" 3our variance and instabilitie;

" As it hes previt rycht weill of beforne,

" 3e se[t] nocht by how oft 3e be mensworne;

" 3e haif no fayth, than how suld 3e be leill

" For band or aith, for oblissing or seill, 34,370

" On buke and bauchill so oft is mensworne?

" Quhairfoir," he said, "3our lautie 1 is forlorne;

"Of me," he said, "no peax now sall ze have,

"Thocht 3e that ilk list neuir so weill to crave,

"Without," he said, "ze resing in my hand 34,375

" All Vmbria and also Westmureland,

"To occupie at my plesour and will,

" And all the strenthis siclike thair intill,

¹ In MS. lautis.

"Or than," he said, "I will nocht with zow deill.

" And als, quhair with to caus 30w to be leill,

" Sextie zoung lordis for pledgis I will haue,

" Nocht ellis now I list at 30w to craue.

" And gif ze think that sic thing can nocht be,

" In tyme to cum send nocht agane to me;

" For and ze do, dreid les ze sall bair blame." 34,385 With this ansuer the herald passit hame; Befoir thame all schew his deliverance, Ilk word be word with all the circumstance. Quhairof the Britis abasit wes rycht far, it neuirtheles for dreid efter of war, 34,390 So weill tha wist, and Scottis wer thair fa, In Albione no vther freind haif tha; And als thairwith, thair power wes so small, Or dreid on force tha war maid bondis all, And brocht rycht sone on to ane lawar stait, 34,395 Thairfoir that tyme tha wald mak na debait. All his desyre than haif the grantit till, Quhat euir it wes rycht hartlie with gude will.

OFF THE BAND MAID BETUIX KING GREGOURE Lib.10.f.165b. AND HARBART, KING OF BRITIS, AND OF ANE MESSINGER SEND FRA ALARUDE, KING OF SUFFOK, TO KING GREGOUR, AND OF HIS Ansuer; and how the Ireland Men come IN GALLOWA, AND OFF KING GREGORIS PASS-ING IN TRELAND, AND OF HIS VASSALAGE AND VICTORIE WYN THAIR.

In that conditioun bund wes in that band Westmaria and also Cumberland; 34,400 Baith toun and touris with thair pledgis zing, Deliuerit war to gude Gregour the king. Syne the Britis that duelt into that land, Gart thame remeif without ony demand,

Baith 30ung and ald into that tyme ilkone, Syne all togidder to the Walis ar gone. The Scottis syne in thair saittis sat doun, With pece and rest that tyme in euirilk toun. This king Gregour, syne efter on ane da, To Carraccone he tuke the reddy wa, Quhair he remanit for ane weill lang space. The samin tyme that he wes in that place, Fra Alarud thair come ane messinger, Quhilk said to him as I sall sa 30w heir:	34,406 34,410
" O king and conquerour, of hie majestie! "King Alarud rycht gudlie gretis the. "Lattand the wit, O thow Gregour!" he said, "Of thi weilfair he is rycht blyth and glaid; "And bad me sa, als far as he hes feill, "Of Constantyne the deid thow hes quit weill.	34,415 34,420
"Rycht grittiuslie also he thankis the "Of supportatioun, help and grit supple, "Thow hes maid him agane his mortall fo, "Heirdunt that Dayne, and mony vther mo, "Victoriuslie he[s] wyn thame all in feild, "And mony thousand of thair men hes keild: "Thair wes no travell that mycht gar the tyre "Quhairfoir," he said, "this is his most desyre,	34,425
"With the to mak ane colleg and ane band, "In vnitie and concord for to stand "Into all tyme, with glaid myndis and hart, "And euerilkone for to tak vtheris part "Aganis the Danis ar oure commoun fo. "Gif plesis the," he said, "for to do so,	34,430
" Northumberland and als Westmaria, " In peax and rest, and also Cumbria, " In heretage for euir to be thi awin, " But ony clame of ony vnouirthrawin." This king Gregour, the quhilk wald nocht deny, To his desyre consentit suddantly,	34,435 34,440

Syne maid that band with letters selit braid. With thir conditionis than that band wes maid: In heretage than that this ilk Gregoir Suld bruik that land, as said is of befoir; And gif the Daynis cum into Ingland, 34,445 This ilk Gregour withoutin moir demand, With all the power he mycht gudlie be, This Alarud suld cum for to supple. And Alarud suld do siclike agane; With all his power for to cum rycht plane 34,450 In[to] Scotland, guhen mister wer to be, Agane the Danis for to mak supple. The last conditioun, quhilk wes thrid in ordour, Gif thift or reif wes maid vpon the bordour, Suld be na caus thair bandis for to brek, 34,455 Bot tak the theuis and hang thame be the nek. This king Gregour, of quhome befoir I spak, In purpois wes for to seig Eborack: So had he done than, schortlie to conclude, Col. 2. War nocht this herald come fra Alarud, 34,460 So freindfullie that maid with him this band. For that same caus, as ze ma wnderstand, In that mater he wald proceid no moir, Bot left the purpois he wes in befoir. This beand done, as I haif said but leis, 34,465 All Albione wes in gude rest and peice; Bot[h] Scot and Brit, and Inglismen also, Quhair that tha list at thair plesour till go; Ilkone to vther for to cum and gang. With king Gregour this lest[it] nocht rycht 34,470 lang. Syne efter that, as my author did sa, Out of Ireland thair come in Gallowa Ane grit navin that tyme attouir the flude, And cruelly than baith with fyre and blude, Rycht grit distructione maid ouir all that land; 34,475 And for quhat caus I can nocht wnderstand,

Bot gif it wes, as I can weill beleve, The hand of God and for thair awin mischeif, And to extoll this ilk Gregour betuene. Sone efter syne as it was rycht weill sene, 34,480 The maner how syne efter of this thing, Quhen it was schawin to gude Gregour the king, Rycht suddantlie, withoutin ony baid, In Galloway with grit power tha raid, Of bernis bald that stalwart wer as steill. 34,485 The Ireland men that knew thair cuming weill, Into that land na langar wald remane, But with grit spulze passit hame agane. Quhen that the saw it micht ne better be, With all his power passit to the se, 34,490 With barge and bark, and mony gay galay, To Yrland syne he tuik the narrest way. Syne at ane hevin, the narrest that the fand, At his plesour thair passit to the land; Syne suddanelie with grit anger and yre, 34,495 Ouir all the partis bayth with blude and fyre, Throw crabitnes with grit crudelitie, Greit slauchter maid that petie wes to se. The Irland lordis quhen tha knew sic thing, Tha dred rycht soir becaus Duncane thair king 34,500 So zoung he was, and tender age that tyde, That he douch[t] nother for to gang nor ryde. And mairattouir, rycht weill that tyme tha wist That the docht nocht this Gregour to resist, Victour had bene in mony feild befoir 34,505 Agane far grittar, and had wyn sic gloir. And for that causs, of all thing mair [or] les, Tha thocht agane to him to mak redres Of all injure wes done befoir him till, And put the doaris ilkane in his will. 34,510 In that counsall wes mony lordis zing, That be no way wald consent to that thing;

In MS. Fergus.

Into that tyme alledgand mony lawis, For-quhy thair self of all that thing wes caus, And wes begun be thair counsall and will, 34,515 And for that causs wald nocht consent thairtill. And so that cuntrie in that tyme wes gydit; The lordis all in tua parteis diuydit, And euerilk part ane chiftane of thair awin, Hes maid that tyme in sindrie partis drawin. 34,520 Ane hecht Corneill, of greit honour and fame, Lib. 10, f. 174.2 Col. 1. Brenus the tother callit wes to name, Thir tua that tyme betuix thame trewis hes tane, Syne baith to feild aganis Gregoure ar gane. Ane greit montane into that tyme thair stude, 34,525 Callit Futes, rycht neirhand Banus flude; Betuix the mont and this ilk flude also, The passage wes right narrow for till go; And vther passage neir that place wes nane, For mont and mos, and myris mony ane. 31,530 The Irland men foirnest that passage lay In tua greit oistis, for to keip that way, That weill tha wist the Scottis be no gyn That the culd mak, that passage docht to wyn. Betuix the montane and the water cost, 34,535 So narrow wes, ane rayit feild or oist Rycht perrelous than wes to leid and gyde, Seand thair fais on the tother syde. In that beleif the Ireland men thair la, Traistand king Gregour sould pas sone awa; 34,540 In falt of victual micht nocht tarie lang, And for that caus the soner hame wald gang. It was nocht sua, thairof tha had no feill, For fiftie dais tha war furneist rycht weill

In MS. Cornall.

² This, and the next seven folios, misnumbered.

In meit and drink, and in all vther thing, 34,545 As wes commandit by Gregour thair king. Thair vse wes than in oisting, quhilk wes gude, To suffeis thame with litill sleip and fude, Quhen mister wer, and in greit neid tha wald, With litill meit and drink the water cald; 34,550 Of soft sleiping tha tuik rycht litill cuir, And doucht rycht weill grit travell to induir. Thair still at laser so tha la ane quhile, Quhill at the last this Gregour fand ane wyle, With greit prattik thair passage for to wyn, 34,555 Withoutin straik to enter and pas in. Tua thousand men, that waldin war andwycht, Rycht quietlie that montane on the nycht He gart ascend wnto the tother syde, And all that nycht amang bussis thame hyde. 34,560 Syne on the morne, ane lytill efter day, Ane garneist battell gart the strenth assay In gude ordour, at grit laser and lenth. The Ireland men that keipand wes the strenth, Vnder the fute of that grit mont tha stude 34,565 In gude ordour ane rycht grit multitude. The Scottis than vpoun the hight abone, Tha schew thame all and come in sycht rycht sone. Rycht mony craig and mony stone withall, Aboue thair heid gart tummill and doun fall; 34,570 With so great force discendend fra the hight, Exceidend than all mannis strenth and micht, That strangest wes to stand wnder thair straik, Thocht he had bene als stark as ony aik. Amang thair palzeonis with sic force tha fell, 34,575 That wonder wes to ony toung to tell. Ane thousand [than], without ony reskew, Of Brenus men into that tyme tha slew; And all the laif tha war so soir adred, Out of that feild withoutin straik the fled. 34,580

Col. 2.

And left thair tentis in the tyme alone Standard thair still, and passit hame ilkone. The Scottis follouit on the chace rycht fast; This Corneill than rycht soir he wes agast, Quhen that he saw thame follow on the chace; 34,585 He left his tentis standard in that place, With all the power in the tyme he had, In gude ordour richt fast awa he fled. The Scottis men that followit on the chace, Vp and doun in mony sindrie place, 34,590 Rycht mony tuik and few of thame wes slane, And syne to Gregour brocht thame [hes] agane. Quhen this wes done the nobill king Gregoure Distribut hes the spulze, les and moir, To euerie man as he wes worth to haif; 34,595 Wes none exceptit be the leist ane knaif. The captane Brenus in that samin steid, Into his palzeone than wes fundin deid; Baith heid and hals wes hakkit all in schunder, With crag and coist, and all the bonis wnder, War brissit and brokin in pecis small ilkone, All throw the straik than of ane mekle stone. His men wes tane desyrit thame to haue His deid bodie to burie into graue: The quhilk the king hes grantit with gude will, 34,605 And he him self hes maid grit help thairtill. This being done, king Gregour gaif command, Bayth far and neir ouir all part of that land, Bad tak and spulze haistelie with speid, Quhairof that tyme tha had mister and neid; 34,610 Fra fyre and blude he bad tha suld abstene; Wemen and barnis and agit men betuene, To preist or clerk no violence to mak; All other men commandit for to tak, Withoutin hurt other of lyth or lym, 34,615 That fensabill war and bring thame all to him.

And so tha did within ane litill space;
Bot he agane so meik wes of his grace,
Quhome euir tha brocht, bot ony harme or ill,
He leit thame pas at plesour quhair tha will.

34,620

How the Men of Gude in Ireland come to King Gregour, and how he wan Tua Townis thair and was mercifull to Kirkmen and Commonis.

The men of gude that duelt into that land, Quhen that sic thing wes done thame wnderstand, How Gregour wes so manesuetude and meik, So courtas, laulie, and so gentill eik, Into that tyme richt mony come him till, 34,625 Bayth gude and bad, and pat all in his will. Rycht curtaslie he did thame all ressaue, And mony giftis in the tyme thame gaif; Quhairthrow the strenthis that war in that land, Richt mony war resignit in his hand; 34,630 Mony of force and mony of frie will, Bot ony tretie maid that tyme thame till. Dongard and Pont, tua strang townis war than, Seigit thame bayth and in the tyme thame wan. Quhen tha war wyn and put into his will, He wald thoill no man for to do thame ill, In ony thing pertening skaith or lak; Out of the toun no spulze wald let tak, Exceptand mony, harnes, and sick geir, For to diuyde amang his men of weir. 34,640 Wes none so pert, in pane than of his lyfe, That durst defoull wedow, virgin or wyfe; Preist nor clerk thair durst no man displeis; Siclyke as thir tha leit thame leif in eis.

¹ In MS. laud.

How King Gregoure thocht to seig Deby-Leyn and was stayit, and how Corneill gatherit aganis him ane greit Armie off Ireland Men.

Quhen this wes done he purposit for to pas 34,645 To Debyleyn within schort space, that was The fairest citie and the grittest toun In all Ireland, and most wes of renoun, Of gold, and riches, and of all honour; So is it zit wnto this samin hour. 34,650 Onto this toun are seig he thocht to lay; And as he wes so passand by the way, Ane spy that time thair come to him and schew Of captane Corneill, laitlie of the new Lieutennand maid wes than of all Ireland, 34,655 And with greit power cumand at his hand, And mony bald men with greit bost and schoir, Lib.10, f.174b. Col. 1. In so greit number saw tha neuir befoir. Quhen this wes tald to gude Gregoure the king, As he richt weill considder culd sic thing, Thair he tuke purpois all nycht to remane, And planetit palzeonis on ane plesand plane; And all that nycht with mony watche and spy, Still at thair rest quaill on the morne did ly. Syne on the morne, be that the da wes licht, 34,665 The Irland men apperit all in sicht, Diuydit war into thre battellis bald, In ilk battell ten thousand men weill takl. Siclike the Scottis on the vther syde, In thre pairtis thair power did diuyde; 34,670 With mony standart streikit in the air, And mony baner browdin wer full fair, And mony pynsall of pictour rycht so proude, And mony bugill blawand than full loude.

Be this the bowmen in the feild befoir,

With scharpe schutting maid mony sydis soir;

OFF THE BATTELL BETUIX KING GREGOUR AND CORNEILL, QUHA FLED AND TYNT THE FEILD, AND HOW THA ASKIT PEAX.

34,675

The speris syne, tha[t] war baith greit and lang, The enterit all into the grittest thrang. So thralie thair togidder that tha thrist, That scheildis raif and mony birny brist; 34,680 Helme and habrik schorne war all in schunder, And mony berne maid bludie that war wnder; And mony schulder out-throw the scheild wes schorne, And mony bald man of his blonk wes borne. This Corneill 1 syne it hapnit vpone cace, 34,685 For to luke vp with ane discouerit face, Into the feild for to behald and spy; Or euir he wist, rycht sone and suddantly Ane fedderit flane that in the feild did fle, Smyt him so soir ane lytill by the ee, 34,690 In to the face, with sic ane werkand wound, That force it wes out of the feild to found On ane grit hors neirby reddie he hed. Quhen that his men knew weill that he wes fled, So grevit wes thair of and so agast, 34,695 Out of the feild tha follouit all rycht fast. The Scottis than that knew full weill that cace, Efter thame than the maid a rycht lang chace, Heir and thair in mony sindrie sort, Of Debalyn quhill the come to the port; 34,700 With dyntis dour dingand thame euir doun,

Quhill tha war all ressauit in the toun.

¹ In MS. Cornall.

Of Ireland men sa mony than wes slane, Without beleif in tyme to cum agane To haif power, or zit for to pretend, 34,705 To gif thame feild or 3it mak ony defend. This king Gregour syne on the secund day, To Debalyn he tuik the narrest way, And syne laid ane seige round about the toun, Quhair mony lord and mony bald barroun, 34,710 And mony ladie semelie wes be sycht, And mony wyfe and mony vther wycht, And mony berne into the toun wes bred, And mony freik out of the feild wes fled, Within that toun, quhilk wallit wes with stone, 34,715 In to that tyme remanand wer ilkone. This samin seig syne, as my author sais, Indurit efter bot waill few dais, So mony pepill wes within the toun, Sic multitude in sic confusioun, 34,720 Quhair thair vittall grew bayth scars and skant, Of meit and drink amang thame wes grit want; In falt of fude sic stres thair haif tha tane, Tha war in poynt to perische than ilkane. And quhen tha saw it stude thame in sic neid, 34,725 To counsall all rycht suddanelie tha zeid, For to aduise quhat best wes to be done; And sum thair wes that counsall gaif richt sone, Agane Gregour with battell to contend, And tak sic chance as God wald to thame 34,730 And nocht to cum that tyme into his will.

And nocht to cum that tyme into his will.

And wysar men that thocht that counsall ill,
Tha said agane, tha wist full weill but dreid,
And tha did sua tha wald cum lidder speid;
To put that citie and that royall toun
In jeopardie of sic distructioun,
As God forbid, and so hapnit to fall,

But ony dout than war tha lossit all.

Col. 2.

34,735

- " And be this toun now suir [is maid] but skaith.
- "Throw quhome ouir honour and ouir profit 34.740
- " Will grow agane rycht sone als and restoir
- " To als grit stait as euir it had befoir.
- "Heirfoir," he said, "my counsall is bot leis,
- "To preif with him gif that we can mak peice,
- " And guhat condition lykis him to haif;
- "Be he curtas, he will nocht ouir far craif."

HOW ANE MESSAGE WES SEND TO KING GRE-GOURE, AND OF HIS ANSUER AGANE, AND HOW THE KIRKMEN MET KING GREGOURE WITH Processioun and randerit him the Toun OF DEBALEYN, AND OF HIS DIUOT OFFERING, AND HOW HE PUNEIST THE DEFOULLARIS OF WEMEN.

Efter this counsall wes euerie man content. This ilk Cormak in message syne tha sent, The counsall gaif, ane man of grit renoun, Archibischop als wes of that samin toun. 31,750 This Cormacus rycht humill and benyng, Quhen that he come befoir Gregoure the king, Rycht laulie than befoir him on his kne, Thir samin words in the tyme said he: 34,755

- " O royall king, and hie excellent prince!
- " Sen we forthink the falt and grit offence,
- " Offendand the that done wes of befoir,
- "Throw quhome," he said "we puneist ar rycht soir;
- " And thow far moir als gottin hes thi will,
- " Na euir thow trowit in ony tyme cum till;
- " Sen gratius God, the gevar of all gloir,
- " Hes grantit the of ws to be victoir.

"Thairfoir," he said, "it semis weill to the,

" Of vincust pepill for to haif pitie,

- " Without defence lyand amang thi feit, 34,765
- " In quhome," he said, "is nother pryde nor heit.

" Also oure king the quhilk is within age,

" Quhometo tha aucht be law of rycht lynage,

" Sen ze ar baith of ane genelogie,

" His governour and protectour till be. 34,770

" And als," he said, "this nobill royall toun,

" No honour is to put to confusioun,

- "The quhilk thow aucht [for] to defend of rycht.
- "Thairfoir," he said, "sen thow art curtas knycht,
- " And als in the sic lautie is but leis,
- ' We the beseik of thi kyndnes and peace,
- 'And tak we all this tyme in [to] thi will,
- " With quhat conditioun thow will put ws till." Quhen this wes said befoir thame all in plane, This wes the ansuer that he maid agane:

" Forsuith," he said, "as I ma rycht weill prove,

" I haif just caus this battell for to move, " For ze zour self begouth in me sic thing.

" As for your toun, and young Duncane your king,

" In that mater gif I haif oucht ado,

" No ansuer now that I will mak yow to,

" Quhill tha be baith first put in to my will,

" Syne I wilbe aduysit thair intill,

" And thairefter ze sall haif ansuer than;

" And will ze nocht, the best way that ze can 34,790

" Defend zour self als gudlie as ze ma." Lib.10, f.175. With this ansuer he passit hame his wa; Syne in the toun befoir the nobillis aw, This Cormacus that same ansuer did schaw. Suppois thairof tha war nocht weill content, 34,795

it ncuirtheles, with all thair haill consent, The opynit than the portis of the toun, Syne passit furth all in processioun.

VOL. II.

Col. 1.

Baith preist and clerk thairin wes les and moir, In that processioun formest come befoir; 34,800 Syne Cormacus come bairand in his hand Ane crucifix of birnand gold schynand, In quhome the image of ouir Saluiour Affixt wes with perfite portratour; Syne all the nobillis come efter on breid, 34,805 Ilkone that tyme in thair awin ordour zeid. This Gregour syne he met thame be the way; That samin tyme, as my author did say, Commandit hes his men all for to stand In gude ordour thair round about his hand. 34,810 Syne he him self discendit from his hors, And on his kneis kissit hes that cors Rycht reuerentlie, syne rais vooun his feit, Into the toun syne steppit furth the streit, Amang the lawe in that processioun, 34,815 Qualified Quality Quality Quality and the town; And passit all syne baith on fit and hors, Qubill that the come onto the mercat croce. Syne mony bald men into armour brycht, In all that tyme that wes bayth wyss and 34,820 wycht, This king Gregour into that place gart byde, For aventure that efter micht betyde. Syne passit is withoutin ony tarie, Onto the tempill of the Virgin Marie; Diuotlie thair his offerand he maid, 34.835 Syne raikit on withoutin ony baid, Till all the kirkis [that] war in the toun, Of secular preistis and religioun, Rycht reuerentlie thair kneilland on thair kne, With grit denotion his offerend than maid 34,830 he. Quhen this was done, with his lordis ilkone,

On to ane castell ar togidder gone,

Rycht strenthe wes into the toun that tyme, That biggit wes of poleist stane and lyme; And thair intill tha tuke thair rest all nycht. 34,835 Ane grit armie than into basnetis brycht, In sindrie partis vp and down that streit, All the nycht ouir stude walkand on thair feit, With mony wache that nycht vpoun the wall, For aventure that efter micht befall. 34,840 That samin nycht mony wemen or da Defoullit war, as my author did sa, Agane thair will be thame that work that nycht: Syne on the morne, quhen it wes fair da lycht, Rycht soir complaynt thair wes maid to the king,

Quhilk wes commouit rycht far at that thing. Grit diligence thairfoir he hes gart mak
To seik and find, in handis syne gart tak
All thame that tyme wer doaris of that deid;
The widdie syne he gaif thame to thair meid. 34,850
Quhilk causit him the moir fauour to haif
Of Ireland men, lordis and all the laif.

How King Gregoure was maid Tutour to Duncane, King of Ireland, and all his Strenthis gevin in his Hand with Pledgis, and come Hame in Scotland, and of his Nobilnes and Deid.

In that samin tyme in that toun quhair he la, The lordis all convenit on ane da, Of Irland men than be the leist ane lord, 34,855 With king Gregour to mak peice and [con]cord.

¹ In MS. tyme.

Col. 2.

Efter lang auisment into mony thing, Accordit wes betuix thame and the king That zoung Duncane suld be thair king and prince, Thame self also without fraude or offence, 34.860 Into thair keiping and thair cuir suld haif, Quhair no disceptioun docht him to dissaue. And king Gregour suld to him tutour be, And judges mak of his auctoritie, As plesit him all tyme, bayth ane and aw, 34,865 Ouir all Ireland to execute the law. Syne all the strenthis that war in that land, To be resignit ilkane in his hand. No Brit nor Saxone that come be the se, Within that land for to ressauit be; 34,870 Without his leif se tha resauit nane. Syne sextic pledgis of thame he has tane, Into ane takin the suld all trew be; Syne with his armie passit to the se, With all his lordis that tyme les and moir, 34.875 Come hame agane with grit honour and gloir. This worthie, nobill, hie, excellent prince, In all his tyme did neuir none offence; No violence be him wes neuir wrocht, Without rycht far on him that it war socht. Syne all his tyme quhilk efter wes rycht lang, In peax and rest, withoutin ony wrang, With law and justice and greit equitie, And luif also, his kinrik gydit he. Of halie kirk protectour and defence 34 885 Fra opin wrang and frome all violence. All febill folk at him gat ay refuge, To riche and puir he wes ane equale judge, At all power without partialitie, So just he wes in his auctoritie. 34,890 Wes neuir one moir equale led his lawis, And les detractit with ilk mannis sawis,

Or les invyit in his tyme nor he, Quhilk had sic honour and auctoritie, In all Europe had nother maik no peir. 34,895 Syne of his ring the tua and tuentie zeir, And of oure Lord aucht hundreth wes compleit, Nyntie and thre to mak the number meit, With grit murning of eueric man and wyfe, Departit hes out of this present lyfe. 34,900 In Iona Yle syne in Ecolumkill, With all honour that mycht be done him till, In gudlie wyiss tha put him in his grave, With moir triumph nor ony of the lawe. My pen wald tyre and als my self wald irk, My rude ingyne wald bayth grow doll and dirk, And occupie the maist part of my lyfe, Gif I suld heir his worthines discryfe. My wit also insufficient is thairto, And I myself sa mekle hes till do, 34,910 That I ma nocht weill tarie in sic thing; Bot weill I wait, ane better prince or king Wes neuir nane of all the nobillis nyne, Nor lang befoir nor zit hes bene sensyne. The Ireland men and Britis to also, 34,915 And Danis strangar no the tother tuo, Thir thre nationis he maid thame till obey; The fourt als grit durst neuir mak him pley, That is to say the wickit Saxonis blude, In all his tyme of him sic aw tha stude. 34,920 And he had bene into Homerus tyme, Quhilk maid in Grew sa mony vers and ryme, And he him self also ane Greik had bene, Rycht weill I wait, and nothing for to wene, His name had spred ouir all the warld also 34,925 wyde As Cesaris did for all his pomp and pryde.

Sen I am nocht expert for to discryve

His nobill deidis and his famous lyfe,

Lib.10, f.175b.

Quhairfoir ilk man tak ze gude tent that reidis, Quhen ze haif hard and considderit his deidis, 34,930 Than mak ze ruiss as ze think maist avale, For I will turne agane now to my taill.

How King Donald was crownit efter the Deceis of King Gregoure, and of his worthie Deidis and gude Justice, and his Departing.

Donald the fyft, the 1 sone of Constantyne, Of quhome befoir I schew zow schort quhile syne, Efter Gregour, with consent of ilkone, 34,935 In Scone wes crownit on the marbell stone. In law and justice and [in] equitie, No les no Gregour in his tyme wes he. Ane man he wes that keipit ay gude peice, Stoppit all wrang and gart all weiris ceis. 34,940 In peax and rest and greit tranquillitie, Fra his begynnyng to his end 2 rang he; And mony gude werk in his tyme he wrocht, Honorand God in all thing that he mocht. To kirkmen als he did grit reuerence, 34,945 Wes nane durst faill or do to thame grevance. The name of God in sic honour held he, Quhat euir he wes, of hie or law degrie, The name of God blasphemit ony tyme, And he war notit with sie falt or cryme, 34,950 With ane hett yrne wes brint vpone the mouth; Fra that tyme furth sic aythis wes not couth. War thair sic laws vsit in thir dais. Rycht weill I wait, in ernist and in plais, Men wald be lownar in thair langage far, 34,955 And meikar als than now on dais the ar.

¹ In MS, the fuft.

In MS, ending.

I pray to God, remeidar of all thing, Gif I mycht se in my tyme sic ane king. Bot weill I wait thir words ar in vane, Thairfoir I will turne to my taill agane 34,960 Now at this tyme, and lat sic talking be, Sen weill I wait it will nocht mend for me. That samin tyme in my storie I fand, How that are man come fra Northumberland, And schew the king of ane that hecht Gormond, 34,965 Ane 1 fellar freik wes nane that mycht be fond, Ane Dane he wes new cuming ouir the sand, Arryuit had into Northumberland, With greit power into that land he la, To quhat purpois he culd nocht to him sa, 34,970 Bot in that land he left him liand still, Without offence to ony man or ill. This king Donald quhen he saw him sa so, In gudlie haist he graithit him till go, Withoutin stop that tyme or zit ganestand, 34,975 With greit power into Northumberland. And as he wes syne passand be the way, He met ane man, the quhilk to him did say That this Gormond, but ony stop or cummer, Than fourtie myle be 2 and the water of Humber, 34,980 Far south that tyme wes passit in Ingland. This ilk Donald quhen he did wnderstand His purpois wes, guhen it wes rycht to ken, That tyme to pas agane the Inglismen, Fyve thousand men that walit war rycht wycht, 34,985 In breist[plait], braser, and in birny bricht, To Alarud, of Ingland king, he send, Agane Gormond him to help and defend, As the condition maid wes of befoir, With Alarud and nobill king Gregoir. 34,990

¹ In MS. In.

Col. 2.

This Alarud syne efter that few dayis, With this Gormond, as that my author sayis, With mort battell tha met vooun ane plane, Quhair mony thousand on ilk syde wes slane Into that feild of mony nobill man, 34,995 Thocht Alarude the victorie thair wan. And thocht the Danis fled and left the place, That he durst nocht follow vooun the chace, For-quhy his power parit wes to nocht, The victorie to him wes so deir boucht: 35,000 Rycht soir he dred be this Gormondus menis, Into Ingland that he sould bring ma Denis; Perfitlie als he knew thairwith and wist, And he did so, he might him nocht resist, And for that caus with him he hes maid peice, 35,005 Of this condition as I sall heir reherss. That this Gormond sall tak the faith of Christ, And all his men ilkone, and be baptist, Of halie kirk for to fulfill command, And vse sic law in Ingland as tha fand. 35,010 And Alarude the kinrik sould diuyde, Tak him the tane, leve him the tother syde, In heretage for euirmoir to bruke; Of this conditioun trewis than tha tuke. Than this Gormond and all his men ilkone 35,015 Wes baptist syne, and him self Ethalstone Callit to name into the tyme was he, And left the name [syne] of gentilitie. Quhen this wes done tha weiris than did ceis; For all his tyme he levit in gude peice. 35,020 That samin tyme, as my author did sa, Betuix Rosmen and men than of Murra, For litill caus thair fell ane greit discord. Within schort quhile, gif that I richt record, Dalie in feild without armour or geir, 35,025 Tua thousand men war slane into that weir.

This king Donald of that quhen he hard tell, With mony freik he fuir attouir the fell, Weill bodin war all into armour bricht, Withoutin tarie other da or nycht, 35,030 In ony tyme than other mair or les, Quhill he come to the toun of Inuernes. Off euirilk syde that tyme the pairteis all, Befoir him self in jugement than gart call; And sone tha fand the foundaris of that wrang, 35,035 And thame also manteinit it so lang: Syne sentence gaif, as seruit weill to be, For that same falt ilkaue of thame till de. And so tha did; syne on the secund da, Quhen this wes done the king passit his wa, 35,040 Into quhat place that tyme plesit him best, And left that land into gude peice and rest. So wes it ay for terme of all his lyfe; In all Scotland wes nother man no wyfe That maid ane falt, fra tyme that it war kend, 35,045 Bayth puneist war and compellit to mend. In all his tyme so equallie he rang, Wes neuir one durst do ane vther wrang; His fais als of him had ay greit dreid; Helplike he wes to euerie man in neid, 35,050 Full of largnes and liberalitie. Syne all his tyme in greit tranquillitie, In peax and rest, as I haif said zow heir, Quhill of [his] ring quhilk wes the ellevint zeir, Departit hes and passit to the lave, 35,055 In Iona Yle quhair he wes put in grave; Of him that tyme grit travell that [thai] tuik. Loving to God heir endis the tent buik.

Lib. 11. How Constantyne was crownit King of Scot-Land efter this King Donald, and how Edward, King of Ingland, send to him ane Herald, and of his Ansuer agane, and how King Edward was constranit to tak Peay.

Lib.11, f.176. Ane nobill man wes callit Constantyne, Col. 1. Thrid of that name efter this Donald syne, 35,060 The sone he was of Ethus Alapes, He crownit wes into that tyme but les, Quhilk louit peax above all vther thing. That samin tyme Edward of Ingland king, Efter his father Alarud wes deid, 35,065 Wes crownit king succeidand in his steid. This ilk Edward and herald sone has send To Constantyne with hartlie recommend, Quhilk in that tyme hes done him winderstand, All Cumbria and als Northumberland, 35,070 Without agane that he did thame restoir, The quhilk king Gregour reft fra thame befoir, He schew to him than, schortlie to conclude, He suld persew him bayth with fyre and blude. This Constantyne sic ansuer maid him till, 35,075 " He salbe met, cum on guhen euir he will." And bad him [sa] that he sould schortlie schaw Of him he stude full litill dreid or aw; Prayand to God that all the perrell lycht Quhilk of thame tua, withoutin titill of rycht, 35,080 That presit first sic battell till persew. The messinger zeid hame agane and schew Ilk word by word as I haif said 30w heir. Continiewalie the space syne of ane zeir, On euerilk syde with presoner and pra, 35,085 But mort battell, dalie wer doand sua.

The Inglismen fra that that weir began, Ilk da be da tha tynt mair na tha wan, And of thair purpois come rycht hulie speid, And of the Danis war in to sic dreid, 35,090 Seand thair power convales and stoir Ilk da be da the langar ay the moir, And for thir causis than tha war rycht fane With Constantyne for to mak peax agane. Syne to the Danis turnit hes thair ire, 35,095 And mony their into the tyme did hyre To steill and reif out of the Danis land, To fynd ane caus, as ze ma wnderstand, To caus the peax betuix thame to be brokin, With so greit wrang vpone thame to be 35,100 wrokin. And so that did right oft quaill tha war tane, And syne on ane gallous hangit than ilkane. The Inglismen thairof thocht greit dispyte, In Lundoun toun syne on ane tyme rycht tyte, Rycht mony Dene that in the toun wes than 35,105

And so that did richt oft quhill tha war tane,
And syne on ane gallous hangit than ilkane.

The Inglismen thairof thocht greit dispyte,
In Lundoun toun syne on ane tyme rycht tyte,
Rycht mony Dene that in the toun wes than 35,105
In merschandrice, tha slew thame euerie man.
Cithircus than of Danis that wes lord,
Of this greit wrang quhen he hard than record,
Syne on the morne or it wes houris ten,
Gart sla als mony of the Inglismen, 35,110
Brent thair bigging and brocht awa thair gude.
Syne at the last with all thair multitude,
On euery syde quhar at the da wes set,
Vpone ane feild the parteis bayth thair met.
And had nocht bene the mediatioun 35,115
Of mony bischop, with intercessioun,
Rycht mony thousand that da had bene slane,
Quhilk causit thame for to concord agane,

In MS. Brocht.

Col. 2.

Syne handis schuke, and all thing wes gone by Remittit wes without melancoly. 35,120 This king Edward that tyme he had na air, Bot ane dochter rycht plesand and preclair, Ane virgin clene and vnfyllit of fame, Quhilk Beatrix wes callit to hir name, To Cithircus in mariage he gaif 35,125 Till be his wyfe; gif hapnit him to haif Ane sone of hir, promittit wes that he Of all Ingland the king and prince suld be. Of that conditioun bund wes vp that band, As traistit wes for euir moir sould stand 35,130 In greit fauour, for sic affinitie As ressone wald betuix thame tua suld be. This king Edward, in storie I haif fund, Ane bruther had that callit wes Edmund; This Cithircus 2 rycht subtill[ie] he wrocht, 35,135 For to destroy this Edmond and he mocht. And so he did sone efter, wait ze how, His bruder Edward he gart fermlie trow, That he schupe him with poysoun to distroy, Quhilk causit him to tak thairof greit noy, 35,140 And for that caus in Flanderis he him send, Into ane schip that mycht nocht weill defend, Suppois the se wes neuir so soft and sound: In that passage this ilk Edmund wes dround. This king Edward that sonis than had none, 35,145 Bot ane bastard wes callit Ethalstone; And guhen he knew how that his eme wes deid, So soir he dred for thair falsheid and feid, Rycht quietlie he passit on ane da Out of Ingland into Armorica; 35,150 And thair he did ane weill lang quhile remane, Qubill efterwart that he come hame agane.

1

¹ In MS. Cithircum.

² In MS. Cirthircum.

How Cithircus 1 thocht to haif slane King Edward, and how this Cithircus 1 Wyfe reveillit the Tressoun to hir Father, quita poysonit the said Cithircus for that Caus.

This Cithircus, quhen that he knew anone Edmound wes deid and Ethalstane wes gone, He traistit weill, and Edward had bene deid, 35,155 Of all Ingland withoutin ony pleid For to be king, and weild it at his will; Decretit syne, and he micht cum thairtill, This king Edward that he suld put to deid, So secreitlie that he sould haif no feid. 35,160 Cithircus wyfe, fra scho this counsall kend, Rycht quietlie to hir father scho send Ane secreit seruand schew him all the cace. Ilk word be word at lang lasar and space. Than king Edward quhen he his consall knew, How that it wes as this seruand him schew, For verry tene commonit with greit ire, And fulle of fume as hot as ony fyre, With a trie visage and with glowrand ene, Out of his mynd almaist that he had bene. 35,170And so it wes, as semit weill but lane, That samin tyme him awin self he had slane For verra tene, had nocht bene tha by stude, Quhilk stoppit him and wald nocht lat him dude. Syne efterwart, for that same caus and guhy, Hes awin dochter he hes gart preualy This Cithircus 2 with poysoun put to deid; And so scho did and so endit his feid. The Saxonis feid wes neuir leill na trew. As ze ma knaw be this woman that slew 35,180

In MS. Cithercus.

² In MS. Cithircum.

Hir awin husband, that hir sic credence gaif; Beleif ze weill siclike of all the laif.

How Cithircus¹ Tua Sonis pat his Wyffe to Deid, and how tha maid Battell aganis King Edward and slew him in Feild.

This Cithircus² tua sonis had that tyde, Ane Aweles, ane vther Godefryde. Thir tua brethir efter thair fatheris deid, 35,185 Rycht equalie tha rang into his steid, In governing and haill auctoritie, With haill consent so ordand wes to be. Bayth of thame self and all thair multitude. Quhen that wes done than, schortlie to con-35,190 clude. Greit diligence ilk da with greit desyre, Thair fatheris deith to speir and to inquyre. Quhill at the last richt cleirlie it wes schawin, That samin tyme, be seruandis of his awin, 35,195

Lib.11, f.176b. How that his wyfe, but ony caus or feid, 35,195

Col. 1. With hir awin handis had poysonit him to deid.

Quhairof tha thocht ane mendis for to haif,

And so tha did, quhilk wes nocht lang to craif.

Tua rostit eggis, het as ony fyre,

Wnder hir oxtaris in hir tender lyre, 35,200

The band thame their quhilk brint hir to the

Tha band thame thair, quhilk brint hir to the deid.

Thus endit scho that first begouth that pleid. Syne efter this the tua brether so bald, And king Edward, of quhome befoir I tald, With baith thair poweris met vpone ane plane, 35,205 Quhair mony one on euerie syde wes slane,

In MS. Cithercus.

² In MS. Cirthireus.

Of nobill men that waponis weill culd weild.

The Inglismen, suppois tha wan the feild,

It wes deir bocht, that dar I hardlie sa,

Edward thair king wes slane thair that same 35,210

da.

And thocht the Daynis fled out of the feild,
Fra tyme tha knew that king Edward wes keild,
Prouydit hes ane new power agane,
To gif thame feild becaus thair king wes slane;
Traistand thairfoir, withoutin ony dreid,
Of thair purpois for to cum better speid.

How Aweles passit in Scotland to King Constantyne and purchest Ten Thousand Men of Scottis for his Supple aganis Ingland purposing to subdew it, and of Ethalstane, Bastard Sone to Edward, King of Ingland, and his Deidis.

This Aweles quhilk wes the eldest bruther, Into that tyme decretit hes the tother, The guhilk to name wes callit Godefryde, The Danis all in Ingland for to gyde. 35,220 This beand done him awin self passit syne Vnto Scotland wnto king Constantyne. With fair hechtis and mony greit reward, Corruptit hes bayth king, lord and laird; Quhilk causit thame but caus to brek the band 35.225 Wes maid befoir to kingis of Ingland. Ten thousand men that worthie war and wycht, Of nobill blude, all into armour brycht, With Aweles in Ingland than the send, Quhilk efterwart that maid ane febill end. 35,230 Malcome, the sone of gude Donald the king, Thir men that tyme had into governing.

Col. 2.

Quhen Aweles come hame syne to his bruther, With sic power as he culd than considder, Of nobill men and in sic multitude, 35,235 And of sic strenth, as the all winderstude No maistrie war but straik of sword or knyfe, To subdew Ingland, man, barne and wyfe. Syne with thair power put all into one, Far furth in Ingland fordward ay ar gone; 35,240 With fyre and blude that wonder wes to se, Full mony one ilk da tha maid till de. Preist or clerk that tyme the sparit nane; Full mony one tha maid rycht will of wane. Ane right lang quhile so that their will that 35,245 wrocht, That all Ingland had haill bene put to nocht, For euirmoir also maid for to rew, War nocht the sonar that the gat reskew. This king Edward, of quhome befoir I tald, Ane bastard had bayth bellicois and bald, 35,250 Of quhome befoir schort quhile to zow I schew, Wes crownit king bot laitlie of the new, For lauchtfull childer that tyme had he none. This king to name wes callit Ethalstone, With mony man that waponis weill culd weild, 35,255 Onto ane place wes callit Brommynfeild, Vpone ane mure tha met vther forgane, And swapit on quhill mony ane wes slane On euerie syde with grit rancour and tene. The Inglismen that micht nocht weill sustene 35,260 That multitude, the quhilk sic strenthis hed, Out of the feild in gude ordour tha fled, Onto ane strenth that wes neirhand besyde. Bayth Scot and Dane richt suddantlie that tyde Brak thair array, and all to spulze zeid, 35,265 Of Inglismen tha had so litill dreid

Traistand agane that the durst nocht persew Battell no moir, for oucht efter of new It mycht befall, and speciallie that tyde. Tha war begyld for all thair height and pryde. 35,270 This Ethalstane quhen he beheld and saw Baith vp and down as the war scatterit aw, Without ordour into the feild so wyde, In gude array returnit in the tyde, With all his power in the feild agane, 35,275 Quhair mony Scot and mony Dayne wes slane, Without ordour war scatterit in the feild, Richt cruellie but mercie than war keild. The Scottis war of sic nobillitie, Greit schame tha thocht for so few folk to fle, 35,280 Without ordour so lang faucht on that plane, For the most part qualil that war ilkone slane. Malcome, thair captane as ze hard befoir, Into the feild than woundit wes so soir, Out of the feild with greit danger he fled 35,285 That samin tyme; syne efterwart wes hed, Betuix tua hors vpone [ane] litter borne, Onto Scotland vpone the tother morne; So soir woundit he wes into the tyde, That he doucht nother for to gang nor ryde. 35,290 Sone efter syne this ilk king Ethelstone, With all his power haistelie is gone Ouir all the partis of Northumberland, Withoutin stop, quhair ony thair he fand, Subdewit hes, with litill sturt or pane, 35,295 Bayth land and liegis to his fayth agane; With Cumbria siclike and Westmurland, Reskewit hes withoutin ony ganestand.

VOL. II.

Lib.11, f.177.

Col. 1.

How King Constantine was grittumelie commouit of the Tynsall of his Lordis, and resignit ouir his Croun in Malcolmus Hand, and zeid and did Pennance amang the Kirkmen in Sanct Androis thair all his Dayis.

Quhen Constantyne quhilk wes of Scottis king, Quhen that he knew perfitlie all that thing, 35,300 How of Scotland the nobillis war distroyit, Ilk da by da he studeit moir and noyit; Wittand so weill him self had all the wyte, That causit him moir furious to flyte With his awin self, quhen that he wnderstude 35,305 Distroyit wes so mekle nobill blude, Throw auerice and throw na vther thing. The fourtie zeir quhilk than wes of his ring, Kinrik and croun, but stop or zit ganestand, Resignit hes in this Malcolmus hand. 35,310 In Sanct Androis syne efter did remane, Into the kirk than metropolitane, Amang the kirkmen rycht contemplative, In greit pennance, the terme of all his lyfe. Syne finallie, as that my author sais, 35,315 In peice and rest closit his latter dais. In Iona Yle syne graithit wes into grave, With greit honour siclike as wes the lave; Into his graue quhair he dois zit remane. Now to my purpois turne I will agane. 35,320

How Malcolme ressauit the Croun of Scotland, and of his Deidis.

This ilk Malcolme, of quhome ze hard befoir, With haill consent of all man les and moir,

Fra Constantyne ressauit hes the eroun. Ane man all tyme he wes of gude fassoun, And euerilk da hes done grit diligence, 35,325 Aganis his fais for to mak defence, And wes content in peax to bruke his awin, And full layth he was also to be ouirthrawin. And for that caus with Ethelstone, but leis, His purpois wes than for to tak peice, 35,330 Dewysit syne to Ethalstone to send. And as tha war than reddie for to wend, Ane faithfull man thair cum to him and schew, How Ethelstone and Aweles of the new Accordit war, and maid ane sicker band, 35,335 That Aweles alhaill Northumberland Suld haif that tyme right frelie with his hart, Aganis the Scottis for to tak his part. Also he said, rycht sone he wnderstude, Tha suld persew him bayth with fyre and 35,340 blude. Quhairof this king that tyme wes nocht content, 3it neuirtheles rycht sone incontinent, Quhen that he hard how thir kingis did mene, His lordis all togidder did convene, For till aduiss quhat best wes till be done. 35,345 Amang thame syne decretit hes rycht sone, Or tha suld loiss thair libertie and landis. For till debait it baldlie with thair handis, Or tha war maid to be bondis and thrall. Suppois that tyme thair power wes rycht small, 35,350 As fortoun wald, sie aventure to tak, Or the wald thought so grit are schame and lak, Sen battell wes bot aventure and weir;

And how it hapnit efter ze sall heir.

How Ethelstane and Aweles, with bayth thair greit Poweris, purposit in Scotland agane King Malcolme, and of the Discord that fell amang thame, quhairthrow mony ane was slane; and how Aweles fled.

This Ethelstane, of quhome befoir I tald, 35,355 And Aweles thir bernis that war bald, With thair poweris of greit multitude, Convenit hes togidder neir ane flude, Bayth in ane will as ze sall wnderstand, In ferme purpois to cum into Scotland. 35,360 Syne suddantlie, the quhilk culd nocht be smord, Than as God wald, ane grit stryfe and discord Betuix thame tua into the tyme thair fell; Quhat wes the caus I can nocht to zow tell. Quhilk causit thame in tua pairteis to draw, 35,365 In battell syne, with mony bitter blaw, That freindschip endit with grit sturt and stryfe, Quhair mony thousand loissit hes the lyfe. The Danis all that da war put to nocht, And Ethilstone the victorie deir bocht, 35,370 Sa mony nobill in the feild wes slane. This Aweles no langar mycht remane; Out of the feild with waill few folk is gone, Syne in ane boit fled to the Yle of Mone. Rycht litill fauour in that place he fand, 35,375 Quhairfoir he sped him rycht sone in Ireland.

How King Malcolme causit the Kirkmen to PRA AND THANK GOD.

Quhen king Malcolme that vnderstude, and knew So greit mischeif wes fallin of the new, Betuix the Danis and this Ethilstone,
Ouir all Scotland the kirkmen all ilkone,
Baith preist and prelat in the tyme to pra,
Thankand greit [God] to thame that had done sua.
Considderand als how all the mater stude,
Deliuerit thame without battell or blude
Out of the handis of thair mortall fa,
Quhome to tha dred sum tyme to haif bene pra.

How Peax wes maid betuix Malcolme, King of Scottis, and Ethalstane, King of Ingland.

Sone efter syne as I haif said 30w heir, Fra Ethilstone thair come ane messingeir To king Malcolme and euerie Scottis lord, Beseikand thame of gude peice and concord, 35,390 Siclike in fayth as tha war wont to stand, With all conditioun and with euerilk band. Quhairof this Malcolme wes rycht weill content, And all his lordis intill ane assent, Renewit peax with lettres seillit braid, 35,395 With this conditioun peax this time wes maid: Northumberland with Ingland suld remand, And Cumbria and Westmurland agane To king Malcolme tha suld agane restoir, Alss fre in peax as euir tha war befoir, 35,400 And fra that furth the princes land sould be Of Scotland ay in heretage and fe; Quhairfoir he suld to kingis of Ingland Obedience mak without ony demand, Without [it] war in his awin defence, 35,405 Siclyke also of Scotland and his prence. To euerie man, as nature hes maid kend, Of thre thingis is lefull to defend;

Col. 2.

That is to say his kinrik and his croun,
And him awin self out of subjectioun.

Off this conditioun maid wes than this peice;
Fra that tyme furth the weiris all did ceis.

OFF ANE NOBILL MAN INDULPHUS, AND HOW KING MALCOLME WAS MURDREIST AND SLANE.

Ane nobill man of grit honour and fame, Indulphus than wes callit to his name, Richt mekill gude into his tyme that did, 35,415 The sone he wes of Constantyne the thrid; Of Cumbria and eik of Westmurland He wes maid lord, and prince of all Scotland. Fra that tyme furth this gude Malcome the king In peax and rest did all his dais ring, 35,420 And equallie exercit hes his cuir, Without complaynt other of riche or puir. In Murra land it hapnit efter syne, Into ane toun that callit wes Vlryne, Becaus he wes of justice so extreme, 35,425 Freindis of quhome befoir that he did fleme, Vpoun ane nycht tha murdreist him or da, Richt quietlie in his bed quhair he la. Thir deid-doaris, sone efter to regard, War tane ilkone and hangit till reward. 35,430 The saxtene zeir of this Malcolmus ring So endit he that wes of Scotland king, Becaus he wes so equale in his cuir. Rycht semdill is that sic men ma be suir Fra fals fortoun, and all the caus is guhy, 35,435 Sic fals tratouris at just men hes invy. Syne efter that within ane lytill quhile, Ingravit wes syne into Iona Yle.

How Indulphus was crownit King of Scottis

EFTER THE DECEIS OF KING MALCOLME, AND
HOW AWELES SEND FRA NORROWAY TO IN-Lib.11, f.177b.
DULPHUS FOR SUPPLE, AND HOW HE COME IN
NORTHUMBERLAND WITH GREIT POWER AGANIS
INGLAND, AND OF INDULPHUS ANSUER TO
HIS HERALD, AND OF ELGARYN, LORD OF
NORTHUMBERLAND, AND HOW KING EDMOND
SEND ANE HERALD TO INDULPHUS FOR
SUPPLE AGANIS AWELES AND THE DANIS.

This Indulphus of quhome befoir I spak, As that my author did me mentioun mak, 35,440 With haill consent that tyme of ald and zing, Was crownit than of Scotland to be king. Ane man he wes without crudelitie, Equale in justice but partialitie; With diligence exerceand ay his cuir, 35,445 And greit compassioun had also of the puir: With wisdome ay he gydit euirilk thing. Syne efterwart, the fyft zeir of his ring, This Aweles of quhome befoir I schew, Fra Norroway send till him of the new, 35,450 Beseikand him of his help and supple, Of the injuris to revengit be In Brymmynfeild wes done than of befoir. For-guhy, he said, he trowit neuir moir Suld be forzet, as he culd wnderstand, 35,455 Quhill ony Scot war levand in Scotland. King Ethilstone into the tyme wes deid, His sone Edmond than rang into his steid, And Malcolme als departit wes and gone: Quhairfoir, he said, betuix thir tua alone 35,460 The band wes maid, quhilk no langer suld lest No[w] tha war deid, quhairfoir he held it best That [he] that tyme suld tak on him greit cuir. For to revenge sic harmes and injure.

And plesit him, he said, sie thing till do,
Traist weill he suld mak him grit help thairto;
Sayand, this Edmond wes nocht worth ane fle,
Without wisdome ane king or prince till be;
Infectit als with euery vice and cryme,
And he culd neuir get sa gude ane tyme.
This king Indulfe sic ansuer maid thairtill,
That force it wes the band for to fulfill,
The quhilk wes maid with tha kingis beforne,
Without he war bayth fals and als mensworne;
Quhilk, and he did, it war bayth syn and 35,475
schame.

35,480

35,485

35,490

35,495

35,500

With this ansuer the herald passit hame To Aweles into the tyme and schew. This Aweles, quhen he his ansuer knew, Rycht sone efter, without stop or ganestand, Ane greit armie brocht in Northumberland Fra Norrowa, with mony berne ful bald, With thair captane quhilk callit wes Rannald. Ane lord thair wes than in Northumberland, Hecht Elgaryn as ze sall vnderstand, Ascryvand him to be of Danis blude, And for that caus, now schortlie to conclude. This Aweles he hes resauit than At greit plesour with his armie ilkman: Promittand him rycht glaidlie with his hart, Agane Edmond ay for to tak his part; Syne all the strenthis that war in that land, Resignit thame ilkone in till his hand. This king Edmond thairof quhen he hard tell, How Algaryn agane him did rebell, And Aweles had gottin but ganestand The strenthis all war in Northumberland. To Indulphus ane herald sone send he, Requyrand him of his help and supple Agane the Danis war thair commoun for His traist it was Indulfus suld do so,

To keip the band that wes maid lang befoir. This Indulfus withoutin ony moir, Ten thousand men that tyme be taill weill tald, In armour bricht, bayth bellicois and bald, And gold and siluer with thame for to spend, 35,505 Into Ingland till king Edmond he send. Of quhois come this nobill king Edmound, As bird on breir wes blyth and letabund, Or ony be that biggis into hyve, Withoutin let than sped him on belyve 35,510 With greit power onto Northumberland. This Aweles als on the tother hand, With mony wy that worthie war and wycht, Appeirit thair richt sone into his sycht; Syne in that tyme are herald sone he send 35,515 To king Edmond with hartlie recommend, The quhilk herald than did him wnderstand, Wald he lat him hald still Northumberland, With all fredome as it wes wont till haif, Siclike befoir as Ethelstane him gaif, 35,520 Betuix Scotland and Ingland for till be Ane mid persone haifand auctoritie, To stanche all stryfe and gar all weiris ceiss, For euirmoir tha mycht leif in peice. And mairattouir he did him wnderstand, 35,525 Gif that thair come in Scotland or Ingland Ony stranger to move battell or weir, Into that tyme he offerit him to sweir, Quhat euir tha war, rycht glaidlie with his hart Agane all sic he sould ay tak thair part. 35,530 This king Edmond so weill his falsheid knew, Traistand thairfoir that he culd nocht be trew, Maid ansuer sone that he wald nocht do so. With that response the herald hype did go To Aweles, and schew him les and moir 35,535 All his response as ze haif hard befoir.

Col. 2.

Than Aweles withoutin ony baid, Amang his men gude ordour [than] hes maid. This Elgaryn, as ze sall wnderstand, Aucht thousand men had of Northumberland 35,540 At his bidding into the feild that da. Then king Edmond, with all the haist he ma, With mony targe and mony glitterand scheild, In gude ordour aganis him hes tane feild. The men that tyme all of Northumberland, 35,545 Seand thair king agane thame thair cumand, Quhome of that tyme tha war so soir adred, Out of the feild in gude ordour tha fled. Quhairof the Danis sic disconfort tuke, That mony ane thair armour of thame schuke, 35,550 Out of the feild syne efter follouit fast. This Aweles thairof na thing agast, And all his nobillis standard him about, Into the feild tha enterit with ane schout, And faucht ane quhile als lang as it mycht be, 35,555 Quhill force it wes efter the lawe to fle. Rycht few war keillit in the fechting place, Bot mony ane wer slane into the chace; And neuir man wes of the Danis blude Wes tane that da, other ill or gude; 35,560 And also lang as tha had ony lycht, Greit slauchter maid quhill twynnit thame the nycht. Thus fortoun wald it hapnit vpone cace, This Elgaryn wes tane into the chace, Bayth fit and hand fast festnit syne and bund, 35,565 And presentit wes befoir this ilk Edmond. Quhilk efterwart, as justice wald and ressoun, For his defalt, his falsheid, and his tressone, In Eborak, efter that he wes schrevin,

Lib.11, f.178. With foure wyld hors in foure partis wes¹ revin. 35,570 Col. 1.

¹ In MS. war.

The men of gude als in Northumberland, Rycht mony than war hangit all fra hand; Sielike reward as the seruit to haif, Into that tyme it was nocht for to craif. This king Edmond the morne efter the feild, 35,575 Rycht equalie to euerie man and cheild The haill spulze amang thame gart diuyde, Bayth ill and gude that present wes that tyde; And speciallie that tyme, attouir the lawe, To Scottis men rycht greit rewardis gawe, 35,580 And thankit thame rycht hartlie with gude will, In his supple that tyme that come him till. Tha tuke thair leve guhen done wes all this thing, And passit hame to gude Indulfe the king.

How Agone and Elrik come in Albione out of Norroway.

Efter this tyme the space of neir four zeir, 35,585 As hapnit syne tak tent and ze sall heir. Of Norrowa ane grit nobill of one, The quhilk to name that callit wes Agone, And of Denmark siclike thair wes ane vther, Callit Elrik, in armes wes his bruther. 35,590 With greit power thir tua hes tane the se, In Albione for to revengit be Of thair freindis that slane wes of befoir. Syne into Forth, with mekill bost and schoir, Be aduenture the wedder did thame dryve, 35,595 Vp in the firth quhair tha thocht till arryve, In sindrie partis quhair tha schupe to land; And ay the gat so greit stop and genestand, Throw men of weir that come to the cost syde, In Forth that tyme the wald ne langar byde. 35,600 Syne with thair schippis efter on ane da, Tha enterit all into the mouth of Ta.

So mony folk into that place tha fand,
That in no pairt tha lute thame thair tak land.
Syne saillit furth into the north rycht far,
By Murra, Buchquhane, the Mernis als and Mar,
And fand na place quhair tha durst tak the
land,
So mekill stop tha had ay and ganestand.
Quhairfoir that tyme tha haif wrocht with ane
wyle,

35,610

How tha mycht best the Scottis to begyle,
And drew thair saillis to the top rycht hie,
And tuke thair courss rycht eist throw the
mane se.

In that beleif the passit war awa. Syne efterwart tha come on the fourt da Into Boyne, ane land by Buchquhane cost, 35,615 And thair at lasar landit all thair oist. Airlie at morne [syne] sone, or ony wist, Tha landit thair at grit lasar and list. The nychtbour men that duelt neirhand about, The gatherit furth that tyme in mony route; 35,620 Becaus thair power so litill wes and small, Tha wald nocht be resistit for thame all, Bot in that land thair the remainit still, With greit heirschip at thair plesour and will. Quhill Indulfe sone efter on ane da, 35,625 Come thair him self, as my author did sa, With bernis bald that waponis weill culd weild, On fit and hors that tyme and gaif thame feild. Vpone ane mure besyde ane mont tha met, With brandis brycht ilkane on vther bet; 35,630 Bald as ane bair tha bernis all did byde, Without sunze that tyme in ony syde. Into that stour ane lang quhile so tha stude, Quhill mony berne had bled rycht mekill blude,

And mony grume la granand on the ground, And mony ane buir deidlie werkand wound.

So at the last the lord than of Dumbar, And one hecht Gryme, quhilk cuming hed rycht far

Col. 2.

Fra Loutheane supple thair for to mak, Come in that tyme behind the Danis bak, 35,640 In rayit battell reddie for till june. The Danis than persauit that richt sone, In sindrie partis skaillit heir and thair, In greit danger the langar ay the mair, Sum in mos and vther sum in myre, 35,645 In grit trubill quhilk causit thame to tyre, Into the tyme quaill tha war all ouirtane, Syne cruellie thair war tha slane ilkane. This nobill king so hapnit him to ryde, With ane armie in by ane montane syde, 38,650 Ouir all the feild mo Danis for to spy; So in ane glen than liand wes thairby Ane wyng of Danis, as my author did sa, Quhilk in the feild had nocht fouchten that da, And suddanelie again tha gaif thame feild. 35,655 The Danis all ilkone that tyme wer keild, And gude Indulfe than with ane fedderit flane, Throw aventure in that same feild wes slane. As I haif said so hapnit all this thing Into the nynt zeir of Indulfus ring, 35,660 And of oure Lord that tyme nyne hundreth zeir, Saxtie and aucht, no moir to rekkin heir. Of gude Indulfe the bodie syne tha buir To Iona Yle with bissines and cuir, With all honour that sic ane prince suld haif, 35,665 In sepultuir syne put besyde the lawe. Syne efter that that all this thing wes done, The lordis all convenit into Scone.

How Duffois, Sone of King Malcolme, was crownit King efter Indulfus, and of his duchtie Deidis and Justice done in the Ylis.

Ane lustie man rycht plesand and benyng, Duffois to name, sone wes of Malcolme king, 35,670 Quhome of ze hard bot schort quhile of befoir, With haill consent that tyme of les and moir, In rob royall, with sword, sceptour and ring, That samin tyme wes crownit to be king. The eldest sone than of gude Indulfus, 35,675 The quhilk to name wes callit Culenus, Declarit wes of Cumbria to be The lord and prince, with haill auctoritie, And to Duffois the successour and prince, Be haill consent without fraude or offence. 35,680 This beand done as ze haif hard me say, He tuke his leif syne passit on his wa To Cumbria, fra that place mony mylis. The king also than passit in the Ylis, For mekill sturt that tyme that wes on steir 35,685 Ouir all the Ylis than bayth far and neir. The laborus men into the Ylis that war, With ydill men oppressit war richt far; Ilk da by da that tyme tha war ouirthrawin Be gentill men that had nocht of thair awin. 35,690 In all thair tyme that had no will to wirk, Bot plukkit ay fra puir men and the kirk, The comptit nocht, get the the gold to spend, How it wes wyn or quhat suld be the end. The king thairfoir into the samin quhile, 35,695 The lord and thane that wes of euery yle, Befoir him self that tyme he gart compeir

In audience that the mycht ilkane heir.

He said, and swoir be his rycht hand and croun, Hard he ought mair of sic oppressioun, 35,700 Lib.11, f.178b. Tha suld haif all mair, magir to thair meid, Na tha befoir war doaris of the deid. Rycht weill he wist that sic thing culd nocht be, Bot gif it war of thair auctoritie; And that the war manteinit weill theirin, 35,705 Quhilk war to thame so neir of blude and kin, Relaxand thame withoutin law so large; Do as tha list it sould ly on thair charge. Rycht mony lord thair wes into that land, Obeyit weill his edick and command; 35,710 With diligence and bissie cuir tha woik, And mony trucour in the tyme tha tuik, Part be force, and vther part throw slycht, Syne on ane gallous hangit thame on hycht; And all the laif that culd nocht be ouirtane, 35,715 The baneist thame in Ireland than ilkane. And mony vther wes of nobill blude, Throw greit requeist of sindrie men of gude, Tha fand borowis 1 fra that furtht to be leill, In all thair tyme no moir to reif or steill. 35,720 And so tha did in mony sindrie landis, Wynnand thair leving dalie with thair handis; The best craft and of the grittest blude, To sober men maid service for thair fude. Becaus tha war so euill teichit in thair zouth, 35,725 Haiffand weilfair and wantones at fouth, But disciplyne with sic vndantonit rage, Quhilk causit thame haif powertie in age: That force it was in sic necessitie, To reif or steill, or than of hungar de, 35,730 Or with thair handis dalie for to wirk, Sic force it wes mycht nother tyre no irk.

¹ In MS. baronis.

Quhairat thair freindis had richt greit invy, Amang thame self complenit and said, fy Vpoun thair king! wes nother wyss no gude, 35,735 Maid sic distruction of the nobill blude, Quhilk thoillit thame sic vyle seruice to mak To carlis blude with so grit schame and lak, In vilipentious of the nobill blude. Quhairfoir tha said all, schortlie to conclude, 35,740 He ganit nocht to be ane king or prince, So extreme wes alway in the defence Of carle and kirkmen war bot of law birth, That nobill blude at him gat no moir girth Nor the leist knaif for taking of ane cow; 35,745 Sic law tha said wes nothing to allow. Quhat wes the end, quha lykis for to speir, Tak tent to me and I sall tell 30w heir.

How King Duffois was vexit with soir Seiknes, and in that Tyme of Greit Oppressioun maid be Men of Gude.

Sone efter this it happit for to be, This king Duffus with greit infirmitie 35,750 Soir vexit wes, with bitter panis strang, That he doucht nother for to ryde nor gang; But appetyte other of meit or drink, And all the nycht he sleipit nocht ane wynk. Richt oft he fell into ane glowand heit, 35,755 With sic abundance of exceidand sweit, His cumlie cors, befoir wes corpolent, Laithlie and lene wes maid, and macilent. Grislie and grym lyke ony gaist he grew, With paill visage discolorat wes of hew; 35,760 Of medicine he wes out of beleif; For no prattik that men culd on him prewe

Tha culd nocht les him of his pane ane myte, In medicine thocht tha war rycht perfite. Disparit wes than of his lyfe ilkone, 35,765 Micht no man help that tyme bot God alone. Col. 2. In this tyme now that 3e heir me tell, In Murra land richt mony did rebell, And speciallie the grittest men of gude, Quhen that the hard how with the king it 35,770 stude. Richt mony one wes reft of his possessioun, And mony puir man spulzeit with oppressioun, And mony wyfe and wedow oft wes wrangit, And mony theif, that seruit to be hangit, Of meit and drink richt delicat wes fed, 35,775 Quhen leill men oft wnsowpit zeid to bed. Richt closlie zit tha keipit all this thing, it unreveillit to Duffus the king, Or it sould lat him for to convales, And caus his cair the moir for to incres. 35,780 And for that caus tha keipit it als cloiss, As men wald keip balme riche in ane boiss. Sone efter this, I can nocht tell zow how, Gif that my author thair of be till trow, Thair raiss are word among thame suddantlie, 35,785 Sayand the king that tyme suld witchit be Be ane auld wyfe duelland in Forres toun, Rycht quyetlie amang thame lang did woun. Syne at the last it brak out with sic feir, Qualify that it come valo the kingis eir. 35,790 All seik men hes ane vse and consuctude, To seik all thing tha trow ma do thame gude, And euerie man of counsall to inquyir, Of noveltie tha haif so great desyre. That samin tyme so did Duffois the king: 35,795 He ceissit nocht fra tyme he knew sic thing, To Forres toun quaill he send to exploir, Gif all wes suith wes said to him befoir. VOL. II. KK

How King Duffois was witchit be Adulse of his Lordis with ane Witche Carling that duelt in Forres.

In Forres toun ane fair castell of one Thair stude that tyme, quhilk wes rycht strang 35,800 of stone,

The kingis castell lang wes of the auld; Ane nobill man, wes callit Donewald, Had it in cuir and keipar of that hous, Ane traist seruand wes to this king Duffus. This king is men that secreitlie him schew, Knawand so weill that he wes verra trew, Desyrand als his counsall and supple, Off this ald wyfe to wit the veritie. This ald carling ane prenters had that tyme, Knew weill the craft, and also of that cryme Wes particeps quhen thair wes oucht till do, Perfit scho wes and helpit weill thairto; In the castell thair wes ane fair zoung man, Hir peramouris quhilk in the tyme wes than. This Donewald he knew thair kyndnes weill. And traistit als scho wald to him reveill All kynd of thing that in hir mynd than la; Quhairfoir richt sone syne efter on ane da, He causit him at hir to speir all thing, Rycht tenderlie, of gude Duffois the king Quhat wes the caus of his infirmitie, His complexioun, also his qualitie? Or gif it was that men mycht mak remeid, Quhat traistit scho than, quhidder lyfe or deid? As wemen will, thair toung gois so wyde, Fra thair luifaris nothing in erth can hyde. And so did scho the samyn tyme I trow,

Ilk word be word tald him the maner how, Throw sorcerie and throw na vther thing, Distroyit wes so gude Duffus the king,

Lib.11, f.179. Col. 1.

35,830

35,805

35,810

35,815

35,820

35,825

And how it was all wrocht vooun the nycht. This ilk zoung man quhen he considderit rycht How all thing stude, thairof nothing he spak, Dreidand thairof scho sould suspitioun tak, And turnit hes thair talking fra the king, 35,835 To sport and pla and mony sindrie thing. Syne tuke his leif and bad hir than gude nycht, And to the eastell raikit on full richt, And tald to thame that tyme how he had sped. That samin nicht, quhen all wes gone to bed, 35,840 The kingis seruandis furth with him he tuik On to the hous of this ald wyfe to luik, Gif the culd spy that nycht gif oucht wes done. So at the last ane hes persauit sone, Out throw ane boir quhair he mycht rycht 35,845 weill se,

This ald carling vpone are speit of tre, Of walx are image rostand at the fyre. That ald trattas for turning wald nocht tyre, And as scho turnit ay about scho sang, Als on the image scho leit drop amang, 35,850 Out of ane pig, ane wounder fat licoir Continuallie; than ordand wes thairfoir, Quhen tha persauit how it wes, ilkone Rycht quyetlie on to the dur ar gone, And with ane dunt the dur sone vp tha dang. 35,855 Syne on the flure ben to the fyre did gang, And tuik this carling and hir prenteis bayth Reid-hand that tyme, thocht tha wer neuir so wrayth,

Evin as tha sat with euerie instrument, Syne to the castell all with thame tha went. This Donewald he did at thame inquyre, Of the image tha roistit at the fyre, On to quhat thing that it suld signifie. The ald carling than answerit suddantlie

кк 2

35,860

Till him agane in to the samin thing,	35,865
Sayand, it was the image of the king:	
" Quhat wes the caus, tell me syne, I desyr,	
"Thow rostit it so," he said, "at the fyre,	
"Turnand sa oft vpoun zone speit of tre?"	
"Forsuith," scho said, "that sall I, and nocht lie.	35,870
" To causs the walx to melt and [to] consume,	
" Quhairthrow his bodie wox bayth lene and tu	me;
" 3 ond liquour als I 3et vpone it syne,	
" Fat as the oyle and cleir as ony wyne,	
"It causit him continuallie to sweit	35,875
"In sic abundance, with exces of heit,	
"That force it wes to him to walk as lang,	
"Withoutin sleip, thir versis quhen I sang;	
" And ay the langar of his bodie faill,	
	35,880
" Quhen that wes done, without ony remeid,	
"Than force it wes to him to suffer deid."	
" Quha causit the," he said, "to do sic thing?"	
"Greit men," scho said, "that louit nocht the	
king."	
" Quhat war tha men, fane wald I wnder-	35,885
stand?"	
Scho said agane, "The nobillis of this land,	
" Is none of thame for till except this tyme,	
"Throw thair counsall committit wes this cryme	,
" Quhilk causit me be gift and greit reward,	
"Wes gevin me be mony lord and lard,	35,890
" For to commit this to the kingis grace,	
" Quhairthrow tha mycht haif facultie and space	
" Quhill that he wes in sic extremitie,	
" And so soir vexit with infirmitie,	
"And so soir vexit with infirmitie,	

" To vse thair willis quhilk wes neuir gude. 35,895
" This wes the caus now, schortlie to conclude."

HOW THE IMAGE OF WALX WAS BROKIN, AND IT AND THE WITCHE CARLINGE CASSIN AND BRINT IN THE FYRE, AND THE KING CONVALESCIT AND JUSTIFEIT THE CAUSARIS AND COUNSALLOURIS OF THAT CRYME.

Col. 2.

This beand said withoutin ony dout,
Commouit war ilkane that stude about,
And brak the image into pecis small,
Syne in the fyre flang and the wyfe with all; 35,900
And held hir thair quhill scho wes brint in ass,
Out of that place or tha wald farder pass.
That samin hour that this same thing wes done,
The king he alterit suddanelie and sone,
And left his sueit that tyme, and tuke gud rest, 35,905
Sleipand rycht sound quhill all the nycht wes
past,

And on the morne, quhill it wes neir fuir-dais, Rycht soft and sound, as that my author sais, And walknit syne, and vp with that he rais; With greit blythnes gart put on all his clais, 35,910 And fand himself that tyme also haill ane man, As euir he wes guhen his seiknes began. And in his persoun also weill disposit To eit and drink, alss blyth and als rejosit, And in him self that tyme als crous and kant, 35,915 Except he wes baith febill, lene and fant. Syne da be da to moir curage he drew, Quhill all his strenthis did agane renew, Quhairby he micht, as he wes wont till do, Bayth ryde and gang quhair plesit him thairto, 35,920 In ony part quhair that him list to found: And of all seiknes wes maid haill and sound. Without murmour in ony part to mene, As he had neuir into sic seiknes bene.

Col. 1.

With greit power syne efter on ane da, 35,925 This king Duffus passit into Murra. Quhome of the nobillis war so soir adred, Far furth in Buchquhane in the tyme tha fled; In Catnes syne tha passit moir and les, In woddis wyld and mony wildernes. 35,930 This king Duffus sone efter thame is gone, With greit travell quhill tha war tane ilkone; Syne brocht agane war ilkane mair and les, Into the toun and castell of Forres, Quhair that this king than with his lordis all, Exercit justice in his tribunall. Thair war tha maid, be his auctoritie, Vpoun ane gallous euerie one till de. That samin tyme wes sindrie men of gude, Rycht fair and zoung, of Donewaldus blude, 35,940 Throw ill counsall of lordis in that land, Rebellaris war all of that samin band. This Donewald oft previt in that place, With fair trettie for till obtene thame grace, Bot all for nocht, that tyme it wald nocht be, Without mercie tha war all hangit hie. Quhairof that tyme consauit hes greit yre Into his mynd hettar than ony fyre, With appetite for to revengit be, And euer he mocht, with greit crudelitie. 35,950 Dreidand to be suspectit of that cryme, With plesand vult dissimulat that tyme, At all power ay for to pleis the king, As he had rakkit rycht litill sic thing. This Donewald that tyme he had ane wyffe, 35,955 Lib.11, f.179. Quhilk tenderlie he louit as his lyfe, Persauit weill hes be his said maneir, His countenance, his sad and havie cheir, That he wes warnit of his will that far, The langar ay apperand to be war, 35,960

Dreidand at him displesit wes the king, Rycht oft at him scho askit of sie thing. This Donewald, as kyndlie is to be, Onto his wyfe, so tender luif had he, As leill luiffaris to vther sould be kynd, 35,965 He schew to hir the secreit of his mynd, How that he wes commount at the king; Content scho wes right hartlie of that thing; And he culd nocht his purpois weill cum till, That causit him to want part of his will. 35,970 This wickit wyfe quhen scho hard him so tell, Into hir mynd baith furius and fell, Persauit weill his haitrent at the king; Content scho wes right hartlie of that thing, For-quhy hir self wes of the same intent. 35,975 For hir freindis the king that tyme had schent For thair tressone, befoir as I haif tald, This wickit wyffe, that bitter wes and bald, Consauit hes with greit crudelitie Ane wickit wyle for to revengit be. 35,980 And to hir husband in the tyme scho said, " Blyn of your baill, se ze be blyth and glaid, " And slaik also of all your syte and sorrow: " All salbe weill, I find zow God to borrow, " To my counsall, and heir I tak on me, 35,985 " Of all injure thow sall revengit be. " Considder now thow hes at thi command, " Of all this castell ilk syre and seruand, " Rycht bisselie for to obey the till, " To satisfie all thi desyre and will, 35,990 " At thi plesour intill all gudlie haist. " Hes thow nocht Duffus for to be thi gaist, " Without beleif of tressoun in thi cuir, " Quhilk hes the wrocht sic malice and injure? " Hes thow nocht seruandis also at thi will, 35,995 " All thi command at plesour to fulfill?

- "How can thow find," scho said, "ane better tyme
- " To be revengit of this cruell cryme?
- " Hes thow nocht now this Duffus in thi cuir,
- " Hes done ws baith so greit harme and injure? 36,000
- " Dreid nocht," scho said, "suppois he be ane king,
- " Tak litill tent or terrour of sic thing,
- " Sen mony ane with litill red full sone,
- " Siclike befoir to sic tirranis had done.
- "Thairfoir," scho said, "as all the cace now standis, 36,005
- " And he vmschew at this tyme fra thi handis,
- " In all thi lyfe, thocht thow wald neuir so fane,
- "Thow sall nocht get so gude ane tyme agane."
 This Donewald quhen he hard hir sa so,
 Oft in his mynd revoluand to and fro,
 Syne at the last deliuerit hes rycht sone,
 To tak his tyme sen it wes oportune,
 Throw hir counsall quhilk causit hes sic ire
- Into his breist, hettar no ony fyre.

 Keipand full cloiss all thing within his spreit,

 Let neuirtheles with dulce words and sweit,

36,015

36,020 .

36,025

36,030

- Rycht jocundlie wald commoun with the king, That he suld nocht suspect him of sic thing. The king him louit also ouir the laif, And in the tyme moir credence to him gaif
- And in the tyme moir credence to him gaif
 No ony vther, so courtes wes and heynd,
- Col. 2. And held him ay for his maist afald freind.

 Is none that better mai dissaue ane vther,

 No he in quhome he traistis as his brother,

 And of his lautie is nothing suspect,
 - Als of his mynd knawis the haill effect: That is the man, traist weill, ouir all the laif, Tha[t] eithast ma his creditour dissaue.
 - That samin tyme so wes this Donewald, Most credence had befoir as I haif tald, Quhilk in his mynd deliuerit hes sic thing,
 - Rycht cruellie than for to sla the king.

Foure of his freindis that he kend wes trew,
Of all that thing his mynd to thame he schew,
And gaif thame gold, with grit riches and land, 36,035
For to mak help and tak sie thing on hand.
Gold is so glittis, as ze knaw and ken,
Quhilk of befoir hes causit mony men
To tak on hand, and rycht pertlie persew,
The thing efter that maid thame for to rew. 36,040
So did thir seruandis in the samin tyme,
Consentit hes to sic ane cruell cryme,
The gold and land that tyme tha thocht so sweit;
Syne set ane terme thair purpois to compleit.

How King Duffus vsit Twyss on the Day to pra in his Oratour, and of Donwaldis Deceptioun and Tressone aganis King Duffus.

That samin nycht quhen sowpit had the king; Baith evin and morne he vsit ay sic thing, For to postpone all kynd of warldlie cuir, And on his kneis in his oratour, Diuotlie thair ane lang quhile for to pra; That samin nycht this gude king hes done sua, 36,050 Quhair thair wes nane bot Donewald and he Into that tyme and other tua or thre, Quhilk with the king all tyme wes best belude. Of sindrie thingis talkand togidder stude. This Donewald thair in his talking schew 36,055 How to the king that he had bene so trew, And euir sould be other for weill or wo; " It was his part," he said, "for till do so, " For-quhy he wes aboue all erthlie thing, " So far addettit to that nobill king; 36,060 " Wes neuir none of hie or law degre,

" With sic ane prince so weill louit as he,

Lib.11, f.180. Col. 1.

"Gettand of him so mony riche reward; " Wes neuir one of all the kingis gard, " Rewardit wes so weill amang thame all, 36,065 "Suppois," he said, "that my seruice be small." Far mair nor this he said with greit effect, That efterwart na man sould him suspect, Gif hapnit so as he had tane on hand, Traistand sic wordis sould be his warrand. 36,070 Syne efterwart, guhen that the king had done His deuotioun, than vp he rais rycht sone, This Donewald on to him he did call, So kyndlie thair in presens of thame all, With haill affectioun hartlie with his spreit, 36,075 He treittit him with plesand wordis sweit, And schew to him into that samin thrall, Far moir kyndnes nor ony of thame all. This Donewald than for ane subtill trane, Hes thankit him moir hartlie than agane 36,080 No I can tell, or put this tyme in verss. Ouir langsum war tha wordis to reherss, The plesand langage and the countenance, The fair flesching, with all the circumstance, With so gude ordour into euerie thing, 36,085 This Donewald that he schew to the king, Quhairthrow of him he sould no ill suspect.

How King Duffus was murdreist in his Bed be the Tratour Donewald and his fals Gaird.

Quhen that this king wes laid into his bed, With all the seruantis in the tyme he hed,

That samin nycht syne followit in effect,

36,090

¹ In MS. the.

That ordered war his chalmer for to keip, Quhen tha war cloiss and all rycht sound on sleip, This Donewald, quhilk had the place in cuir, Knew weill the gyn of euerilk chalmer duir, And opnit hes, with ane rycht subtill slycht, 36,095 The chalmer dur quhair the king la all nycht. With his seruandis that stalwart war and suir, Rycht quyetlie sync enterit on the fluir, Syne raikit ben onto the kingis bed, With drawin knyffis ilkane in hand tha hed; 36,100 Out-throw the corss thair sleipand quhair he lyis, Ilkone of thame the straik him tuyss or thryiss, Quhill all the bed abundit so with blude, Syne in the fluir quhair that the tratouris stude, That blude royall quhilk ran amang thair feit, Lyke ony loch maid all the fluir als weit. O curst Cayin! O subtill Sathanis seid! O ganzelon! how durst thow do that deid? O fals Judas! quhat wes it that movit the, Into thi mynd so cruell for to be? 36,110 O mad monstour! marrit out of thi mynd, Onto thi king that wes to the so kynd! Quhair wes thi wisdome, quhair wes thi prudence, To faill so far and do so greit offence Attouir mesour, with sic crudelitie, 36,115 To thi awin prince quhilk faillit neuir to the?

How Donewald and his Fallowis that Nycht Buryit the Kingis Bodie, and how he slew the Kingis Chalmer Boy, and of his greit Dissimulation, off quhome the Lordis tuk Suspitioun.

This beand done as I haif said 30w heir, This Donewald and his fallouis in feir, Col. 2.

cry,

At ane postrum quhairof rycht few tuke cuir,
The kingis cors rycht quyetlie tha buir. 36,120
Vpoun ane hors that ordand wes thairfoir,
Furth of that place ane myle that tyme and moir,
Tha had his bodie till ane water syde.
Vnder ane bra quhair tha thocht it to hyde,
Tha maid ane graif that wes bayth deip and 36,125
lang,

Syne suddantlie the deid corpis in tha flang;

And syne kest on the muldis on the clay, The grene erd syne, and dycht the laif away, Nane mycht persaue than other les or moir, That ony erd wes brokin thair befoir. 36,130 Quhen this wes done he passit hame full rycht, Amang the men that walkit all the nycht, Vpone his feit that nycht to end he stude, Of this ilk king speikand so mekle gude, And schew him thair so freindfull to the king, 36,135 As he had bene rycht saikles of that thing. All that he did on to the same effect, Of that ilk deid no man sould him suspect. Syne on the morne, sone be the da wes lycht, The child that la besyde the king all nycht, 36,140 Quhen he walknit sone efter it wes da, Syne luikit vp and saw the king awa, And fand his bed so bludie all begone, God wait or nocht gif he wes will of wone! With ane loud schout, and with ane cairfull 36,145

He walknit all the laif that la neirby,
Quhilk come rycht sone to wit quhat he wald.
Rycht pitcouslie quhen he that cace had tald,
Tha weipit all with sic ane duilfull cheir,
And mony schout that all the place did heir.
The watchis all that walkand wer without,
Quhen that tha hard sa mony cry and schout,

Tha war affrayit of the suddane cry, Syne in the come rycht sone and suddenly. This Donewald quhilk wes among thame than, 36,155 Amang thame all he was the formest man Come to the dur quhair that he hard that dyn, Syne suddantlie amang thame enterit in. And guhen he saw the caus of all thair cair, For verrie wo as he wald ryve his hair, 36,160 Dissimulat syne for to fall in swoun, As he wer deid thair to the erth fell doun. Sone efter syne guhen that he did retorn Out of his swoun, he stude lang in ane horn; Syne at the last ane lang knyfe out he drew, Quhairwith rycht sone the chalmer child he slew, And said, "Tratour! wa worth the for thi trane! " It has been thow this nobill king has slane." Syne vp and doun, als lycht as leif of lynd, He ran to se gif he his cors culd fynd, 36,170 Fra place to place quhair that it suld be hid, With mony schout ay squeilland like a kid. Than at the last, to mak my purpois schort, He fand him self the postrum and bak port, He knew rycht weill thair be his blude that 36,175 la.

Out at that port tha tursit him awa.

Syne come agane into the tyme full tyte,
And laid the pais thairof and all the wyit
On thame that nycht in keiping had the keyis,
Rycht lang with thame makand grit pleid and 36,180
pleyis.

The nobillis all thairof tha war so will,
Wittand no wane quhat suld be done thair till;
The king wes slane in his bed quhair he la,
His bodie stollin out of the place or da,
The quhilk tha reput for als grit ane blame 36,185
As his slauchter, and also far mair schame.

Col. 1.

The lordis all that tyme for the most feet, Amang thame self held Donewald suspect, Becaus they saw him mak sic diligence, Attouir mesour doand so greit offence; 36,190 Quhairof tha tuik suspitioun in the tyme, It was him self was maist caus of that cryme, And for to schaw that he wes innocent, That causit him to be so diligent. 2it neuirtheles for dreid efter of war, 36,195 Becaus that tyme the war fra hame so far, Amang his freindis in ane vncouth land, Without ane king to tak sic thing on hand, Lib.11, £180b. Tha thocht tha wald dissimull in that cace, Quhill efterwart that the saw tyme and place. 36,200 And so tha did into that tyme ilkone, Skaillit the oist and hamewart all is gone.

OFF GREIT MARVELLIS AND TAKYNNIS SENE IN THE AIR AT THAT TYME IN SCOTLAND.

This beand done as I haif said zow heir, Ouir all Scotland, the space of half ane zeir, Vpone the da the sone it gaif no licht, 36,205 No git the mone, nor sternis on the nycht. And all the lift baith dirk and nubelus, Perturbit wes with cloudis mervelus. And mony blast als blawand in the air, With felloun fyre als fleand ouir all quhair. 36,210 Quhilk causit all man that tyme to presume, Rycht neirhand wes the dreidfull da of dome; That wounder wes so awfull to sustene, Siclike befoir wes neuir hard nor sene.

¹ In MS. haill.

HOW CULENUS, THE PRINCE OF CUMBRIA, WAS BROCHT TO SCONE TO BE CROWNIT, AND HOW HE REQUYRIT THE KIRKMEN OF THE TAKYNIS IN THE SKY, AND OF THAIR ANSUER, AND HOW CULENUS MAID HIS VOW.

Indulfus sone the prince of Cumbria, 36,215 Culenus hecht, befoir as ze hard sa, With haill consent of the lordis ilkone, Wes brocht that tyme fra Cumbria to Scone, Into that place, siclyik as did the laue, His croun and sceptour thair for to ressaue. 36,220 This Culenus befoir the kirkmen all, Into that tyme wer present greit and small, Inquyrit hes the caus quhairfoir or quhy Sic perturbation wes into the sky, Ouir all the air with sic obscuritie, 36,225 That horribill wes till ony man to se? And the agane sic ansuer maid that tyme; Quhill puneist war the greit offence and cryme, And cruell deid of gude Duffus the king, Quhilk wes so just and gratius in all thing, 36,230 That all Scotland, bayth be land and se, With that same plaig suld euirmoir puneist be. Without also it war remeidit sone, Tha wist rycht weill that gratius God abone. Ane sarar plaig sould sone amang thame send, 36,235 With greit furor quhilk sould thame all offend. This Culenus befoir thame maid ane vow, Into the tyme and he war for to trow, The croun of gold sould neuir cum on his heid, Quhill that he had revengit Duffus deid. 36,240 With all the power syne efter [that] he ma, Provydit hes to pas in to Murra. In Murra land quhen thir tydenis war tald, With so greit dreid this tratour Donewald

Col. 2.

Fra wyfe and barnis passit on the nycht, 36,245 Out of Forres unwist of ony wicht. Of euerie man he had so greit suspitioun, Rycht weill he wist without ony remissioun, And he war tane in ony toun or steid, Thair wes no gold mycht saue him fra the deid. 36,250 Quhen this was kend that Donewald did fle, Than euerie man wist weill that it was he, That fals tratour, committit had the tressoun. Fyllit him self as it wes mekill ressone. This Culenus, of guhome I spak befoir, 36,255 And all his lordis that tyme les and moir, To Murra land and syne to Forres toun, He come that nyeht with mony bald barroun. Syne in the eastell enterit hes belyve, Quhair he gart tak this Donewaldus wyve, 36,260 And thre dochteris war in that hous of stone; Syne all the laif that war thairin ilkone, Baith zoung and ald, but ony remeid, Rycht eruellie gart put thame all to deid; To caus all man for to detaist sie thing, 36,265 As to put handis in ane crownit king. The eastell also wes of stane and lyme, Law to the ground gart cast it down that tyme, For to revenge the cruell deid and pane, Of gude Duffus saikles thairin wes slane. 36,270 Exeminit hes syne of this Donewald The wickit wyfe, quhilk euerie word has tald Fra end to end and all the process how, Schort guhile befoir as I schew heir to zow. And how scho wes the caus of all that thing, 36,275 That gart hir husband that tyme sla the king, Ilk word be word scho schew than les and moir, How that it wes, the caus guhy and quhairfoir; And quhair he wes als crdit in the tyme, Befoir thame all confessit hes hir eryme. 36,289

Quhen this was said, the pepill that stude by, At hir tha had sic malice and invy, With greit fervour accressand to sic feid, Doutles that tyme the had dung hir to deid, Quhen tha hard hir confess hir cruell cryme, 36,285 And the had nocht bene stoppit in the tyme Be Culenus, diuysit hir to de Ane scharpar deid with moir crudelitie. That nycht he ordand ilk man to tak rest; Syne on the morne to boun thame all thair best, 36,290 With reuerence all that doucht to mak, Gude Duffois cors out of that place to tak. Syne on the morne as tha culd ken the da, And reddie war ilk man to pas thair wa, To Culenus thair come ane man and schew 36,295 How Donewaldus laitlie of the new, Throw aduenture [and] tempest of the se, Into ane schip quhair he hapnit to be, Within foure myle wes brokin on ane sand; Quhair he him self come levand to the land 36,300 Wes tane and bund be nychtbour men besyde, The quhilk to him war bringand in the tyde: Quhairof that tyme als blyth and glaid wes he, As possibill wes to ony man to be. Be this was said, within ane lytill quhile, 36,305 Ane messinger that had run mony myle, Come furth of Ross to Culenus and tald How the foure beirnis, that busteous war and bald, That slew Duffus that tyme wer tane in Ross, Syne harlit war ilkone efter ane hors, 36,310 Bringand to him but ony stop or stryfe; He wist rycht weill tha wald be thair belyve. As he has said, so has it hapnit sone, Tha war brocht thair ilkane lang or none. And Donewald rycht lang or the come thair, [Wes] brocht that tyme on harland be the hair: VOL. II. LL

Col. 1.

To the tolbuith this Donewald wes hed, His wyfe and dochteris also with him led, With the foure feiris followand at his bak, Into the tyme with mekle schame and lak. 36,320 Quhair that tha war condampnit of that cryme, Lib. 11, f. 181. Syne with four hors war revin ilkane that tyme; Thair bowellis syne war brint all in ane fyre, In powlder small, the banis with the lyir. To euerilk part ane pece that tyme wes send, To all the warld to mak it knawin and kend, Quhat perrell is to put handis in ane king, In tyme to cum for to vmschew sic thing. This Donewald quhilk fortoun hes nocht spaird, As he seruit siclike he gat reward. 36,330 I pray to God the blissit Trinitie, That all siclike get sic reward as he!

> HOW CULENUS WITH GREIT HONOUR TUKE VP THE CORPS OF KING DUFFUS, QUHAIR EFTER ANE KIRK WES BIGGIT CALLIT KILFLOS AND NOW KINLOS, SYNE HAD TO IONA YLE.

Quhen this was done as I haif maid record, This Culenus with mony knycht and lord, And mony prelat that war present thair, 36,335 With all the pepill also les and mair, In processioun with mony bell and buik, Of gude Duffus the corps agane vp tuik. That samin tyme quhilk was als fresche and fair, Without corruptioun into hyde or hair, 36,340 Vnmaculat, and als haill of the skyn, As the first hour quhen it wes new laid in. The sone also, befoir that kest no lycht, Into that tyme it schane moir cleir and brycht Ane hundreth fald no euir it did befoir, 36,345 And flouris spreidand that tyme les and moir,

Of diverss hew, with mony cullour cleir, Quhilk wes agane the sessoun of the zeir; In Februar, quhen few flouris will spring, In that same tyme so hapnit all this thing. 36,350 Quhair he wes erdit in that samin place, Ane brig wes biggit efter ane lang space; Ane kirk also, quhilk callit wes Kilflos, Quhair standis now the abba of Kinloss. Kilflos in Erische is als mekle to sa, 36,355 As the Flour Kirk in oure langage this da. In lynnyng clayth, als quhit as ony milk, Tha wand his cors and syne into reid silk, Wnder ane carpet of ane cullour cleir, To Iona Yle syne borne wes on ane beir; 36,360 Intumulat thair wes amang the lawe, With all honour that sic ane prince sould haif. Nyne hundreth zeir and sevintie to record, And tua also than efter that oure Lord Wes borne in Bethlehem of the Virgin cleir, And of his ring quhilk than wes the fourt zeir, This ilk Duffus into his latter dais Departit so, as that my author sais.

How Culenus was crownit King in Scone, and thairefter grew in Negligence of his Auctoritie, and of the Lordis Supplicatioun to him, and how he gaif Ansuer agane and continewit in Vyce and Syn, and of his Slauchter and Ending.

As 3e haif hard quhen all this thing wes done,
The lordis passit than [all] on till Scone,
Quhair tha convenit in the tyme ilkone.
Syne crownit hes vpone the marbell stone,

¹ In MS. the.

In rob royall, with diademe conding, This Culenus of Scotland to be king. Ane nobill prince troward that he sould be, 36,375 Becaus he vsit sic extremitie For Duffus deid into this Donewald, Col. 2. Beleuit war than baith with zoung and ald. Of that beleif tha war begylit far: Sone efter syne he wox ay war and war, 36,380 Sleipand in sleuth, with so greit negligence, Without punitioun of ony offence; Of murthure, slauchter and of [all] sic cryme, Wes nane accusit intill all his tyme. Than euerilk man had libertie and will, 36,385 As plesit him other to gude or ill; Was no man than restrenzit be the lawis, Quhilk gart the waikest oft ga to the wawis. And mony ane out of his awin hous chaist, And mony sted wnpleneist lyand waist, 36,390 And mony barne als for to beg thair breid, And mony wedow maid full will of reid. Quhairof the lordis thocht rycht mekill ill, Seand the realme in sic ane poynt to spill. Befoir him all convenit on ane da, 36,395 Syne ane of thame that ordand wes till sa Thair myndis all, as the gaif in decreit, To him that tyme with sober wordis sweit: " Excellent prince, gif it plesit thi grace, "Thy lordis all heir present in this place, 36,400 " Hartlie beseikis thi gratius excellence, "That thow wald tak moir cuir and diligence " In execution of justice and law, " And caus thi liegis for to stand moir aw, " Quhilk dalie now vsis but discretioun 36,405 "Thift and reif, murthure and oppressioun; " And all," he said, "is in the falt of the, " So negligent in thi auctoritie;

"Throw ill counsall abusit is so far,	
"Ilk da by da the langar ay the war;	36,410
" Beseikand the rycht humelie heir this tyde,	
" For sum remeid thairof thow wald provyde."	
Quhen he had said and schawin him thair will,	
This was the ansuer that he maid thairtill:	
" Forsuith," he said, "wald ze considder weill,	36,415
" And tak gude tent as I haif done ilk deill,	,
" Ze wald nocht sa thairof I war to wyit,	
"Suppois with me ze be now set to flyte.	
" For-quhy," he said, "it war folie to me,	
" In law or justice ouir extreme to be;	36,420
" 3e knaw 3our self," he said, "better nor I,	.,
" How gude Duffus bot laitlie now gane by,	
" Becaus he wes in his auctoritie,	
" So rigorous with sic extremitie,	
"That gart him de rycht lang befoir his day;	36,425
" And gude Indulf," he said, " siclike alsway,	,
" And mony mo than I will rekkin heir.	
" Beleif ze weill, my tender freindis deir,	
" And I tuke nocht exempill be sic thing,	
" I war not wyiss, na worthie to be king.	36,430
" I knaw myself best quhat I haif till do,	.,
" And neidis nocht of thair counsall thairto.	
" Ze ma weill sa at all tyme as ze lest,	
" Bot I will do as my self plesis best."	
Quhen that thir lordis hard him [to] sa so,	36,435
Tha tuik thair leif and ilkane hame did go:	,
No langar thair that tyme tha wald remane,	
And to the court come nocht that zeir agane.	
This Culenus, as he wes wont befoir,	
Moir vicious wes the langar ay the moir;	36,440
Rycht lubricus with sic lust and delyte,	•
As brutell best takis his appetyte,	
Without ressoun other or temperance,	
That schame it war to schaw the circumstance.	

Lib.11, f.181b. For and I do this tyme ze wald abhor; 36,445 Col. 1. With sic langage, richt weill I wait, thairfoir My will is nocht thairwith zow till offend; Tak tent and heir how that sic thing tuk end. This Culenus, of quhome befoir I schew, So glittous was than into chalmer glew, 36,450 With sic exces takand sua large ane fill, The seiknes hecht the gentill mannis ill, Throw sic burding, it causit him tak bed, That euerie man wes of his lyfe adred. Rycht lang he la in that infirmitie, 36,455 Quhill he grew lene and laithlie for to se. Ilk man abhorrit on him for to luke, His skowdrit skyn wes blak as ony ruke; His visage lene and haw as ony leid, His ene rycht how and suckin in his heid; 36,460 And all his bodie fra the top to ta, Without blude it was baith blak and bla; That sic ane monstour, sen that God wes borne, Was neuir sene into this world beforne. The lordis all fra tyme tha knew and kend, 36,465 Of his maneris he maid him nocht to mend, To sic faltis affectit wes so far, So that he wes the langar ay the war; Quhairfoir ane counsall haif tha set full sone, Togidder [hes] convenit syne in Scone, 36,470 To that effect he sould depryvit be Baith of his croun and his auctoritie; Tha thocht greit lak and schame of sic ane thing, So vyle ane monstour to haif to thair king. This Culenus that weill thair counsall knew. 36,475 As secreit seruandis of his awin him schew; And guhen he hard that the pretendit so, Vneselie thocht [that] he mycht ryde or go, Dissimuland greit curage in his spreit,

Than vp he rais rycht fraklie on his feit,

36,480

As he had bene that tyme als haill and feir As euir he was, than with dissimulat cheir, With few freindis syne on the secund da, To Scone that tyme he tuke the reddie wa; To that effect, as my author did mene, 36,485 The lordis counsall gif he mycht prevene, To meis thair mynd and satisfie thair will, In all purpois that the wald put him till. That samin tyme thair in ane quyet glen, Quhen that he wes rydand by Methwen, 36,490 The thane thairof, with mekle bost and schoir, For the revenge of his dochteris befoir, Quhilk causit wes be his auctoritie With mony mo defoullit for to be; And for that caus, as my author me schew. 36,495 This Culenus rycht cruellie he slew. Into the fyft zeir of Culenus ring, So endit he this ilk vnhappie king. Thairof the lordis war content ilkone, That for his falt so passit wes and gone; 36,500 it neuirtheles into the tyme tha war Of the fassoun displesit all richt far, So cruellie as he wes maid to de, Without justice or zit auctoritie. Syne efter that within ane lytill quhile 36,505 The buir his bodie onto Iona Yle; Ingrauit was syne with honour and gloir, As the war wont to sic kingis befoir.

How Kenethus was crownit King of Scottis efter Culenus Departing, and of his gude Lyfe and Maneris, and 3eill of Justice.

Ane nobill man wes callit Kenethus,

That bruther germane wes to gude Duffus,

36,510

And to king Malcome eldest sone and air,
Wes nane that tyme moir plesand and preclair,
Col. 2. That tyme in Scone vpone the marbell stone,
With haill consent of lordis all ilkone,
And all the laif quhilk blyth war of that
thing,
He wes crownit of Scotland to be king.
This Kenethus fra tyme he wnderstude
Sic vicis rang amang the men of gude,
With ill exempill alsua to the lawe,

Quhilk wes the caus quhairfoir that mony

knave,
And mony lad and mony idill loun,
Put all the kinrik to confusioun.
Quhilk wes the caus of vicis les and moir,
The ill exempill of the king befoir;
So hes the vse bene ay of ald and zing,
For to conforme thair fassoun to the king,
Quhat euir it be than, other ill or gude,
Traistand of him for to haif gratitude,
And rakkis nocht quhometo he do offence,
Quhat euir it be, and he ma pleis the prince.

In happie tyme he thinkis he wes borne,
Can pleis his prince other at evin or morne.
This Kenethus than rycht weill wnderstude,
That king or prince and euerie man of gude,
Or zit prelat that hes auctoritie,
Suld honorabill and of gude lyfe ay be.
With sick exempill all tyme to the lawe,
Quhairof tha micht richt gude occasioun haif,
Be sic exempill for to ken and knaw,
Vicis to leif and to all vertu draw.
It hes bene said, as mony men weill knaw,
The zoung cok leiris as the ald cok craw,

This Kenethus siclike that tyme did he.

Gentres, meiknes and liberalitie,

36,540

36,520

36,525

36,530

36,535

Law and justice, withoutin ony wrang, 36,545 And all vertew into his persone rang, Of morall maneir maistres and mother, With sic exempill that tyme till all uther, So equall was in his auctoritie, Of Albione he was the apersia. 36,550 His houshald men and seruandis als ilkane, So gude exempill at the king hes tane; And mony vther of the nobill blude, Quhilk naturallie inclynit war to gude, Within schort quhile tha war of his professioun, 36,555 So full of wisdome, gentres, and discretioun, With fredome, faith, and greit stabilitie, Greit plesour wes into that tyme to se. it mony one that no way culd be trew, For no exempill that Kenethus schew, 36,560 Or no monitioun he culd mak thame till, Wald nocht forbeir thair wickitnes and will, Quhairof so lang tha had sic consuetude, And neir of kin war to the greit men of gude, For that same caus, for nothing that mycht be, 36,565 Tha wald nocht leve thair greit iniquitie. Kenethus than, that knew full weill the caus. Decreittit hes to execute the lawis Into Lanerk, quhair that tyme ordand he, Of the lordis all conventioun to be. 36,570 Baith theif and revar also les and moir, Arreistit war that tyme to cum thoir; And borrowis als of euerilk man wes tane, The suld compeir their to thoil law ilkane. To men of gude tha war of kin richt neir, 36,575 The quhilk that tyme wald nocht lat thame compeir, Tha knew so weill for fauour no for feid, And the come their, ilkane wald want their

heid;

Col. 1.

And for that caus the gart thame fle ilkone, In sindrie pairtis quhill that air wes gone. 36,580 In Lanark syne quhair that the place wes set, This nobill king and all his lordis met, Lib.11, 1f.166. And neuir ane comperit in the tyme, That arreistit was to thoill law for his cryme, Than les or moir, other ill or gude. 36,585 This Kenethus than rycht weill vnderstude Quhat was the caus, as quietlie was schawin To him that tyme be freindis of his awin. Quhairfoir he thocht it nocht expedient Into the tyme to schaw all his intent, 36,590 Or lat thame wit that he sic thing knew, Dissimuland and fair langage than schew, Into that cace sen no better mycht be, Quhill efterwart that he his tyme mycht se, Skaillit the court syne efter the third da, 36,595 Ilk lord tuke leve and passit hame his wa; Kenethus than, with few feiris alone, In pilgremage to Sanct Ninianis is gone. Thir freindis ay war to him traist and trew, To guhome that tyme his secreittis all he 36,600 schew. And at that counsall askit in the cace, And hes devysit baith the da and place For to remeid so greit enormitie, Quhen that he had maist oportunitie. Quhilk secreitlie into thair mynd tha buir, 36,605 And to na leid thair counsall wald discuir, Continewalie the space all of ane zeir,

Quhill efterwart hapnit as ze sall heir.

¹ Numbered erroneously Lib. 10, until fol. 182.

HOW KING KENETHUS CAUSIT CONVENE ANE COUNSALL IN SCONE, AND HOW HE CAUSIT THE LORDIS TO BRING THAIR FREINDIS AND FALTOURIS TO THE COMMOUN WEILL TO THOILL THE LAW.

In Scone and tyme are counsall he gart call, For to convene thair with his lordis all, 36,610 For sindrie thingis that he had till do, Quhen tha cum thair as he sall schaw thame to, The quhilk pertenit to the commoun weill. The lordis all gaif him sic traist ilk deill, Quhilk causit thame for to compeir anone, 36,615 Befoir the king that tyme in Scone ilkone. The nycht befoir the lordis did compeir, Ane multitude cled all in armour cleir, Of beirnis bald that worthie war and wycht, Rycht quyetlie the king gart hyd all nycht, 36,620 Into ane place quhair tha mycht ly unkend, Quhill on the morne that he did for thame Rycht haistelie than for to cum him till, Quhateuir it was his purpois to fulfill. Syne on the morne quhen that tha did com-36,625 peir, Befoir the king the lordis all in feir, Quhair that he sat vpone the marbell stone, Befoir thame all wes present thair ilkone, Proclamit than thair with ane voce full cleir, The lordis all on to him sould draw neir, 36,630 To heir quhat thing that he wald to thame sa. And all the lawe to pas rycht far awa. Into ane cirkill neir the king tha stude, The lordis all quhilk were men of gude, Into ane place quhair that tha mycht als neir, Quhat he wald sa into the tyme to heir,

Or euir tha wist, of armit men ane rout
In gude ordour hes circulit thame about,
Quhairof the lordis hes tane sic affray,
Wist nane of thame that tyme quhat he sould 36,640
say;

Quhairfoir as than, but ony dyn or noy,
Rycht closlie than tha held thame all full quoy.
The quhilk Kenethus hes persauit weill,
Be thair fassoun, gif tha had ony feill
And countenance into the tyme tha hed,
It semit to him tha war rycht soir adred.
And for that caus tha suld presume na ill,
Rycht soberlie thus hes he said thame till:

Col. 2. " My deir freindis, no farlie is to me,

" Of this aspect befoir your face ze se. 36,650

"Thocht ze haif dreid, and in sum part stand aw,

" For weill I wait neuir ane of zow zit saw

" Sic executioun of the law beforne,

"In ony tyme sen zour fatheris wer borne,

" Na zit befoir in no storie ze reid; 36,655

" No farlie is thairfoir suppois 3e dreid.

" Bot and 3e knew perfitlie all my thocht,

" Rycht weill I wait that 3e wald dreid rycht nocht.

" For-quhy," he said, "my mynd, na zit my will,

" Is nocht this tyme to do 30w skaith or ill. 36,660

"Greit God forbid such schame suld me befall!

"Sa tratourlie for to betrais 30w all,

" At my command sen ze ar cuming heir,

"The quhilk to me so neidfull ar and deir,

" Till all Scotland and commoun weill also. 36,665

" How ma we leve and your supple forgo?

"Dreid nocht," he said, "for no aduersitie;

" All this is done als weill for 30w as me,

" And for Scotland, and for the commoun weill.

" As I presume thair of ze haif ane feill, 36,670

"Without correctioun, justice or zit law,

" Rycht few thair is will dreid or 3it stand aw.

" Also thair is in this kinrik 2e ken.

"	Rycht mony ill this tyme asposit men,
	Dalie committand mony cruell cryme, 36,675
	The quhilk begouth into Culenus tyme,
	As 3e ma se 3it dalie still induir,
"	With greit oppressioun bayth of riche and puir.
	The husband men full lytill now ar ment,
	Quhome be we ar vphaldin and sustent, 36,680
"	Tha haif the laubour and the bissines,
"	And we the rest, the eiss of ydilnes.
"	Tha haif the pane and the penuritie,
"	And we the plesour and the greit plentie.
"	Tha suffer pane, and we get all the pelf; 36,685
"	It is for ws and nocht for thair awin self,
"	Tha mak greit laubour dalie with sic cuir,
"	To mak ws riche, and syne we mak thame puir.
"	We haif the honour, dignitie and gloir,
"	And all the proffeit that the laubour foir; 36,690
"	And tha till ws subject ar maid and thrall,
"	Their laubour greit and eik thair wynnyng small.
"	Sen it is so, it semis weill to me
"	We ar vnworthie thair maisteris to be,
"	It that the wyn at our plesour to spend, 36,695

"Thir revand rukis, memberis of Mahoun,
"Puttand this kinrik to confusioun,

" With ws this da is haldin of moir pryss,

" And syne dow nocht our vphalderis defend.

" Moir necessar, moir manlie, and moir wyiss, 36,700

"No gud leill men quhilk ar haldin lawborius,

"The haill vphaldar of ws and oure hous.

"Without the laubour we can haif ne rest,

" Quhilk dalie now ar puneist and opprest,

"Agane my will, ze wait zour self, full soir. 36,705

" Into Lanark bot schort quhile of befoir,

" Quhair that I thocht to execute the law,

"That tyme of me ze stude bot litill aw,

- " Ze wait zour self, and neidis nocht to speir,
- " Quhair ze wald nocht lat na faltour compeir,
- " In greit contemption of me than with scorne,
- " And syne ze bad gar put thame to the horne.
- " The quhilk I haif dissimulat quhill now,
- " Quhairof the skaith redoundis all till 30w
- " Moir no to me, with all the lak and schame, 36,715
- Lib.11,f.166b. "Wytles thairof thocht I beir all the blame. Col. 1.
 - " Zit neuirtheles traist nocht this tyme of me,
 - "That I thairfoir crabit or cruell be,
 - "With sic desyre ane vengence for to tak,
 - "The quhilk to me war ouir greit skayth and 36,720 lak.
 - " And greit distruction to the realme for euir;
 - " Or I did so, doutles I had far levar
 - " Frelie resing the croun heir in this steid,
 - " Syne all my dais go and beg my breid.
 - " My will it is into this tyme for-thi, 36,725
 - " That euery man mak help als weill as I,
 - "Sen that the skayth pertenis to ws all,
 - "The quhilk this tyme that 3c sould nocht ganecall.
 - "This is the caus, gif 3e wald at me speir,
 - "That I haif brocht thir bernis with me heir; 36,730
 - " For that same caus and for na vther thing,
 - "Gif me credence as I am leill trew king,
 - " Quhill this be endit that I now begin,
 - " With thir same men I think nocht for to twyn;
 - " And ze all so sall remane with me still,
 - " Quhill that your freindis all this thing fulfill.
 - " Quhairfoir," he said, "now schaw 30w siclike men,
 - "That all the warld ma haif gude caus to ken
 - "That ze ar saikles, innocent and clene,
 - " Of all the trubill in this tyme hes bene." 36,740 Quhen this was said as ze haif hard me tell, The lordis all on kneis down tha fell,

That present war at that tyme les and moir,	
Rycht reuerentlie the nobill king befoir;	
And said to him, "O hie excellent prince!	36,745
" Quhair we haif faillit or hes maid offence,	
" Agane thi grace in oucht suld the offend,	
"We ar content at thi plesour to mend;	
" Beseikand the all rancour at this tyde,	
" And all malice out of thi mynd lat slyde,	36,750
" And tak ws now into thi gratius will,	
" And heir with the we sall remane ay still,	
" Wnder thi traist quhill tha tratouris be tane,	
" Syne bund and brocht to thi presens ilkane.	
" As plesis the quhen tha ar brocht the till,	36,755
" As plesis the zow ma wirk all thi will.	
" It salbe knawin bayth with ald and zing,	
"That we ar all rycht saikles of that thing."	
Quhairof Kenethus held him weill content,	
And skaillit hes that tyme the parliament.	36,760
At Awmond mouth vpoun the water of Ta,	
Thair stude ane toun that callit wes Birtha,	
Into the tyme was weill wallit with stone;	
Onto this toun the nobill king is gone,	
With all his lordis thairfoir to remane.	36,765
This nobill toun stude on ane plesand plane,	
With wall and water strenthit wes about,	
Withoutin leif mycht nane wyn in na out.	
This nobill king, as ressoun wald and rycht,	
With the men of armes gart walk the toun all	36,770
nycht,	
And all the da richt so vpoun the gait,	
Closand the portis quhen that it wes lait;	
So be no way, be ony wyle or gyn,	
Withoutin leif mycht no man wyn thairin.	
The lordis all within the toun that leindis,	36,775
Rycht tenderlie than wrait all to thair freindis,	

Beseikand thame thair purpois for to speid,
And think on thame that la into sic dreid,
To pleis the king and for the commoun weill.
Thair freindis all quhilk had thairof ane feill,
Without the king war plesit in the tyme,
Tha wald be all accusit of that cryme,
And for that caus also bissie as ane bie,
Into all pairtis bayth be land and se,
Tha haif ay socht quhill tha faltouris war found, 36,785

Col. 2. The haif ay socht quhill the faltouris war found, 36,785
And syne to Bartha brocht theme ilk ane bund.
Within schort quhile, the quhilk wes then greit
wounder,

Of sic faltouris thair haif tha brocht fyve hunder, The quhilk war condampnit ilkane for to de, And syne on ane gallous hangit war full hie: 36,790 That euirilk man mycht exempill tak, For to be just and no oppressioun mak, And to keip lautie and all tyme be leill; He knew his dome gif he wald reif or steill. This nobill king than gaif rycht greit reward, 36,795 Into the tyme to euerie lord and lard; Thair freindis als that tyme forzet he nocht, Into the tyme that the forfaltouris inbrocht. Sum he gaif gold and vther sum he gaif land, And syne ilkone he hes tane be the hand, 36,800 And gaif thame leve for to pas hame ilkone; Tha bad gude nycht and hame thair wa is gone. Quhen this wes done, than bayth be land and se, Ouir all Scotland wes greit tranquillitie, With abundance of all plesour with peice; 36,805 In all Scotland thair wes no lord, but leis, Into that tyme that durst his nychtbour noy, Or zit do wrang to ony lad or boy. Bot semdill is that ony man can se, Without trubill in greit tranquillitie, 36,810 That ony stait into this erd ma stand,
At lang plesour other be se or land.
This Kenethus quhen he wes all his best,
At gude plesour into greit peax and rest,
Than fals Fortoun, withoutin caus or quhy,
Put him rycht sone into greit jeopardy.

3 it as God 1 wald he chaipit of the weir,
And how it wes tak tent and 3c sall heir.

36,815

How are greit Power of Daynis come out of Denmark into Scotland, and maid greit Slauchter and Heirschip.

Out of Denmark and navin be the se, In Albione for to revengit be 36,820 Of thair freindis war slane thairin befoir, Ane greit power, with mekill bost and schoir, Off mony berne that wes full big and bald, Quhilk threttie thousand war with taill weill tald, Makand thair vow quhen tha set schip to sand, 36,825 In Albione quhair that the first tuik land, Tha sould nocht leif wnbrint and cassin doun Citie nor strenth, castell or wallit toun; Na suld nocht spair the barne no zit the mother, Nor leve ane levand for to greit for vther. Ane strenthie toun, biggit of stane and lyme, Quhilk callit wes Seluria in the tyme, In till Angus standand vpone the se, Wallit richt weill with stane and lyme richt he, Ane prettie toun, as my author did sa, Quhilk callit is Montros now at this da. Into that place as 3e sall winderstand, Neirby that toun the Danis first tuke land;

¹ In MS. gold.

Lib.11, f.167. Col. 1. And plantit hes thair palzeonis on a plane,

Quhair tha tuke purpois all nycht to remane. 36,810 The nychtbour men that duelt about neirby, Fra hand to hand the fled rycht haistely On to that toun rycht fast with all thair gude, So strenthie wes than as tha wnderstude. Syne on the morne, sone efter the sone rais, 36,845 The Danis all in gude ordour than gais Onto the toun, and laid are seig thairtill. Rycht mony dart and ganze with gude will, And braid arrow tha schot attouir the wall; And that within greit craigis leit down fall, 36,850 Rycht manfullie, with greit power and mycht, Maid sic defence quhill cuming was the nycht; Keipand the toun for thre dais or four, Quhill force it was than for to gif it ouir, And cum that tyme into the Danis will, 36,855 The quhilk war sworne for to do thame no ill, Bot lat thame pas quhair tha list vp and doun At thair fredome, for to gif ouir the toun. Thir folk but fayth rycht sone tha war mensworne, Brekand the ayth that the had maid beforne. 36,860 Bayth zoung and ald that war into the toun, Slew thame ilkone and kest the wallis down; Syne all the lave that wes within the wall, That samin tyme brint into poulder small, Quhilk semit sync within ane litill space, 36,865 As neuir toun had bene into that place. With sic furor out throw the land tha fuir, Bayth gude and ill of quhome tha mycht haif cuir, Zoung or ald, other lad or las, Tha slew ilk man and brint the townis in ass, 36,870 With fyre and blude ay ilkone da be day, Quhill that the come onto the water of Tay, At Amond mouth, besyde Bartha that toun, Vpoun ane plane tha set thair palzeonis down.

Oure nobill king into Striuiling that da, 36,875 With his lordis thair at thair counsall la, To quhat effect I can nocht tell zow now; Bot quhen he hard, as I haif said to zow, How that the Danis waistit had his land, That samin tyme without stop or ganestand, 36,880 Proclamit hes in all the haist tha ma, All man be reddie at ane certane da, With all provisioun gudlie tha ma get, For to convene quhair that the tryist wes set. Sone efter that are rycht greit multitude, 36,885 At Ernis mouth with mony men of gude, Bayth 1 fit and hors, come furneist to the feild, Of beirnis bald that waponis weill culd weild. Ane suithfast man, that wes bayth leill and trew, Come to the king that samin tyme and schew The Danis all with greit power that da, Seigand the toun about Bartha tha la.

How King Kenethus faucht with the Danis at Loncardie, and of his Exhortatioun maid to the Scottis.

This nobill king no langar than wald ly,

To Bartha toun he sped him haistely.

Into ane place vpone ane strenthic ground, 36,895

Neir Loncardy ane litill aboue Amond,

Vpone ane plane besyde the water of Ta,

Into thair tentis all that nycht thair tha la.

Vpoun the morne quhen that the sone schynit brycht,

Apeirit hes ilkane in otheris sicht, 36,900

Thir birnis bald, that waponis weill culd weild,

On cuerie syde reddie for to gif feild.

¹ In MS. Out.

Col. 2.

Gude Malcum Duff, the prince of Cumbria, The vangard led into the feild that da; Duncane, the lord of Athoill in that tyde, 36,905 The tother wyng led on the farrar syde. The nobill king with mony men of gude, Betuix thame tua in the mid feild he stude; Commandand thame than with ane voce so cleir, In audience quhair tha mycht ilkane heir, 36,910 That da in battell baldlie for to byde, For ony chance that efter micht betyde, And in the feild erar with honour die, With lak and schame for to vinschew and fle, Syne efterwart tane with thair fais all 36,915 Hangit and drawin or than maid bond or thrall. " Tak tent in tyme or ze be put in thrist, " Sone efter syne or ze sa, had I wist " So suld haue bene, I had far levar bene deid, "Thairfoir bewar quhill ze ma mak remeid. 36,920 " Quhat euir he be now, other gude or ill, " Ane Danis heid this tyme bringis me till, " Doutles of me he sall haif greit reward " Of fynest gold, the quhilk sall nocht be spaird." Throw that same langage that Kenethus spak, Greit curage than the Scottis all did tak, With gude beleif into the tyme for-thy, Of greit rewaird and als of victory. The Danis all, quhilk stude vpone ane hycht In gude ordour with mony basnet brycht, 36,930 Traistand the Scottis vp with to the hill, Suld tyre ilkone than or the come tham till. The Scottis than arrayit on the plane, At thame leit fle rycht mony fedderit flane, And mony ganze in the tyme leit glyde, 36,935 Quhill that the maid right mony sowand syde, Aganis quhome tha mycht nocht weill defend.

The Danis than, guhen that the knew and kend

Without danger tha mycht nocht thair remane, In gude ordour discendit to the plane. 36,940

HOW THA ENTERIT IN THE FEILD.

Than with ane schout, and with ane felloun cry, The enterit all right sone and suddently, With sic ane schow quhill all the schawis schuik; Thair busteous beir reboundit fra the bruik. So dourlie thair togidder that the dang, 36,945 With sic ane reird quality all the rochis rang, Thair speiris brak and scheildis raif in schunder, And mony stout man stickit that wes wnder; Richt mony freik wes fellit than throw force, And mony knycht was keillit throw the cors, 36,950 Without confort la cald wnder his scheild, And mony berne wist nother of bute no beild; And mony stout man stickit war that tyde, Bleidand full soir with mony woundis wyde. Tha Scottis all rycht bisselie tha go 36,955 Tha Daynis heidis for to cut thame fro; With sic dispyte wes neuir one tha spard, Traistand thairfoir to get thankis and reward; Rycht mony hundreth hingand by the hair Of Danis heidis into thair handis bair. 36,960 The quhilk ane Deyn into the tyme did spy, With ane loud voce he gaif ane schout and cry; "Other," he said, "debait 30w with 30ur handis, " Now at sic tyme into sic neid it standis, " Or none of ws, traist weill, efter this da, 36,965 " Fra Albione sall levand pas awa." The Danis all quhen that the hard that cry, Tha grew in ire with sic melancoly, Into tha tyme quhen that the perrell knew, Quhill all thair strenthis did agane renew; 36,970

Quhair throw tha wox also waldin and als wycht, Into thair mycht ascendand to sic hycht. And guhen tha knew thair strenthis did restoir, Moir furius nor euir tha war befoir. Witht all thair power pertlie on the plane 36,975 Renewit hes the battell than agane, With all the force into the tyme tha hed. Lib.11, f.167b. The Scottis men than in the vangard fled, The quhilk na langar in the feild micht byde: The wyng also vpone the tother syde, 36,980 So lytill strenth into the tyme tha hed, Out of the feild fast efter thame the fled. Than gude Kenethus in the middill feild. With mony wicht man waponis weill culd weild, Stone still tha faucht and thairof rakkit nocht, 36,985 For all thair fleing wes no tyme in flocht.

> HOW ANE HUSBANDMAN CALLIT HAY WITH HIS Sonis Tway faucht crwellie with Zokkis IN THAIR HANDIS, AND KEIPIT THE PASSAGE QUHAIR SCOTTIS THE FLED. AND D_{Λ} DANIS BLUDE THAT HESCHED, AND RENEWIT THE BATTELL ΛND WAN THE Feild.

Ane husband man quhilk wes callit Hay,
Busteous and big thocht he wes nothing gay,
Tua sonis had that war bayth stout and sture;
Of husband lawbour doand was thair cure,
At pleuch and harrow neirby that samin hour;
Seand the king into sa strang ane stour,
And so thik fald war fleand than him fra,
For him that tyme his hart it wes richt wa.
With that he hint the 30k into his hand
Out of ane pleuch, and syne he gaif command

To his tua sonis that tyme to do siclyik. Betuix ane fousie and ane stalwart dyke The passage wes quhair all the Scottis fled; Than with the 30k into his hand he hed, 37,000 This busteous berne that stalwart wes and stout, Keipit that strenth that no man mycht get out. The Danis als that follouit on the chace, He slew right mony in the samin place, And sparit that tyme nother freind nor fa, 37,005 Out of that passage preissit for to ga. With his sonis keipit the passage lang, And neuir ane out by thame wald lat gang; That all mycht heir, syne with ane schout and cry, With ane loud voce he cryit mony fy! "Cheis 30w," he said, "sen force it is sic thing, " With new power hes cumit to oure king, " Now cowartlie heir with thame to be slane, " No manfullie now for to turne agane, " And victorie for till haif of your fo." 37,015 The Scottis aw quhen tha hard him sa so, And Danis als, trowand that it war trew, That cumand wes sic power of the new, The Danis all rycht joyfull war and fane, That maid the chace, to turne abak agane. 37,020 And that fled maid syne on thame ane chace, Quhill that the come to the feeling place, And thair agane the battell did renew. Hay with his 30k full mony Dayne he slew; That forsie freik wes nother waik no lene, 37,025 At ilkane straik that da he slew ane Deyne.

How the Battell renewit, and of the Scottis Curage, and how the Daynis fled and tynt Curage, and how Kenethus wan the Feild be the greit Help of that happie Hay and his Sonis Tway.

This nobill king with mony man of gude, Fechtand stone still zit in the feild tha stude, Suppois it was that tyme with makill pane. Quhen that he saw the feild renew agane, 37,030 So fair langage than to his men he spak, Quhilk causit thame new curage for to tak, That the agane grew als ferie and wycht As euir tha war, with far moir strenth and mycht, And with greit force tha did the feild renew. The Danis than trowand that all wes trew, Sic new power was cuming thame forgane, Into the feild no langar wald remane, And sone the fled rycht fast out of that place. The Scottis follouit fastar on the chace, 37,010 Without mercie that tyme thair chapit nane Tha[t] Danis war guhair euir tha war ouirtane. So greit slauchter wes neuir sene befoir, Was maid that da of Danis les and moir. Quhair that tha fled in mony moss and myre, 37,045 The Scottis wes fulfillit with sic yre, And had sic thrist than of the Danis blude, That neuir ane than, other ill or gude, Gat girth that da quhair cuir he wes ouir tane. Fra morne airlie quhill all the da wes gane, This foirsaid Hay and sonis with thair zokkis, Vpone the Danis laid sa mony knokis, With so greit force the wecht of thame leit feill, That none of thame mycht efterwart do weill.

Col. 2.

That samin nycht rycht lang or it wes da, 37,055 The Danis passit quhair [thair] schippis la, Vpone ankeris was rydand on the se, Neirby the place is callit now Dundie, Quhilk war nocht than into comparesoun, Scantlie the fourt part that the brocht of toun. 37,060 Syne passit all on [to] the se that nycht, And or the morne war saillit out of sycht; And quhair awa that tyme I can nocht tell, Bot weill I wait, as ze ma judge zour sell, Thair wes greit blythnes at thair cuming hame, 37,065 Quhen euerie man wes missit be his name. No moir of this now will I put in ryme, Becaus it is so greit tarie of tyme; Thairof as now I think to hald me still, And to my purpois turne agane I will. 37,070 This Kenethus baid in the feild all nycht, Syne on the morne quhen that the da wes lycht, The Danis palzeonis with rycht mony tent, Quhilk furneist war rycht riche and fertilent, With gold and siluer and all vther geir, 37,075 And riche cleithing that ordand wes to weir, With haill consent that tyme of all the lave, Most pretious part on to this Hay he gave, Of riche clething, gold and siluer bricht, And his tua sonis that war bayth bald and 37,080 wycht.

Syne all the laif wes spulze of the feild, To cuerie man that wapin docht to weild, Efter his deid as he wes worth to haue, Rycht equallic he delt amang the laue.

How King Kenethus passit to the Toun of Bartha, and thair maid this Hay Knycht and gaif him the Landis of Erroll; and of the Discord and Stryfe that fell betuix the Lord of Angus, callit Cruthlyntus, and Lord of the Mernis, callit alsua, and how Kenethus puneist and pacifie that Feid, and how Malcum Dufe was put doun be Kenethus.

Lib. 11, f. 168. Quhen this wes done, passit to Bartha toun 37,085 Col. 1. This nobill king with mony bald barroun. With haill consent that tyme of every wicht, This foirsaid Hay thair hes he maid ane knycht, For his support he maid him in sic perrell; Syne gaif to him the landis all of Erroll, 37,090 Into the cars of Gowrie quhair tha la; The quhilk his airis brukis zit this da. Erll of that ilk is callit at this hour, Quhilk is ane hous of greit fame and honour. I pra to God that lang tyme so it be, 37,095 In sic honour all that genelogie. This beand done, as ze haif hard me sa, Gude Kenethus richt lang and mony da, In peax and rest and greit honour he rang, Quhill efter syne, I can nocht tell how lang, 37,100 Gif [it] be trew the storie tellis ws, Ane lord of Angus, callit Cruthlynthus, Ane dochter had wes callit Fenella, Quhilk had ane sone Cruthlynthus hecht alsua, Lord of the Mernis in the tyme wes he. 37,105 So hapnit him with his grandsire to be In to the castell than of Dalbogy; Quhat wes the caus I can nocht tell zow quhy, Betuix his seruandis and men of the place, Rycht greit discord fell of ane suddane cace, 37,110

Quhair in the tyme he had tua seruandis slane, Quhairof he wes nothing content nor fane. This Cruthlynthus that na langar mycht fenze, To his grandsire he passit for to plenze; Quhilk ansuer maid to him with grit dispyte, 37,115 Sayand, him self thairof had all the wyte, Quhairof that tyme he sould na mendis haue; And callit him bayth harlot, loun and knaue; War nocht he wes his dochteris sone so neir, He maid ane vow he sould haif bocht it deir. 37,120 Rycht fureous thus did he with him flyte, Syne to the zet gart put him for dispyte; That [he] was fane, as my author did sa, Out of that place to chaip levand awa. This Cruthlynthus he tuke full hie in hart 37,125 The great repulse that he gat in that part; Wnto his mother callit Fenella, To Fettercarne he passit on ane da, And schew to hir the maner all and how, Ilk word by word as I [haif] schawin 30w, 37,130 How all wes done and in the samin sort, And how hir father did him sic dischort. This Fenella, throw the report he schew, Rycht hie and het intill hir mynd scho grew, Quhilk in hir breist the hiear ay ascendis, 37,135 Perswadand him rycht sone to tak ane mendis. Sayand, scho suld rycht hartlie with gude will, At all power mak greit supple thair till, Commandand him for to mak no delay. And so he did some efter on ane day, 37,140 With all the power that tyme that he mycht, Come to Dalbogy quietlie ane nycht, And suddantlie the castell syne hes tone. Bayth ill and gude that war thairin ilkone, He slew thame all than be the leist ane knaif; 37,145 His grandsire gat no moir girth nor the laif.

Col. 2.

The eastell syne gart east down to the ground, And all the riches in that place wes fund, Gold and siluer, and all other geir, Distribut hes amang his men of weir. 37,150 Quhen this wes done syne fordwart furth he fundis, Makand greit heirschip in Cruthlynthus boundis; Syne in the Mernis hes all with him tane Richt mony berne that mycht nocht thoill this blane. Into Angus, quhilk wes of Cruthlynthus clan, He gart convene togidder mony man, Quhilk in the Mernis maid ane haistie raid, And in the tyme greit spulze also maid. The Mernis men was gatherit than foirgane, Of aduenture 1 syne met vpone ane plane, 37,160 And straik ane feild the spulze to reskew, On euerie syde richt mony ane tha slew. Fra that da furth, as my author did sa, With countering and carmusche euerie da, Tha previt vther oft syis on the plane, 37,165 On euerie syde quhair mony ane wes slane. Had tha stand lang at sic abusioun, The pairteis baith had gane to confusioun, But ony dout, or endit war that pleid, Had nocht Kenethus maid soner remeid. 37,170 Quhilk suddanelie ane herald send thame till, And chargit thame at his command and will, Tha suld compeir befoir him all rycht sone, The fyiftene da for to thoill law in Scone, Vnder the pane of lyfe, land and gude, 37,175 Quhat euir he wes that this command ganestude. This Cruthlynthus the law so soir adred, With all his men rycht far awa he fled;

37,180

Befoir the king that da wald nocht compeir: How hapnit syne sone efter ze sall heir.

¹ In M.S. Adventurne.

This Kenethus on thame ilk da be da Followit richt fast, syne in Lochquhabria This Cruthlynthus and all the laif war tane, And brocht agane to Dunsenen ilkane, This kingis castell wes into the tyme, 37,185 Quhair tha war all accusit of that cryme. The men of gude that had auctoritie, With Cruthlynthus condampnit war to de, For-quhy tha war the caus of all that thing. Syne at command of Kenethus the king, 37,190 The commoun pepill quhilk war till excuiss, Thair maisteris charge that durst nocht weill refuiss, Quhen he considderit that tyme how it was, For that same caus vnpuneist leit thame pas. This beand done as I haif said zow than, 37,195 Richt tenderlie wes louit with all man In all that tyme Kenethus the gude king, So circumspect and just wes in all thing. Louit he wes with euerilk man on lywe, Als tenderlie as other barne or wywe: 37,200 So just he wes in his auctoritie, To euerie man with sic equalitie, And sic perfectioun, schortlie to conclude, That men of him ma sa nathing bot gude. Quhill efterwart the tua and tuentie zeir 37,205 Wes of his ring, as I sall schaw zow heir, His bruther sone as ze sall wnderstand, Gude Malcum Dufe, the prince of Cumberland, King Duffus sone in storeis as we reid, Quhilk efter him wes narrest to succeid. 37,210 This Kenethus than, as my author demit, For to be trew richt weill also it semit, On to his sone affectit so wes he, Efter his tyme to haif auctoritie, And bruke the croun withoutin ony pleid, 37,215 This Malcum Dufe with poysoun put to deid.

Col. 1.

Lib.11, f.168b. Into the tyme thocht it was nocht weill knawin, The suith fastnes thairof rycht sone was schawin. This Malcum Duffe that tyme in Cumberland, Tuke sic seiknes that nane culd wnderstand 37,220 Quhat mycht him help, or mak him ony remeid, It handlit him so hetlie to the deid. Into the breist so stoppit was and bun, And all his bodie swellit lyke ane tun, Quhill that his cors all [to] brist and clawe, 37,225 And fra the bane the lyre bowdin and raue, Throw strang poysoun, as euerie man wist weill, Bot be quhat man wes none that had ane feill. The men of gude that tyme for the most fect, Of that ilk deid tha held the king suspect, 37,230 For the same caus befoir that I zow tald; Bot thair wes nane amang thame, zoung or ald, Quhat euir he thocht, that durst reveill sic thing, Sic aw that tyme tha stude than of thair king; That mony als of men of gude that tyme, Into thair mynd him clengit of that cryme, For mony vertewis into him tha saw, So just he wes to execute the law, Without rigour, full of benignitie, So equale ay in his auctoritie, 37,240 Bayth word and werk wes ay to gude effect; And for that caus the held him nocht suspect. Ane other caus how that the knew sic thing, Quhen that his deid was schawin to the king, So greit displesour in the tyme he tuik, 37,245 But meit or sleip rycht lang fastit and woik. So mony teir come tringland fra his ene; Sa oft wald sob and sich full soir betuene, Into his mynd so dolorus and dirk; So great suffrage also in halie kirk, 37,250 Ouir all Scotland he has gart sing and sa,

In euirilk kirk onto the auchtane da,

37,280

For gude Malcome the prince of Cumberland. Quhairby that tyme tha mycht weill wnderstand, And knaw perfitlie als in thair intent, 37,255 Of Malcolmis deid the king wes innocent; And for that tyme than all the nobill blude Left suspitioun and traistit nocht bot gude.

How and Messinger was send out of Ingland TO KING KENETHUS, AND OF HIS ANSUER AGANE QUHA SOULD BE PRINCE OF CUMBER-LAND.

That samin tyme, sone efter all this thing, Fra gude Edward that wes of Ingland king, 37,260 Wes marterit efter with his awin step mother, Becaus hir sone, quhilk wes king Edwardis bruther, Efter his deid was narrest to succeid, Thair come that tyme, in storie as we reid, Ane messinger to Kenethus the king, 37,265 Beseikand him rycht hartlie of that thing, That he wald cheis the prince of Cumberland, As mediatour betuix thame for to stand, For peax and rest and greit tranquillitie; And to thame bayth rycht leill and trew till 37,270 Without tressone als traist as ony steill, To baith the kinrikis for the commoun weill. This Kenethus sic ansuer maid agane, "Forsuith," he said, "thairof I am rycht fane, " And als content his plesour to fulfill 37,275 " In all poyntis that ze haif put me till; " Now wait I weill, that ay befoir I weynd Col. 2. "This nobill king hes euir bene my freind; " And for his saik, als haistie as I ma, Of your ansuer I sall gar set ane da."

In Scone that tyme, as my author did mene, The da wes set quhair tha suld all convene, Baith king and lordis in the tyme ilkone; Syne gude Kenethus on the marbell stone, As president thair sittand in his chair; 37,285 Of eloquence he was nocht for to lair, Quhilk in the tyme, as ze ma right weill trow, He said to thame as I sall sa to zow. " My lordis all, ze knaw richt weill ilkone, " So lang befoir richt mony zeir agone, 37,290 " How gude Fergus, the foundar of this ring, " Sie lawis maid in chesing of thair king; "That is to say, efter ane kingis deid, "Gif that his sone suld succeid in his steid, " Without perfectioun that tyme war ane child, 37,295 " The narrest man quhilk war of lauchtfull eild " Onto the hous, sould that tyme crownit be, " For all his tyme bruik that auctoritie, " Syne efterwart to succeid in his steid, "The lauchfull air efter that king wes deid. 37,300 "Thus euir mair the king sould be ane man, " And for sick caus the lawis first began; " Bot weill I wait, quha that rycht wnderstude, "That wes the caus of far moir ill na gude; " And causit oft right greit adversitie, 37,305 " And mekle trubill in the realme to be. "Witnes," he said, "first of king Feretar, " And Ferlegus quhilk wes king Fergus air, "The richteous prince and of the royall blude; "Throw sie lawis, now sehortlie to conclude, "Tha war the first that sie trubill began, " And Ferlegus that wes ane nobill man, "Wes maid exull and baneist for to be, " In vther land with greit miseritie, "The quhilk to Scotland wes lak and offence, " So schamefullie suld be thair king and prince,

- "Wes bond and thrall so lang to carllis blude,
- " Makand thame service for his lyvis fude.

"Witnes also," he said, "of Nothatus,

- " And zoung Rewthar, causit be Dowalus; 37,320
- " And of Novans Ferquhard the quhilk wes lord,
- " Betuix thame tun that kendlit sic discord.
- " For that same caus, now schortlie to conclusioun,
- " Quhilk brocht Scotland to vter confusioun,
- " And Pechtland als siclyke, for to conclude, 37,326
- "Betuix thame baith of all the nobill blude
- "Wes nocht ane left, as it wes rycht weill kend,
- " To gyde the laif and fra thair fo defend.
- " Quhairthrow the Scottis and the Pechtis all,
- " Onto the Britis was maid bond and thrall, 37,330
- " Or all to fle without ony remeid,
- "In vther landis for to beg thair breid.
- " Than threttene zeir without auctoritie,
- " So lang tha war in sic miseritie,
- " Lang efter that sielike with Romacus, 37,335
- " And Ethalmae, the storie tellis thus,
- " And Angustiane bruther sonis all thrie,
- "Throw thair discord for sick auctoritie,
- " Seotland, that tyme quhilk wes into greit rest,
- " With Romanis soir wes puneist and opprest; 37,340
- " Syne finallie out of Scotland to fle,
- " And fourtie zeir maid exull for to be.
- " Now ma ze ken, heir schortlie to conclude,
- " Thairof the ill exceidis far the gude."
- Also he said, "Now for the samin quhy, 37,345
- " Bot laitlie now in tymis 1 ar gane by,
- " How mony men war of the royall blude
- " Feinzeit rycht far as tha had bene rycht gude,

1 In MS. tyme.

VOL. II.

Lib.11, f.169. Col. 1.

" Withoutin vice, of greit vertu to be,	
	,35
" Sone efter syne, God wait and nocht rycht	
lang,	
" Fra tyme tha gat the thing quhairfoir tha sang,	,
"Tha changit sone into ane vther man,	
" Levand the way in quhome tha first began;	
" Vsand ill lyfe and sic vice and abusioun, 37	,35
" Quhilk brocht this kinrik richt oft to confusiour	ì.
" And for that caus my counsall is thairfoir,	
" To abrogat, and vse that law no moir,	
" And vse conforme wnto the commoun law	
" In vther landis vsit is ouir aw. 37	,360
"The kingis sone, thought he be neuir so zing,	
" Efter his fader in his sted to ring,	
" Quhat euer tha be, madin or man chyld,	
"Withoutin ee to wisdome or to eild,	
" As God plesis to send into the tyde, 37	,268
" Is none as he so weill that can prowyde;	
" I hald it best in sic ane doutsam cace,	
" To put oure traist ay into Godis grace.	
"Becaus," he said, "of all your cuming heir, "Now in this place that I gart yow compeir, 37,	
"Now in this place that I gart 30w compeir, 37,	,370
"Mest speciall is, as ze sall wnderstand,	
"To cheis the lord and prince of Cumberland,	
" Quhilk ordand is betuix king and king,	
"For to keip peax and gar reforme all thing	
"That is done wrang be Scotland and Ingland, 37,	375
"Ony to vther, be vertu of the band,	
"The quhilk wes maid be ouir progenitoir,	
" 3e knaw 3our self, in all tymes befoir;	
"The quhilk also is lauchtfull to succeid	
	380
" In this mater, but ony circumstance,	
" Rycht sone I wald heir zour deliuerance."	

Tua nobillis than, war grittest men of gude Of all Scotland and of the royall blude, Ane Constantyne, the sone of Culenus 37,385 That last wes king, the tother hecht Gremus, The bruther sone of gude Duffus the king; Thir tua that tyme that knew full weill all thing Imaginat into the kingis mynd, The circumstance, the ordour and the kynd, 37,390 How all wes said, and als to quhat effect; Suppois thame selffis thair till had ane aspect On to the croun be thair awin writtin law, 2it neuirtheles that tyme tha stude sic aw Of Kenethus that wes thair prince and king, 37,395 To contray him or crab in ony thing; And thocht that tyme the wald so no thairfill, Rycht weill tha wist that he wald haif his will, And of his purpois alway cum gude speid. And syne tha haif, bot magir to thair meid, 37,400 For that same caus consentit baith thairtill, And put it all into the kingis will, And war the first that tyme of all the laif, Onto the king that sic ane ansuer gaif, As plesit him that tyme, at his command, 37,405 Quhome that he wald mak prince of Cumberland, And abrogat the lawis les and moir, Wes maid in chesing of the kingis befoir, And keip the law wes maid into the tyme: Sic ansuer gaif bayth Constantyne and Gryme. 37,410 Quhen tha had said, than all the multitude, Col. 2. All in ane voce than, schortlie to conclude, " Malcolme," tha said, " without ony demand, "Kenethus sone, mak prince of Cumberland." And so he wes, with haill auctoritie, 37,415 Of Cumberland promovit prince to be;

N N 2

And tuke his leif than bayth at gude and ill, And with the herald than wes send thairtill. Quhilk in the tyme that come for the same thing. Fra gude Edward that wes of Ingland king. 37,420 This beand done but ony violence, Kenethus knew weill be experience, And be the law quhome to the gaif consent, Quhilk than wes maid without impediment, For euirmoir that his posteritie 37,425 Suld ay succeid to his auctoritie. And for to have thair favour in sic thing, Waill tenderlie he treittit ald and zing; To euerie lord and als to mony lard, Into his tyme gaif mony greit reward; 37,430 With diligence exercit ay his cuir, At all power to pleis baith riche and puir. Rycht equallie he held him till all man, With puir and riche weill louit wes he than, And with all leid that leuand wes on lyve, 37,435 Moir tenderlie than other barne or wyve; That thair wes no man, schortlie to conclude, That said or thocht of him all tyme bot gude.

OFF THE VISIOUN THAT APPERIT TO KENETHUS THE KING ON THE NYCHT IN HIS SLEIP, AND OF HIS CONFESSIOUN, PENNANCE, ALMOUS DEID, AND DEVOTIOUN, AND OFF THE WICKIT WYFFE FENELLA.

So hapnit [it] syne efter on ane nycht, In his sleip be ane visioun and sycht 37,440 Him thocht that tyme he hard ane voce apeir, Quhilk said to him with ane loud voce and cleir;

- " O Kenethus! tak tent heir to my sawis.
- "Thow 1 trowis God thi cruell cryme misknawis,
- "That thow committit with sic violence, 37,445
- " Quhen thow gart poysoun Malcum Dufe the prince
- " Of Cumbria, qubilk air wes to Scotland.
- " For eaus," he said, "thow tuke sic thing on hand,
- "Throw sic desire that thi prosperitie
- " Suld bruke the croun with haill auctoritie. 37,450
- " Quhairfoir," he said, "the God omnipotent
- " Decreittit hes be his rycht judgment,
- " Rycht sone on the sic ane vengence sould tak,
- " Till all thi realme salbe greit skayth and lak;
- " And to thi airis rycht lang efter the, 37,458
- "Rycht greit trubill without tranquillitie." Quhen this wes said the voce vaneist awa.

This Kenethus, in his bed quhair he la,

nocht:

Sichit full soir with mony langsum thocht, Fra that tyme furth that nycht he sleipit 37,460

So greit terrour in his mynd he tuke,
That all that nycht he wolterit and he woik,
And thocht full lang quhill that he saw the lycht.
Than vp he rais and raikit in full rycht
To his chapell with humbill intercessioun,
In ferme purpois to mak his haill confessioun
Of all the synnis he had done beforne,
On to that tyme sen the hour he wes borne.
Ane halie bischop into Scotland wes than,
The quhilk to name wes callit Mouean;
Cunning he was all caissis for to knaw,
And richt expert into the canoun law,
For ony dout that men mycht at him speir;

In theologie also he wes perqueir,

37,470

37,465

Lib.11, f.169 b. Col. 1.

In MS, Throw.

And in all vertew, schortlie to conclude,	37,475
He did exceid siclyke in sanctitude.	
This Kenethus for this ilk Mouian	
He send that tyme, quhilk sone come till him t	
To quhome that tyme he hes maid his confessio	un,
Ilk word be word in ordour, but degressioun;	37,480
And all his mynd and secreit to him schew,	
Nothing obscure, als planelie as he knew,	
And speciallie of Malcolme Duffus deid;	
Askand at him quhat mycht be best remeid.	
This nobill man agane he said him till;	37,485
" Sic ordinance is ay in Godis will,	
" Nothing in erth vnpuneist to lat pas;	
" Decretit hes for all vice and trespas,	
" Ane cruell pane correspondand thairtill,	
" For euirilk falt quhilk force is to fulfill.	37,490
" Quhilk pane," he said, " suppois it cruell be,	
" Quhilk pane," he said, " suppois it cruell be, " He puttis all into oure libertie,	
" And reddie ay thairof to gif remissioun,	
" Thairof perfitlie and we haif contritioun,	
"With perfite purpois to forbair and mend,	37,495
" And neuir agane his majestie offend.	
" And we do so into all tyme and place,	
"Traist weill of him to haif mercie and grace.	
" Mercie him causit ane mortall man to be,	
" Syne thole grit pane and naturalie to de.	37,500
"The propheit sais, that we Sanct Dauid call,	
" His mercie is aboue his werkis all;	
"The quhilk to him is ay sic propertie,	
"Without mercie God can nocht rycht weill be	e.
" Haif in your mynd gude consolatioun;	37,505
" Tak nocht this tyme sic desperatioun;	•
"Traist weill sic thing cumis no way perforce,	
" Sen gratius God quhilk is misericors,	
" Is reddear to gif mercie and grace,	
" No for to puneis for the grittest cace	37,510

" Quhilk is committit be ane mortall man." Than throw the counsall of this Mouian He tuke confort and put awa all cair. With greit denotion ilk da mair and mair, In orisoun baith for to heir and reid, 37,515 Diuoit he wes with mony almous deid; To kirk and kirkmen dalie with grit cuir, Rycht helplike was, and also to the puir. In pilgramage passit to mony place, Beseikand sanctis to obtene him grace 37,520 At gratius God, in his hie majestie, Sen tha with him war better hard nor he. In pilgramage syne to Palladius, Into the Mernis, my author sais thus, In Fordwy quhair that his banis lyis, 37,525 As he befoir wes wont to do oft syis, With greit diuotioun to that halie Santt, Beseikand God thairof his grace to grant Fre indulgens of all thing les and moir, Aganis him committit wes befoir. 37,530 This beand done as I haif said zow heir, Than passit hes with mony gudlie feir By Fettercarne into ane place to hunt, With men of gude befoir as he wes wont. And houndis als that war baith gude and fyne; 37,535 Tak tent and heir how efter hapnit syne. This Fenella, of quhome befoir I tald, That wickit wyfe baith bellicois and bald Causit hir sone hir awin father to sla, Schort quhile befoir ze micht heir me say sa, 37,540 The qubilk Cruthlynthus callit wes to name; Quhairfoir efter he thoillit lak and schame, For that same deid than wes he maid to de, As ressoun wald for his iniquitie. His deid rycht hie scho buir into hir mynd, 37,545 So is the nature of all wemen kynd;

Col. 2.

Without knawledge, full of crudelitie, Desyrand ay revengit for to be, Suppois the falt be baith litill and lycht, So full tha ar of malice and of hycht. 37,550 So wes this wyfe than for the samin caus, The quhilk wes done be just decreit and lawis; Lit neuirtheles that scho considderit nocht. Bayth da and nycht that wes ay in hir thocht, This nobill king how seho mycht put to deid, 37,555 Withoutin eaus scho had at him sic feid. Syne in hir breist consauit hes ane trane; Tak tent and heir, and I sall schaw zow plane In forme and effect, and all the fassoun how My authour sais as I sall sa to zow. 37,560

HOW FENELLA BIGGIT ANE NEW WORK IN FET-TERCARNE, AND HOW KING KENETHUS COME TO VIESIE IT, AND THAIR SUDDANTLIE SLANE.

In Fettercarne, quhilk wes hir duelling place, Scho had gart big befoir ane lytill space Ane prettie tour, bot of small quantitie, Rycht curious and plesand for to se, Proper perfite, quhilk wes of poleist stone, 37,565 In Albione sic semdill wes or none. Rycht clene thickit was than all this tour, Weill gilt with gold, quhairon rycht mony flour Deparetit war with mony bird on breir, And mony rachis rynnand at the deir. 37,570 The craft richt far the mater did excell Of all this tour, the treuth gif I suld tell, So curiouslie as it was cled within. And at the tapetis first I will begin, Of fynest silk of mony diners hew, 37,575 Burneist with gold, purpure and asur blew,

Depanetit all with greit plesance and joy, The ald storie of Thebes and of Troy. The sylar also wes of the sypar tre, Porterit perfite that plesand wes to se; 37,580 Richt curious carvit with mony ane knot, Wnmaculat, withoutin ony filth or spot; As ony lanterne castand ane hevynlie lycht Of purpur, asur, and of siluer brieht. Greit corce bowis, that war bayth strang and 37,585 stout. Within the wall wes rayit round about, Fast to the knok war buklit vp in bend, With ganzeis scharpe reddie fra thame to send. Off bras ane pillar in the fluir thair stude, Vpone the heid of plesand pulchritude 37,590 Ane copper image of small quantitie, Quhilk proper wes and plesand for to se. This lytill image buir into the hand, Lib.11, f.170. Col. 1. Of gold ane apill as the sone schynand, Quhilk plantit wes with mony pretius stone, 37,595 As jesp, jasink, and margaretis mony one; With turcas, topas, and with amerandis brycht, With rubeis reid, and diamontis wes dicht; With amates that courtlie war and cleir, And mony mo than I will reckin heir. 37,600 This work quhilk wes als subtill wrocht as reche, With sic diuyss gif ony man wald tuiche The goldin apill that the image buir, The bent bowis that war bayth strang and stuir, Ilkone of thame right haistelie but ho, 37,605 Out of the nok ane ganze wald lat go, Schot at him, without ony ganestand, Tuichit the apill in the image hand. This fals Fenalla knew rycht weill perfite, This nobill king greit plesance and delyte, 37,610

And greit desyre had alway for to se Sic coistlie werk of curiositie; Thinkand agane and he come thair till hunt, Neirby that place befoir as he wes wont, He wald desyre sone for to cum and se 37,615 Sic plesand werk of greit speciositie. This samin tyme than hes it hapnit so, This nobill king on fra the hunting go To Fettercarne, to visie that new werk, And left the laif still huntand in the park. 37,620 With few seruandis he come thair forrow none, Quhair that he wes ressauit than rycht sone With Fenella and hir seruandis ilkane, Rycht reuerentlie within that hous of stane, With all service into the tyme thairto, 37,625 To his princeheid war plesand for to do. At ganand tyme scho causit him to dyne; With coistlie spycis and mony mychtie wyne, Of diners cullouris into cowpis cleir, Weill ma ze wit scho maid him rycht gude 37,630 cheir; Bot syne allace! scho gart him pa weill ford. This gude Keneth, the nobill prince and lord, So courtas wes, so lawlie and benyng, Into the tyme held hir suspect nothing, Efter the dennar quietlie is gone, 37,635 Bot he and scho rycht secreitlie alone, Within the tour that plesand werk to se, Wes so perfite with sic speciositie. Of euerilk thing he speirit hes the guhy; And scho agane rycht sone and suddantly, 37,640 As wemen hes ane haistie ansuer sone, Schew him quhairfoir that euerie thing wes done. The image als vpoun the pillar heid, Quhilk buir the apill of the gold so reid,

Wes his image into the tyme scho schew, 37,645 To signific that scho wes traist and trew, And louit him at all power and mycht, Thairfoir his image present in hir sicht, Scho thought so plesand to behald and se. The apill als of sic speciositie, 37,650 Quhilk pleneist wes with mony pretious stone, Scho ordand hes for his hienes alone, Into the self quhilk wes so riche ane thing, That it micht be ane reward for ane king. Beseikand him of his excellent grace, 37,655 He wald ressaue the apill in that place, At his plesour out of the image hand. This nobill king, the quhilk wald nocht ganestand, The goldin apill in his hand he tuik: Col. 2. With that the pillar and the image schuik, 37,660 And all the hous begouth also to rok, And all the stringis slippit out of nok Of ilk corss bow, the quhilk befoir wes bend, Syne throw his cors ilkane ane ganze send; That suddantlie without help or remeid, 37,665 Doun on the fluir this nobill king fell deid.

HOW FENALLA FLED AWAY EFTER THE KING WAS SLANE, AND HOW HIS SERUANDIS WAITTIT LANG ON HIS OUT CUMING, AND AT LANG TAREING COME TO THE DUR QUHAIR HE WAS, AND THAIR FAND HIM SLANE, AND OF HIS BUREALL.

This wickit wyfe seand that it was so,
Out at ane postrum of the tour did go;
Syne in ane forrest that wes neir besyde,
Amang the ranmell quhair scho did hir hyde;
Syne on ane hors that ordand wes thairto,
Nane bot ane seruand in that tyme and scho,

Fre fra all perrell passit ouir the fell, And quhair awa I can nocht rycht weill tell. The kingis seruandis bydand on his grace, 37,675 Quhill neir hand evin tha farleit on that cace, Quhat wes the caus he baid so lang thairin; Syne at the dur, wes closit with ane gyn, Softlie did knok, trowand that he suld heir, Bot thair wes nane wald ansuer mak, or speir 37,680 Than guha wes that that callit at the duir, So oft but ansuer knokit with sic cuir. Quhill at the last, thocht it wes stark and strang, All with ane dunt the dur sone vp tha dang; The nobill king with bludie woundis reid, 37,685 Vpoun the fluir thair tha fand liand deid. 3e ma weill wit that tha war rycht wnfane To se the king befoir thair face ly slane, Quhilk treittit thame sa tenderlie and weill. Suppois ane hart had bene all of hard steill, 37,690 Or also stark as ony marbell stone, It wald haif brist to heir thair piteous mone. Rycht weill ilkone into the tyme tha knew, It was Fenella that thair maister slew, For to revenge Cruthlynt hir sonis deid; 37,695 Quhair scho wes fled, into what place or steid, With diligence ilk da richt lang wes soucht Fra place to place, bot zit tha fand hir nocht. The commoun voce wes than for the most fect, This Constantyne, the quality that held suspect, Quhome of befoir schort quhile to zow I schew, Greit malice had at Kenethus 3e knew, For his sone Malcum, as ze wnderstande, Declarit wes the prince of Cumberland, To bruke the croun efter to that effect, 37,705 Quhome to himself than had so greit respect, To him wes said into the tyme [scho] fled, Syne efterwart onto Ireland wes led,

37,710

Quhair all hir dayis thair scho did remane; I hard nocht tell that scho come hame agane. The lordis all syne efter with greit cuir, The kingis corps to Iona Yle tha buir, Off the same vse as wont wes of befoir, Intumula[t] with greit honour and gloir, Than of his ring the fyve and threttie 3eir, And of oure Lord quha lykis for to heir, Ane thousand compleitlie war ago, Into that tyme withoutin ony mo.

Lib,11, f.170b.

Col. 1.

37,715

HOW CONSTANTYNE WAS CROWNIT EFTER KING KENETHUS BE CERTANE LORDIS THAT WAR HIS FREINDIS AGANIS MALCOLME, KING KENETHIS SONE.

This Constantyne of quhome befoir I schew, Als suddantlie than as he hard and knew 37,720 This nobill king Kenethus so wes deid, He raid about fra euerie steid to steid To his freindis, requyrand thame sic thing, Into that tyme to cheis him prince and king, Quhilk had the rycht as tha knew weill ilkone 37,725 Be the auld law wes maid right lang agone; Thocht tha consentit to Kenethus law Quhilk in the tyme wes moir for dreid and aw. No of the kinrik for the commoun weill. Thairfoir he said, also far as he had feill, 37,730 Sick law as that sould nocht obeyit be, The quhilk wes maid be sic auctoritie. His freindis than quhilk that tyme war nocht few, Be sick ressone into that tyme he schew, So neir of kin also tha war him till, 37,735 Consentit all and gaif him thair gud will. Syne into Scone with thair consent ilkone, Tha crownit him vpoun the marbell stone;

The tuelt day efter gude Kenethus deid, The goldin croun wes set vpoun his heid.

37,740

How Malcolme the 20ung Prince come to Loutheane with ane greit Power to resist Constantyne, and syne skalllit his Oist for Feir.

Had nocht Kenethus wes his bastard bruther, That louit him than best of ony vther, With greit power at Striuiling brig he la, This Constantyne thair warnit of the way, Quhilk at that brig wald nocht lat him ouir 37,745 gang, With zoung Malcolme it wald haif bene all wrang. This Kenethus, quhilk at the brig did byde, And maid him tarie so lang in the tyde, Quhill all his victuall waistit wes and gone, That force it was for to pas hame ilkone. 37,750 This Constantins, thocht he wes layth thairtill, Skaillit his ost that tyme agane his will. In sic divisioun lang and mony da This kinrik wes diuydit into tua; This Constantyne had all into the north; 37,755 And zoung Malcolme besouth the water of Forth Into the tyme tha tuke his part ilkone; And in the north richt mony wes anone That louit him rycht afald with thair hart, Thocht tha so planelie durst nocht tak his part. 37,760 Lang thus tha war in sic diversitie, That da be da with grit crudelitie, Ather did vther cruellie invaid, Quhair rycht greit slauchter and heirschip wes maid,

¹ In MS. Thay.

Col. 2.

That Scotland haill wes to confusioun brocht;
The commoun weill was waistit all to nocht;
The puir pepill war haillelie distroyit;
Wedowis and wyffis wrangit war and noyit;
And mony virgin that wes of honest fame,
Deflorit wes, and loissit hir gude name.

The kirk and kirkmen wer distroyit haill;
The best of thame durst skantlie tell his taill
To the leist loun that wes in all the land,
Bot gif he held his heid into his hand,
And call him schir, bekkand with bayth his
kneis.

This is rycht suith, or than my author leis.

How young Malcolme, Prince of Cumbirland, come in Supple of Edward, King of Ingland, and how he and the Danis agreit.

This samin tyme as ze sall wnderstand, This gude Edward, that king wes of Ingland, Ilk da be da, the langar ay the moir, Than with the Danis vexit wes richt soir, 37,780 That force it wes than schort quhile efter syne, All on ane da other to wyn or tyne. This zoung Malcolme, of quhome I spak befoir, With rycht greit power that same da come thoir In the supple of gude Edward the king, 37,785 Quha wes right blyth and joyfull of that thing. Quhairof the Danis richt greit terrour tuke, To fecht that da, as sum man said, forsuik; And wes content for to agre and cord, At the requeist of mony gude kirk lord. 37,790 And so that war with bayth thair haill consent; So that the Danis suld hald thame content In peax and rest to bruke alhaill the landis, Possessit war that tyme into thair handis.

Moir to desyr the sould nocht ask nor crawe; 37,795 Ane sowme of gold also in the tyme to haif, And neuir on ane vther to invaid.

Of this condition peax that tyme wes maid.

How young Malcolmis Bruther, callit Kenethus, met Constantine at Crawmound, quhair the tane slew the tother Hand for Hand.

This samin tyme now that ze heir me sa, That Malcolme wes out of the land awa 37,800 Into Ingland with power les and moir. This Constantyne, of quhome I spak befoir, Troward his tyme was than maist oportune, Quhairfoir that tyme with greit power rycht sone, Tuentie thousand he brocht out of the north, Quhome with he passit ouir the water of Forth, For to subdew the landis all him till. Kenethus than with egir mynd and will, Malcolmus bruther befoir as I tald, With mony berne that wes bayth big and bald, 31,810 Than at the mouth he met him of Amond, Quhair standis now the gude toun of Crawmond. Thir bernis bald ilkone on vther bet, Quhill all thair waponis in thair blude wes wet; And dourlie than ilkane on vther drawe, 37,815 Quhill all thair helmis into pecis rawe. Of wynd that tyme thair blew ane suddane blast Out of the eist, quhilk draue the sand rycht fast Into the ene of Constantins men,

Lib.11, f.171. And blindit thame that the mycht scantlie ken 37,820

Quha wes their freind or quhe then wes their fa,

That force it was theme betweet for till ga,

Out of the feild than fled with all their force.

That Constantyne come fordwart on ane horss,

And with Kenethus in the feild he met;

So scharplie than ilkane [on] other set,
And ran at vther with so rude ane reird,
Baith horss and men war drevin to the erd.

Syne start on fut and pullit out tua brandis,
And manfullie debaittit with thair handis,
Ay prevand other pertlie on that plane,
And sonzeit nocht quhill that tha war baith slane.

In the thrid zeir of Constanti[n]us ring
Thus endit he wes bot intrusit king.

OFF GRYME AND HIS CROWNYNG OF MALCOLME, AND HIS PERSEWING EFTER CONSTANTINE WAS DEID; BETUIX THIR TUA FELL DEIDLIE FEID.

Than Gremus syne, of quhome befoir I schew, 37,835 Quhen he hard tell the veritie and knew That Constantyne his consent wes so deid, Kenethus als slane in the samin steid, Malcolme the prince rycht so wes in Ingland, Traistand to haif na stop nor ganestand; 37,840 To all the lordis that tyme les and moir, This Constantyne that fauorit of befoir, Rewardit thame right freindlie with his hart, And treittit thame quaill that the tuke his part. As I haif said quhen that all thing wes done, That samin tyme the passit all to Scone, And set him down vpone the marbell stone, And crownit him with thair consent ilkone. This Malcum Keneth quhen he hard and knew How all that thing wes hapnit of the new, 37,850 And how Grymus also wes crownit king, Rycht far he wes commouit at that thing, And thocht he wald him scharplie thame persew. His freindis than, quhilk wnderstude and knew YOL. II.

Col. 2.

That all his werke wald be of litill vaill, 37,855 And of his purpois he wald nocht prevaill, Tha saw this Gryme into sic fauour stand With mony lord that wes into that land, With [giftis] fra him that turnit [hes] thair mynd, And chereis thame to him for to be kynd, Quhairthrow he mycht haif thair help and supple, Or than, tha said, sic thing wald neuer be. Throw thair counsall, quhilk wes rycht trew he kend, Rycht secreitlie ouir all Scotland he send Treittand the lordis for to tak his part, 37,865 Promittand thame rycht kyndlie with his hart With all power to quyt thame weill thair meid, Sua that the wald supple him in his neid. Rycht mony wes thairof that tyme content, Baith da and nycht syne wes rycht diligent, 37,870 For to perswaid rycht glaidlie with thair hart The laue siclike for to tak Malcolmis part. Rycht mony than so wickit was of will, The seruandis all that Malcum send thame till, Tha tuke and send to Grymus in the tyde, 37,875 Quhilk he in persone gart remane and byde. This Malcolme syne, quhen he knew it was so, With mony grome he graithit him till go At all power with possibilitie, Of that injure for to revengit be. 37,880 Rycht mony wicht man that waponis weill culd weild, The fyftene da he furneist to the feild; On fit and hors furth with thame he fuir To Loutheane ouir mony mos and muir. Ane spy thair come and schew to him that 37,885 tyme,

How that this king, the quhilk wes callit Gryme,
With all the nobillis that war in the north,
Evin fra the Ylis to the watter of Forth,
Wes cumand than, as he rycht wnderstude,
With so greit power and sic multitude,

37,890

That all his power into thair respect, Na vaill [wes] and bot of litill fect. Quhen this was schawin in the ost that tyme, With so greit power cumand wes this Gryme, Rycht grit rumour ouir all the oist thair rais, 37,895 With [sic ane] terrour that tyme of thair fais, And speciallie than of the merchand men, The quhilk that tyme, that wes full eith to ken, That wes nocht wont to vsit be in weir, And in the tyme but waponis war and geir, 37,900 This zoung Malcolme perswadit hes in plane, To skaill his oist and for to turne agane. For caus that he wald nocht consent thairtill. So schameles wes thocht nother lak no ill To greit als fast and wringand bayth thair 37,905 handis, As ony barnis that war dung with wandis. Rycht mony than wes of the men of gude Was present thair, knew weill and wnderstude Into battell with sic men to proceid, Of thair purpois to cum bot litill speid. 37,910 And for that caus the haif decreittit than, The commonis all for to pas hame ilk man;

Quhairof that tyme tha war content and fane. The men of gude with Malcum suld remane, And husband men to Stirling than ilkone

Suld pas and keip that stalwart brig of stone, The furdis als, with ferrie and all the laif, That Grymus ost na passage ouir mycht haif. Ane halie man, Fothadus hecht to name, Ane faithfull father and of greit fame,

Of Sanct Androis wes bischop in the tyme, This halie man that passit to this Gryme Into processioun with his clergie all, Himself also in his pontificall, 37,915

37,920

1 In MS. wes.

And schew to him as lay in his intent,

Be naturall ressone and be argument,
Perswaidand him that tyme with euerie lord,
For to mak freindschip, peax and gude concord,
With Malcum Keneth prince of Cumberland;
And in sic stryfe no langar for to stand,
For greit danger that efter mycht befall
To him, he said, and to his liegis all.
To quhome this Gryme sic ansuer hes maid than,
Declarand him, quhill he war levand man,
"Thought all," he said, "sould gang to confusioun,

" This richt this tyme that I haif to the croun,

" For ill or gude, for weill or zit for wo,

" Into my tyme I think neuir till forgo.

" Thocht Malcum Keneth be so diligent,

" I think rycht weill that he ma be content 37,940

" Of Cumbirland, as weill myself I knaw

" Suld be his awin now of the commoun law.

" Hald him content thairof gif that he will,

" And will he nocht, heir I promit him till,

" He salbe suir of my malice and feid, 37,945

"Doutles but dreid qubill ony of ws be deid." This Fothadus quben he hard him sa so, To Malcum Keneth dressit him till go,

Lib.11, f.171b. Col. 1.

Requyrand Grymus thairfoir to remane
Quhill that he come with his ansuer agane.
To Malcum syne he passit hes fra Gryme,
And mony ressoun schew him in the tyme,
Quhat danger was into sic dalie weir,
Greit harme and skaith and of thair lyfe ane feir,
Thift and slauchter and all sic mischeif,
And fostering of mony commoun theif;
Beseikand him of gude concord and peice,
To caus sic weir and wrangis for to ceis.
This prince Malcome sic ansuer maid him till,
Sayand, he wald right hartlie with gude will
37,960

To skaill his ost, and Gryme wald gif consent, Of mediatouris quhome of tha war content, Quhilk sould be sworne to tak sic thing on hand, At their deliverance syne to byde and stand, 37,965 Vnreuocabill, withoutin fraude or gyle, At their plesour sic peax for to compyle. With this ansuer he passit syne agane, And, as he said, he schew him all in plane. Rycht weill content [thairof] than wes this Gryme, So wes the lane was with him in the tyme, Syne skaillit hes, and passit hame ilkane, Oft thankand him that sic travell hes tane. This Fothadus, that litill rest than tuke, Greit travell maid and mony nicht he woik, And in the tyme wes nocht leithand nor lidder, 37,975 Quhill that he brocht the lordis all togidder That chosin wes to tak sie thing on hand, And gart thame sweir at thair decreit to stand, Without fraude how euir tha wald haif done. In this conventioun quhilk wes maid richt sone, 37,980 Deliuerit wes syne ryplie in that thing That this Gremus for his tyme sould be king, Becaus he wes possessit with the croun; Thinkand it wes greit vilipensioun, To put him down fra his auctoritie. 37,985 Syne efter that, dreidand that he sould be At sic derisioun haldin and sic scorne, That he had better for to haif bene vnborne, Or efterwart for to be levand on lyve, And for that caus the wald him nocht depryve. 37,990 Syne efter him Malcolme and his offspring, To bruke the croun of Scotland and be king, In heretage for than and euirmoir, And keip the law Kenethus maid befoir. And prince Malcolme, but stop or 3it ganestand, 37,995 Fra Forth all south wnto Northumberland,

Fra Cumbria siclyke evin wnto Clyde,
Fra the west se on to the cist se syde,
For all his tyme in his gyding sould haue
In peax and rest; and Gryme suld haif the
lawe

Of all the landis that la in the north, Ylis, and all evin to the watter of Forth. Quhairof wes content baith Malcolme and Gryme, And gude peax maid betuix thame in the tyme.

Syne efter this that ze haif hard me sa,

This ilk Grymus right lang and mony da

How Grymus rang ane quhile in Peax and Rest, and syne fell in Vice and vicius Leving.

38,005

In peax and rest and greit tranquillitie, He rang are quhile without adversitie. Syne efterwart into sic vices fell, That I for schame this tyme dar skantlie tell; 38,010 Off auerice and lichorie also, And gluttony with mony vther mo; Richt full of slewth, and as ane sow als sweir, Quhilk wald offend zour eiris for to heir. Thairfoir as now sic thing I will lat pas, 38,015 Col. 2. And tell zow furth the mater how it wes. Quhairof the lordis was right ill content, Settand ane counsall with thair haill consent; Sync chosin hes the wysast in the tyme, With thair counsall and send [on] to this Gryme; 38,020 Quhilk said to him with greit humanitie, Beseikand him of his auctoritie Justice to keip, and execute the law, And gar his liegis haif moir dreid and aw; The quhilk had wrocht so greit wrang and injure, 38,025 In falt of justice bayth to riche and puir;

So mekill wrang ilk da be da wes wrocht, All was, tha said, becaus he puneist nocht. This ilk Gremus, quhat euir wes in his thocht, At their wordis he movit him richt nocht; 38,030 Bot said agane that he sould do gude will, In all he micht thair plesour to fulfill. Oft said he so with wordis richt benyng, Bot in his thocht he had ane vther thing, Thinkand thairof he sould revengit be 38,035 Of thair words so helie was and he. With fair words syne hes he maid thame fane, Requestand thame all nycht for to remane, Quhill on the morne to byde with him, and dyne, Quhair tha suld drink the michtie nobill wyne, 38,040 With Marche aill and also doubill beir. And for thair saik he suld mak better cheir. Ane other dennar wes into his thought; To thame that banquet had bene ouir deir coft. So had bene said lang or the morne at none, War nocht tha war thairof warnit rycht sone Be thair freindis, quhilk gart thame fle that nycht Rycht lang or da out of the kingis sycht, Onto Bartha quhair the laue did remane, Bydand his ansuer quhill tha come agane. 38,050 Syne guhen tha come and schew to thame sic thing, Tha war commount rycht far at the king, And maid ane band agane him to rebell. This ilk Gremus, thairof quhen he hard tell, Bayth said and swoir he suld revengit be 38,055 Of thame ilkone, or 1 doubles he sould de. With greit power syne efter on ane day, To Lowtheane he tuke the narrest way; Into his passage mony tour and toun Law to the grund gart cast thame ilkane down; 38,060

¹ In MS. out.

And all the tounis in his gait that wes, With corne and hay, he brint thame all in ass, And mony saikles in the tyme he slew; Fre fra his hand thair chaipit than rycht few. Preist or clerk, nor zit religious men, 38,065 Gat no moir girth no vther guiss or hen. The prince Malcome that samin tyme, we reid, In Ingland wes than with the king Eldreid, Edwardis bruther wes marterit of the new Be his noverk, as I befoir zow schew, 38.070 For that same caus weill knawin wes that thing, Eldred hir sone sould efter him be king. And so it was be hir tressoun and meanis, This ilk Eldred that same tyme with the Deanis Opressit wes, throw thair greit violence, 38,075 And for that caus gude Malcum the zoung prince Of Cumberland, in his help and supple, Wes thair that tyme my author tellis me.

Lib. 11, f. 172. Col. 1. How ane Messinger schew to zoung Malcum how Gryme maid grit Trubill and Distructioun in his Landis, and of his cuming in Loutheane, and tuke the Feild aganis Gryme.

Till him thair come ane messinger that tyme,
And schew to him how that his cousing Gryme 38,080
Ilk da be da withoutin rest he raid,
And sick distruction in his landis maid,
Was none that tyme that mycht sustene his feid;
Without richt sone he come to mak remeid,
For ony way that efter can be wrocht,
Scotland for ay distroyit war to nocht.
This gude Malcum the prince of Cumberland,
Into the tyme without stop or ganestand,

He maid na tarie in the gait as than, Quhill that he come rycht sone in Loutheane. 38,090 Of his cuming tha war rycht blyth and glaid, Baith puir and riche all in the tyme and said, " Welcum be zow, our scheild and oure defence, "Oure governour, our rychtteous king and prince! " Quhair hes yow bene fra ws awa sa lang? "Welcum be zow sould weir ws fra all wrang!" The prince Malcum weill vnderstude and knew Tha lordis all to him war leill and trew. As he mycht knaw rycht weill be experiment, And at this Grymus als at sic haitrent, Traistand thairfoir tha sould him nocht begyle; Quhairfoir efter within ane lytill quhile, With mony nobill that war traist and trew. He tuke the feild this Grymus to persew. This ilk Grymus quhairof quhen he hard tell 38,105 How his lordis agane him did rebell, And in the tyme had tane Malcolmis part, Wod as ane lyoun and furious in hart, With euerie wicht that mycht ane wapin weild, That he mycht furneis, passit to the feild, 38,110

OFF THE FEILD BETUIX PRINCE MALCOLME AND GRYMUS, AND HOW PRINCE MALCOLME WAN THE FEILD, AND GRYMUS TANE AND THAIREFTER SONE DECEISSIT AND BUREIT WITH THE LAIF IN IONA YLE, AND HOW MALCOLME COME TO SCONE TO BE CROWNIT.

Withoutin tarie other da or nycht,
Quhill ather of vther cuming ar in sycht.
That samin da in battell tha contendit
That Christ Jesu onto the hevin ascendit:
This ilk Malcolme than thocht he wald retrak
Quhill on the morne, and hald the feild abak,

And keip that da solempnit in all thing.

So wald nocht Gryme that tyme that wes the king.

Than forrow none, richt airlie of the da,

He gaif thame feild in thair camp quhair tha

38,120
la,

With all his power baith on fitt and hors. This prince Malcolme with litell sturt or force, Or zit grit skaith, that da the feild he wan, Quhair this Gremus than loissit mony man. Into the feild him self fechtand wes tane, 38,125 Of bayth his ene the sycht he hes forgane, Throw ane greit hurt he gat into the heid, The thrid day efter quhilk that wes his deid. Than of his ring the nynt zeir wes also, To Iona Yle tha maid his bodie go; 38,130 In sepulture laid in besyde the laue, With sic honour as he seruit to haue. The fiftene da efter this wes done, The lordis all convenit into Scone, And speciallie the caus wes of that thing, 38,135 To croun this Malcolme for to be thair king. And or he wald the croun that tyme ressaue, With haill consent of lordis and the laue, Bayth ill and gude wer obleist all and sworne To keip the law his father maid beforne, 38,140

Bayth ill and gude wer obleist all and sworne

Col. 2. To keip the law his father maid beforne,
Into the crownyng alway of thair king,
The narrest air, thocht he be neuer so zing,
Man or woman quhateuir he be,
Suld ay succeid to thair auctoritie.

How Malcolme, King Kenethus Sone, wes crownit King in Scone, and of his worthie Deidis.

Quhen this was done befoir thame all ilkone, 38,145 Tha set him down vpoun the marbell stone

In rob royall wes all of scarlat reid; Ane croun of gold syne set vpoun his heid; Ane schynand sword syne put into his hand, In the tother the goldin sceptour wand; 38,150 Prayand to God, maker of hevin and erd, Send him gude fortoun, chance, and happie werd. This gude Malcolme quhen he wes crownit king, Richt diligent he was into all thing, And speciallie sa far as he had feill 38,155 The quhilk pertenit to the commoun weill. And maist of all to put away discord, Quhilk was that tyme betuix lord and lord, For sindrie causis than baith les and moir, And greit slauchter amang thame wes befoir 38,160 Maid in the feild quhen this Grymus wes slane. This gude Malcolme reformit all agane, And als gude freindschip, as my author sais, As euir thair wes in ony mannis dais, Ouir all Scotland within schort quhile maid he, 38,165 Bayth peax and rest and greit tranquillitie. So equallie he execute the law, That euerie man him louit and stude aw Him to displeis in ony kynd of thing, So laulie wes, so courtas and benyng; 38,170 So leill and trew, so stedfast and so stabill; To all his pepill als so profittabill; That he wes louit that tyme in all part, Als tenderlie with ilk man as his hart. Heir will I leif my self and hald me still 38,175 Of gude Malcolme, and tell zow now I will Of the Danis, sen it is in memorie, And of Ingland comixit to my storie, That I can nocht the veritie zow schaw, Without of thame the haill proces 3e knaw. 38,180 How that it wes, and ze wald knaw rycht cleir, Tak tent to me and I sall schaw zow heir.

Col. 1.

OFF ANE WICKIT KING OF DENMARK, AND HOW HE WAS EXCLUDIT FRA HIS CROUN, AND COME SCOTLAND AND GAT SUPPLE, AND SYNE COME TO HIS AWIN AUCTORITIE, AND THAIR-EFTER CONTENDIT AGANIS INGLAND.

Ane king in Denmark wes into the dais, Was callit Swein, as my author sais. Ane man he wes full of iniquitie, 38,185 And distroyar wes of religiositie, And counfoundar wes of the fayth of Christ, And baneist all amang thame wes baptist Out of his realme without ony remissioun; And for that caus to superstitioun 38,190 Richt mony turnit that tyme for his schoir, And left the faith that the had tane befoir. For sic faltis sone efterwart he fell In sic trubill war cairsum for to tell. Quhairof as now I will sa no moir heir,1 38,195 Bot are in mynd sen that I haif perqueir. Lib.11,f.172b. Thryis with his fa in mort battell wes tane, With ransoun ay redemit was agane; Syne finallie brocht to confusioun, Quhill that he was excluidit fra his croun. 38,200 With Olawes contemnit als wes he, With Norrowa seikand at him supple, And with Edward of Ingland king also; In Scotland syne he dressit him till go, Into the faith quhair that he wes instructit, 38,205 Syne efterwart sa weill with him it lukkit, Throw help of Scottis that he than implorit, Onto his croun he wes agane restorit

¹ In MS. heil.

In sic honour as he wes wont to be,
With peax and rest in his auctoritie.

Quhilk rais efter so hie vpoun the quheill,
Quhen that he wes at all his grittest weill,
Decreittit hes ane mendis for to tak
Of Ingland quhilk wald no supple him mak;
And of Eldred quhilk wes thair king also,
For greit injure bot laitlie than ago,
With so greit tressoun and with subtill meanis,
That he had done in Ingland to the Deanis.

How are greit Multitude of Danis come in Albione and Landit in Ingland, and was Victoure of King Eldred.

Off Denmark, Suadrik, and of Norroway, And of Goteland, as my author did say, 38,220 Ane mervelus exceidand multitude He gart convene; syne schortlie to conclude, With hors, harnes, and all vther geir, And all waponis that neidfull war in weir, He tuke the se, syne efterwart is gone 38,225 With all his power into Albione; In Ingland syne arryuit at ane sand, With all his power thair passit to the land. Quhairof his purpois he come richt gude speid, And victour wes of this king than Eldreid, 38,230 Quhilk flemit him into Northumberland. Quhen he come thair ane greit power he fand Of mony Scot, that worthie war and wicht. For battell buskit all in armour bricht, To him thair cumand for to mak supple. 38,235 Quhomeof he wox so haltand and so hie, And of thair cuming wes so glaid and fane, With greit curage returnit hes agane.

HOW KING ELDREID STRUKE BATTELL AGANE WITH THE DANIS AND TYNT THE FEILD, SYNE FLED IN NORTHUMBERLAND.

In Owsoun water, neirby Eborak, This ilk Eldred his ludging thair did tak, 38,240 And plantit hes his palzeonis on ane plane; To Sueno syne gaif battell thair agane, And tynt the feild siclike as of befoir. Syne in ane schip wes reddie at the schoir, In Owsone water neir the land did ly, 38,245 Passit richt sone syne into Normandy. The nobill duke quhilk did him weill ressaue, With all honour that sic ane prince sould haif, The duke, the quhilk Richardus hecht to name, Treittit him weill thocht he wes far fra hame, Quhair he remanit lang and mony zeir, Quhome of as now I will sa no moir heir, Quhill efterwart, bot lat him evin alane. Now to this Sueno turne I will agane.

How the Danis subdewit Ingland, and of thair greit Obedience and Courtasie gevin to thame.

Col. 2. This ilk Sueno, quhen he perfitlie knew
Eldred was fled, and in Ingland wes few
Agane his power durst mak ony pley,
Traistand that blude sould neuir weill obey,
Als lang on lyfe levand as thair wes one
Of Inglis blude left into Albione;
Thairfoir he hes decreittit for conclusioun,
The Inglis blude to put all to confusioun,
Be slicht or richt, or zit be way of deid;
He rakkit nocht quhat way he mycht proceid.

The Inglis lordis that his counsall knew, 38,265 Levand on lyve the quhilk war verra few, Befoir him all, or than my author leis, Richt humlie than tha sat down on thair kneis Law at his [feit] for pitie in that place, With mony teir greittand on him for grace. 38,270 Beseikand him than of his excellence, As he that wes thair protectour and prince, And had of thame the haill auctoritie, To vse mercie and noch[t] crudelitie; And gif thame leif to leve into Ingland, 38,275 Ay in all cace to be at his command, But heretage, but castell, toun or tour, But libertie, but riches or honour, And saue thame selffs, thair barnis and thair wyvis, In seruitude ay for to leid thair lyvis. 38,280 At thair requeist, thocht he wes proude and hie. He slaikit hes of his crudelitie, And grantit thame but libertie thair lyvis, In seruitude with barnis and with wyvis; And gif fra thame all armour and sic geir, 38,285 And all waponis that ordand war for weir, All gold and siluer that the had in pois. Than force it wes, tha had no vther chois, Without office in Ingland or honour, But land or lordschip, castell, toun or tour, 38,290 With thair awin handis for to wvn thair meit, In dailie laubour with greit travell and sweit. In ilkane hous he gart thame hald ane Dene, To heir and se gif that the wald complene, Or gif the maid agane him to rebell; 38,295 Giff it war so that he micht ken and tell, That the suld haif nother place nor tyme, Wnwist of him for to commit sic cryme.

Col. 1.

So ilkman had ane Dene into his hous, That none durst be so hardie and so crous 38,300 To speik of him all tyme, I wnderstand, Without he had his heid into his hand, Bekkand to him and calland him schir lord; Did he nocht sua he wald rycht sone discord. Thairfoir ilkane callit him the lord and Dayne, 38,305 With sic ane vse that the culd nocht refrayne, That zit sensyne quhair tha se ane Dane man, For greit dispyte the call him ane Lurdan, The quhilk suld be mair proper ane lord Dene. Thus war tha maid with so grit caus to plene, 38,310 But king or prince, or lord of thair awin blude, Subdewit war in sic vile seruitude. The Inglis men, sum tyme of greit renoun, Than loissit hes thair kinrik and thair croun, Thair land, thair law, and als thair libertie; 38,315 Of guhome Sweno had haill auctoritie, And callit wes of Ingland king also, Ouir all Ewrop quhair that the word do go. That samin tyme, as ze sall wnderstand, He send to Malcolme king wes of Scotland, 38,320 Lib.11, f.173. With him that tyme desyrand to confidder, Baith in ane band than to be bund togidder, Ather to vther with gude will and hart, Agane all vther for to tak thair part. Quhairtill Malcolme and siclike all his lordis, 38,325 Wald nocht consent, as my author recordis, And gaif to him ane ansuer negative; With that ansuer he passit hame belyue. Quhen Sueno hard sic ansuer as he gat, Richt far that tyme displesit wes thairat; 38,330 To Olawes syne send in Norrowa, And in Denmark to Enetus alsua. Commandand thame richt suddanelie, but baid,

At thair power the Scottis to invaid.

And so tha did with caruell, bark and barge, 38,335 Of mony schip ane greit naving full large, Fra Denmark brocht, and out of Norrowa, In Speyis mouth syne landit on ane da With all thair power into Murraland, Quhair that the gat ne stop nor zit ganestand. 38,340 The cuntremen, quhilk for thair danger dred, Richt far awa into the tyme tha fled, With wyffe and barnis, and with thair gude also, That ganand wes that tyme with thame till go. The mad monstouris without humanitie, 38,345 Quhilk usit hes so greit crudelitie, With greit furor bayth with fyre and blude, In zoung and ald, in ill and als in gude, That kirk or kirkmen 2 gat of thame no girth, Moir nor the fox that rynnis in the firth. 38,350 Ane strang castell biggit of stane and lyme, The quhilk Narmyn wes callit in the tyme, That Danbu[r]g now is callit to the name, So wes it callit that tyme efter thame, With all thair power rycht lang thair tha la, 38,355 Seigand that hous; quhill efter on ane da, Ane schew to thame king Malcolme wes rycht neir, With mony knycht all into armour cleir. Quhairof the Danis wes richt weill content, Desyrand feild, battell and tournament, 38,360 Tha left the seig and come fordwart on feit, In gude ordour the Scottis for to meit. The Scottis than that cuming war full clois, Vpone ane feild that wes right neir Kinloss, That samin nycht thair in thair tentis la, 38,365 With greit desir, quhill on the morne wes da, With greit curage than bayth of man and cheild, And sic desyre of battell and of feild,

¹ In MS. cruell. VOL. II.

² In MS. kirkmen or kirk.

Col. 2.

That all the nycht are wynk tha sleipit nocht For greit desyre that wes into thair thocht. 38,370 This king Malcolme the nycht befoir he send To the Danis withoutin recommend, Speirand the caus at thame quhairfoir or quhy, To him thair freind, quhilk oft did fortify Sueno thair king quhen that he wes rycht puir, 38,375 To wirk on him sic malice and injure. The messinger the Danis tuke full tyte, And hangit him that tyme for greit despyte. That wes the caus, as I haif said befoir, All nycht the Scottis maid sic bost and schoir, 38,380 So cruell war that tyme to wndertak, For to revenge that greit injure and lak. Syne on the morne quhen that the da wes lycht, Seand the Danis all into thair sicht. In sick ordour as tha war les and moir. 38,385 With sick power as the saw neuir befoir, Of thair attyre so greit terrour tha tuke, To fecht that da the Scottis all forsuik: Troward that tyme to cum bot hulie speid, Becaus the Danis did rycht far exceid 38,390 That tyme the Scottis into multitude. And for that caus, than schortlie to conclude, The king Malcum that all the fassoun knew, So gude ressoun to thame that tyme he schew, And sic persuasioun that tyme maid thame till, 38,395 Quhilk changit hes thair myndis than and will; And causit thame of greit curage to be, With sic desire and animositie, Evin as ane lyoun lowsit out of band. Without ordour or zit ony command, 38,400 Vpone the Danis ran into ane race. The Danis than that knew full weill that cace. Thairof that tyme rycht litill aw tha stude. Baid all togidder intill ordour gude.

HOW THE SCOTTIS AND DANIS ENTERIT IN THE FEILD, AND HOW THE SCOTTIS TYNT, AND HOW THE DANIS PASSIT TO THE SEIG OF NORMYN AND WAN IT.

So cruell counter in the tyme tha maid, 38,405 Quhill basnetis bricht and mony scheildis braid Raue all in raggis, throw greit strenth and force, And mony knicht wes killit throw the cors; And mony breist rycht bludie maid and bla, And mony heid hackit the bodie fra. 38,410 Into that stour ane lang quhile so tha stude, The Danis war than of sic multitude, Ane new power out of ane buss thair brak, In gude ordour behind the Scottis bak, And than the feild agane tha did renew, 38,415 At that counter richt mony Scot tha slew. The cruell Scottis pertlie on that plane, Ane rycht lang quhile debaittit hes agane, Quhill king Malcolme into the heid wes hurt, Quhilk in the tyme did him sic noy and sturt, 38,420 Agane his will, throw strang hand and force, Out of the feild tha careit him on hors. His helme of steill wes dung so in his heid, That rycht mony suspectit him of deid, Into the tyme that standard war about, 38,425 With sic danger or tha micht draw it out. Out of the feild quhen that the saw him ryde, The Scottis than na langar thair wald byde; Of his ganging so greitlie wes agast, Out of the feild tha follouit all richt fast, 39,430 And thocht that da tha tynt the victorie, That tyme the Danis follouit nocht, for-thi Into that feild loissit sa mony men; Also that tyme it wes richt ill to ken,

P P 2

To thame quhilk wes into ane vncouth land, 38,435 How sone the Scottis mycht haif help at hand. And for that caus the spulze of the feild Tha tuke to thame, syne enerie man and cheild, With all thair power passit hes rycht plane Vnto Nermyn to seige that house agane. 38,440 The souldeouris guhen that the hard and knew Of all the feild the fortoun, as men schew, Gaif ouir the hous that tyme to saif thair lyvis, And all thair gude, thair barnis and thair wyvis, The quhilk the Danis war obleist thairtill. 38,445 Syne quhen the get the hous into their will, In raipis rude richt heich attouir the wall, Without petie tha hangit thame thair all. Tha faithles folkis for that same darg and deid, Wes quit rycht weill sone efter to thair meid. Tua strang houssis biggit of stone and lyme, Elgin and Forres, quhilk keipit wes that tyme With greit defence out of the Danis handis, Syne guhen tha knew how all the mater standis Into Nermyn, as tha had hard befoir, 38,455 Gaif ouir the houses without bost or schoir, Syne fled ilkone to gude Malcum the king, Quhilk causit thame quhill grene levis did spring Still to remane, as ze sall efter heir, Quhill the begynnyng of the secund zeir. 38,460 The Danis than, as my author did sa, Ouir all the partis of Morauia, At thair plesour hes passit vp and down, And euirilk strenth with castell, tour and toun, Withoutin sturt or ony stop hes tone, 38,465 And stuffit thame into the tyme ilkone, Syne efter that, as my author did sa, Send in Denmark and als in Norrowa, For wyfe and barnis, this is trew I tell, Perpetuallie thair to remane and dwell. 38,470

Lib.11, f.173b. Col. 1. HOW KING MALCOLME AND THE DANIS FEILDIT AGANE, QUHAIR MONY NOBILL SCOT WAR SLANE; AND HOW THE SCOTTIS FLED, AND OF KING MALCOLMIS PRAYAR, AND HOW HE RENEWIT THE FEILD AGANE AND FAUCHT.

Off thair tydenis quhen king Malcolme did heir, In the begynnyng of the secund zeir, Or dreid tha sould get moir help and supple, With all the power that he doucht to be, Syne at Murthtloch thir tua oistis thair met, 38,475 Ane toun in Mar guhair that the feild wes set. Quhen ather of vther cuming ar in sicht, With baneris braid and mony basnet bricht, With buglis blast and mony schalmis schill, On euerie syde with egir mynd and will, 38,480 So dourlie than ilkone at other drave, Quhill schawis schuke and all the craigis clawe. So doggitlie ilkone at vther dang, Qubill all the rochis round about thame rang, And mony one buir woundis that war wyde, 38,485 Sum in the breist, sum in bayth bak and syde, Sum in the halss, and sum into the heid, That mony thousand in the feild la deid. Thre nobill chiftanis in the samin da. Kenethus ane, that lord wes of Yla, 38,490 The secund Gryme, the quhilk wes nothing war, Lord of Stratherne, and Patrik of Dumbar, Lord of that ilk and best of all the thre, The haill vangaird with thir tua gydit he. In the first feild this Patrik of Dumbar, 38,495 Gryme and Keneth, quhilk preissit ouir far, Into the feild fechtand agane thair fo, Seand sic chance and fortoun with thame go, As the suld haif, without ony genestand, The victorie all haill into thair hand; 38,500

Or euir tha wist tha war circulit about With thair fais, that the micht nocht wyn out; And manfullie tha faucht ane rycht lang space, Quhill tha war slane all thre into that place. The haill vangard quhen that the saw thame 38,505 de.

For feirdnes all out of the feild did fle; The Danis efter maid ane suddane chace, With greit slauchter into the samin place. This king Malcolme that in the tyme beheild, And saw sa fast the field out of the feild, 38,510 Fast efter thame he prickit ouir the plane, With greit tretie to gar thame turne agane, And left his men still fechtand in the feild. Ane passage wes that tyme quhair he might heild, Richt narrow wes quhair that the fled all out, This king Malcolme that stalwart wes and stout, In the passage with drawin sword in hand, Still thair he stude, and maid thame sic demand, Neuir ane of thame he wald lat furth by,

Exhortand thame with mony schout and cry To tak curage, and for to turne agane. Of Sanct Moloc ane chapell on that plane Neirby him stude, biggit of stane and lyme; Quhome to this Malcolme luikit in this tyme, And held his handis to the hevin on hight, Beseikand God of his greit grace and micht, And Marie myld, the virgin clene and puir, Of hir bosum quhilk Jesu Christ that buir.

And Sanct Moloc his mediator to be, To caus his men no forder for to fle. Bot turne agane with hartlie mynd and will, And in the tyme sic curage send thame till, Agane thair fais for to mak defence,

To halie kirk wirkar of sic violence; " And heir I vow, as I am leill trew knycht,

38,535

38,520

38,525

38,530

" To Sanct Moloc, will thow defend my richt,

Col. 2.

" And keip my honour this tyme haill and sound,

" Into thi honour ane bishop I sall found,

" And big ane kirk of greit auctoritie,

" And thow thi self thair of patrone sall be." 38,540 Be this wes said he gaif ane cry and schout,

"O, ze," he said, "my knychtis bald and stout,

"Turne zow agane for to debait zour lyvis,

" 3our land, 3our law, 3our barnis, and 3our wyvis;

" And ze do so, traist weill as it standis, 38,545

"The victorie this da is in oure handis."

This beand said, ane rycht greit multitude,
Befoir his face into that passage stude,
Of stalwart men that war bayth stark and stout,
By him that tyme he wald nocht let pas out. 38,550
And mony mo war standand on the plane,
With greit curage he hes gart turne agane,
And maid the Danis for to be agast,
Quhilk efter thame that followand war so fast;
And suddanelie tha did the feild renew, 38,555
At that counter 1 richt mony Dene tha slew.

How King Malcolme vincust the Danis, and slew Enerus thair Chiftane, and partit the Spulze of the Feild at his Plesour.

Than Enetus thair capitane and thair lord,
Vpone ane hors, gif that I richt record,
With bair visage luikand him about,
Of victorie as he than had na dout,
This king Malcolme that wes bayth stout and stuir,
With ane bricht brand into his hand he buir,
Richt to the schulderis down he claif his heid,
Down of his hors syne to the grund fell deid.

In MS. tha colister.

Quhair of the Danis war so basit all, 38,565
Deid of his hors quhen that the saw him fall;
The Scottis als so pertlie turnit agane,
And faucht so fast quhill mony Dene war slane;
\$\frac{1}{2}\$ it still the baid at their defence rycht lang,
Quhill that the stour so stalwart wox and 38,570
strang,

Sa mony Deyne that da wer maid to de, That force it wes to all the laif to fle. Olawos also out of the feild he fled, And few feiris with him that tyme he hed; Syne with his gydis efterwart is gone In Murraland with all the laif ilkone.

Lib.11, f.182. Col. 1.

38,575 In Murraland with all the laif ilkone, Quhilk scantlie war the thrid part of his ost. The laue that da into the feild war lost, Enetus als thair 'chiftane wes and gyde; The laif that fled buir werkand woundis wyde. This king Malcolme gart spy ouir all the plane, And tuke the Scottis in the feild war slane, To Crissin bereis in the tyme thame buir, And put thame all ilkone in sepultuir. Quhen that wes done, the spulze of the feild 38,585 Diuydit hes to euerie man and cheild, Baith gude and ill efter his facultie, Richt equallie dividit than hes he. Postponit syne ontill ane other da, That tyme his passage in Morauia; 38,590 And passit hes with mony bald barroun, In Angus syne richt onto Forfar toun; And all the wynter thair he did remane With mony lord, quhill symmer come agane.

In MS. than.

How Sweno, King of Ingland and Denmark, causit Camus, his Cousing, cum in Scotland with ane greit Armie and Naving of Schippis, and how King Malcolme come to Barrie with his Armie, and of his Exhortatioun maid to thame.

This ilk Sueno, of quhome befoir I schew, 38,595 King of Ingland and Denmark, quhen he knew Of his armie in Scotland how had sped, Doutles that tyme he wes rycht soir adred, Or dreid he tynt his honour and his name. This king Malcolme wes haldin of greit fame, 38,600 For greit honour in the feild he wan; So wes the Scottis in that tyme ilk man. And to reskew the honour and the gloir, That he had tynt into the feild befoir, Ane greit navin of mony loun full large, 38,605 Of craik and coluin, of mony bark and barge, Furth of Denmark he furneist for till go. That samin tyme fra Tymes mouth also, Ane 1 other navin that moir large wes, To Scotland baith he maid that tyme to pas, 38,610 For to revenge the greit lak and the schame That he had tane, and to reskew his fame. Camus his cousing, for most traist that tyde, This greit armie he gaif that tyme to gyde. Neirby Bamburch, quhair that the tryst wes 38,615 Thir tua navingis togidder thair tha met; Syne set thair coursis lustie in the north,

Syne set thair coursis lustice in the north,
Quhill that the come onto the mouth of Forth,
And saillit vp syne by Sanct Abbis heid.
Ane hevyning place the fand syne in that steid, 38,620

¹ In MS. that,

Col. 2.

Quhair that the purposit to pas to land; And thair the get sue greit stop and genestend, Of mony freik befoir thame thair than wes, Compellit thame agane bakwart to pas. Tha saillit syne all vp into Inchekeith, 38,625 Set saill and raid on ankeris befoir Leyth; And sindrie tymis quhair tha thocht to land, Tha war stoppit than vpoun euerie hand.¹ Out of that place the saillit on the nycht To the Reid Heid, or that the da wes lycht, 38,630 Into Angus without ony ganestand, Neirby Arbroth passit all to land. Syne ouir all Angus passit vp and doun, Bayth kirk and tempill, village and ilk toun, Ouir all the land that tyme quhair tha did 38,635 pas, The spulzeit fast, syne brint the toun in ass.

Baith preist and clerk, and men of religioun, And zoung and ald, without ony discretioun, Moir none ane dog that tyme the sparit nane, In ony steid quhair euir tha war ouirtane. To Brichin than, quhilk wes ane nobill toun, Of honour, riches, and of greit renoun, Tha passit syne with greit furor and yre, Spulzeit the toun, syne brint it all in fyre; Except ane stepill quality that maid defence, Baith kirk and queir with so greit violence, And all the toun, tha brint in poulder small, Syne to the ground tha kest down enerilk wall: Except that stepill lute na thing remane Of all that toun, the quhilk sensyne agane Wes neuir befoir of sic honour and gloir, Na sic fairnes as that it wes befoir.

38,640

38,645

38,650

In MS. heid.

That samin tyme ane come to thame and tald, With king Malcolme and mony berne full bald Passit was Tay into that samin quhile, 38,655 And cumand wes that tyme within ten myle, With far ma folk, and grittar bost and schoir, No euir he had in ony tyme befoir. This ilk Camus, traistand weill that wes trew, Doun to the se neirhand his schippis drew; 38,660 Thair by ane toun that callit is Panbryde, He tuke his ludging into the samin tyde. This king Malcolme that wes bayth wyss and wycht, Rycht suddanelie he come that samin nycht, On to ane toun into the samin tyde, 38,665 Callit Barrie, bot tua myle fra Panbryde, And thair he maid his ludging all that nycht. Quhill on the morne that it was fair da lycht, And all the air wes clengit fair and cleir, And birdis singand with ane mirrie cheir, 38,670 This king Malcohne, gif I be for till trow, Thir wordis said that I sall sa to zow: "O ze," he said, "my tender freindis deir, " Now in this place ar present with me heir, " I yow beseik, think on the laud and gloir 38,675 " Ze wan with me in the last feild befoir. "Traist weill," he said, "tha ar no better men, " Be gude ressoun as ze ma rycht weill ken, " So wranguslie into all thing tha wirk, "The ennimeis of God and halie kirk; 38,680 " Also to ws withoutin ony caus, " But clame of richt or just titill of lawis, " Waistand oure land of greit crudelitie. "Thairfoir," he said, "traist weill this tyme that we " Hes als greit richt and power in this place, 38,685

" Help and supple siclike of Goddis grace,

"In all thing neidfull this tyme les and moir,

" As that we had into the feild befoir.

" My freindis deir, now traist ze weill for-thi,

" To ws is promittit the victory 38,690

"Be gratius God, that knawis richt and wrang."
Quhen this wes said his lordis all amang,
Of that counsall so greit curage tha tuke,
And said ilkone, quhill he his lyfe micht bruke,
He suld be fund rycht fraklie ay thairtill,

38,695
At all power richt hartlie with gude will.

How the Battell Junit,
And Euerie Sound so tunit,
And how gude Malcum wan the Feild,
And Camus Strickin down and keild,
And the Rest of Danis at the Chace,
Slane siclike but ony Grace,
And tha that wes left vnslane,
Maid to thair Schippis with all thair Mane.

Lib.11, f.182 b Quhen this was said, the baneris browdin brycht Col. I. On euerie syde was raisit vpone hicht, Into the air full hie aboue thair heid, The rampand lyoun of ane cullour reid 38,700 Into ane feild of birneist gold so bricht, That all the land illumnat with greit licht; And mony standert of rycht staitlie hew, Agane the schyning of the sone that schew. The buglis blew with sic ane busteous beir, 38,705 And hornis hie, that hiddeous wes to heir; The schalmis schouttit with so schill are sound, Quhill all the bruik tha gart agane rebound. The Danis als vooun the tother syde, With greit power rycht pensit full of pryde; 37,710 Quhometo this Camus said with voce full hie, " Other this da heir man we do or de.

" Thair is no help bot all in your awin handis, " So far fra hame heir into vncouth landis, " Without refuge or supple in this place, 38,715 " Amang the Scottis but mercie or grace." Be this wes said, fra bowmen bald and wicht, Of fedderit flanis flew ane felloun flicht Amang the Danis with sic dyntis dour, That mony ane tha maid full law to lour. 38,720 Ay flycht for flicht, als thik as ony snaw, And scharpe as haill, lang in the feild tha flaw; Throw all thair geir that glitterand wes ar gane, Quhair euir tha hit tha bait thame to the bane. Sone efter syne the speiris greit and lang, 38.725 Into the feild tha enterit with sic thrang, That mony brak, and all in flenderis flew, Vpone thair birneis that war bricht of hew. With brandis bricht ilkane on vther drave, Quhill breist plait brist and ribbis wnder rave. Thair mulane melzeis mendit nocht ane myte, Thair brandis brycht so bitterlie did byte. Thir grumis gay in nothir syde agast, Into the feild so lang tha faucht and fast, Quhill all the reuer quhairby than tha stude, 38,735 Callit Lochy, it ran all of reid blude. The Danis than for all thair pomp and pryde, The had no strenth langar their to byde; Thair power than wes parit all to nocht And fochin had als lang thair as the mocht; 38,740 Of thame sa mony thair wes maid to de, That force it wes to leif the feild and fle. This ilk Camus out of the feild he fled, The nobillis all with him that tyme he hed, Onto ane montane neirby into sicht; 38,745 Bot gude Malcolme he rest him than the hycht, Within tua myle thair wes he stricken doun, Into ane place that callit is Camustoun,

And all the laue that wes with him ilkane. In that same place thair standis thair ane stane, 38,750 Quhilk baris witnes to that samin deid; Thairon is written, guha lykis to reid, This Camus name, quhilk wnder it dois ly, That callit wes syne Camus-stane for-thi, And langer efter than with the pepill all, 38,755 Quhill Camstoun now for moir schortnes tha call. At Abirnyth into that samin quhile, Ane toun fra Brichin standis bot four myle, Quhair that the Danis siclike war ouirtane, And slane also into the tyme ilkane, 38,760 Bayth zoung and ald, but mercie or grace, Siclike ane stane thair standis in that place; Quhairon all man that lykis for to reid, May, and tha will, thair names and thair deid. Syne fordward furth, withoutin ony reskew, 38,765 Into that chace richt mony Dane tha slew, Into sum tyme that war bayth bald and wycht, And ceissit neuir quhill twynnit thame the nycht. That samin nycht the few Danis that fled, With Scottis gydis in the tyme tha hed, 38,770 Quhometo tha gaif greit reward and fe, Rycht secreitlie thame gydit to the se, Into the place quhair that thair schippis la, Sync passit in and tuke the se or da. Vpoun the morne quhen that the day was light, 38,775 And fair Phebus, with mony bemis bricht, Rycht blythlie blenkit ouir ilk buss and breir, This king Malcolme with mony chevilleir, Into the feild he tuke the narrest way, And all the corsis deid thairin that la, 38,780 Of Scottis men, out of the feild hes tane, And bureit thame in kirkis all ilkane. The Danis als, within ane litill space, Gart burne thame all in[to] the samin place

Col. 2.

38,800

Quhair tha war slane, ilk ane bayth man and 38,785 eheild; Syne all the spulze that wes in the feild, Richt equallie amang thame gart diuyde. Ane fair zoung man wes callit Keyth that tyde, The quhilk Camus with his awin handis slew, And mony mo, and my author be trew, 38,790 So worthely he buir him in that da, That king Malcolme, as my author did sa, With gold and land rewardit him full rycht; Him self also than hes he maid ane knycht. Fra him sensyne ane surname is discendit, 38,795 Quhilk in thair tyme thair prince neuir offendit, In sicker stait ay in all tyme tha stude, Quhilk now in Scotland ar greit men of gude, The Erle Merschell of heretage and fe;

I pray to God that rycht lang so he be.

How the Rest of the Danis supponit to saill to Murraland and war drevin be Force of contrarie Wyndis in Catnes, and how tha war slane thair.

Syne the nixt morne the Danis that war fled,
Onto the se with all thair raipis red
Wand saill to top, and saillit syne fra hand
To Olawaus quhilk wes in Murraland.
Neptunus than the goddis of the se,
And Eolus quhilk blew his horne so hie,
That samin tyme within four dais or fyve,
In Catnes all tha maid thame till arryve
Vpoun ane cost quhilk wes to thame vncouth,
Without ane havin or zit ane reuer mouth.
And had nocht bene sa mony buss and beuch,
Quhairby thair towis that war lang and teuch

Tha festnit fast, that grew neir hand the cost,

But ony lat tha had bene ilk ane lost. For storme that tyme into the se that wes, 38,815 Out of that place ane lang tyme mycht nocht pas, Quhill that thair victuall wer consumit haill, And tha for falt wer like all for to faill. Fyve hundreth men with bow, buklar and brand, Furth haif the send to fetche fra the west land 38,820 Nolt or scheip quhair that the mycht be sene, Or ony thing thair lyvis to sustene. The cuntrie men that duelt that tyme neirby, At thair cuming gaif mony schout and cry. The lord of Catnes callit Mernacus, 38,825 With greit power, my storie tellis thus, Richt suddantlie that tyme he come thame till, And stoppit thame thair purpois to fulfill. Hago that tyme thair chiftane chevalrus, Most principall the quhilk wes next Camus, 38,830 Quhen that he saw the Scottis cumand sua, Rycht fast he fled and gart thame leif the pra. On to ane hill ascendit vp ilkane, Quhair that thair stude ane mekle carne of stane; And thair tha stude rycht lang at thair defence, 38,835 Castand greit stonis with sic violence, That mony Scot tha hurt that tyme and slew. This Mernacus seand tha war so few, His men that tyme rycht soir that he hes blamit, And cryand, fy! sayand tha war all schamit, To lat sa few mak sic defence so lang, And thoill of thame so greit injure and wrang. At his wordis, als het as ony fyre, The Scottis grew in sic anger and yre, All vp the hill ascendit with ane schout, 38,845 And circulit hes the Danis round about, Than peltit on thair powis ane lang space,

Quhill tha war slane ilkone in that same place.

Lib. 11, f.183, Col. 1. Syne all the laue vpone the se that la,

To thame thair come into that samin da

38,850

Ane man, and schew how all the laue had sped;

Quhairof that tyme tha war so soir adred,

Without tarie or ony moir demand

Tha passit all syne into Murraland

To Olawus into the tyme, and schew

38,855

Sic aventure wes hapnit of the new,

And of thair fortoun also in the feild,

Sa mony men thairin as tha had keild,

Vpone ane sand liggand be the se cost,

And gude Camus thair chiftane thair wes lost.

38,860

How thair come and new Power of Danis agane in Scotland, send be Sueno than King of Ingland.

Quhen this Olawus knew sic thing and kend, Ilk word be word to Sueno sone he send Into Ingland, and schew to him than how, Baith les and moir as I haif schawin zow. This ilk Sueno, baith furius and fell, 38,865 Quhen he thir tydenis in the tyme hard tell, Out of his wit neir wod as he wald go, Into his mynd revolwand to and fro To be revengit thair of and he mocht. Syne at the last he slaikit hes his thocht, 38,870 And in Denmark hes send agane full sone On to Canutus and schew how all wes done, His bruther germane in the tyme that wes, Commandand him rycht sone that he suld pas With all his power that tyme to the se, 38,875 Into Scotland for to revengit be Of his deir cousing, hecht Camus, thair wes slane, And mony thousand come neuir hame agane. VOL. II. Q = Q

This ilk Canutus quhilk keipit his command, Fra Norrowa, Denmark, and als Gotland, In bark and barg, and mony ballingar, Tha tuke the se with anker, saill and air. Baith da and nycht befoir the wynd is gone, Quhill that tha come in Scotland syne ilkone, Into Buchane quhill that tha all tuke land By the se cost vpoun ane richt far sand. Syne round about ouir all the land tha zeid, With fyre and blude tha landis all on breid; Bayth tour and toun tha landis tha come to, Tha waistit all as tha war wont to do.

38,880

38,885

38,890

How King Malcolme and the new Power of Danis met agane, and greit Slauchter on euerie Syde, and how the Danis fled and send for Peax.

Col. 2. And king Malcolme quhen he thair cuming knew,

Into the tyme as suith men to him schew, He maid no tarie nother nycht nor da, Quhill that he come quhair that the Danis la. Becaus he thocht, as semit to be trew, 38,895 Greit perrell wes with haill power [to] persew Into the feild with mort battell agane, Sua mony men befoir of his wes slane. And for that caus ane lang quhile thair he la, With greit scrymmyng and carmusche euerie da, 38,900 Quhill that his men war gatherit all him till. Syne on ane da, all in ane mynd and will, Richt furebund, than bayth on fit and hors Tha tuke the feild thir freikis with grit force, With all thair power pertlie on the plane, 38,905 And suappit on qualil mony are wes slane.

The bernis big sa baldlie all the baid, On euerilk syde so greit slauchter wes maid, That pitie wes other to heir or se On euerilk syde sa mony nobill de. 38,910 Quha had bene thair that tyme tha mycht haif sene Thair blude like burnis rynnand on the grene, That all the strandis neirby quhair tha stude, Lyke ony burne abundit all with blude. The Kent men, that war baith stiff and cald, 38,915 La deid als thik as euir la scheip in fald. Syne at the last the stour it wox so strang, This Canutus, quhilk fouchin had so lang, And of his folk levand war than so few, Seand his fa sa pertlie him persew, 38,920 With the small power in the tyme he hed, Turnit his bak out of the feild and fled. The Scottis than, quhilk war neirby confoundit, Mony war slane and mony rycht ill woundit, And fouchin had so lang into that place, 38,925, Forder on fit micht noch[t] follow on the chace; And in the tyme had bled so mekle blude, Into that place thairfoir stane still tha stude. The Danis all that fled out of the feild, So werie war that waponis mycht nocht weild; 38,930 Als in the tyme tha war so farlie few, Dreidand the Scottis suld thame sone persew, On to ane forrest that wes neir besyde The bownit tham all nycht thairin to byde. And thair the la with greit dolour and dreid. 38,935 With bludie woundis opnit out on breid, Quhill on the morne that the mycht ken the da; And quhen the saw the mycht not wyn awa, Bot gif it war debaittit with thair handis, Seand that tyme in sic danger it standis, 38,940 This Canutus foroutin ony leis, Send to the king beseikand him for peice,

With quhat conditioun plesit him to haue; Except his lyfe and honour for to saue, He countit nocht for gold or other geir, 38,945 To mak an end of all that stryfe and weir. Quhairof king Malcolme wes rycht weill content, So wes the laue with all thair hail consent, For till be quyte of all thair wrak and wrang, And greit injure hes wrocht on thame so lang, 38,950 In tyme to cum for spilling of moir blude; Als in the tyme rycht weill he wnderstude, So mony men war loissit in that weir, And greit riches of gold and vther geir, In tyme to cum tha mycht nocht weill defend 38,955 For falt of men and money for to spend, And for that caus rycht weill content wes he For to mak peax and lat all weiris be.

Lib.11, f.183b. How Peax was maid betuix the Scottis and the Danis.

Off this fassoun as ze sall heir but leis,
Betuix thame tua that tyme thair wes maid 38,960
peice;

That all the Danis into Murra land,
And Buchane als, withoutin ony ganestand,
Sall pass thair wa and leve that land als fre,
Befoir that tyme as it wes wont to be,
And neuir agane the Scottis to invaid.

Siclike to thame the Scottis also maid
Ane obleissing, the quhilk be than richt trew,
With mort battell tha sould neuir thame persew;
In tyme to cum thair gude freindis to be,
Aganis thame make no help nor supple

38,970
With no natioun, to do thame lak or skayth:
Of this conditioun content than war tha bayth.

The secund was, that all the place and plane, Into the feild quhair all the Danis war slane, That king Malcolme of his auctoritie, 38,975 Suld caus that place all dedicat to be, And big ane kirk, and feft preistis to pray For all thair soullis ay guhill Dumisday: For-quhy the Danis all, baith les and moir, Had tane the faith bot laitlie of befoir: 38,980 Off this conditioun than tha haif maid pece. The Danis all syne tuke thair leve but leis, And ilkane vther hes tane be the hand; Syne with the laue that wes in Murraland, Vpoune ane da tha fuir all to the fame, 38,985 Befoir the wynd in Denmark syne past hame. This wes the end of gude Malcolmus weir; Fra that tyme furth tha did him no moir deir.

How King Malcolme foundit ane Kirk quhair the Danis that war slane war bureit; and how he causit the Kirkmen and Clergie convene ane Counsall for Reformatioun of all Faltis, and gude Ordour to be tane thairin.

Syne in the feild ane kirk he hes gart found,
And dedicat it into ane compas round,
About the kirk into ane cirkill braid;
Olawus syne to thame patroun he maid
Of that same kirk quhair bureit war tha men,
Quhilk at this da is callit now Crowden:
That is to say in this langage perqueir,
The Danis slauchter, quha lykis to heir.
This beand done, withoutin ony moir,
The kirkis all distroyit war befoir
Be the Danis, he hes gart big ilkane
Farar befar of lyme and poleist stane;

38,990

And euerie village, tour and toun also, He hes gart big, and mony vther mo. Syne to the clergie he gaif than command, With all the prelattis that war in the land, Into Bartha, of quhome befoir I spak, 39,005 Ane generall counsall in the tyme to mak; To clenge the kirk of all vices and cryme, And to reforme all faltis in the tyme, For to fulfill the lawis les and moir, Be halie faderis that war maid befoir; 39,010 And caus the kirkmen of sick lyfe to be, Be gude exempill and auctoritie, Siclike be ressoun as tha aucht to haue, That the ma be exempill to the laue; Quhilk suld haif knawledge of ill and gude to 39,015 ken, And teich the lawis to wnletterit men.

And teich the lawis to wnletterit men, With gude exempill baith in word and werk, Quhilk is the office of all preist and clerk.

HOW KING MALCOLME CONVENIT ANE COUNSALL IN SCONE, AND REWARDIT HIS LIEGIS HONESTLIE; AND HOW THE LORDIS GRANTIT THAIR WARDIS, RELEIFFIS, AND MARIAGIS TO VPHALD AND HONOUR THE KING.

Quhen this was done and brocht all till effect,
This gude Malcolme that tyme wald nocht 39,020
neglect

His liegis all that tyme bayth les and moir,
Sa oft with him had bene in feild befoir,
And sufferit had greit travell, skayth and pane,
And tha also that had their freindis slane,
For thair reward he hes diuysit sone
39,025
Ane generall counsall for to hald in Scone,

For to diuys with his auctoritie, How euerie man rewardit than suld be. And so he thoch[t] his pepill all to pleis, So lang befoir had bene at grit vneis. 39,030 Syne into Scone, guhair that the tryist wes set, With all his lordis in conventioun met, Quhair that he gaif to enerie lord and laird, As did effeir to haif for his reward; And all vther efter his nobill deid, 39,035 His landis all that war of lenth and breid, Except small rent his houshald to sustene, To euerie man, as my author did mene, Gaiff in reward, the quality was nocht to crave, To euerie man as he wes worth to haue. 39,040 And euerilk man ane barroun than he maid, To quhome he gaif thairof his landis braid, Without exceptione bayth to ane and aw, With sic power to execute the law, Be court and plane as vsit in thir dais; 39,045 And all siclike, as that my author sais, Of priuiledge as barronis vsis now, Wes maid that tyme as I haif said to zow. Considderit than wes with the lordis all The kingis rent ouir sober wes and small, 39,050 Vnsufficient ane king for to sustene In sick honour befoir [that] tha haif bene; And for that caus, sen he wes thair cheif, Tha maid till him all wardis and releif Of euerie land, as I haif said to zow, 39,055 And mariage as tha ar vsit now. With wit, wisdome, thus, and liberalitie, He maid ilkman rich[t] weill content [to] be.

OFF THE LAW, ORDINANCE, AND ORDOUR OF OFFICIARIS, THAIR REWARD AND FE.

That samin tyme, as that my author sais,
He maid the law quhilk keipit is thir dais
Of ordinance in houshald with the king,
Ilk officiar and als all vther thing,
Thair name, thair office and auctoritie;
And for thair seruice thair reward and fe,
Of euerilk office, baith in hall and bour,
Quhilk keipit is vnchangit to this hour,
In forme and effect siclike as tha war than,
In nothing changit sen tha first began.

How King Malcolme foundit and Kirk in wirschip of Sanct Moloc, and doittit to it mony Landis, and thairefter levit lang in Peice and Rest.

Quhen all sic thing wes with sic wisdome wrocht, The vow he maid that tyme forzet he nocht To Sanct Moloc in sic necessitie, Lib.11, f.184. Befoir at Murthlocht maid him sic supple, Col. 1. Aganis the Danis laitlie as I schew. This gude Malcome thair foundit of the new Ane plesand kirk of poleist stane and lyme, 39,075 Ane bischopis sait maid eft[er] in the tyme. And all the land betuix Die and Spey, He gaif thairtill withoutin ony pley, With mony kirk and mony barony, In that same land that lyis neirhand by. 39,080 This ilk bischop, as that my author sais, Than Murthlesens was callit in tha dais; Sone efter syne, siclike as he did mene, He callit wes bischop of Abirdene.

The first bischop that euir wes of that seit, 39,085 Wes Beanus, als my storie dois treit; Ane halie man, as now my author grantis, And numberit now in hevin amang the sanctis. In halie kirk we sing of him and sa, Ilk zeir by zeir vpone his offerand da. 39,090 All beand done as I haif said 30w heir, This gude Malcome rycht lang and mony zeir, At peax and rest with greit prosperitie, With his liegis in greit tranquillitie, His kinrik ay foroutin ony cryme, 39,095 Fra that tyme furth he gydit all his tyme, And als befoir, as it wes rycht weill kend, Fra the begynnyng to the latter end. Thocht sum man said, quhilk semis weill to be Of lytill fecc or zit auctoritie, 39,100 As I can nocht trow sic [ane] thing wes trew, In to his eild to sic auerice he drew, With sic horror that I can nocht rehers, No zit with plesour put this tyme in vers. For-quhy I traist, as semis weill to me, 39,105 For puir invy that it sould fenzeit be, Becaus he wes of justice so extreme; Be all ressone I can na vther deme, So gude ane king as he wes in his dais, So godlie als, as that my author sais, 39,110 So just, so leill, so full of libertie, Wes neuir zit nor neuir zit salbe, To all this warld as it is rycht weill kend, So just ane man without ane blissit end. Semdill is sene, quhair euir men ryde or saill, 39,115 Ane lamb to haif ane fraudfull fox[is] taill, Quhilk salbe sene als sone, sa Christ me saue, As vertuous men ane wickit end to haue. Vnsemand is to wryt in ony storie, Quhilk sould remane ay efter in memorie, 39,120

For no relatioun other ald or new, Without it be appearnd to be trew, Or dreid men sa it be for greit invie. Of gude Malcome siclike this tyme trow I, For caus sumtyme he wairnit thame thair will, 39,125 Thairfoir of him that gart thame speik sic ill; As weill ma be, he that that storie drew Louit him nocht, as I traist weill wes trew, For sum displesour he had done befoir To him or his, other les or moir; 39,130 Quhilk causit him so far than for to fenze, Suppois he had bot litill caus to plenze. And how it wes, as my author said me, Heir sall I tell, judge ze the veritie, Bot I myself can nocht traist it be trew. . 39,135 Into his age to sic auerice he drew, That he forthocht in the tyme full soir All the reward that he had giffin befoir, Becaus he wes in his substance so² thyn, Fenzeand ane caus quhair riches wes to wyn, 39,140 And rakkit nocht, suppois it wes nocht trew, With colorit law rycht mony saikles slew, And mony als put to perpetuall pane, His land and riches to recouer agane. Quhairfoir the lordis, my author did tell, 39,145 Conventioun maid and thocht for to rebell Agane Malcome, that wes thair prince and king, So vertuous wes in mony sindrie thing.

Col. 2.

¹ In MS. tyme of.

² In MS. to.

How gude King Malcolme was slane, and now tha that slew him endit, and of his Buriall in Iona Yle.

That samin tyme in Glames on ane nycht, This ilk Malcolme lang or the da wes lycht, 39,150 Freindis of thame be justice he had slane Into his chalmer enterit with ane trane Be his seruandis, as that my author schew, And in his bed this king Malcolme tha slew, Syne staw away quhen that the deid wes done. 39,155 On fit and hors syne war tha socht full sone, Quhilk wes in wynter in ane kne deip snaw, Quhairfoir the way wes wnreddie to knaw. Thir murderaris than for thair deid that dred. With so greit haist into the tyme tha fled, 39,160 And that tyme war nocht rycht weill beknawin.

The snaw also leit nocht the gait be schawin, Or euir tha wist on Forres loch tha ran. Wnder the ische syne drownit thair ilkman. Lang efter syne quhen that the ise wes fawin, Thir deid bode out of the loch wer drawin, And on ane gallous hangit syne rycht he, Ane weill lang tyme that mony man mycht se; Syne of the gallous efter war tane doun And quarterit war, and send to euerie toun 39,170 Of sum ane leg, and other sum ane arme, To represent the greit tressone and harme, Thast tha had done with sic crudelitie. And till all vther exempill to be, In tyme to cum to wirk sic violence, 39,175 As to put handis in ony king or prince. The zeir of God ane thousand and fourtie, And of his ring als threttie wes gone by, With greit murnyng than bayth of riche and puir, In Iona Yle wes put in sepulture. 39,180 As for his deid I traist weill it wes trew,
Be sick tressoun as that the storie schew,
And for sick also rycht weill trow I,
He wes so just and for na vther quhy,
Sum of thair clan that of thair deid thocht
schame,

39,185

To clenge the laif of sic tressoun and blame, Rycht subtillie hes fenzeit sic ane caus, Sayand it wes for breking of the lawis. As mister is sum sonze to be hed, Quhen that ane barne befyllit hes the bed, With so greit schame dar nother speik or luke. Loving to God heir endis the elevint buik.

39,190

Lib. 12, f. 184b. Col. 1. How Duncane, Oy to gude King Malcolme, was crownit King efter him, and of his Deidis; and how Banquho was send to MakDouald with MakCobey, and of thair Deidis.

Efter the deith of gude Malcolme the king,
Duncane 1 his oy succeidit to his ring,
His dochteris sone, be my author to trow,
Quhilk weddit wes with the Abthan of Dow,
That all the Ylis had also in cuir.
This ilk ladie Duncane to him scho buir,
Quhilk crownit wes vpoun the marbell stone,
With haill consent of euerie lord ilkone.

39,200
The secund dochter of gude Malcolme the king,
The Thane of Glames weddit with ane ring,
That Makcobey, quhilk wes bayth strang and
stuir,

This ilk ladie to that same lord scho buir;
Of quhome efter within ane litill space,

1 2 sall schaw 30w quhen I haif tyme and place.

¹ In MS. Donald.

² In MS. And.

This king Duncane so arch ane man wes he, Meticulus without strenuetie. So mercifull into justice and law, That his liegis stude of him lytill aw. 39,210 To reif or steill tha sparit nocht that tyme, Wes no punitioun for sic deid or cryme; That euerie man, at his plesour and will, Did as him list than vther gude or ill. Ane man of gude, my author tellis so, 39,215 The quhilk to name wes callit than Banquho, Off blude royall ane nobill man wes he, So hapnit him in Lochquhaber to be, Gatherand the kingis fermis and his maill, That samin tyme withoutin ony faill, 39,220 To him the did right greit injure and wrang, Reft him his geir and put him self in thrang; Scant with his lyfe he chaipit than awa. Quhen he come hame, as my author did sa, Befoir the king and all the lordis schew 39,225 Ilk word by word as hapnit on the new. The king, thairof the quhilk wes nocht content, Richt suddantlie ane herald to thame sent, Commandand thame to cum, bayth ane and aw, Befoir the king thair for to thoill the law; 39,230 The quhilk herald, as that my author schew, Rycht cruellie that samin tyme tha slew. To be revengit of that lak and schame, Ane nobill man, callit Malcolme to name, The king hes send with haill auctoritie, 39,235 Of that injuris for to revengit be. Of thir tratouris of quhome befoir I tald, Ane bellomye wes callit Makdouald, With greit power into the samin quhile, Of Lorne, Lochquhaber, and also of Argyle, 39,240 And of the Ylis in the samin tyme, Quhilk counsallouris befoir wes of that cryme,

And gaif this Malcolme battell on ane plane, Quhair that the maist part of his men war slane; Him self also wes tane into the steid, 39,245 Syne efterwart put cruellie to deid. Quhen all the cace syne of this cruell cryme, To king Duncane wes schawin in the tyme, So full of dreid and dred [he] wes that da, Scant[lie] he wist ane word than quhat to sa. 39,250 And suddantlie ane counsall he gart call, Exponand syne the caus befoir thame all, And of thair counsall hes diuysit sone, Into that cace quhat best is to be done; And euerie man, ay as he vnderstude, 39,255 Gaif his counsall appearnd to be gude. This Makcobey, of quhome befoir I tald, Ane berne he wes richt bellicois and bald, Befoir the king that tyme he tuke on hand, Plesit his grace for to resing that land 39,260 To him that tyme, with haill auctoritie, And to Banquho his collig for to be, Of quhilk Banquho I schew 30w of befoir, He maid ane vow withoutin ony moir, This Makdouald, for all his freindis feid, 39,265 To bring to him sone other quick or deid. Thairof the king wes rycht hartlie content, And suddanelie thir samin tua he sent With greit power, syne efter on ane da, Quhill that the come into Lochquhabria. 39,270 The men of gude that wes with Makdouald, Of his cuming fra tyme that the hard tald, For feir of him so soir that tyme tha dred, Richt far awa in sindrie partis fled, For the most part that men of gude war all, 39,275 And left Makdouald with ane power small. Syne efterwart, the quhilk to him wes force, With Makcobene, bayth on fit and hors,

Col. 2.

He faucht in feild vpone ane plesand plane, For the maist part quhair all his men war 39,280 slane: Him self also, with few feiris that tyde, Fled to ane castell that wes neir besyde. This Makcobene fast followit with gude will, And suddantlie he laid ane seig thairtill. This Makdouald rycht weill that tyme he knew, 39,285 And Makcobene lang seiging wald persew, Magree his will that he wald win that hous, Thairfoir to him without ony rebous, Richt suddantlie ane seruand he hes send To Makcobene, the quhilk hes maid him kend, 39,290 This Makdouald, and he wald saue his lyfe, His barnis alss, his seruandis and his wyfe, Into the tyme without stop or ganestand He suld resing the hous into his hand. For Makcobene thairto wald nocht consent, 39,295 This Makdouald, rycht cruell of intent, Agane his will or dreid he suld be tone, Baith wyfe and barnis in the tyme ilkone, Rycht cruellie with his awin handis slew, And syne him self, as my author me schew, 39,300 He slew also into the samin tyme: So endit he committit had sic cryme. This Makcobene at greit lasar and lenth, Syne tuke the hous that wes of so grit strenth,

This Makdouald quhair he fand lyand deid, 39,305
Quhomeof that he hes gart stryke [of] the heid;
The bodie syne he hes gart hyng rycht he
Vpoune ane gallous that all man mycht se.
The heid to Bertha till the king he send,
And all the laif, quhair tha war knawin and 39,310
kend,

He puneist hes ilkone as tha maid caus; So just he wes to execute the lawis.

Quhen this wes done tha weiris all did ceis, And all Scotland wes in gude rest and peice; Quhill efterwart, as I sall to zow tell, 39,315 Sic aventur as in Ingland befell. Schort quhile befoir, as I schew to zow than, This king Sueno, the quhilk that Ingland wan, Thre sonis had rycht plesand and preclair; His eldest sone quhilk wes his lauchtfull air, 39,320 Heraldus hecht, as ze sall vnderstand, Efter his deid he maid king of Ingland. The secund sone, that callit wes Sueno, Siclike of Norrawa maid him king also. Qnwtus the thrid and last of his ofspring, 39,325 That zoungest wes, of Denmark he maid king. Than king Eldreid, of quhome befoir spak I, The quhilk Sueno baneist in Normondy, Quhair he remanit ay still in that steid Onto the tyme that this Sueno wes deid; 39,330 Syne in the thrid zeir of Heraldus ring, Quhilk efter him of Ingland that wes king, Come hame agane with pover of the new, And in the feild this ilk Herald he slew, And conqueist hes his kinrik and his ring. 39,335 Kneutus that tyme of Denmark that wes king, Quhen that he knew how his bruther wes slane, Withoutin rest no langar wald remane, With greit power he come into Ingland. Sone efter syne, as ze sall wnderstand, 39,340 This ilk Eldreid in plane battell he slew, And occupyit all Ingland of the new. Eldredus sone neirby that samyn tyde, Quhilk callit wes Edmound of Irnesyid, That samin tyme with greit power and mycht 39,345 Agane Canutus to reskew his richt, And to reveng his fatheris deid also,

He tuik the feild aganis him for till go.

Lib.12, f.185. Col. 1.

RR

With bernis bald that waponis weill culd weild, On euerie syde tha stude in rayit feild, 39,350 Reddie to fecht thir freikis that war fell. This ilk Edmound, as my author did tell, Vnto his strenth so greit credence he gaif, Of Canutus desyrand for to haif Singular battell betuix thame hand for hand, 39,355 And all the laif still in array to stand, And that o fecht in middle of the feild, Betuix thair oistis thair with speir and scheild, And nocht to spill so mekill blude, for-thi Quhilk of thame tua that wan the victory, 39,360 Without demand to bruke Ingland for euir: Cheis him, he said, quhilk of thame he had lever. Hand for hand with him in battell go, Or ost for ost gif he wald nocht do so. This Canutus thairof wes weill content; 39,365 Syne suddanelie of ilk syde with consent, Thir beirnis bald that waponis weill culd weild, Betuix thair men in middis of the feild. Ane lang quhile faucht quhill tha wox irk and tyrit; Syne at the last this ilk Kneutus desyrit 39,370 This ilk Edmound to ho and hald his hand, To heir his talk ane litle quhile and stand. This ilk Edmound agane said, "With gude will." This was the talk quhilk that he said him till: "Gif plesis the this kinrik to diuyde 39,375 " Betuix ws tua rycht equalie this tyde, " Quhairthrow all wrang and sic weiris ma ceis, " Syne euirmoir to leif in rest and peice, " And leif sic battell and sic tornament." This ilk Edmound thairof wes weill content; 39,380 Syne suddantlie befoir thair men ilkone, Ather hes other intill armes tone, VOL. II.

Col. 2.

And maid freindschip without impediment; The laif thairof war all hartlie content. Betuix thame tuo the kinrik to diuyde, 39,385 The southmest part la narrest France that tyde, This ilk Canutus gat than to his daill, The tother part this Edmound gat alhaill. Emma, the wyfe of Eldred last gone by, The dukis dochter wes of Normondy, 39,390 His latter wyfe, to him tua sonnis buir, In Ingland than the quhilk scho had in cuir, Alarud and zoung Edward also, Seand sic peax betuix thir kingis tuo, Scho tuke hir leif that samin tyme for-thy, 39,395 With baith hir sonis passit in Normondy: And thair scho did with hir father remane, Come neuir in Ingland zit sensyne agane.

How Sueno, King of Norrowa, purposit in Ingland to visie his Bruther Canutus, and thairefter come in Scotland; and how King Duncane met him with greit Power at Culrois.

Canutus bruther, callit wes Sueno,
Of Norroway king, my author sais so,
And eldar als, befoir as I 30w schew,
In that same tyme quhen he perfetlie knew
How Canutus, than 30ungar wes no he,
Into Ingland had sic auctoritie,
For to be equall with him in impyre,
This ilk Sueno that tyme had greit desyre.
Quhairfoir he set ane naving to the se,
With all the power that he doucht to be,
With plane purpois to pas into Scotland;
Trowand that tyme, but stop or 3it ganestand,
39,410

For to subdew at his plesour and will Scotland alhaill, and ilkman thairintill. Syne on the [se] with mony bark and barge, And saillit on ane lang tyme and ane large, Quhill that the enterit in the water of Forth. 39,415 Syne on the syde that narrest wes the north, Tha saw most ganand for to tak the land; And so the did withoutin ony genestand In that same place, gif that I rycht suppois, Quhair standis now the abba of Culrois. 39,420 Fra thair cuming wes to king Duncane tald, Without respect no langar tarie wald, He come and met thame with ane greit armie Of all the power that he doucht to be.

How King Duncane maid Battell with Sueno, King of Norroway.

And Makcobey the vangard had to gyde; 39,425 Banquho the wyng vpoun the tother syde. Duncane him self into the middill ward, With mony lord wes gydar of that gaird. In that same place of quhome befoir I schew, Rycht mony standart wes of staitlie hew, 39,430 And mony baner that war brodin bricht, Aboue thair heid war haldin vpon hicht: And mony pynsall payntit wer full proude, And mony bugill that war blawand loude, And mony trumpet into sindrie tune, 39,435 Sum into bas, and sum in alt abone. With felloun force thir freikis syne tuke feild, And knokit on quhill [mony] knycht wes keild;1

¹ In MS. knychtheid than kneild.

And mony berne, with bludie woundis reid, On euery syde that samin da la deid. 39,440 Still that the faucht quaill cuming wes the nycht; The Scottis than, becaus the wantit licht, Tha drew abak all intill ordour gude; Siclike the Danis than in ordour stude. Neirby the feild as my author recordis. 39,445 This king Duncane, throw counsall of his lordis, That samin nycht skaillit his oist on da, And syne him self to Bartha tuke the wa. This Makcobey, quhilk wes for to commend, For new power on the north he send, 39,450 And mony wther in that tyme betuene;

Lib.12, f.185b. Syne set ane da quhen tha sould all convene,

And he and Banquho in the samin tyde, Quhill that the come, baith in Bartha suld byde. The Danis guhilk stude on thair feit all nycht, 39,455 Bydand for battell quaill the da wes licht, Syne on the morne, guhen that the da wox cleir, And the saw no man in their sicht appeir, Tha traistit all the Scottis than had fled, And for that caus the moir curage tha hed; 39,460 Trowand so weill without stop or ganestand, At thair plesour for to weild all Scotland. And for that caus that I haif to zow schawin, As all Scotland that tyme had bene thair awin, This ilk Sueno gart in his oist proclame, 39,465 In tyme to cum no man suld start on plane The puir pepill quhilk in his grace that stude, With na injure nother of fyre nor blude. To Bartha syne he tuke the narrest way, To seig the toun quhair that king Duncane lay. 39,470 Syne to the toun rycht mony salt gart set, With all ingyne than that the doucht to get,

¹ In MS. quhill.

Continuallie quhill aucht dais to end.

Than king Duncane, as this Banquho him kend,
To Makcobey he send into the tyde,
Commandand him still with his ost till byde
At Tulenum, thair to remane ay still,
Onto the tyme that he send word him till.

How King Duncane send ane Messinger to Sueno, and how Sueno send ane agane to King Duncane, and of his Ansuer.

To Sueno syne ane messinger he send, Quhilk schew to him as Banguho had him kend, 39,480 That is to say, he wald gif ouir the toun, Sua that he wald richt frelie, but ransone, Mak his till pas and all the laif thairin, With wyfe and barne and guidis mair and myn; Sua that he wald gif pledgis to do sa, 39,485 Syne grant ane herald of his awin till go To king Duncane, for to conclude this thing. Content thairof wes this Sueno the king. This ilk herald, quhen he come in the toun, Befoir king Duncane on his kne sat doun, 39,490 And hailsit him than of ane humbill wyiss. The king agane hes causit him till ryiss, With feinzeit fair he gart him trow and weyne, That he no langar mycht that seig sustene. Syne quietlie togidder tha did roun 39,495 The fassoun how he wald gif ouir the toun; And for his kyndnes also wald him send Bayth wyne and aill, sayand rycht weill he kend That Swenois victuall growand wes rycht scant; He had aneuch, thairof he sould nocht want 39,500 Of wyne and aill, and als victuall at will, Quhairof aneuche that he sould send him till, So he wald be courted to him agane. This messinger no langar wald remane,

Col. 2.

Bot passit hame and tald the maner how 39,505
To king Sueno, as I haif tald to 20w;
Quhairof king Sueno wes rycht weill content,
So wes the laif quhilk wer so indigent
Off meit and drink, quhilk wes thair lyvis fude,
And all sie thing that tyme micht do thame 39,510
gude,

HOW KING DUNCANE SEND THE WYNE AND AILL BROWIN WITH MUKIL WORT TO KING SUENO, QUHAIRWITH THAI WAR ALL DROKIN; AND HOW MAKCOBEY COME TO THAIR CAMP AND SLEW THAME SLEIPAND.

Ane herb in Scotland growis heir at hame, Quhilk callit is the mukilwort to name, Is of sic kynd, quha lykis to tak keip, Quha previs it so sadlie garris thame sleip, Quhilk puttis thame in perrell of the deid, 39,515 Without richt [sune] that the get sum remeid; And als thair with this herb is of sic kynd, It makes men as the war by their mynd. This ilk Banguho, the quhilk the aill gart brew, Of thir herbis, guhairof he had anew, 39,520 In sindrie partis growand quhair he gat, Amang the aill gart tume² thame in the fat; Ac leit it stand at greit laser and lenth, Quhill that the aill tuke all the jus and strenth Out of that herb, and wes of that same kynd, 39,525 To gar men sleip or than go by thair mynd. Of the herbis also richt mony one, He hes gart bra into ane mortar stone, And throw ane claith drew all the jus out syne, And in the tunnis gart put amang the wyne; 39,530

¹ In MS. In.

² In MS. tune.

Quhairof the wyne tuke all the nature haill Of that same herb, siclike as did the aill. This wyne and aill syne haif the maid till go Abundantlie vnto this king Sweno; New baikin breid, and beif that wes rycht salt, 39,535 Quhairof the Danis had that tyme greit falt, And all sic thing micht gif thame appetyte, Thairof to drink and for to tak delyte. This king Sweno quhairof he wes richt glaid, And courtaslie to tha seruandis he said; 39,540 " Of my behalf," he said, "gude freindis, thank zour king, " The quhilk to me so glaidlie send sic thing, " Abundantlie of so gude meit and drink, "The quhilk I traist that he sall nocht forthink "Within schort quhile, and I be for to trow:" 39,545 Quhilk wes richt trew suppois he wist nocht how. That samin da quhair tha sat at the dyne, Tha eit and drank bayth of the aill and wyne, Richt mirrely ay wauchtand round about; At euirilk draucht tha playit ay cop out. 39,550 Sueno him self, with all his strenthis strawe, In his drinking for till exceid the lawe; So did the all, qualify the war als bout fow, And also slepie, as wes ony sow. The fair wordis tha gat with sic effect, 39,555 It causit thame to hald no man suspect; Traistand that tyme all sould have bene thair awin, So greit kyndnes to thame that tyme wes schawin. So¹ thankfullie and hartlie with gude will. Greit folie wes to gif sic traist thairtill, 39,560 And of thame selffis to tak sic litill keip,

That lang or midnycht fell rycht sound on sleip:

¹ In MS. To.

Lib.12, f.186.

Col. 1.

Throw greit exces tha tuke of aill and wyne, That all that nycht the sleipit still like swyne. This king Duncane all that caus weill knew, 39,565 To Makcobey he send richt sone and schew Alhaill the fassoun that tyme les and moir, Ilk word be word as ze haif hard befoir; Commandand him in all the haist he ma, To Bertha toun to speid him lang or da, 39,570 With all his oist se that it sould be done, And tak the tyme sen it wes oportune. This Makcobey, in all the haist he mycht, Come to the toun lang or it was midnycht; Syne throw the toun all passit in array, 39,575 On to the place quhair that thir Danis lay All sound on sleip, drunkin as ony swyne, So greit exces tha tuke of aill and wyne. The tentis all quhair that the Danis la, Richt sone tha smytit the cordis all in tua, 39,580 And leit the tentis fall abone thair heid, Syne in thair beddis dang thame all to deid. Or tha walknit, as my author did sa, Rycht mony thousand war slane quhair tha la; And tha that walknit that tyme out of sleip, 39,585 Tha war als blait and basit as ane scheip; And vther sum war of ane vther kynd, Richt mad and mangit, wod out of thair mynd. Without defence sua war tha all ilkone, Quhill all war slane, rycht few or none wer 39,590

Exceptand ten that nycht that tuke na sleip,
The quhilk war maid that nycht the king to keip,
And for that caus drank nother wyne no aill,
Into thair cuir in dreid that tha suld faill.
Thir few feiris, first quhen tha hard the fray,

39,595
Tha passit all to Sueno quhair he lay,

To walkin him that tyme quhair he did ly, Quhilk for thame all, nother for schout nor cry, He walkin wald, or zit ane word wald heir, Or for na stryking fit or hand wald steir; 39,600 Bot sleipand la, ay snorand lyke ane sow, Of aill and wyne wes fillit than sa fow. Than vp tha tuke him sleipand in that steid, Sum be the feit and sum als be the heid, And buir him sleipand evin on as he la, 39,605 On till ane boit wes neirhand by on Ta; To Tayis mouth, quhair all thair schippis raid, Tha rowit syne richt bisselie but baid. Syne on the morne passit to Norrowa, All in ane schip wes left levand that da, 39,610 Of the greit oist king Sueno with him brocht, Fra Norrowa sa far wes put to nocht. The schipmen als come to the camp alhaill, To get thair part of that gude wyne and aill, Quhairof tha had greit falt that tyme befoir; 39,615 Quhilk efterwart tha mycht forthink euirmoir, The Scottis countit thair lawing so deir: That samyn nycht that I haif said zow heir, Exceptand ten thair king awa that hed, For thair lawing held all the laif in wed, 39,620 The schipmen als of thame wer left so few, And in that tyme the wynd so heich it blew, Tha war so scant, as my author did sa, Tha passit all into ane schip awa, And king Sueno also with other ten. 33,625 Thir schippis all, without victuall or men, Tha left on Tay rydand neirby the cost, Within schort quhile quhair tha war ilkane lost. On the third da, as my author me schew, So stiff ane storm into the se thair blew, 39,630 Withoutin gyde quhair that tha war alane, Furth befoir Tay tha drownit thair ilkane;

Col. 2.

Within tua myle and les to the se bank. Into ane place togidder all tha sank. Syne with the passage inwart of the flude, 39,635 And outwart als, in that place quhair tha stude. As that the flude come rynnand by the land, Amang the schippis warpit in the sand, The quhilk remanit ay still in that place, Ay moir and moir onto so lang ane space, 39,640 With sic abundance on euerilk hand, Quhill that it grew in ane greit bed of sand. Quhair efterwart schippis and bottis baith, Sailland thairby gat mekle harme and skayth; Quhair perrell is zit forto saill or to row, 39,645 And for that caus it callit wes Dround-low. Lang efter that in Norrowa I trow, The new maid knychtis maid ane solempnit vow, For to revenge, with all power tha ma, Thair freindis deith that slane wes at Bartha. 39,650

How Canutus, King of Ingland, come in Scotland with ane Navin and Power for to assist Sueno his Bruther, and war repulsit and put abak to thair Schippis; and mony Dane thair was slane be Makcobey and Banquho.

In this same tyme, as 3e sall wnderstand,
This Canutus that king wes of Ingland,
Ane greit naving of mony bark and barge,
In Scotland send with greit power and large,
For to supple this Sueno wes his bruther;
Bot all to lait thair cuming syne wes hether.
Neirby Kingorne, vpone ane large sand,
With boittis thair tha passit all to land.
Than king Duncane quhilk that thair cuming knew,
Be sindrie men the veritie him schew,
39,660

This Makcobey and Banquho he gart pas With greit power guhair that thir Danis was, And gaif thame feild quhair tha war neir all slane; The laif long efter mycht nocht weill remane, Bot to thair schippis fled syne at the last. 39,665 The Scottis men that followit efter fast, Betuix thair schippis and the fechting place Richt mony Dane tha slew into that chace. The laif that fled, syne efter guhen tha knew How all thing stude, as other men thame schew, 39,670 That all thair cuming wes bot into vane, Sueno wes fled, and all his men war slane, And the siclike that samin tyme had lost Into the feild the tua pairt of thair oist, Quhairof rycht mony wer greit men of gude, 39,675 And for that caus syne, schortlie to conclude, With Makcobey than trewis haif tha tane, Quhill all thair men suld erdit be ilkane Into an yle callit Emonia, Sanct' Colmis hecht now callit is this da. 39,680 Quhair that thair banis restis zit to se In sindrie partis in so greit quantitie, Ouir all the yle quhilk makis zit sic cummer, Weill ma the wit ze men were out of number Tha banis aucht, quha that can weill considder, 39,685 Into ane place war tha put all togidder; As I myself quhilk hes bene thair and senc. Ane corce of stone thair standis on ane grene, Middis the feild quhair that the la ilkone, Besyde the croce thair lyis are greit stone; 39,690 Wnder the stone, in middle of the plane, Thair chiftane lyis qubilk in the feild wes slane. To Makcobey, for his leif and gude will, Rycht mekle gold that tyme tha gaif him till;

In MS. Sanctonis.

said scho.

lyfe;

Col. 1.

39,695

At his requeist als in that samin quhile

With ane bischop gart dedicat the yle; Syne sworne war all and oblist be thair hand, Neuir agane for till invaid Scotland; Syne tuke thair leif and fuir attouir the fame, With les honour nor quhen tha come fra hame. 39,700 Lib.12, f.186b. This beand done, this king Duncane rycht lang In peax and rest in greit plesour he rang, Quhill lang efter that sic ane cace befell, And how it was tak tent and I sall tell. In Forres toun, quhair that this king Duncane 39,705 Hapnit to be with mony nobill man; Quhair Makcobey and Banquho one ane da Passit at morne richt airlie for to pla, Than hand for hand intill ane forrest grene Thrie wemen met, that wyslie war besene 39,710 In thair cleithing quhilk wes of elritche hew, And quhat the war wes name of theme that knew. The first of thame that Makcobey come to, "The Thane of Glames, gude morne to him,"

> The secund said withoutin ony scorne, 39,715 "The Thane of Caldar, Schir, God 30w gude morne!" The hyndmest, with plesand voce benyng, "God saue zow, Schir, of Scotland salbe king!" Than Banquho said, "abyde ane litill we; " Ze gif him all, quhat ordane ze for me?" 39,720 Than all tha thre maid ansuer to that thing, Said, "Makcobey of Scotland salbe king. " Syne sone efter, be aduenture and stryfe, " With lak and schame sall loiss bayth croun and

> " And neuir ane of his successioun 39,725

" Fra that da furth of Scotland bruke the croun.

" And thow Banquho, tak gude tent to this thing,

"Thow thi awin self sall neuir be prince no king,

" Bot of thi seid sall lineallie discend, " Sall bruke the croun onto the warldis end." Quhen this was said tha baid all thre gude nycht, Syne suddantlie tha vaneist out of sycht; And quhair awa, quhither to hevin or hell, Or quhat tha war, wes no man zit can tell. This ilk Banquho, of quhome to zow I mute, 39,735 Forbear wes to Lord Stewart of Bute, Frome guhome sensyne discendit hes rycht doun James the fyft that weiris now the croun: I pray to God for to conserue his grace. Now harkin and heir how hapnit syne the cace: 39,740 Vpone the morne are schew into that steid To Makcobev that his fader wes deid, The Thane of Glames befoir as I zow schew, That weill he wist the first sister said trew; For-quhy he wes his eldest son and air, 39,745 Be that he knew that hir sentence wes clair. In Inuernes, syne efter that schort tyme, The Thane of Calder for tressoun and cryme Forfaltit wes, and syne put to the deid; His heretage with euerie toun and steid, 39,750 Into that tyme withoutin [ony] pley, The king gaif all vnto this Makcobey. That samin tyme this Banquho to him schew, The secund sister said to him rycht trew, And bad traist weill the thrid suld nocht lie, Thocht he culd nocht tell quhen sic thing suld be. It happit so syne efter at the last, The thrid fortoun approchand wes rycht fast. The kingis sone that eldest wes and air, Callit Malcolme, ane plesand prince and fair, 39,760 This king Duncane as 3e sall wnderstand, This ilk Malcome maid prince of Cummerland, In that beleif, in storie as I reid, Immediatlie he sould to him succeid.

Col. 2.

This Makcobey thairat had greit invy 39.765 That he did so, as ze ma wit weill quhy, For he traistit efter the kingis deid, Immediatlie to succeid in his steid; And thocht king Duncane did him greit offence, Of Cumberland that wald nocht mak him prince, 39,770 Efter the law that maid wes of beforne, Rycht mony zeiris or thair fatheris wer borne. Quhairfoir he thocht he did him greit vnrycht, Quhilk in his hart ascendit to sic hight, And far hiear than ony man can trow; 39,775 For this same caus that I haif schawin 20w, Bayth nycht and da it wes ay in his thocht, Thairof to be revengit and he mocht. Than to his wyfe he schew the fassoun how Thir sisteris said, as I haif schawin zow, 39,780 And of [the] werd as that that tyme him gaif: Quhairof his wyfe did in her mynd consaif That he wes wrangit rycht far with the king; Syne him awin self scho blamit of that thing.

How Makcobey's Wyfe be subtill Trane perswadit Makcobey to Sla King Duncane.

- "Thow neidis nocht," scho said, "vther presume, 39,785
- " Bot it man be as God hes gevin dume,
- "In to the self quhilk is so just and trew." Be sindrie ressones that scho till him schew,
- "Traist weill," scho said, "that sentence is so leill,
- "Withoutin place fra it for to apeill, 39,790
- "That it ma nocht retreittit be agane,
- "Quhilk in the self so equall is and plane."

 Quhen this wes said, than scho begouth to flyt

 With him that tyme, and said he had the wyit,

 So cowartlie that durst nocht tak on hand,

 39,795

 For to fulfill as God had gevin command.

"Thairfoir," scho said, "revenge 30w of 30n king;

" Sen gratius God decreittit hes sic thing,

- " Quhy suld thow dreid or stand of [him] sic aw,
- "So blunt, so blait, berand himself so law, 39,800
- " That war nocht thow and thi auctoritie,
- "With all his liegis he wald lichleit be?
- " And now to the sen he is so wnkynd,
- "Thairfoir," scho said, "I hald the by thi mynd,
- "To dreid the man the quhilk for the is deid, 39,805
- " And throw thi power oft of his purpois speid.
- " Now tarie nocht thairfoir; speid hand, haif done,
- " And to thi purpois se thow speid the sone;
- " And haif na dreid, for thow bes all the rycht
- "Grantit to the be gratius God of mycht." 39,810

This wickit wyfe hir purpois thus hes sped, Sic appetite to be ane quene scho hed;

As wemen will, the thing that the desire,

Into thair mynd burnis hettar nor fyre,

Bayth da and nycht withoutin ony eis,

Quhill that the get the same thing that the pleis.

Ressoun in thame hes na auctoritie,

For appetyte and sensualitie;

Foull appetyte hes ay thair will to gyde, For most plesour thair purpois to provyde,

And causis thame oft till go by the rycht.

This Makcobey, quhilk wes bayth wyss and wycht,

Strang in ane stour, and trew as ony steill, Defendar als with of the commoun weill,

So just ane juge so equale and so trew,

As be his deidis richt weill befoir ay schew, Syne throw his wyfe consentit to sic thing,

For till distroy his cousing and his king; So foull ane blek for to put in his gloir,

Quhilk haldin wes of sic honour befoir. To his friendis his counsall than he schew,

Quhome in he traistit to him wald be trew,

39,825

39,820

Lib. 12, f.187. Col. 1.

39,830

And speciallie to his cousing Banquho, And mony vther in the tyme also. The quhilk promittit glaidlie with thair hart, 39,835 In that purpois that the suld tak his part, And in his querrell stoutlie for to stand, So that him self wald tak the deid on hand: Syne efterwart, guhen that the deid wer done, At his command tha suld be reddie sone 39,840 To wirk his will in all thing as he wald. This Makcobey, that wes are berne full bald, Into the tyme quhen he thair myndis knew, Traistand to him the suld be leill and trew, And for that caus wald no langer deley, 39,845 At Ernis mouth syne efter on ane day, Quhen that he saw his tyme wes oportune, Befoir the king apperit hes richt sone. First he begouth in sporting with him thair, And syne of him for to complene richt sair, 39,850 Defraudit haid him sua of Cumberland, Sa oft for him in mony stour had stand; Without he wald that tyme revoik rycht sone All thing thairof befoir that he had done, Traist weill thair of and mony of the lawe, 39,855 In tyme to cum sic service for to have. And so tha fell ay fra the les to the moir, Quhill tha crabit on euerie syde so soir, Accusand vther bayth of word and deid, Quhill at the last evin to the werst it zeid. 39,860 On euerie syde to pairteis than tha drew; This king Duncane that had with him sa few, Amangis thair handis suddantlie wes slane; This Makcobey, the quhilk that maid that trane, Prouydit wes rycht weill into all thing, 39,865 Or he come thair for slauchter of the king, Than of his ring, quhilk wes the sevint zeir, And of oure Lord, guha lykis for to heir,

Ane thousand fourtie and sex zeir also,
The number haill that tyme wes and no mo. 39,870

How Mackobey was crownit in Scone, and of his Deidis thairefter done.

Sone efter syne quhen all thir deidis war done, This Makcobeus passit into Scone With all the power that he doucht to be, Wes crownit thair with haill auctoritie. Than weill he wist the thrid sentence wes trew, 39,875 The last sister, as ze haif hard, him schew. This ilk Duncane tua sonis had on lywe, With Oswardis dochter quhilk that wes his wywe, The lord sumtyme quhilk wes of Northumberland; Malcome the eldest prince wes of Cumberland, And Donald Bay quhilk callit wes the vther, To this Malcolme qubilk wes the secund bruther. Fra tyme tha knew how thair father wes slane, In Cumberland ane lang tyme did remane, Of Makcobey tha stude sic dreid and aw, 39,885 Quhill efterwart as I sall to 30w schaw. This Makcobey fra he wes crownit king, Rycht circumspect he wes in till all thing, And greit rewardis to the lordis gaif His freindis war, siclike to all the laif, 39,890 On fra his fayth no way that the suld faill, And conqueist hes thair hartis than alhaill. Rycht equallie he execute the law, Bot in sum part that tyme he stude sic aw For to persew, or zit mak diligence, 39,895 Rycht mony one had done richt greit offence, Weill lang befoir in to king Duncanis tyme, Wald nocht forbeir thair vices and sic cryme. To apprehend thame doutsum wes and cummer, And als tha war of sic power and number, 39,900

VOL. II.

Col. 2.

Thairfoir he dred and held his hand abak, So planelie than to puneis and corrak. Sone efter syne he fand ane subtill wyle, But ony gilt how he suld them begyle; And so he did within les nor ane zeir, 39,905 And how it wes tak tent and ze sall heir. Inducit hes thair nychtbouris in the tyme, For to accuse thame of tressoun and cryme; And of thame than with thair hand to preve That all wes suith, and ask thairof na leve, 39,910 In plane barras befoir the kingis grace, Quhair plesit thame to set the da and place. The tother part thairof wes weill content, Knawand thairof that the war innocent Of that tressone, so litill wnderstude, 39,915 Giffand sic traist that thair querrell wes gude. And for that causs the da and place wes set, Befoir the king in Bartha guhair tha met, All on ane da convenit les and moir. The king, the quhilk prouydit wes thairfoir 39,920 With armit men, at his command wes boun, Gart tak thame all that same da in the toun, Quhometo he aucht no surance for to geve, For-quhy tha come without his traist or leve, Of aduenture and of thair awin fre will, 39,925 But ony man compelland thame thairtill. Quhen that the war in handis tane also, Richt mony one wer innocent leit go, And all the laif of hie and law degre, Vpoun ane gallous hes gart hing full hie, 39,930 To Scotland dalie that tyme maid grit cummer, Neirby tua thousand or ma into number. This beand done than, schortlie to conclude, Ouir all Scotland sic aw of him tha stude, Into na part, as my author did tell, 39,935 Wes nane so bald agane him durst rebell;

Except Makgallus into Galloway, In that same tyme, as my author did say, Fechtand in feild that tyme wes tane in handis, Syne to the king wes brocht fast bund in bandis: 39,940 And for his falt he gart him loiss the heid. All Galloway, syne efter he wes deid, In peax and rest levit efter right lang. This Makcobey, that wes bayth stout and strang, Greit diligence he hes done nycht and da, 39,945 To mak gude peax with all power he ma, And viseit hes the ylis in the north, And all Scotland syne to the water of Forth, Besouth also onto the bordour syde. He sparit nocht for no travell to ryde, 39,950 Or for no trubill that tyme he mycht tak, Amang his liegis peax and rest to mak. Baith speir and scheild to all kirkmen wes he, And merchandis also that saillit on the se; To husband men that lauborit on the grund, 39,955 Lib.12, f.187b. Ane better king in no tyme mycht be fund, Col. 1. No moir convenient for the commoun weill, And his begynnyng had bene of gude zeill, Into his tyme quhilk maid so mony lawis, Efter decreit of sindrie doctouris sawis. 39,960 And quhat the war quha lykis for to speir, I ma nocht tarie for to tell zow heir, So langsum war, and my tyme is bot schort, Quhairin I fynd litill plesance or sport, Bot tedious for to heir of sic talk. 39,965 Now to my purpois thairfoir will I walk.

HOW MAKCOBEY CHANGIT HIS CONDITIONIS, FRA HIS FIRST BEGYNNYNG TO WICKITNES TILL HIS ENDING.

This Makcobey the quhilk so weill began, He changit sone intill ane vther man: All his clemence in greit crudelitie He changit syne, without humanitie. 39,970 This ilk Banquho of quhome I spak befoir, Into his mynd suspectit hes full soir, Traistand all thing of him suld be fund trew, Be prophecie the sisteris of him schew, As ze haif hard bot schort quhile ago. 39,975 This Makcobey, dreidand it sould be so, Of this Banquho that his posteritie Suld bruke the croun, and his distroyit be; And for that caus decreittit in his mynd, This ilk Banquho, so leill, so trew, so kynd 39,980 To him alway, bayth into word and deid, Suppleand him rycht oft quhen he had neid, With fals tressone for to distroy rycht sone; And finallie syne efter so wes done.

How Makcobey betrasit Banquho and gart slay him.

Vpoun ane nycht with him self in the hall, 39,985 This ilk Banquho to the supper gart call, With his ane sone wes callit Eleank, With fair wordis, greit cheresing and thank, So greit fauour and in so gude effect, That he of tressone suld him nocht suspect. 39,990 Efter supper he tuik his leif to go, With Eleank for to pas hame also; And on his passage hamewart as he zeid, He hed ordand for to be done to deid, Ane cumpany thair he befoir him fand, 39,995 Weill boidin war with bow, buklar and brand, Quhilk suddantlie this gude Banquho tha slew. This Eleank, as my author me schew, Into the mirk throw aventure and cace, Withoutin skayth chaipit out of that place. 40,000 This Makcobey so soir efter he dred, Into the Walis rycht far fra hame he fled; Of quhome efter, quhen tyme cumis and place, I sall schaw zow as God will gif me grace. This beand done in sic forme and effect, 40,005 This Makcobey wes haldin richt suspect With all the lordis that war in Scotland, Quhen tha his tressone so did vndirstand, That euirilk man fra that tyme furth him dred, And he siclike suspitioun of thame hed, 40,010 That neuir ane durst traist intill ane other; Semdill or nocht thairfoir tha met togidder. Than Makcobey quhilk had so greit suspitioun Of all his lordis, than changit his conditioun: Quhair he wes wont rycht curtes for to be 40,015 Col. 2. To all his liegis with liberalitie, Now is he alterit in ane vther kynd, Rycht fals and sle, and subtill in his mynd. To fenze faltis thocht nothir schame no syn, Quhair gold or gude or riches wes to wyn; 40,020 Or of thame quhome that he held suspect, With litill pley quhome he plesit to blek. Richt mony so, the quhilk war men of gude, Hes put to deid be sic ingratitude; Syne held ane gaird, his awin cors for to keip 40,025 Fra all perrell, baith walkand and on sleip, And grit strenthis he held ay in his cuir, Traistand be thame till sicker be and suir.

How Makcobey biggit the Castell of Dunsenen, and how Makduff fled in Ingland to Malcolme Canmoir.

That samin tyme he foundit hes of one,
Into Gowrie ane strang castell of stone,
Vpoun the hight thair of ane montane he,
Dunsenen hecht, remanis zit to se.

With greit laubour ilk da that werk wes wrocht, Sic travell wes or that the stufe wes brocht Vp to the hight, quhilk wes bayth strait and 40,035 The coist wes greit and als the laubour lang. And euirilk lord ane sessone of the zeir, Into that place dalie hes gart compeir, Auctoritie and cuir thair of to tak, And for his tyme the haill expensis mak. 40,040 With circulatioun sa about tha zeid, For les expenssis and for grittar speid, Fra euerie part bringand rycht far the stuff. The thane of Fyffe, that callit wes Makduff, Into his tyme that micht nocht present be, 40,045 Of that laubour to tak auctoritie, For so greit mater that he had to speid, Into the tyme it stude him in sic neid, Onto the werk men gaif rycht strait command, And hecht rewardis for to tak on hand, 40,050 Ilk da be da with cuir and diligence, To speid the werk far moir in his absence, Na tha wald do quhen him self wer present. "That salbe done," said all with ane consent. That samin tyme this Makcobey come he, 40,055 His awin werk to visie and to se, And fand Makdufe than fra the werk absent, Quhairof that tyme he wes nothing content. Befoir thame all, behind Makduffis bak,

Fra that tyme furth he held him ay suspect,
And neuir on him with patience moir mycht luke.
This ilk Makdufe the quhilk suspitione tuke
Of Makcobey, that he wald him na gude,
Be vther men far better wnderstude,
The quhilk to him the veritie that schew,
Of Makcobey tha wnderstude and knew.

Rycht suspect langage that tyme of him spak,

Waill crabitlie and into greit effect;

40,060

40,065

Saw he his tyme, than doubles but remeid The thane of Fyffe Makdufe wald want the heid,

-40,070

This Makcobey so soir that tyme he dred, To prince Malcolme into Ingland he fled. Off this Malcolme I schew zow of befoir, Quhilk in his tyme that callit wes Canmoir, Eldredus sone as ye sall wnderstand, Callit wes Edward than king of England. This was Eldred that Canutus slew,

Lib.12, f.188. Col. 1.

Bot schort quhile syne befoir as I zow schew, Befoir this tyme now that I say zow heir,

40,080

40,075

I wait nocht weill how lang and mony zeir, Quhill efterwart as ze sall wnderstand, The Danis all wer put [out] of Ingland, And all thair power put wes than to nocht, This ilk Edward fra Normondy wes brocht,

And crownit king quhilk in his tyme that rang, 40,085 And als befoir I can nocht tell how lang;

Bot efterwart the fassoun of that cace, I sall schaw zow quhen tyme cumis and place.

This Malcome Canmoir, 3e sall wnderstand, With this king Edward than wes in Ingland, The quhilk with him in great honour we[s] hed,

Fra Makcobey fra Cumberland he fled. Makcobey be suspitioun he knew

Makduffe wes fled, also to him tha schew

Ilk word be word how that Makdufe had done; 40,095

This Makcobey thairfoir he sped him sone In Fyffe that tyme, to this Makduffis place, Thocht it wes stark zit to the kingis grace; His wyfe that tyme, but bargane or rebous,

40,100

Rycht reuerentlie to him gaif ouir the hous; Traistand that tyme he suld do thame no ill,

Scho put the hous and all into his will.

HOW MAKCOBEY SLEW THE WYFFE AND BARNIS OF MAKDUFFE AND FORFALTIT HIM SELFF AND TUKE ALL FRA HIM, AND HOW MAKDUFFE MENIT HIM TO MALCOLME CANMOIR, AND OF HIS ANSUER MAID AGANE AS FOLLOWIS HEIR.

This cruell serpent, wod and venemous, Quhen this lady had geven ouir the hous, Hir self and barnis but ony remeid, 40,105 And all the laue, pat till ane cruell deid. Syne all the riches wes the hous within, Gart turss away that tyme be the leist pyn: Syne ouir all Scotland siclike vp and doun, Proclamit him ane rebell to the croun. 40,110 This ilk Makdufe, of quhome I schew befoir, All this he schew to gude Malcome Canmoir, Ilk word by word, and in nothing wald lane, How Makcobey bayth wyfe and barnis had slane, To him sum tyme so tender war and deir, 40,115 So lamentabill that pitie wes to heir; And schew also his greit crudelitie To his lordis, without humanitie, And of the vices that into him rang, With sic exces continuallie so lang; 40,120 How with his liegis he wes so ill lude, And speciallie with all the men of gude So haittit him for his tirranye, " And all," he said, "is in defalt of the; "The quhilk will nocht cum and persew thi 40,125 " Lattand thi liegis dalie be ouirthrawin

"With 3 one tirrane, full of ingratitude, "Makand distructione of the nobill blude,

That horribill is other to heir or se. Greit wonder als to eueric man of the, 40,130 " That ma sa weill, haifand power and mycht, "Will nocht persew thi heretage and rycht, " So wranguslie haldin fra the so lang, " And mak thi liegis for to leif but wrang. "Thocht this to the war no plesour no steid, 40,135 " Lit neuirtheles thow suld revenge the deid " Of king Duncane, quhilk wes thi father deir, " Zit vnrevengit hes bene mony zeir, " Cone tirrane slew with greit crudelitie. "Gif strenth, or wit, or manheid be in the, 40,140 " And als thow hes thi time so oportune, " With litill sturt sic thing ma weill be done; " Bot gif thow be so febill of estait, " But hardines, without wisdome so blait, " Meticulos, and dar nocht se blude drawin, " Richt eith this tyme thow ma cum to thi awin. " For weill I wait the nobillis with thair hart, " Of all Scotland this da will tak thi part, " And stand no aw for the to bleid thair blude, "So that the wist that thi willis war gude." All this he said that I haif said zow heir, And mekill moir na I haif now perqueir, To this Malcolme in greit effect he said, Till his purpois gif he culd him perswaid. This ilk Malcolme for his dissait that dred, 40,155 For Makcobey befoir richt oft so hed Gart him persew with mony subtill trane, Quhairthrow he micht this Malcome to haif slane, And for that caus this Malcome dred hes ill, And lather wes to lippin him intill. 40,160

And or he wald schaw him his counsall haill,

it first he thocht his lautie to assaill;

Col. 2.

¹ In MS. 3aite.

	As he had bene wnfenzeit and rycht plane, This same ansuer he maid to him agane. "Forsuith," he said, "full soir forthinkis me "Of zour great noy and it micht mended be, "The quhilk for me I wait will nocht be done, "For-quhy I knaw I am inoportune.	40,165
	"I ken my self, quha equallie can wey, "Hes far ma faltis nor euir had Makcobey, "And war inclynit into mony thing, "And les convenient for to be ane king; "So lecherus aboue mesour am I,	40,170
	" And thocht I wald I ma nocht weill deny, " The quhilk in me can neuir be correctit, " To that plesour so far I am subjectit. " Rycht weill I wait, had I auctoritie,	40,175
	" As he hes now, with als greit libertie, " In all Scotland thocht that he neir so ryfe, " Virgin or wedow, madin or mannis wyfe, " Bot I wald preiss hir onis for to preif " Quhat euir scho war, and ask bot litill leif,	40,180
	"And thus with me ze wald sone fall in stryfe." Sum for his dochter and sum for his wyffe,	40,185
	"That ze suld be fanar me to forgaue "Ane hundret fald, nor ze ar me till haue. "Thocht to me now ze haif so greit desyre, "Agane me than ze wald richt sone conspyre,	
Til to from	Againe the than 30 ward from some conspyre,	40,190
Lib.12, f.188b. Col. 1.	"And put me down with far moir lak and schar "Na now with honour 3e can bring me hame. "Ane vther falt I haif that is far war,	me,
	"To tratlaris I am infectit far, "And reddie is to gif to thame credence, "The quhilk that is ane perelus pestilence; "And speciallie into ane prince or king, "For to gif credence to sic vane tratling,	40,195

40,220

" As I myself louit hes ay weill to do,

- " For-quhy nature compellis me thairto. 40,200 " For no wisdome I can forbeir or leif, "The gift of nature is so ill to reif: " Rycht hard it is, other for boist or blame, " Bring fra the flesche that is bred in the bane. " Rycht eith it is ane tratlar gar me 1 trow "The plane contrair I wald haif sworne rycht now; "The thing that I gif most credens now to, " Incontinent the contrair I will do; " My mynd als lycht is euirmoir on flocht, " As woddercok or ony womanis thocht. 40,210 " Sen all thair faltis vglie and horribill, " The quhilk in me I knaw incorrigill, " Wittand so weill, but fictioun or fabill, " Quhilk to zow all wald be intollerable, " Quhairfoir at me ze wald haif greit dispyte, " And euirilk da ze wald me blame and wyte, " And luif me war, I bid nocht for to fenze, " No Makcobey, and haif moir caus to plenze; " Quhilk wald nocht faill," he said, "that I forsend,
- "To bring me sone to ane vnhappie end." Thairfoir," he said, "ane mekill fule war I,

" Gif that I suld, haiffand sic caus and quhy,

" Wilfullie to tak on hand sic thing,

" Quhilk wald nocht faill to haif ane ill ending."

Quhen he had schawin his mynd to him in 40,225 plane,

This ilk Makdufe he replicat agane:

"Gif it be so," he said, "that thow hes schawin,

" Grit mervell is so lang it is vnknawin;

" For I haif sperit alss far as I can,

" And findis nocht that thow art sic ane man. 45,230

¹ In MS. the.

Col. 2.

- " Now in zouthheid quhen thow suld erast be
- " Infectit farrest to faminitie,
- " To lust and plesance alway gif consent,
- " Quhen as zit thow art ane innocent;
- "Thairefter in eild quhen passit is the rage, 40,235
- " Sic wit in the sall suampit be and suage,
- " And euirilk da be menischit les and les,
- " And thow sall grow to vertew and incres,
- " And euirilk da wyn greit merit and meid,
- "Thank and reward thairof haif thow no dreid.
- " Quhairfoir," he said, "I can nocht vnderstand,
- "Thow suld forsaik to tak sic thing on hand."

Quhen he had said, and schaw [to] him his will, This ilk Malcolme sic ansuer maid thairtill:

- " I haif hard sa that greit terrour and dreid 40,245
- " Causis ane man [to] mak vertu of neid;
- " For quhair ane man standis grit dreid or aw,
- " Hydis his vice, and wilbe laith to schaw,
- " Suppois natuir constranze him thairto,
- " 3it aw and dreid will caus him for till do, 40,250
- " So scharpe ane wand is terrour, aw and dreid,
- "The plane contrar quhen it standis in neid."
- " Rycht mony men that we hald now full leill,
- " 3it ar inclynit baith to reif and steill,
- " Quhilk wald nocht spair war nocht justice 40,255 and law,
- " And dreid of deid, quhomeof tha stand sic aw.
- " And mony virgin that ar of gude fame,
- " War nocht for dreid of thair freindis and blame,
- "Richt weill I wait wald tak thair wantoun will,
- "Sen neid throw kynd constrants thame thair- 40,260 till,
- " By dalie prattik as we ma weill se,
- " Sone efter syne quhen tha haif libertie,

- " Of thair awin plesour for thame self provydit,
- " Did schaw or nocht how mony ane ar gydit.
- " Myself," he said, "now in that same stait 40,265 standis,
- " So far fra hame heir into vncouth landis,
- " Without prouisioun in ane strange place,
- " Quhilk dois bot stand in the kingis grace,
- "That causis me waill oft on force to fenze,
- " And with greit pane my appetyte constrenze; 40,270
- " Bot and I war, as thow wald now haif me,
- " Haiffand sic fredome and auctoritie,
- "Without presume ony suld mak me pley,
- " I wald be war nor euir wes Makcobey.
- "Thairfoir," he said, "for ony rycht or querrell, 40,275
- " I purpois nocht to put my self in perrell;
- " And neidis nocht, haifand all that I pleis:
- " He levis weill that levis into eis.
- "Thairfoir," he said, "persuaid me nocht thairto,
- "My self wait best quhat that I haif till do." 40,280 Quhen Makdufe hard sic ressone as he schew, Traistand richt weill that tha had all bene trew, And saw his mynd so far agane him set, Wald na mair go [to] fische befoir the net, So weill he wist his travell wes in vane, 40,285 Bot on this wyss to him he said agane:
- "Cowart knycht, sen reuth no 3it pitie
- " Of thi liegis nothing commuuis the,
- " No zit," he said, "thi fatheris cruell deid,
- " On to thi realme quhilk will mak no remeid, 40,290
- "The gratius God heir I beseik abone,
- "Other," he said, "to change thi mynd rycht sone,
- "Out of this warld or suddantlie the tak."

 Quhen this wes said he turnit syne his bak,

 And in the tyme, for verrie wo and tene,

 The bitter teiris brist fra baith his ene

	And said, "Allace! that I wes borne of wyfe,	
	" Or zit so lang sould leifand be on lyfe, " Of my kyndlie natioun for to heir and se,	
		40,300
	"Now of my self I tak bot litill cuir,	40,300
	"Sen weill I wait that I wes borne so puir,	
	"Witles and waik, and richt febill also,	
	"Out of this warld als puir syne mon [I] go.	
		40,305
	" Sen fra thy sicht nothing ma be vnschawin,	,,
	" And euerie thing opin befoir thi ee,	
	" Quhy thoillis thow thi pepill puneist be	
	"With greit oppressioun and sa oppin wrang,	
	"And 3 one tirrane to rax and ring so lang?"	40,310
	This ilk Malcolme than said, quhen he had sene	
	The bitter teiris rynnand fra his ene,	
	Attouir his cheikis that war paill and wan,	
	Onto his feit like ony rane doun ran,	
	"Gude freind Makdufe, be of ane comfort gude,	40,315
	"Thow hes no caus to murne sa in thi mude;	
	" All that I said wes bot to preif thi thocht,	
	" To ken and knaw gif thow wes leill or nocht.	
	"It that I said I fenzeit to the than;	
	"Traist weill of me, I am ane vther man,	40,320
Lib.12, f.189. Col. 1.	" And sall promit the bayth with mynd and	
0011 11	hart,	
	"In that purpois at plesoure tak thi part."	
	God wait or nocht gif this Makdufe wes glaid,	
	Quhen that he hard so freindlie as he said,	
	Turnit agane and tuke him be the hand,	40,325
	Betuix thame tua than bund wes vp the band;	
	Richt sadlie sworne, as my author me schew,	
	Ilkone till vther suld be leill and trew.	
	This ilk Makdufe syne in the samin tyde,	
	Come and remanit at the bordour syde,	40,330

And secreitlie to all his freindis send, Quhilk all thair counsall hes maid to thame kend. Quhairof rycht many blyth wes at thair hart, And hes promittit for to tak thair part; Syne to him senid bayth letter and seill, 40,335 And oblissing that the sould all be leill. This gude Makdufe, that wes bayth leill and trew, To Malcolme come and all the seillis schew, And all the ansuer ilk word that the send. This ilk Malcolme fra he thair ansuer kend, 40,340 Traistand right weill that the suld all be leill, For moir effect had thair letter and seill To king Edward, the quhilk he leit him se, Askand at him his counsall and supple. This gude Edward that wald him nocht deny, 40,345 Hes promeist him that samin tyme for-thy Ten thousand men that waillit war and wycht. Ouir all Ingland buskit in armour brycht, That in ane stour durst baldlie stryke and stand, His cousing Suard, erle of Northumberland, 40,350 Thair gyde suld be and chiftane in the tyde. Syne gart proclame for all thing to provide, Baith hors and harnes, with sic ganand geir, And all waponis that neidfull war in weir. Quhen this wes schawin onto this Makcobey, 40,355 Ouir all Scotland thair rais greit stryfe and pley, Sum for the tane and als sum for the tother: With this Malcolme rycht mony did confidder, With Makcobey had bene rycht soir opprest. Than euerie man, quhair that he louit best, 40,360 Tuik part that tyme, as my author did sa, Quhairthrow the realme diuydit wes in tua, That force it wes, thocht men wer neuir so lidder, For to tak part other with ane or vther. This Makcobey with all his power haill, 40,365 Oft previt hes his partie to assaill

With bernis bold that waponis weill culd weild; His contrapairt no way wald gif him feild, Quhill Malcolme come with his auctoritie Out of Ingland, with greit help and supple: 40,370 And so he did sone efter on ane da. This Makcobey, quhilk at Dunsenane la, With all his power wer into greit dreid, Seand the tyme approcheand of sic neid, Sum gaif counsall with Malcolme for to mak 40,375 Peax, and he mycht, and trewis for to tak, With quhat condition plesit him to haif; And other sum that tyme amang the laif, Gaif counsall on to the Ylis to fle, Quhill efterwart that he his tyme mycht se. 40,380 This Makcobey illudit wes so daft, Sic credence gaif to witchis and thair craft, Quhilk gart him trow that he sould neuer de, Quhill Birnane wod, quhairin grew mony tre, Onto Dounsenane suddantlie wer brocht: 40,385 His fals beleif that tyme wes all for nocht. This ilk Malcolme the quhilk that rycht weill knew Sic thing of him, as Makdufe to him schew, With all the power he had with him thoir, To Birnane wod passit the nycht befoir 40,390 The da he thocht that the battell sould be, And euerie man ane greit branche of a tre, Vpone his bak than other les or mair, That samin nycht gart to Dunsenane bair. Syne on the morne, sone be the da wes lycht, 40,395 This Makcobey beheld into his sicht So greit ane wod, quhair neuir none zit grew Sen he wes borne, na of sa grene ane hew, Traistand it was ane taikin of his deid, \$\frac{1}{2}\text{it neuirtheles, restles but ony reid,} 40,400 Rayit his men that waponis docht to weild, And suddantlie syne gaif this Malcolme feild.

Col. 2.

And as the war baith reddie for [to] june, Out of the feild he fled awa full sone; His men that tyme quhen that the sa him 40,405 wend.

That wald nocht fecht him awin self to defend, Tha thocht folie with sic ane man to stryfe; To Malcolme than tha come ilk man belvye Withoutin straik, and put thame in his will. This ilk Malcolme so clement wes thame till, 40,410 Baith gude and ill into the samin place Rycht glaidlie than resauit in his grace. That tyme Makdufe, quhen Makcobey had fled, Follouit richt fast, sic malice at him hed, The narrest way quhair he knew he wes gane; 40,415 Syne at Lumfananc thair he hes him ouirtane, And said to him, "Now fals dog thow sall de!" Said he agane, "Thairof that thow sall le!

- " No levand man this da borne is of wyfe,
- "That hes power other with sword or knyfe, 40,420
- " Or ony wapin, me for to schent or slo."
- "I am content," said he, "that it be so;
- " For I wes neuir zit of my mother borne,
- " Quhen scho wes deid out of hir syde wes schorne.
- " This is rycht suith, traist weill that I am he, 40,425
- " Of my handis, fals tratour, thow man de!" Syne suddantlie without mercie or grace, Rycht cruellie he slew him in that place; This prophecie availlit him right nocht. Vpoun ane speir his heid syne hes he brocht 40,430 With great blythnes onto the oist agane; Quhairof his fais war that tyme full fane. Than of his regnne quhilk wes the saxtene zeir, He maid sic end as I haif said 30w heir, And of oure Lord ane thousand zeir and one, And sixtic als compleit war and bygone.

VOL. II. тт Col. 1.

That samin zeir wes auchtane of his ring, Of gude Edward of Ingland that wes king. Sen neidfull is to vnderstand the storie, To tell zow heir, sen it is in memorie, 40,440 Of the Danis the space and tyme how lang, How mony als in Ingland of thame rang That kingis war, and how tha did succeid, Heir sall I tell as ze ma efter reid. This Canutus quhilk that Eldredus slew, 40,445 Bot schort quhile syne befoir as I heir schew, Syne with his sone Edmound of Irnesyde, Betuix thame tua the kinrik did diuyde. And so tha stude in Ingland lang togidder, Lib.12, f.189b. Withoutin stryffe, in dreid ilk ane of vther, 40,450 And euirilkone of vther war suspect. Ane Inglis man quhilk wes of litill fect, Ane bludie bouchour, faithles wes but fame, Edrecus als wes callit to his name, Of this Canutus to rewardit be, 40,455 This gude Edmound richt tratourlie slew he, Vooun ane draucht doand his naturall det. This fals tratour wnder the schield wes set, Quhilk to his cuming tuke gude tent and cuir, With ane lang speit quhilk in his hand he buir, 40,460 Amang the bowellis vpwart in the breist, Straik him to deid withoutin clerk or preist; And to Canutus passit syne full sone, And schew to him that tyme how he had done, For luif of him his awin prince hes nocht spard, 40,465 Traistand thairfoir of him to get reward. This Canutus considderit weill and knew, This fals tratour that his awin maister slew, That naturallie wes nother kynd nor leill, Greit danger wes with sic ane dog to deill; 40,470 And for that caus, as he seruit to haif,

That samin tyme siclike reward him gaif,

Into the streit quhair euerie man mycht se, Vpoun anc gallous hangit him full hie, Into the tyme with mekill schame and lak, 40,475 That all vther exempill thair micht tak, In tyme to cum, with wrang or violence, For to put hand other in king or prince. The Inglis lordis syne quhen that the knew So greit justice Canutus to thame schew, 40,480 Of Edmoundis deid sic vengence he had tone, With haill consent of the lordis ilkone, Maid him tutour to governe and to gyde Of all Ingland; also the samin tyde, Edward and Edwyn within zouth right far, 40,485 Of king Edmond the lauchtfull sonis war, In matrimonie quhilk that his wyfe him buir, Deliuerit hes into Canutus cuir; Quhome he ressauit blythlie and bening, And treittit thame as sonis of ane king. 40,490 Sone efter syne he changit his intent, And send thame bayth onto the president, Valgarus hecht, that tyme of Swadyn land; Syne quyetlie he send to him command Rycht suddantlie for to distroy thame bayth. 40,495 This president, thinkand grit syn and skayth Sic innocentis for to condaime to deid, Send thame rycht far baith to ane vther steid, To Salomone, of Hungarie wes king. Thir tua childer that plesand wes and zing, 40,500 Remanit thair richt lang and mony zeir, Quhill efterwart as I sall schaw zow heir. Efter the deid syne of this Canutus, Ane sone he had wes callit Heraldus, As it was said was in his tyme als swift 40,505 As ony [h]air that ran wnder the lift, Thairfoir Hairfit, bot gif my author le, With vulgar pepill callit than wes he,

тт2

Col. 2.

Tua zeir he rang and no moir as I reid. Heirdecanutus efter did succeid, 40,510 His bruther wes, to his auctoritie, For-quhy that tyme na vther air had he. Wes none so proude levand wnder the sky, At Inglismen quhilk had so greit invy, Herald his bruther that wes deid befoir, 40,515 For caus sum tyme he manist him with schoir, Out of the erth his deid bodie hes tone, Syne of the heid he hes gart stryke, anone In Lundoun toun, quhair euerie man mycht se, Vpoun ane staik gart set it vp full hie: 40,520 In Tames water, rynnis bayth deip and fast, Of the deid cors the laif he gart in cast. Ane law he maid, bayth be way and streit, Quhair euir tha hapnit ony Dane to meit, Tha suld him halss as ane man of gude, 40,525 And in his hand still for to hald his hude, At euerie word kneill and mak curtasie, Ay still and quhill that he war passit by. Commandit als that nane of thame suld meit Vpoun ane brig, other on hors or feit, 40,530 The sempillest Dene in all Ingland wes kend, Bot to remane ay at the brigis end, Without sterage ay still as ony stone, Quhill that the Dene wes passit ouir and gone, And bek to him syne as he goith by. 40,535 The Inglismen, quhilk that his tirrany Mycht nocht suffer without humanitie, Diuysit hes with greit subtilitie The Danis all, with litill sturt and noy, Vpoun ane nycht in Ingland to distroy. 40,540 And so the did ouir all Ingland are nycht, In euirilk hous ane greit supper wes dycht, Quhair all the Danis callit wes thairtill, Of wyne and aill takand thame sic ane fill,

With sic exces qualil that the war als fow, 40,545 Syne fell on sleip also sound as any sow; And also fow and drokin as ane mous, The Danis war than into euirilk hous; That samin nycht syne, lang or it wes da, Tha war all slane thair sleipand quhair tha la. 40,550 The Inglismen syne on the morne tuke feild, With euirilk wicht ane wapin docht to weild, And all the laif syne of the Danis slew. Heirdecanutus, quhen he hard and knew The fassoun all how tha his men gart slo, 40,555 And him awin self wer seikand than also, Knawand so weill than as the mater standis, That he micht nocht avaid out of thair handis, And for that caus or he come in thair will, And thoill sie pane as tha wald put him till, 40,560 With ane lang knyfe that hang be his awin belt, He slew him self thair suddantlie and suelt. The Inglismen, guhen that the hard and knew So suddantlie him self as he than slew, In tyme to cum tha war quyte of his ill, 40,565 And tha also had thair fredome and will, Ane Godowyn, ane greit nobill that wes, In Normondy that tyme that haif gart pas For Alarude and Edward in that tyde, Qubilk brethir wer till Edmond of Yrnesyde, 40,570 Sonis also wes to the king Eldred, And gude Emma his latter wyfe, I red, Ducke Richardis dochter wes of Normondy, As I schew zow bot schort quhile syne goneby. This Godowyn, of quhome heir that I schew, 40,575 That samin tyme ane tratour wes vntrew; Canutus dochter, of quhome befoir I tald, Ane sone him buir quhilk callit wes Herald,

¹ In MS. that.

Lib.12, f.190. Col. 1. Quhilk wes the caus of tressone as I reid; In that belief this Herald suld succeid 40,580 Efter his guid-schir for to bruke the croun, He promeist [hes] thir childer to poysoun. Gude Alarude the eldest wes and air, Wes none that da moir plesand and preclair, He hes gart poysoun in that samin place; 40,585 And gude Edward, as it wes Goddis grace, Saifflie did his tressoun than wmschew, And how it wes I can nocht tell zow now. Bot sone efter, as ze sall wnderstand, This ilk Edward wes crownit in Ingland, 40,590 Eldredus sone wes narrest to succeid. This ilk Edward syne efter, as I reid, Ane nobill king he wes in all his dais, Wes none better as that my author sais. This Godowyn for him so soir that dred, 40,595 Schort quhile befoir of Ingland he had fled, So meik he wes, within ane litill space Ressauit him agane into his grace, And gart all thing agane to him restoir, Bayth land and gude all that he had befoir; Gart him remane with him self nycht and da: Herald his sone, duke of Oxonia For his plesour he maid into the tyme. Bot gratius God, the quhilk all gilt and cryme Rycht equallie, thocht he desire ane space, 40,605 Will puneis heir or in ane vther place, And so he did to this fals Godowyn; Tak tent and heir how that it hapnit syne.

How Godowyn worreit himself to Deid in Presence of Edward King, becaus he maid ane greit Lesing.

Vpoun ane da with mony fenzeit fabill, With king Edward quhair that he sat at tabill, 40,610 Of sindrie thingis speikand ill and gude, Thair talking than wes most of Alarude, This Godowyn that tyme with greit effect, Traistand the king thairof had him suspect, He said, and suoir richt mony aith betuene, 40,615 Of that tressoun he wes saikles and clene. And in his hand he tuke ane peice of breid, Before thame all syne he held vp his heid, Vnto the king on this same wyiss said he, "I beseik God ma! this my poysoun be, 40,620 "Gif euir I had, without ony remeid, " Art or part of Alarudus deid." Syne in his mouth he pat the breid with that, Quhen in his hals, that same tyme quhair he sat, [It] stak so fast without ony remeid, 40,625 Or euir tha wist, it wirreit him to deid. Thus endit he the quhilk menswoir alhallowis, Syne erdit wes efter wnder the gallous; Into this mater I will no moir remane, Bot to my storie turne I will agane. 40,630

How King Malcolme was crownit King of Scotland, and how he rewardit his Lordis and maid Erlis and mony gude Lawis.

This gude Malcolme of Scotland than wes king, The auchtane zeir of this Edwardus ring,

¹ In MS. no.

Col. 2

Throw his supple, befoir as I zow schew, His heretage in Scotland did reskew. Quhilk crownit wes the fyue and tuentie da 40,635 Of Aprile, as my author did sa, And of oure Lord ane thousand and sexty Zeiris and one compleit war ane gone by. To Forfair syne he passit thair and baid, Quhair he that tyme rycht mony lawis maid; 40,640 To thair freindis that Makcobey had slane, Richt richlie than rewardit hes agane; To euerilkone that tyme baith les and moir, That tulk his part so planelie of befoir. In that counsall, as ze sall wnderstand, 40,645 The first erlis that euir war in Scotland Wes maid that tyme with his auctoritie, Befoir wes wont bot thanis for to be. Of quhome the names I haif nocht perqueir, Of pairt of thame zit sall I schaw zow heir. 40,650 Fyffe and Angus, Mar and Morauia, Buchane, Catnes, Menteith, Atholia, The Lennox, Ros, without ony gane-call, In that counsall the war maid erlis all; And mony surename also les and moir, 40,655 Wes maid that tyme quhilk wes nocht of befoir; As Calder, Lokart, Gordoun, and Setoun, Gallowa, Lauder, Wawane, and Libertoun, Meldrum, Schaw, Leirmond, and Cargill, 1 Stratherne, Rattray, Dundas als thairtill, 40,660 With Cokburne, Mar, and Abircrumby, Myretoun, Menzeis, and also Leslie. All thir surnamis that I haif schawin zow heir, Weill ma ze wit, withoutin ony weir, That the tuke part withoutin ony pley 40,665 Into that tyme aganis this Makcobey,

¹ In MS. Gargill.

With gude Malcome of Scotland that wes king. And for that caus, and for na vther thing, Richt greit rewardis to thame all he gaif, Efter thair deidis as the war worth to haif. 40,670 To gude Makduffe the erle of Fyffe gaif he Ane priuiledge, and his posteritie; The first, quhilk wes ane priviledge conding, The erll of Fyffe guhen crownit wes the king, Onto his chyre suld him convoy and leid, 40,675 The croun of gold syne set vpoun his heid With his awin hand, all service for to mak, As president most principall of that act; The secund wes, that battell in ilk steid In his gyding the vangard for to leid; 40,680 The thrid also, that neuir ane of his clan Suld judgit be wnder ane vther man, Quhair euir he war, bot with the erle of Fyffe, Quhen that he war accusit of his lyffe. With mony lawes also hes maid than, 40,685 Richt commendabill bayth to God and man, And abrogat all lawes les and moir, That Makcobeus maid had of befoir.

How Lauchlat, Makcobeus Sone, wes crownit King in Scone, and how Makdufe slew him rycht sone.

Rycht sone efter that done wes all this thing,
Thair come ane man the quhilk schew to the
king
Of nyce newis in the tyme wes done,
Ane callit Lauchlat wes crownit into Scone,
Quhilk wes the sone of foirsaid Makcobey.
The erle of Fyffe send wes to red that pley;

Lib.12, f.190b. Col. 1.

The quhilk at Esk that tyme hes him ouirtane, 40,695 And slew him thair with his feiris ilkane. Be this wes done, onto the king wes tald Ane bellomy that busteous wes and bald, In Loutheane had seruit mekill blame, And quhat he wes I can nocht tell his name, 40,700 With mony revar, that war bald and stout, He spuilzeit had the land all round about, Baith in the Mers and Loutheane right far. Ane nobill man, Lord Patrik of Dumbar, At Colbrandispeth this captane carle he keild, 40,705 And sax hundretht of his men into feild; Fourscoir he tuik quhilk to the king he led, The carlis heid also with him he hed Thair captane wes, and presentit to the king, Quha wes rejosit gritlie of that thing. 40,710 This Lord Patrik the erle of Merche he maid; Of Colbrandispeth the landis lang and braid Gaif him that tyme, and thairwith ordand he, In his banar ane bludie heid to be, Perpetuallie in ane taikin and sing 40,715 Of his honour the quhilk that did sic thing. Syne efter this it hapnit vpone cace, This king Malcolme at hunting in ane place, Of sindrie men quhome of he wes suspect, As secreitlie wes schawin him in effect, 40,720 Conducit war than with his mortall fo, For greit reward this king Malcolme to slo. The king him self that knew rycht weill thame all, The men of thame that wes most principall, Richt quietlie the king with him is gone 40,725 Furth in the wod than hand for hand alone, Waill secreitlie wnder ane buss of breir, Quhair thair wes nane other to se or heir. This gude Malcome than to that man said he, " O fals tratour! without humanitie; 40,730

" O brutell beist! but kyndnes in memoir	
" Off all kyndnes that I did the befoir.	
" Traist weill, tratour, of the I haif hard tell,	
" With fals tressoun thow schaipis to rebell	
	10,735
" And tratourlie thow schaipis me to slo,	
" Quhen I sall haif na power to defend.	
"Thy cruelnes is richt weill to me kend."	
With that he drew ane brand bayth braid and	
brycht,	
And said till him, "Cum on! God schaw the	10,740
richt!	
" Now is moir tyme quhen no man is to red,	
" No for to sla me sleipand in my bed.	
" Defend the, tratour, ane of ws sall die!"	
With that the tratour fell down on his kne,	
• • • • • • • • • • • • • • • • • • • •	40,745
Syne piteouslie on him mercie did cry.	
Malcolme wes meik and wald do him na ill,	
And suddantlie he said agane him till,	
" Of thi reat this tyme full soir I rew;	
•	40,750
"Heir I forgif the all faltis bygone."	
And be the hand that tyme syne hes him tone:	
Syne raikit furth befoir as tha war wont,	
Amang the laif into the hillis to hunt.	
9 -	40,755
And of king Edward tell sum thing agane.	

Col 2.

How Edward, King of Ingland, was aigit and liad no Airis of his Bodie, send for Edward his Bruther Sone, quha was in Hungary, to resigne the Croun to him and be King of Ingland efter him.

This ilk Edward as ze sall wnderstand, That samin tyme that king wes of Ingland, Weill agit was and cuming to great eild, And of his awin had nocht ane lauchfull cheild 40,760 Efter his dais the kinrik for to gyde. His eldest bruther Edmond of Yrnesyde, His tua sonis quhilk war in Hungarie, As I schew zow bot schort quhile syne gone by, Edmound the eldest deit without air. Edward, ane virgin plesand and preclair, Weddit are wyfe wes callit Agatha, The kingis dochter wes of Hungaria; To him scho buir Edmond ane sone, also Margaret and Cristiane, and na barnis mo. 40,770 This king Edward that samin tyme send he, For this Edward his sone and air to be. At his command this Edward come belyve Into Ingland with his barnis and wywe, Quhome that the king resauit with renoun; 40,775 Befoir thame all syne offerit him the croun, Becaus he wes his eldest brutheris cheild, And he him self also wes of gude eild, And for that caus he profferit him the croun, Befoir his deid to gif him possessioun. 40,780 This zoung Edward so curtes wes and heind, His darrest eme, so tender wes ane freind, He thankit hes that tyme right reverently, To tak the croun refusit hes, for-thy He wes eldest and grittest of renoun, 40,785 And in possessioun also of the croun,

The quality he thousand was nocht semand to be, For greit degraiding of his majestie. The pepill all quhen that the hard sic thing, How zoung Edward refusit to be king, 40,790 For sic kyndnes till his vnkill he hed, Withoutin his purpois [eithlie] micht haif sped, Quhen oft hes bene befoir that the tone bruther For heretage distroyit hes the tother, And for that causs that he sic thing forsuik, 40,795 The pepill all greit plesour of him tuke. Sone efter syne, as my author did tell, This zoung Edward, as aventure befell, Departit hes befoir Edward the king, That sorrowfull wes and sorie of that thing, 40,800 Ay moir and moir with greit langour and wo, Out of this warld quhill he wes maid till go. Sone efter syne, as halie kirk now grantis, Now in till eird is numberit among the sanctis Richt hie in hevin, with blythnes and grit 40,805 gloir Withoutin end, and so and euirmoir. The lordis than of Ingland euirilkone, To Lundoun toun togidder all ar gone To cheis ane king to be thair governour; This 3oung Edmond quhilk wes of grit honour, 40,810 This Edwardis sone borne was in Hungarie, Neglectit wes that tyme and far put by The heretage, to quhilk he had sic richt, Part than for wrang and vther part than by slicht, Corruptit wes be giftis of Herald, 40,815 Lib.12, f.191. Quhome of befoir schort quhile to 30w I tald, Col. 1. The eldest sone of Godowyn bygo, And dochteris sone to Canutus also.

For his reward of greit riches and mycht,

This 3oung Edmond wes frustrat of his rycht, 40,82

And this Herald without rycht of sic thing,
For Canutus¹ that da wes crownit king.
Thair allegatioun wes as I wnderstude,
For he wes narrest of Canutus blude,
And for that caus the Danis wald nocht pruif, 40,825
Vnjust battell aganis thame till mufe.
Tha fenzeit this to be the caus and quhy;
It wes nocht so, and that rycht weill wait I.
That Canutus thairof had all the wyit,
Quhairat greit God had efter greit dispyit, 40,830
And brocht thame all, as it wes rycht weill kend,
For thair falsheid onto ane febill end.
And how it wes quho² lykis for to speir,
Tak tent this tyme and I sall tell 30w heir.

How Herald mareit the Duikis Dochter of Normondy, and how he come in Ingland, marterit this fair Ladie, and send [hir] to hir Father richt schamefullie, and of the Duikis cuming in Ingland.

This ilk Herald sone efter he wes king, 40,835 Into his mynd consauit hes sic thing, That he wald pas, I cannocht tell zow quhy, Into Flanderis, bot gif it wes for-thy As God hes said sa all thing man be done. This ilk Herald to schipburd passit sone, 40,840 Syne ankeris drew and leit saillis dounfall, Befoir the wynd syne went ouir mony wall. Sone efter syne, within ane lytill we, So greit ane storme thair fell into the se, That force it was ay sailland by and by, 40,845 For till arryve than into Normondy. This ilk Herald thairof he tuke the land, The quhilk that tyme richt weill did wnderstand

¹ In MS. Conatus. | ² In MS. quhy.

Williame, Bastard quhilk wes of Normondy, At him he had greit malice and invy, 40,850 For his father distroyit Alarude, His cousing deir, so neir wes of his blude. And for that caus to counsall he is gone, Decreittit wes syne with thame all ilkone, Herald suld fenze that he come to wed 40,855 The duikis dochter, to bring to his bed In matrimonie vnto his wyfe and quene, To mak friendschip quhair lang grit weir had bene. Quhairof this duke richt hartlie wes content, And gart compleit all thing incontinent 40,860 Of his desyre that he plesit to haif; His dochter syne in mariage him gaif With greit devyss; quhen all thing wes done so, He tuke his leif hame with his wyfe till go. And guhen he come in middle of the way, 40,865 Vpoun the se, as my author did say, The Normanis all that come hir till convoy, Into that tyme without noy, Except hir self that tyme and other thrie, Send all agane hame bakwart ouir the se. 40,870 In Ingland syne, sone efter he come hame, To this ladie hes done greit lak and schame, Of hir father for malice and invy, Magir hir will, gart laddis with hir ly. Hir plesand ene syne as the cristell stone, 40,875 For greit dispyte out of hir heid hes tone; Syne cuttit of hes baith hir eiris tuo, Hir lustie lippis and hir nois also; Hir plesand face, that pitie wes to se, Deformit hes with greit crudelitie; 40,880 Onto hir father in his lak and schame, On that same fassoun than he send hir hame. This Williame Bastard syne efter rycht sone, Of that injure Heraldus had him done,

Col. 2.

With greit power, as my author did sa, 40,885 In Ingland come syne efter on ane da, With bernis bald that waponis weill culd weild, And slew Heraldus fechtand into field. Depryuit him of his kinrik, lyfe and croun, Of greit injure and of the fals tressoun, 40,890 To him befoir so wranguslie he wrocht, And his dochter full deir than hes he bocht. And euir moir in storie as I reid. The Normond blude sensyne hes done succeid Into Ingland, haifand auctoritie, 40,895 Baith of the croun and all greit dignitie: As God prouvdis so all thing is done. This Williame Bastard efter this rycht sone, Thair with his lordis into Lundoun toun, Ressauit hes of all Ingland the croun; 40,900 And all the lordis also ill and gude, Ouir all Ingland quhilk war of Inglis blude, Dishereist hes withoutin ony dreid, And maid ane Normane in his place succeid. The vulgar pepill leit thame leif als fre, 40,905 And far better nor tha war wont to be, With thair awin law, langage, and all the laif, Siclike befoir as tha war wont to haif; The kinrik als as it wes wont to be, Callit Ingland be his auctoritie. 40,910 Quhilk causit thame fra that tyme furth but pley, To him and his euir moir for to obey, And zit hes done, I can nocht tell how lang, As plesis God the quhilk can do na wrang. This zoung Edmound, the sone wes of Edward, 40,915 Quhen that he saw the kinrik wes transferd Fra his natioun wnto the Normane blude, Perfitlie than he knew and wnderstude That all his laubour wes [but] waist and vane, In Ingland than na langar wald remane. 40,920

In ferme purpois to pas in Hungarie, With baith his sisteris syne went to the se; Thair passage maid than out of Thamis mouth. The wind it blew so stark out of the south, Ay be ane burd it draif thame to the north, 40,925 Quhill tha tuke land richt far vp into Forth, Into ane place, as my author did sa, Sanct Margaretis-hoip is callit at this da. To king Malcolme quhen this wes schawin syne, Remanand wes into Drumfermlyne, 40,930 To thame he send for to inquyre and speir Of thair cuming the fassoun and maneir. As he [wes] bad this messinger hes done; Syne come agane and schew to him rycht sone, Quhat that tha war and how that the come thair.

Lib.12, f.191b. Col. 1.

And all the fassoun ilk word les and mair, The quhilk befoir that I haif put in verss, Is nocht neidfull agane for to reherss. This king Malcolme, quhilk wes nocht immemor The greit kyndnes that gude Edward befoir 40,940 Schew him in Ingland quhen he did remane, And for his saik thairfoir he thocht agane Onto his freindis recompance to mak, Quhilk causit him moir kyndlie with him tak. And so he did with greit honour and gloir, 40,945 And all his lordis that tyme les and moir That present war, tha princes richt potent, With king Malcome onto the schip tha went. This zoung Edward that knew full weill sic thing, Richt reuerentlie he come and met the king, With his mother and with his sisteris tuo, Quhilk salust him syne all the laif also.

¹ In MS. As as.

This nobill king hes tane him by the hand, His mother syne, quhilk nixt [to] him did stand, He kissit hes thair, with his sisteris tuo, 40,955 To Drumfermling syne maid thame all till go; In greit blythnes ane lang tyme of the zeir, Quhair tha remanit ilk da with grit cheir. As plesis God so all thing man be done: This king Malcolme considderit hes rycht sone 40,960 Of this Margaret the greit humilitie, Hir pulchritude and hir speciositie, Hir greit vertu, the quhilk that did exceid All vther virgin in hir tyme, I reid; And for that caus, as my author did mene, This king Malcolme hes tane hir to his quene, With haill consent of the nobillitie, In matrimony his lauchtfull wyfe to be. The zeir of God quhilk send sic grace fra hevin, Ane thousand saxtie als thair and sevin, 40,970 This ilk Margaret of quhome befoir I mene, Of Scotland than wes crownit to be guene. This beand done as ze sall winderstand, Than Williame Bastard, king wes of Ingland, Quhen that he knew how all this thing wes done, 40,975 He flemit hes out of Ingland richt sone The 1 freindis all wes of this ilk Edgair, That levand war ilkane baith les and mair; Quhilk of thair lyvis wes so soir adred, That samin tyme in Scotland all tha fled. 40,980 Quhometo king Malcome greit rewardis gaif, Of gold and land as the war worth to haif, The quhilk sensyne geid neuer zit hame agane, Bot ay in Scotland stone still did remane; And quhat the war, quha lykis for to speir, 40,985 Thair surnames also now I sall schaw zow heir.

¹ In MS. This.

Lyndesay, Wallace, Touris, [and] Lovell, Ramsay, Prestoun, Sandelandis, Bisset, Soullis, Maxwell, Wardlaw, Giffurd, Maule, Borthuik also, Fethikran, Creichtoun, all thir and no mo. 40,990 Fyve of thir last, also far as I can spy, Come with this Edgar out of Vngary; And all the laif of thir, as eith is to ken, Of thir ilkone tha war all Inglismen. This Williame Bastard guhen he wnderstude, 40,995 This king Malcolme with so greit gratitude Col. 2. Ressauit hes thir men baith les and moir, To him he wrait with rycht greit bost and schoir, In heightie langage that we all to large, Commandand him, wnder all pane and charge 41,000 Of his perrell that efter micht be fund, This ilk Edgair he sould send to him bund. Than king Malcome, in fair termis and plane, Als hett and hielie ansuer maid agane; Sayand, als far as he culd wnderstand, 41,005 He was nocht oblist to keip his command; No zit, he said, of his desyr and will, Nocht worth ane fle thairof he wald fulfill. " As for his bost I set right litill by, "Do that he dow," he said, "I him defye." 41.010 With this ansuer the messinger richt sone, Went hame agane and schew how he had done; And all the ansuer that he gat agane, Ilk word by word 2 in termis that war plane. This Williame Bastard herand it was so, 41,015 Ane greit armie he furneist hes till go With ane hecht Rodger, as I vnderstand, Ane Normane wes into Northumberland, For-quhy gude [Suard] that tyme thair of wes lord, To king Malcome, gif that I rycht record, 41,020

¹ In MS. am.

² In MS. wordis.

His mother bruther in the tyme was he, And tuik his part at possibilitie. This ilk Rodger than for to keip command, He enterit sone into Northumberland, Quhair he that tyme wes sone put to the war, 41,025 His men war slane, him self chaissit rycht far, And in the chace, as it wes rycht weill knawin, Throw tressoun slane thair be men of his awin. This Williame Bastard, of Ingland that wes king, Quhilk litill sturt than tuke of all that thing, 41,030 Ane grittar armie sone efter he send In Cumberland, syne maid with thame to wend The erle Richart, of Loncastell wes lord, To be thair gyid¹ and keip thame in concord. The erle of Merche, gude Patrik of Dumbar, 41,035 And of Menteith, thir tua erlis send war Be king Malcolme that tyme in Cumberland, Quhilk stoppit him and maid him sic ganestand, Scant worth ane hog tha leit him tak awa; Quhair he tuke ane tha tuke agane ay tua. 41,040 This Williame Bastard seand it was so, Ane greit armie he hes maid till go, Gif it be trew that my author tald me, With ane bischop thair governour to be, And wes 2 his bruther, Oden hecht to name, 41,045 The erle of Kent, ane man of nobill fame, Quhilk enterit sone into Northumberland, Wes nothing fre befoir thame that the fand, Baith brint and slew, as my author did sa, Syne mekill gude tha tuke with thame awa, 41,050 Evin as tha wald at thair plesour and will. Syne king [Malcolme], quhilk sone thair sped thame till,

¹ In MS. kynd.

² In MS. with.

³ In MS. thair than.

Arreistit thame, syne with ane maissar wand, Or the passit out of Northumberland, Richt mony thousand of thame thair wes slane, 41,055 And all the laif war chasit hame agane. This bald bischop, for all his schavin croun, Durst nocht than byde to heir thair confessioun. 3it William Bastard, quhilk that wald nocht tyre, Ane grittar armie and with moir desyre, 41,060 With his sone Robert wnto Northumberland, With thame he send to be at his command. This ilk Robert, as my author did sa, He come to Tyne and thair stane still he la: The New Castell he gart agane restoir 41,065 Till the awin strenth distroyit wes befoir. Into that tyme he did no vther thing, Bot passit hame but ony tareing. This Williame Bastard, quhilk culd nocht proceid, To his purpois cumand so hulie speid, 41,070 All that he did befoir richt far he rewis, With king Malcolme wes fane for to tak trewis, Of this conditioun I sall to 30w sa; That all the land fra Stanemure inwart la North onto Tueid, without ony ganestand, 41,075 All Cumbria and also Westmureland, This king Malcolme suld haif in peax and rest, For euirmoir withoutin ony molest: Makand thairfoir aith of fidelitie To this Williame and his posteritie. 41,080 Into Stanemure ane cors of stane wes set, Quhair the merchis of thir tua kingis met; And on the cors, as ze sall wnderstand, Tua crownit kingis with sceptour in to hand Depanetit wer richt propirlie that tyde: 41,085 The king of Scotland on the northmest syde, The king of Ingland also on the vther, Haldand thair faces euerilk ane fra vther,

Lib. 12, f.192. Col. 1.

I wait nocht weill quhither on fit or hors, Quhilk ay sensyne wes callit the Re-cors. 41,090 And Suardis sone, erle of Northumberland. Hecht Wordyas, maid mariage and band With ane ladie of fame that wes wnfyld, To Williame Bastard that wes dochter child; And this erle Sward in tyme to cum suld be 41,095 For tuentie zeir of all tribute maid fre, Fra Williame Bastard, of Ingland that wes king, Quhilk grantit wes to him and his ofspring. This beand done as I haif said yow heir, Sone efter syne within les nor ane zeir, 41,100 Into the Ylis and in Gallowa, Baith thift and reif, as my author did sa, Slauchter and murthur with mekle oppin wrang, With all ill vices in that tyme tha rang. And or I tell 30w quhat wes the remeid, 41,105 Heir mon I la ane stra into this steid, And of Banquho sum mentioun for to mak, Of quhome befoir in this same buik I spak, Quhilk Makcobey with sa greit tressoun slew, Siclike befoir in that same tyme I schew 41,110 With fals tressoun he quit him to his thank. He had ane sone wes callit Eleank, Quhilk, with the substance in the tyme he hed, Fra Makcobey into the Walis he fled; Quhair with the lord he tretit wes rycht 41,115 weill, And to his dochter wes so deir ilk deill, As kyndlie is thairof sould no man wonder, Richt sone efter wes brocht in sic ane blunder, Judge ze or nocht gif that scho wes begyld, That sone efter scho wox rycht greit with 41,120 child; Quhairat hir father wes richt far displesit.

This Eleank, or that he wald be mesit,

Richt cruellie without mercie gart slo; His dochter als, quhen that he had done so, In seruitude for terme of all hir lyfe 41,125 Maid hir to be ane sympill mannis wyfe. Quhill efterwart ane zoung sone that scho buir To Eleank, of guhome scho tuke sic cuir, Quhill he wes leirit baith to gang and ryde, Quhilk callit wes to name Walter that tyde, 41,130 In Albione wes nocht ane farar child; Syne efterwart, guhen that he come till eild, On to Scotland to king Malcome come he. Sone efter syne, throw greit nobillitie, And worthines in mony stalwart stour, 41,135 Greit fame he wan with riches and honour, And with king Malcome haldin wes of price, Becaus he wes so nobill and so wyce. This ilk Walter syne efter on ane da, With greit power wes send in Gallowa, 41,140 For to resist the tratouris did rebell, Quhome of befoir schort quhile 3e hard me tell. This zoung Walter with litill sturt or noy, He maid thame all to be as clois and quoy. Thair greit chiftane, MakGlawis hecht to name, 41,145 Of all thair deidis quhilk that buir the blame, Fechtand in feild, and mony mo he slew, The laif wes sworne than all for to be trew. Syne efterwart he passit in the Ylis, And part throw strenth, and other part throw 41,150 wylis, He maid thame all als waldin as ane wand, For till obey and byde at his command. Becaus he wes of sic nobillitie, This king Malcome of his auctoritie His land-stewart in the tyme he maid 41,155 Ouir all Scotland that wes baith lang and braid;

Syne till his surename Stewart did him call, And gaif to him the land[is] liand all In Cuninghame, that my author did sa, Quhilk Stewartoun ar callit at this da. His hous and famell, efter as I schew, Onto sic riches and greit honour grew,	41,160
And spred richt far also hes his ofspring, Of quhome sensyne discendit is our king, Heir efterwart, quhen I haif tyme and space, I shall schaw zow as God will gif me grace. Sone efter this that ze haif hard me tell, Ane hecht Makduncane in Murra did duell,	41,165
Perswadit hes all [pepill] moir and les, The Mernis, Mar, Ross, Buchane and Caitnes, For to conspyre agane Malcome thair king, And disobey him into euerie thing, Without he leit thame hald thair landis fre,	41,170
But ferme or mail, at thair awin libertie; And greit injure agane the king hes done. Makduffe of Fyffe thairfoir wes send rycht sone. With greit power that perrell to prevene. The men of Mar quhilk hes his power sene,	41,175
Dreidand his strenth tha tempit him for-thi With greit reward gif tha culd beir him by. That samin tyme king Malcome at thair hand, With new power wes cumin in the land; Syne with Makdufe togidder baith in one,	41,180
To Monymusk richt haistelie ar gone, And plantit hes thair palzeonis on a plane, Ane quhile at counsall syne thair did remane. Lib.12, f.192b. This king Malcolme that samin tyme gaif he Col. 1. To Sanct Androis, with haill auctoritie,	41,185
Of Monymusk alhaill the baronie, Of his fais to send him victorie.	41,190

¹ In MS. moir moir.

Syne with his oist he passit furth but pley, Quhill that he come on to the water of Spey, Quhair all his fais in the samin tyde, Remanand wer vooun the tother syde. In gude ordour appeirit in thair sicht, 41,195 In breist plait, birnie, and in basnet brycht; Sic multitude of thame as he has sene, He trowit nocht in all Scotland had bene. The man that tyme the kingis baner buir, Stoppit and stude and no forder than fuir, 41,200 Sum thing adred, as my author did mene: The king thairof richt crabit wes and tene, And hint the baner sone out of his hand; On to ane vther by him self did stand, Ane berne full bald quhilk wes of blude and 41,205 bone. Quhilk callit wes Alexander Carone, He gaif the baner in his hand to bair; In heretage syne efter euir mair, His surename syne wes callit Scrymgeour, Quhilk surname zit tha keip to this same hour. 41,210 This beand done the king passit ouir Spey, Quhair mony freik that da had bene full fey, War not the kirkmen, my author did mene, With intercessioun gangand oft betuene, Quhilk causit thame than of that stryfe to ceis. 41,215 Of this conditioun freindschip maid and peice; The commonis all sould skaill awa but stryfe, The nobillis all ilkane, saiffand thair lyfe, Suld cum that tyme into the kingis will, To quhat pennance him plesit put thame till. 41,220 This Makduncane that all the stryfe began, And vther mo wes no [les] witles than,1

¹ In MS. And mo vther wes no witles than.

Sone efter syne he did thame all denude Of land and lordschip, and all vther gude; Syne all thair tyme with grit pennance tha la 41,225 In strang presoun vnto thair latter da. Quhen this wes done as I haif said zow heir, The king Malcome right lang and mony zeir, In peax and rest and greit tranquillitie, Ane lang quhile so efter leuit he. 41,230 Off halmes [deidis] all vther did exceid In Albione in his dais, I reid, Of godlynes and of richt perfite lyfe, Be the instructioun of Margaret his wyfe, Quhilk in hir tyme had nother maik no peir 41,235In Albione, alss far as I can heir. Insufficient I am for to discrywe Hir sanctitude, and eik hir halie lyfe; Hir greit diuotioun and hir godlie werkis, As writtin is be mony famous clerkis: 41,240 And of king Malcome and his nobill deidis, Witnes will bair quha that his legend reidis. Thairfoir as now I will lat sic thing be, Ouir langsum war heir at this tyme to me; Thair werkis all heirfoir to put in write 41,245 My pen wald irk, my self also to dyte Wald grow als dull and sad as ony stone, Thairfoir as now I lat sic thing alone. The gude exempill of thair halie lyfe, He[s] causit mony with thame for to stryfe 41,250 In greit perfectioun and in cheritie, Preissand with thame thairin equale to be. Quene Margaretis mother, Agatha hecht to name, Cristiane hir sister wnfyllit of fame, Throw gude exempill of thir tua tha tuke, 41,255 All warldlie pomp and riches tha forsuik; And all the dais efter of thair lywe, Religious like leuit contemplatywe.

Edgair hir bruther, as I wnderstand,
That samin tyme he passit in Ingland
To Williame Bastard, quhilk did him resaif,
And greit lordschip, quhair he plesit to haif,
He gaif to him in all part vp and doun,
And syne gaif ouir all richtis to the croun
To Williame Bastard hartlie with gude will,
And neuir agane to haif reclame thairtill;
And all his tyme withoutin sturt or stryfe,
He leuit so to ending of his lyfe.

OFF WILLIAME BASTARDIS DECEIS, AND OF HIS THRIE SONIS, HOW KING MALCOME BIGGIT THE KIRK OF DURHAME, AND OF THE SEIGE OF ANWIK, AND OF AND HOW KING MALCOME DECEISSIT.

Neirby this tyme as ze sall wnderstand, Williame Bastard, that king wes of Ingland, 41,270 Than of his regnne quhilk wes the tuentie zeir, He tuik his leif and baid no langar heir. The zeir of God ane thousand and fourscoir, And sex zeiris compleit war and no moir. Quhilk had thre sonnis plesand and preclair, 41,275 Williame Rufus, that eldest wes and air, King of Ingland he maid efter his deid, The quhilk succeidit syne into his steid; The secund, Robert, duke of Normondy; The zoungest sone quhilk callit wes Henry, 41,280 The fairrest thing that euir wes on the mold, To him he left his riches and his gold. This king Malcome into that samin tyme, The kirk of Durhame foundit of stone and lyme, That faillit wes ane lang tyme of befoir, 41,285 Reformit hes syne all thing les and moir,

Col. 1.

In forme and fect as it wes wont to be, With als greit fredome and auctoritie. Ane faithfull father of honour and fame, Priour thairof, hecht Torgatus to name, 41,290 Ane letterit man profound in all science, Just and deuot, rycht haill of conscience; The king Malcome this halie Torgotus, He maid him bischop of Sanct Androis; The quhilk that wrait the legend and the lyfe 41,295 Of king Malcolme and gude Margaret his wyfe. Wes none culd do that thing so weill as he, Quhilk wes so just and neuir ane word culd le. And all thair lyfe perfitlie weill he knew; Thairfoir I traist all that he said wes trew 41,300 Of thame ilk word, as semis weill to be, Be thair gude lyfe and his auctoritie. By counsall of this ilk Torgotus syne, Lib. 12, f. 193. King Malcome biggit into Dunfermlyne Ane fair tempill [the best] of the countre; 41,305 Syne ordand hes perpetuallie to be, Into that kirk with diligence and cuir, All kingis grauit into sepulture. This Williame Rufus ze sall wnderstand, Sone efter he wes maid king of Ingland, 41,310 Rycht wickitlie that tyme begouth to wirk Agane the fredome than of halie kirk; And mony abba also gart distroy, To kirk and kirkmen greit injure and nov, Ilk da be da he wrocht without ony remeid, 41,315 Quhairthrow rycht mony sufferit hes the deid. The halie bischop, just and glorious, Of Canterberrie callit Anselmus, Becaus this king meikle he did corrak Of his vices, quhairof he thocht sic lak, 41,320 And grew so hett withoutin ony remeid, That efterwart he thocht to haif his heid;

War nocht the soner onto Rome he fled, So wait I weill into the tyme he hed. Suppois he knew that rycht just wes his 41,325 querrell, it neuertheles he wald vmschew that perrell, Althocht he wes rycht saikles of that cryme, To saue himself onto ane better tyme. Williame Ruffus [of] quhome befoir I tald, Rycht greit displesour oft and mony fald 41,330 Of Cumbria and of Northumberland, So peceable wer in the Scottis hand, Rycht greit dispyte into his mynd had he. Thairfoir rycht sone ane wonder greit armye, In contrair his promeis and his band, 41,335 Rycht sone he send into Northumberland; And Anwik castell that wes starge and strang, He wan that tyme suppois the seig wes lang. And Malcome than of Scottis that 1 wes king, Quhen he hard tell the fassoun of that thing, 41,340 With greit power he passit on ane da, Towart Anwik with all the haist he ma. The Inglismen of his cuming hard tell, Tha sped thame hame rycht sone attouir the fell, Ilkone that tyme richt haistelie agane, 41,345 Except the men did in the hous remane, Quhilk schupe to byde at grit laser and lenth, With all thair power to defend that strenth. Than king Malcolme sone efter this wes done, Onto the hous ane seig gart set rycht sone, 41,350 And so scharplie ilk da did it assaill, That the within on force behavit faill; Sone efter syne within thre dayis or four, Force wes to thame the hous for to gif ouir.

¹ In MS. than.

Within the hous that tyme thair wes ane man; 41,355 Quhat wes his name as now tell I nocht can, Bot, for to sa of him the veritie, Ane freik he wes full of audacitie, Gif all be suith of him heir that I reid, As efterwart it 1 previt weill indeed; 41,360 Richt humlie, but rancour or rebous, On ane swyft hors he come furth of the hous, With ane scharp lanss that wes bayth stif and squair, Quhairon the keyis of the hous he bair, Sayand, he wald without tareing 41,365 Tha keyis all deliuer to the king, Als suddantlie as he mycht cum him till: Syne horss and men put all in to his will. Quhairof the Scottis war rycht fane ilkone, And furth with him towart the king is gone, 41,370 Quhair that he la that tyme into his tent. Of his tydenis wes mony diligent To ryn and speir, richt mony than rejois, Quhill that the ost redoundit of thair novis. The nobill king quhair he la in his tent, 41,375 Come furth to se quhat all that noyis ment, And greit wounder that tyme had of that thing. This Inglisman knawand that he wes king, As Scottismen that tyme had till him schawin, Ane sober pais towart him hes he drawin, 41,380 Kest down the lance that wes lang and squhair, Quhairon the keyis in the tyme he bair, Evin as he wald deliuer in that place The keyis all onto the kingis grace. Syne with scharpe spurris in the tyme he hed, 41,385 Spurrit his hors quhill bayth his syidis bled,

¹ In MS. I.

Quhilk causit him go leip furth in ane ling, Evin at the face syne markit of the king; Than with the speir that wes of suir trie, He hit the king richt in at the e, 41,390 The scharpe sokkat syne throw his heid is gone. In that same tyme, or he micht be ouirtone, Onto ane wod, the quhilk wes neirhand by, Spurrit his hors and sped him spedely, And wan the wod in magir of thame all. 41,395 This nobill king sic havie chance did fall, Amang his men without ony remeid, That samin tyme thair sufferit hes the deid. Syne in Tynmouth, ane abba neirhand by, The burdit him their richt solempnitly; 41,400 Quhilk Alexander gart tak out of that place, That wes his sone, efter ane weill lang space, In Drumfermling syne hes gart put in 1 graue, With all honour that sic ane king sould haue. This samin tyme now that ze heir me tell, 41,405 Ane vther plaig vpone Scotland thair fell; Edward the prince, bayth plesand and preclair, To king Malcome wes eldest sone and air, At ane carmusche into Northumberland Wes woundit sair, quhair throw I wnderstand, 41,410 For ony leich that micht mak him remeid, Sone efter that he sufferit hes the deid. Quhen this wes done as I haif said zow than, Skaillit the oist and passit hame ilk man.

OFF QUENE MARGARETIS DEIDIS.

To quene Margaret quhen this wes schawin plane,
How hir husband and sone also wer slane,

¹ In MS. put it in.

In Edinburgh within that castell strang,
With greit seiknes quhair scho wes viseit lang,
Throw sic dolour, as my author did sa,
Departit efter on the fourt da.

Quhais blissit saull, that wes so clene but syn,
Ascendit also as hie as cherubyn.

Of Malcolmus ring the sex and threttie zeir,
All this wes done that I haif said zow heir,
And of oure Lord completit wes than evin,
Ane thousand zeir thairto nyntie and sevin.

OFF ANE GREIT STORME THAT FELL BE SE IN ALBIONE, AND DID GRIT SKAITII.

Lib.12, f.193b. That samin tyme now that 3e heir me tell,

Col. 1.

In Albione sic aventure befell,

Be storme of se all endlang the cost,

Full mony toun into the tyme wes lost;

And mony place, and mekle pleneist land,

Distroyit wes and turnit all in sand.

The quhilk remanis 3it [on]to this da

In that same stait, as my author did sa.

THE NUMBER OF KING MALCOMES SONIS GOTTIN WITH QUENE MARGARET.

This ilk Margaret, that meik wes and bening,
Sex sonis buir to gude Malcome the king.
Edward the eldest, as 3e hard me sa
Of his departing and his latter da;
The secund sone wes callit Ethaldreid,
Quhilk in 3outhheid departit as we reid;
Edmound the thrid, as in storie we schew,
Quhilk Donald Bane sum tyme in presoun slew;
The fourt Edgair, of greit honour and fame;
And Alexander the fyift callit to name;

Dauid the saxt, and zoungest of thame all,
Of halie kirk the cheif pillar and wall,
As I sall schaw to zow with Goddis grace,
Heir efterwart quhen tyme cumis and place.
To tell of him I will nocht now remane,
Bot to my purpois pas I will agane.
41,450

How Donald Bane purposit to clame the Croun, quhilk Bruther was to King Malcolme.

This king Malcome, at Anwik quhilk wes slane,
Ane bruther had wes callit Donald Bane,
Quhilk in the Ylis wes fled lang tyme befoir,
Sie dreid he had than of Malcolmis schoir,
And all his dais thair he did remane.

41,455
And quhen he knew that king Malcome wes
slane,
And Edward als that wes his sone and air,
He tuik purpois than hamewart to repair,
Sen he wes narrest as he wnderstude
To clame the croun be law of consuctude,
And abillest als that tyme of ony vther,
Efter the deith of gude Malcome his bruther.

How Donald Bane was crownit King of Scotland, and of Organus and his Competitour.

This ilk Donald, as my author did sa,

Convenit with the king of Norrowa,

Promittand him, for his help and supple,

The Ylis all liand within the se.

Be quhais help syne as I wnderstand,

Crownit wes he that tyme king of Scotland,

VOL. II.

X X

At his plesour, but contrapled or pley, The baronis all so did him than obey. 41,470 The samin tyme to zow now that I mene, Edgair, bruther of gude Margaret the quene, Into Ingland quhen that he hard sic thing, How Donald Bane of Scotland wes maid king, Richt secreitlie in Scotland on ane da, 41,475 Sone efter that, as my author did sa, Ane message send, quhilk¹ causit hes thairfoir The thrie sonis of king Malcome Canmoir, And tua dochteris richt plesand and bening, Quhilk Margaret buir to gude Malcome the 41,480 king, Out of Scotland fra Donald Bane to fle, Syne cum to him, with greit humanitie He tretit thame also gudlie as he mocht, Quhat neidfull war thairof tha wantit nocht. Bot puir invy that suffer ma na thing 41,485 Lang into rest at plesour for to ring, Quhilk waittis alway euerie man with schame, Ane knicht wes callit Organus to name, Accusit hes this Edgair on ane tyme, Befoir the king of greit tressoun and cryme, 41,490 Sayand, he had agane his hie renoun, In prejudice of him and of his croun, King Malcolmis sonis into Ingland brocht, And secreitlie amang thame sa had wrocht, That efterwart guhen tha thair tyme mycht se For to conspire agane his majeste, Him to distroy that wes of sic renoun, Syne he and his for euir to bruke the croun. Ane man that tyme of greit honour and fame, Ane knycht he wes, I knaw nocht weill his 41,500 name,

¹ In MS. quhair.

Apeillit hes, my author tellis thus, Into barras this samin Organus; Befoir thame all thair with the kingis leif, He proferit him thair manfullie to preif In plane battell, or he schupe to ceis, 41,505 All that he said of that Edgar wes leis. Syne kest his gluif to preif that all wes trew, And in that querrell this Organus he slew. With greit honour into the samin tyme, He clengit hes this gude Edgar of that cryme, 41,510 And causit him moir gudlie in all thing For to be treittit efter with the king. The tyme is schort I ma nocht weill remane; To Donald Bane now will I turne agane. This ilk Donald of quhome I schew befoir, 41,515 Vpone ane tyme he manast with grit schoir Richt mony barroun gangand to his bed, With barus mantill wes he thair weill cled, So far that tyme he stude into hir grace; Sayand to thame rycht planelie in thair face, 41,520 Bot gif the sueir all till him to be trew, Richt suddantlie he suld mak thame to rew, And all thair airis efter thame ilkone. The quhilk wordis in thair heidis ar gone Hiear befar nor tha wald schaw him till, 41,525 Quhill efterwart that the ma get their will.

HOW DUNCANE, BASTARD SONE TO KING MAL-COLME CANMOIR, TUKE THE FEILD AGANIS DONALD BANE, QUHA FLED IN THE YLIS AND NA LANGAR DID REMANE.

This king Malcome, as that my author sais, Ane bastard sone he had into tha dais,

¹ In MS. wes.

Col. 1.

Quhilk wan in France greit honour and fame, In Ingland als, and Duncane wes his name, 41,530 Richt opolent of horss, harnes, and geir, Manlie and wyss in policie of weir. That samin tyme into Scotland come he, Out of Ingland with greit help and supple; Vpoun ane da syne pertlie tuke the plane, 41,535 For to gif battell to this Donald Bane. Siclike this Donald on the tother syde, Bald as ane boir he bownit him to byde. Lib. 12, f. 194. Quhen baith the feildis than rayit war at rycht, And ilk of other cuming war in sicht, 41,540 The lordis all of Scotland euirilkone, Tha left Donald and to Duncane is gone. Quhen Donald saw it micht na better be, Out of the feild with few feiris did fle, And left the laif into the feild allone, 41,545 Syne in the Ylis with his gude is gone. Bot half ane zeir efter he tuik the croun, And no langar, than lestit his renoun.

HOW DUNCANE WAS CROVNIT KING OF SCOTLAND AND WAS WEILL GEVIN.

This ilk Duncane, of quhome befoir I tald, Quhilk in his tyme wes bellicois and bald, 41,550 Wes crownit king vpoun the marbell stone, With haill consent of all the lordis ilkone. Ane man he wes, also far as I haiff feill, In all his tyme ay for the commoun weill; Of him wes said so equale that he wes, 41,555 No falt vnpuneist in his tyme leit pas. With mony man he louit was the war, And speciallie in Murra and in Mar, And other landis as ze ma weill deme, Becaus he wes in justice so extreme; 41,560

And for that caus, as my author did tell, In sindrie partis schupe for to rebell.

> How King Duncane wes slane be Devyss of Donald Bane, and syne efter his Deid sat doun and rang into his Steid.

To Donald Bane quhen that this thing wes schawin,

Rycht quietlie to ane freind of his awin, Lord of the Mernis callit Makpendar, 41,565 Ane seruand send that wes bayth wyss and war, With greit reward and hechtis mony one Of gold and siluer and of pretious stone, Agane this Duncane for to tak his part. And he agane richt glaidlie with his hart, 41,570 Promittit him rycht hartlie with gude will, To mak him quyte sone of this Duncanis ill. And so he did, gif I the suith suld sa, Into Menteith sone efter on ane da, Vpoun the nycht, gif my author be trew, 41,575 This ilk Duncane into his bed he slew Rycht cruellie without ony remeid; And neuir sensyne accusit of his deid. Thus endit Duncane that tyme of his ring, The secund zeir efter that he wes king. 41,580 Syne Donald Bane, efter that he wes deid, Come hame agane and sat doun in his steid, In staitt royall siclike as of befoir; Of his gyding quhat suld I say zow moir? I can nocht find, heir schortlie to conclude, 41,585 In all his tyme quhair he did ony gude, And say of him bot siclike as I heir. Sone efter syne into the secund zeir, Mangnes, the king that tyme of Norrowa, With ane greit armie come voun ane da, 41,590

And all the Ylis tuke at his awin hand, Without debait of ony or ganestand, With all the strenthis also les and moir, Be the promit Donald maid him befoir, And gaif thame lawis, as my author sais; 41,595 Quhilk lawis lestit zit into thir dais, Within the Ylis in the occident se, Vnabrogat, bot gif my author le. Quhairfoir the lordis [all] that at the king War all displesit rycht far of that thing, 41,600 Syne efterwart, as my author did tell, Ane counsall maid quhair tha did all rebell Agane Donald, as ze sall wnderstand; Richt suddanelie syne send into Ingland Ane messinger, as my author did mene, 41,605 To Edgair, sone of gude Margaret the quene And king Malcolme, quhilk wes of sic renoun, To cum in Scotland for to tak his croun, His heretage and richtis till persew, And tha till him suld all be leill and trew. 41,610 Than zoung Edgair to wit his vnkill will, Ane messinger syne hes he send him till, Schawand to him how that he had no richt To hald his croun be sic maistrie and micht, Quhilk he knew weill wes greit vnrycht and 41,615 wrang, Belevand weill it mycht nocht lest richt lang. Beseikand him thairfoir of his frie will, His croun agane he wald restoir him till, And he thairfoir to his reward suld haif

And vther landis quhair him lykit best, Quhair he mycht leif at grit plesour and rest. This Donald Bane so cruell wes and ill, The oratouris zoung Edgar send him till, 41,620

All Loutheane, quhilk sould nocht be to

Agane the law, haifand to God no e, 41,625 Vpoun ane gallous maid thame all to die. Quhen this wes schawin to zoung Edgair the prince, How his vnkill had done him sic offence, Out of Ingland with greit power and micht In Scotland come for to persew his richt. 41,630 And as he was hame cumand be the way, Into Durame, as my authour did say, Reueillit wes to him into his sleip, Be ane visioun quhairto he tuke greit keip, Sanct Cudbertis baner that tyme in his neid 41,635 Suld bair with him, quhairthrow he suld cum speid: And so he did, the suith gif I suld sa. In Scotland syne come efter on ane da, With mony wy that worthie war and wicht, In breist-plait, brasar, and in birny bricht, 41,640 Be way of deid his richtis to persew. This Donald Bane that weill his cuming knew, Arrayit him vpoun the tother syde, With mony berne that battell weill durst byde. Syne guhen he saw apperand in his sicht, 41,645 Sanct Cudbertis baner borne so hie on hicht, And the reid lyoun all in gold so reid, Wes streikit vp agane him in that steid, Sic fortoun than he had that tyme and grace, His lordis all wer with him in that place, 41,650 Tha left him thair into the feild allone, And to zoung Edgair passit syne ilkone. This Donald Bane, quhen he saw and beheld His men allone had left him in the feild, With haill effect tulk purpois for to flie 41,655 Onto the Ylis in the occident se. \$\frac{1}{2}\$ it neuirtheles it happit so on cace,

Or he come thair he wes tane in ane chace,

And syne deliuerit to Edgair the prince.

The quhilk Donald for his wrang and offence,
This ilk Edgair, as my author said me,
In presoun maid sone efter for to die.

Lib.12, f.194b. Col. I. How Edgair was crownit, and first anoyntit King of Scotland than in Scone with ane Godrick.

Quhen this wes done as I haif said befoir, The lordis all that tyme baith les and moir, Edgair the prince to Scone than haif tha 41,665 brocht, In rob royall that worthelie wes wrocht, And croun of gold, with sword, sceptour and ring, Into Scotland wes first anoyntit king Be ane Godrik, as that my author sais, Of Sanct Androis wes bischop in tha dais. 41,670 The quhilk quene Margaret quhen scho wes on lyfe, To king Malcolme that princes wes and wyfe, At paip Urbane purchest sic facultie, Kingis of Scotland till anountit be, Into hir tyme, as that my author sais, 41,675 Quhilk consuctude is keipit in thir dais. My purpois is heir for to paus ane quhile, To other mater for to turne my style: Of aventure that in that tyme befell, Tak tent to me and ze sall heir me tell. 41,680

How the Princes of Ewrope convenit with greit Power, and passit in Halie Land quhair Christ was borne.

The princes all of Ewrop in tha dais, All in ane will as that my author sais,

Convenit hes with greit power and mycht The halie land quhome to tha had sic rycht, Quhair Christ was borne and king was of tha 41,685 landis, For to reskew out of his fais handis. And Robert duke of Normondy tha dais, And Godefredus, as that my author sais, Of Lorence duke, thir nobill princes tua, Of Blasone als the nobill erle also, 41,690 And of Flanderis the michtie erle and lord, And mony mo me neidis nocht remord, Lordis of France and vther lordis mo, With this armie wer chosin for to go. Of thair passage quhat suld I to zow tell, 41,695 So fair fortoun in thair way than befell? Throw Grece tha passit into Asia, Oure the mont Tawr to Anteochia; The quhilk citie tha seigit sone and wan, Quhair tane and slane that tyme wes mony 41,700 man; And in that citie fund wes in that tyde The speir quhilk woundit Christ into the syde, Vpoune the croce efter that he wes deid, Quhen that he bled water and blude so reid. This beand done, without stop or ganestand, 41,705 Tha passit syne ouir all the halie land; Jerusalem syne seigit on ane da, And wan the toun, as my author did sa. And euerilk citie into Joury land Subdewit hes to be at thair command; 41,710 And mony mo, the quhilk durst nocht rebell, Wes neirhand by, as my author did tell. Throw strenth and micht that God had gifin thame till, The weildit all thing at their awin will.

¹ In MS. as.

This beand done quhair nane durst mak 41,715 demand, With [full] consent, without ony ganestand, Thir princis all quhen tha war boun till go Hame to thair landis quhair that the come fro, Thair haif tha chosin, as my author sais, Robert the duke of Normondy tha dais, 41,720 Behind thame thair for to remane and byde, The greit armie for to convoy and gyde, Of Jerusalem the king and prince to be In heretage: zit neuirtheles than he Excusit him richt far into that thing, 41,725 For-quhy his bruther Williame, of Ingland king, Wes deid but child of his awin to succeid. This duke Robert thairto the quhilk tuke gude heid, Sen he to him wes narrest lauchfull air, Moir plesour thocht in Ingland to repair 41,730 And Normondy, to his and his ofspring, No for to be of Jerusalem the king. The haill lectioun that the had given him till, To Godefryde rycht hartlie with gude will, Of Lorence duke into the tyme, he gaif, 41,735 Quhairof hartlie content wes all the laif. This Godefryde that Cristin wes maid than, In the weiris so greit honour he wan, That moir honour wan neuir ane sensyne; Quhilk numberit is amang the nobillis nyne, 41,740 Gif all be suith that sindrie storeis sais, Gothra Bullen callit is in thir dais. This ilk Robert, duke wes of Normondy, His zoungest bruther callit wes Henry, Or he come hame, efter his brutheris deid, 41,745 Wes crownit king succeidand in his steid; For-quhy befoir tha hard tell of sic thing, His eldest bruther Robert wes maid king Of Jerusalem quhair he suld ay remane, In that beleif neuir to come hame agane; 41,750 And so this Robert incurrit greit skayth, And frustrat war than of tha kinrikis bayth. To zoung Edgair now will I turne agane, And of my storie tell 30w to remane. This ilk Edgair, of Scotland that wes king, 41,755 Tua sisteris had baith plesand and bening, Quhilk in thair tyme exceidit ony vther, Mateldis ane, Maria hecht the vther. The quhilk Mateld, as my author did mene, With king Henrie wes spousit and maid quene, 41,760 Ouir all Ingland, as that my author sais, Mauld the gude quene wes callit all hir dais; Quhilk to king Henrie beand in his cuir, Four fair childrene into hir tyme scho buir; Williame and Richart quhilk war sonis tuo, 41,765 Eufreme and Matild quhilk war sisters tuo. The secund sister callit Maria, Till ane Eustach erle of Bolonia 1 That samin tyme in mariage gaif he, To this Ewstach his lauchtfull wyfe to be; 41,770 Scho buir to him that samin tyme also, Bot ane dochter withoutin childer mo, Into hir tyme wes plesand and preclair, That efterwart syne wes hir fatheris air, Syne weddit wes than for that samin quhy, 41,775 With ane hecht Stevin, quhilk wes to king Henry His sister sone, of Ingland are greit lord, Gif all be suith my author did record. That samin Stevin, as that my author sais, Wes king of Ingland efter in his dais, 41,780 As 3e sall heir within ane litill space, At mair laser quhen tyme cumis and place.2 This king Edgair, of quhome I schew befoir, Of gratitude wald nocht be immemoir,

¹ In MS. Bouenia.

² In MS. space.

Quhilk that Sanct Cuthbert schew to him as 41,785 than, Be his baner quhen he the battell wan Lib.12, f.195. Into the feild aganis Donald Bane. Col. 1. This king Edgair rewardit him agane, With sic reward as halie kirk suld haif; Of Coldinghame the baronie he gaif 41,790 To Durhame kirk in heretage and fie, Ane cell of monkis ay of that kirk to be. And Beruik toun siclike amang the laif, To the bischop of Durhame also gaif, Canulfus hecht to name into the tyme; 41,795 Quhilk efterwart of greit tressoun and cryme Convictit wes, and Beruik tane him fra, Depryvit syne out of his sait alsua. This beand done than gude Edgair the king In peax and rest did all his dais ring, 41,800 Weill louit also with his leigis ilkone. Sone efter syne in ane castell of stone, Callit Electum, standing be the se, Quhair now standis the gude toun of Dundie, Quhen of his regnne completit wes the nint 41,805 zeir, He tulk his leif and baid no langar heir, And of oure Lord ane thousand zeir ago, Ane hundreth als with nyne zeir and no mo. Syne grauit wes with greit honour and tryne,

How King Alexander succeidit efter King Edgair, and of his worthie Deidis done in his Tyme, and of the Scrymgeouris and thair Vpcuming.

41,810

Syne efter him Alexander his bruther, Narrest to him that tyme of ony vther,

Sone efter that into Drumfermlyne.

Efter his deid succeidit in his steid, Fra this Edgair withoutin child wes deid. Fers Alexander, as my author sais, 41,815 Syne efter that wes callit all his dais, And for that caus, as my author did mene, Becaus he wes of justice so extreme. Zit neuirtheles the first zeir of his ring, For-quhy he wes so humbill and benyng, 41,820 Diuote and full of religiositie, Richt mony man thair demit him till be Baith blait and blunt, of wit rycht waik and puir, And vnabill to sic office or cuir; And for that causs, as that my author sais, 41,825 The men of Ross and Murra in tha dais, Perturbit hes the north baith far and neir, With greit heirschip that horribill is to heir. This nobill king thairof guhen he hard tell So greit discord amang his leigis fell, 41,830 Rycht suddantlie, but ony schoir or boist, Enterit amang thame with ane rycht grit oist. Or euir tha wist, the maister men ilkane That war in wrang war all in handis tane, And on ane gallous maid ilkone to de: 41,835 So endit tha and thair iniquitie. This beand done as ze haif hard me sa, This Alexander efter on ane da, Than cumand hame thair hapnit in the streit, In to the Meirnis with ane woman to meit. 41,840 Befoir the king on baith her kneis fell; " For him," scho said, "that maid bayth hevin and hell, "Heir my complaynt or thow go forder by! "Wes neuir wicht so far wrangit as I, "In termis schort as I sall sone declair. 41,845 "The lord of Mernis eldest sone and air,

In MS. lordis.

" My deir husband and eldest sone also, " Richt cruellie this tyme he hes gart slo, " Befoir ane judge becaus the did him caw, " For det he aucht to ansuer to the law." 41,850 This nobill king quhen he had hard hir mone, Col. 2. And soir complaynt befoir thame all ilkone, Doun of his hors he lichtit in the tyme, And swoir to be revengit of that cryme. Befoir thame all solempnit vow did mak, 41,855 Quhill that war done, agane vpone hors bak, For ill or gude, suld neuir man him se, Quhill that his vow completit than had he. And sic punitious of that thing he tuke, That euerie man that saw it then forsuik 41,860 In all his tyme, other puir or ryke, For ocht micht fall, for to commit siclike. Quhen this wes done efter incontinent, This nobill king on to Balledgar went, Ane castell than quhilk into Gowrie stude, 41,865 Thair to remane he thocht plesour and gude, With mony lord and nobill in the tyde, For peax and rest the pepill to provyde. That samin tyme that he did thair remane, The Murra men that had thair freindis slane, 41,870 Ilk for his falt as ze haif hard befoir, Into thair mynd the langar ay the moir Consauit hes with greit subtillitie, Of the gude king for to revengit be. His chalmer cheild, of simpill blude and puir, 41,875 That of his chalmer had alhaill the cuir, And vther sex siclike the tyme as he, That wnder him had greit auctoritie; Thir Murra men for gilt and grit reward, This chalmer cheild conducit with his gard, 41,880 Vpoun the nycht quhen the king wes on sleip, Out throw ane closet for to lat thame creip

Into ane pairt that unsuspect wes hed, Quhill that the come on to the kingis bed. Syne on ane nycht togidder all did meit, At that same place thair purpois to compleit. 41,885 Be Goddis grace the tyme than hapnit he, In that same sessoun wyde walkand for to be, And in the closet hard are now and dyn At the samin place quhair tha war cumand in. Thairfoir that tyme, for tressone that he dred, 41,890 Rycht lichtlie than he lap out of his bed; Syne with ane sword [that] hang at his bed heid, His chalmer cheild and all the laif, to deid Without ganestand he pot thame all ilkone, Quhair thair wes nane bot he and tha alone. 41,895 Within the houss sic noys raiss and cry, Tha walknit all in chalmeris liand bi, Quhome by the law that wes thairout ilkane, Or euir tha wist, war all in handis tane, Syne to the king wer brocht all in the tyme. 41,900 And quhen tha war accusit of that cryme, Rycht planelie thair tha schew him but ganestand, Quha causit thame to tak sic thing on hand, Ilk word be word tha schew withoutin chesone, Quha causit thame for to commit sic tressone; And schew the king of ilk man be his name, In Murra land guhair that the duelt at hame. And quhen the king than wnderstude and knew That all wes suith to him that tyme tha schew, No tarie maid without stop or ganestand, 41,910 Quhill that he enterit into Murra land. Syne ceissit nocht quhill ilkane les and moir War hangit all that maid the falt befoir, Be the leist lad that tyme buir ony blame; Quhen that wes done tuke leif and passit hame. 41,915 Ane man of gude into tha samin dais, That tyme in Murra, as my author sais,

Lib.12, f.195b. Wes with the king of greit honour and fame, Col. 1. And Alexander Carrone hecht to name. Sic vassalage that he committit than, 41,920 And in tha weiris sa greit honour wan, Throw sic vertew and deidis of honour, Syne callit wes to name Scrymgeour. Quhilk surname zit succeidit hes sensyne To heretage be right succes and lyne, 41,925 Quhilk is ane hous of greit auctoritie, Laird of Dudop and constabill of Dundie. This Alexander so dred wes all his dais, Wes none so hardie, as my author sais, Ill or gude, as ze sall wnderstand, 41,930 Agane the law to brek the leist command.

How Alexander King foundit the Abbais of Scone and Sanct Colmis-inche, and how he was sustenit thair be ane Armeit for the Tyme within the Yle.

Syne Alexander, efter this wes done, Foundit and feft are fair abba in Scone, Onto this da remanes zit to se, Ane plesand place of greit auctoritie. 41,935 Syne efter that the king passit ouir Forth, So strang ane storme thair blew out of the north Quhilk draif the king wnto ane litill ile, Within the se in that menetyme and quhile, Quhilk callit wes that tyme Emonia, 41,940 Sanct Colmis-insche is callit now this da. Into that yle, as that my author sais, Ane halie armet duelland war tha dais; Besyde ane chapell of Sanct Colme also, Within the yle remanand wes no mo. 41,945 This king throw storme compellit wes that tyde, But meit or drink thre dayis thair to byde;

None of his awin he had my author menit, **?**it neuirtheles he wes richt weill sustenit, This king him self and so wes all the laif, 41,950 At sufficience that neidfull wes to haif, With sic provisioun that that armet had, Tua kyis milk quhair with that the war fed; Quhilk haldin wes ane greit miracle as than, Be intercessioun of that halie man 41,955 Sanct Colme him self, quhilk in that samin quhile, And zit siclike, wes patrone of that yle. Thairfoir that king, as my author did sa, Into that place ane plesand fair abba Foundit and feft for hospitalitie, 41,960 In sic distres gif ony hapnis be. Sune efter syne amangis all the laue, The landis all to Sanct Androw he gaif, Als fre as man with hart 1 and mynd can think, Quhilk callit wes that tyme the Boris-rink; 41,965And to Drumfermling siclike all the laue, Greit priuiledge with mony landis gaif. The samin tyme that done wes all this thing, Dauid, the bruther of this nobill king, Remanand wes in Ingland, as I wene, 41,970 With his sister Mateldes the gude quene. This ilk Dauid, be fauour of the king, Weddit ane ladie plesand and bening, The lauchtfull air wes, as I winderstand, Of Huntlyngtoun and all Northumberland, 41,975 Quhilk did exceid of fairnes and of fame. This fair ladie, Mateldes hecht to name, This ilk Dauid, be hir auctoritie Declarit wes ouir all Ingland to be,

Col. 2

Of Huntlyngtoun and als Northumberland Baith lord and syre but ony ganestand. That samin tyme, as my author did mene,	41,980
Matheld the dochter of Matheldis quene,	
And of Henrie that king wes of Ingland,	
Weddit scho wes, as 3e sall wnderstand,	41,985
The empriour hecht Henrie in tha dais,	11,000
Fourt of that name as that my author sais.	
As 3e haif hard syne sone efter all this,	
The nobill quene of Ingland callit Matildis,	
Scho tuke hir leif out of this present lyfe,	41,990
With greit murning of mony man and wyfe.	,
Hir zoungest sister callit Maria,	
Quhilk duches wes als of Bolonia,	
Within thrie zeir and les efter ago,	
Siclike as scho departit than also.	41,995
Thair sepulturis, of greit auctoritie,	
Remanis zit in Ingland for to se.	
This king Henrie throw aventure and chance,	
Sone efter that greit weiris had in France,	
And oft in France among his fais zeid,	42,000
And als come hame without perrell or dreid.	
Ilkone other ane lang quhile did invaid,	
Syne at the last betuix thame peax wes maid.	
The samin tyme as that ze heir me mene,	
The thre childer of Mateldes the quene,	42,005
Scho buir that tyme beand wnder his band,	
To this Henrie that king wes of Ingland,	
Williame, Richart and Ewfamia, Thir thrie childer sone efter on ane da,	
It happit thame throw aventure and chance,	42,010
Efter thair father cumand out of France,	42,010
Throw greit tempest and stormis in the se,	
That samin tyme all pereist for to be.	
And all the laif als in thair cumpanie	
Chaipit neuir ane, and for that samin quhy	40,015
1 - 1 - 1	,

This king Henrie than efter all his dais,
In murning weid, as that my author sais,
He levit ay, withoutin play or sport;
Wes nane micht caus him for to tak confort,
For ony way that tyme that culd be wrocht,
Thair deid so soir it lay into his thocht.
Out of beleif he wes that tyme also,
So agit wes for to haif barnis mo,
And for that caus, with mony sich full soir,
Ilk da be da his murning wes the moir.

42,025

How King Alexander deceissit, and how his Bruther Dauid succeidit King efter, and of his vertewis and nobill Deidis.

This samin tyme as I haif said zow heir, This Alexander in the sevintene zeir Than of his regnne completit wes and no mo, And of oure Lord ane thousand wes ago, Ane hundreth als with sevintie zeir and fyve, 42,030He tuke his leif out of this present lyve; Syne in Drumfermling put in sepultuir, On princelie wyss denotlie with honour; Withoutin cheild to him for to succeid. Lib.12, f.196. Col. 1. Thairfoir his bruther Dauid as we reid, 42,035 With haill consent that tyme of ald and zing, Wes crownit than of Scotland to be king. This ilk Dauid, as that my author sais, He did exceid all vther in his dais Of singular justice and of sanctitude; 42,040 With all his liegis all tyme weill wes lude. Godlike he wes, full of deuotioun, And mony fair place of religioun Foundit and feft, as my author did sa, Quhilk zit remanis to the samin da: 42,045

y y 2

Of quhome the names I sall reckin heir, Into my mynd that I haif now perqueir. Dundranane, Jedburch and Calco vpone Tueid, Newbottill, Melross also, as we reid, Halyrudhous, Camkynneth and Kinloss, 42,050 Drumfermling, Home, and also Lanarcois. Thir tua last places that ze hard me sa, Besyde Carlill standis in Cumbria. And mony mo than I will heir report, To reckin heir becaus the tyme is schort. 42,055 And four bischopis, as my author sais, Foundit and feft into the samin dais, Of quhome to zow the names I sall tell; Ross and Breichin, Dumblane and als Dunkell. And Abirdene at his auctoritie, 42,060 That samin tyme also translatit he Fra Lowmorthloch, as my authour did mene, To that ilk place now callit Abirdene; And mony vther worthie nobill deid, As ze ma heir quha lykis efter reid. 42,065 Henrie his sone that eldest wes and air, Ane prince he was baith plesand and preclair, Woddit are wyfe that tyme and brocht hir hame, Quhilk Adama than callit wes to name, The erlis dochter of Warrania, 42,070 Quhilk buir to him, as my authour did sa, Malcome, Williame, and Dauid also, Three dochteris also scho buir him and no mo; Of quhome efter within ane litill space, I sall schaw 30w quhen tyme cumis and place.

¹ In MS. Halrrudhous.

How King Dauidis Wyffe the Quene deceissit, and he levit chest efter hir and neuir mareit agane.

Sone efter this that I haif said zow heir, Within les space nor tua or thre of zeir, The nobill quene, as that my author sais, So gude and godlie wes in all hir dais, And so weill louit with all man and wyfe, 42,080 Departit hes out of this present lyfe, With greit displesour baith of auld and zing, And speciallie of gude Dauid the king, Quhilk louit hir, as ressone wald and richt, Into hir tyme aboue all vther wicht; 42,085 And for hir saik the wedow habit tuik, Fra that da furth all wedding he forsuik, And euirmoir, as my author did sa, He levit chest wnto his latter da. Efter hir deid deuotlie with honour, 42,090 Gudlie wes grauit in hir sepultuir, In Scone abba, with greit triumph and gloir, As scho desyrit in hir lyfe befoir; Quhilk to this da remanis zit to se, In that same place of greit auctoritie. 42,095 Neirby this tyme that I haif said yow heir, Mathildis dochter to Henrie Bellicleir, King of Ingland, quhilk wes of sic honour, Weddit befoir wes with the empriour Henrie the fourt, quhilk in tha samin dais 42,100 Departit hes as that my author sais, Withoutin chyld borne of this ilk empryce, In all hir tyme that wes baith gude and wyss. This king Henrie no mo childer had he, For all the laue, as ze hard, in the se 42,105 Pereist ilkone bot schort quhile gane by. This ilk Matildes for the samin quhy,

The king hir father, hecht Henrie to name, Sone efter that into Ingland brocht hame. The lordis all of Ingland in the dais 42,110 He gart thame sueir all, as my author sais, With euerie man vphaldand his awin hand, Efter his deid all at hir faith to stand. Decernit wes into that parliament, Into that tyme with all thair haill consent, 42,115 This ilk Matild of quhome now that we reid, Efter his deid to him scho suld succeid. This beand done as I haif said anone, His purpois wes of hir for to dispone. Richt laith he wes to wed hir on ane lord 42,120 Into Ingland, becaus of greit discord. Ane man thair wes that tyme amang the laif, Callit Godfrid, erle wes of Antigaif, Into his tyme of greit honour and fame, Weddit this ladie and syne send hir hame. 42,125 Scho buir to him ane sone that wes his air, Callit Henrie, richt plesand and preclair, The quhilk Henrie as that my author sais, Wes king of Ingland efter in his dais. Robert the duke that tyme of Normondy, 42,130 That bruther wes to this ilk king Henrie, Withoutin cheild than tuke his leif to fair Out of this lyfe, for he micht leve na mair. The landis all thairfoir of Normondy, Of heretage fell to this king Henry. 42,135 The quhilk Henrie within schort quhile also, Out of this lyfe he tuke his leif to go; And for this caus as I haif said yow heir, Ouir all Ingland that tyme baith far and neir, The commoun weill wes puneist and maid puir, 42,140 Ilkone on vther wrocht so greit injure, In falt of ane the commoun weill to gyde. This ilk Matildis in the samin tyde,

The quality thair of suld haif auctoritie, Hir lord that tyme with sic infirmitie 42,145 In Antigave wes vexit at the hart, The scho fra him no way than mycht depart: Henrie hir sone that wes hir eldest cheild, In to that tyme wes bot of tender eild. Ane nobill man wes callit Stevin to name, 42,150 Erle of Bolone quhair he than duelt at hame, Weddit the dochter of Marie I wene, That sister wes to gude Matild the quene; Ane proper ladie, plesand and preclair, And eik also that wes hir faderis air; 42,155 Als sister sone he wes to king Henrie. This samin Stevin, for that ilk caus and guhy, In Ingland come and askit for to be Thair governour with haill auctoritie, And tutour be onto Matildis cheild, Onto the tyme he war of lauchtfull eild, Lib.12, f.196b. Col. 1. Sen he to him wes narrest in that tyde, And ablist 1 als sic office for to gyde. Quhairof the lordis war right weill content, And maid him tutour with thair haill consent, 42,165 Into that tyme without debait or chasoun, For-quhy tha thought it was bot rycht and ressone. Sone efter syne, within ane litill we That he had gottin sic auctoritie, So greit fauour he had of auld and zing, 42,170 Pretendit hes of Ingland to be king, And gart the lordis sueir into the tyde, For all his tyme ay at his faith to byde, And nane vther for till ressaue bot he, Into Ingland thair king and prince to be. 42,175 To ratifie all thing that he had done, Ane herald syne into Scotland richt sone

Onto king Dauid, quhilk did him command All Cumbria and eik Northumberland ¹ On to this Stevin, as of Ingland the prince, 42,180 In Lundoun toun to mak obedience; And wald he nocht, than schortlie to conclude, He suld persew him baith with fyre and blude. To that herald befoir thame all in plane, This king Dauid sic ansuer gaif agane: 42,185 "Gude freind," he said, "sa thow onto thi lord, " He is no king as thow hes done record; " Bot wranguslie vsurpit hes the croun, " At his awin will but richt or zit ressoun. " To my nevoy Matildis, that hes richt 42,190 " Till all Ingland intill hir faderis sicht, " I haif maid homage, sworne with aithis deip, "The quhilk I think for till observe and keip. " Thairfoir pas hame and no moir at me craue, " No vther ansuer of me sall thow haif." To this king Stevin quhen that ansuer wes tald, Dilay that tyme no langar that he wald; Ane richt greit armie, as I wnderstand, Richt sone he send into Northumberland, And greit distructioun in the land hes maid, 42,200 With fyre and blude of all tha boundis braid; Wirkand sic wrang withoutin ony wyte, The quhilk I trow wes nocht richt lang to quyte. The erle of Merche that tyme wes maid till go, The erle of Angus and Menteith also, 42,205 In the reskew than of Northumberland, With mony berne that weill culd weild ane brand, Rycht manlie war quhen that it stude in mister. That samin tyme than the erle of Glocister, With mony thousand wnder speir and scheild, 42,210 At Alertoun² he gaif the Scottis feild.

¹ This line precedes the former in | ² In MS. Alectoun. the MS.

The bowmen, big and bald as ony boir, Sic scharpe schutting maid in the feild befoir, With fedderit flanis scharp as rasure schair, That throw thair scheildis maid thair syidis sair. 42,215 Syne all the laif hes tane the feild on breid, With bricht brandis gart mony bernis bleid, That mony freik wes fellit throw grit force, And mony knycht than keillit throw the corce. The Scottis kene so cruell wes that tyde, 42,220 The Inglismen docht na langar to byde; Out of the feild tha fled with all thair speid, Als fast as fyre or spark out of ane gleid. Rycht mony thousand of thame thair wes keild, Na fewar als of thame wer tone in feild, 42,225 With thair captane and nobillis all ilkone, Col. 2. That samin da into the feild wes tone. Syne hed in Scotland wes the spulze haill, Quhairof ilk man syne efter gat his daill, Baith zoung and auld than, be the leist ane 42,230 knaif. Ilk man that tyme as he wes worth to haif. Vnto king Stevin this infortunitie Quhen it wes schawin, with greit mortalitie Of his armie that wes maid thair that da, And all the nobillis tane and led awa, 42,235 Richt weill he knew but thair help and suppel, In peax and rest he mycht nocht rycht lang be; And for that caus as it micht rycht weill seme. Ambassadouris he send thame till redeme. For thair ransoun conditioun thair wes maid, 42,240 And letteris writtin with seillis that war braid. Subscryuit als with this king Stevynis hand; That is to say, that all Northumberland And Cumbria he sould frelie resing, Into the handis of this Dauid king, 42,245 With all the rycht that Ingland had thairto, And neuir agane thairwith till haif ado;

Bot euirmoir of Scottis grund till be, Without reclame of superioritie. This beand done without ony reclame, 42,250 Thir presoneris ilkone passit hame. This ilk king Stevin sone efter did repent, And suddantlie he changit his intent, Revoikand all befoir that he had done; Thairfoir in haist rycht suddantlie and sone 42,255 Ane greit armie, with mony bow and brand, He send that tyme into Northumberland. Of thair cuming the Scottis weill that knew, Waill fraklie than, suppois tha war rycht few, Tha gatherit out at greit laser and list, 42,260 Thair ennimye that tyme for to resist, And gaif thame feild rycht manlie on ane mure. Sa few tha war tha mycht nocht lang induir Into that feild agane sic multitude, it neuirtheles into that stour tha stude, Quhill that the micht nocht weill genestend that sturt.

Syne at the last with litill skaith and hurt, Out of the feild in gude ordour tha fled Onto ane strenth neirhand that tyme the hed. This beand done, syne efter da be 1 da 42,270 With small battell, as my author did sa, Richt oft tha met ilk vther till persew. The Scottismen, suppois tha war bot few, In all that tyme tha keipit weill thair awin, And with thair fais wald nocht be ouirthrawin. 42,275 This king Dauid quhen that he kend and knew That it was so, rycht sone for till reskew Northumberland into that stait that stude, Contractit hes ane richt grit multitude, Ouir all Scotland that tyme that he micht be, 42,280 In that intent all on ane da to de,

¹ In MS. dalie.

Lib.12, f.197. Col. 1.

Or to posses with fredome but ganestand, All Cumbria and eik Northumberland. In 3 ork thair wes ane nobill bischop than, Onto his name that callit wes Turstan. 42,285 To Roxburch to king Dauid come he, Trewis that tyme he tuke for monethis thre, And obleist wes to him thair be his hand, To leif in peax than all Northumberland To young Henrie thairof wes richteous air, 42,290 And Inglismen no moir for to repair. This beand done as I haif said zow so, This nobill bischop tuke his leif till go, Quhither or nocht he wes thair to blek, Off all he said come nothing till effect. 42,295 Than king Dauid fra he sic falsheid knew, Richt suddanelie, his purpois till persew, Passit that tyme into Northumberland; His fais all befoir him that he fand, Richt cruellie withoutin ony reskew, 42,300 At his plesour that tyme bayth tuke and slew. Quhen this king Stevin than hard that it was so, Richt haistelie withoutin ony ho, With all the power that tyme he micht be, To Roxburgh richt haistelie come he. 42,305 Richt sone agane for that same caus and quhy, That his lordis wald nocht to him apply, Into Ingland he did agane retour, But his desire and with richt small honour. This beand done that I haif said yow heir, 42,310 Sone efter syne into the secund zeir, Richt nobill men betuix thame till mak peice, War richt solist to gar tha weiris ceis, And with greit treittie oft zeid thame betuene, Of Sanct Androis, Glasgow and Abirdene, 42,315 Thir thre bischopis, and of Scotland no mo, Of Canterberrie and of 3 ork also,

Thir tua bischopis bayth wyss and circumspect, That weill culd bring sic mater till effect. This ilk king Stevin bydand on that concord, 42,320 In Durhame lay with mony erle and lord; Siclike king Dauid in the samin tyme, In the New Castell standis vpoun Tyne, With mony nobill gudlie to command, Remanit thair qubill all thing tuke ane end. 42,325 And on this wyiss as I sall zow declair: That king Dauid as to the richteous air, His sone Malcome as ze sall wnderstand, All Huntlyngtoun and als Northumberland Resigne to him, and he till wndertak 42,330 On to king Stevin obedience to mak For the landis, and nocht ellis to pa. The landis als siclike of Cumbria This king Dauid sould hald that tyme also fre, Siclike befoir as tha war wont to be. Quhen this wes done with all thair haill consent, The king of Ingland passit hame to Kent; Siclike king Dauid in the samin tyde, To Carlill toun thair to remane and byde; And biggit hes than round about the toun 42,340 New strang wallis befoir wer cassin doun. The castell als, at greit lasar and lenth, Reformit hes, with mony sindrie strenth In Cumberland that tyme baith les and moir, That faillit had rycht lang tyme of befoir. Of this king Stevin that I haif said 30w heir, All this wes done into the first thre zeir Than of his ring, as my author did tell; Syne efterwart quhat aduenture befell To this king Stevin syne efter the fourt zeir, 42,350 Tak tent to me and I sall tell 30w heir.

How Matildis the Empryce come in Ingland with greit Power agane King Stevin, and of the lang Stryfe that was betuix thame, and efter appoyntit and agreit.

Col. 2.

Mathild the empryce that wes lauchtfull air, And dochter als of Henrie Belliclair, Schort quhile befoir as ze haif hard me sa, Weddit the erle of Antygauia 42,355 Godfride to name, als in that tyme wes he Vexit full soir with great infirmitie. This ilk Matild sone efter on ane da, With greit power, as my author did sa, In Ingland come hir partie to persew, 42,360 Thairof hir richtis gif scho mycht reskew; With help and fauour, ze sall wnderstand, Of tua lordis that tyme war in Ingland. Richt planelie than Mathildis part tha tuke, Quhair all the laif hir seruice haill forsuik, 42,365 And with king Stevin and his auctoritie, Plane part tha tuke bayth for to leif and die. Richt lang thir tua at greit stryfe tha stude, With mort battell quhair spilt wes mekle blude, In all Ingland ouir all part far and neir, 42,370 Continewallie the space of fourtene zeir. That zoung Henry, richt plesand and preclair, To this Mathildis eldest sone and air, And to Godfride as ze haif hard me sa, The nobill erle of Antygauia, 42,375 Quhilk of befoir that wes so zoung ane cheild, Wes cuming than to perfite aige and eild, And weddit wes than with ane ladie fair To Picardie and Turyn als wes air, Ane duches dochter of honour and fame, 42,380 That Helenor wes callit to hir name.

This ilk Mathildis in tha samin dais So eausit him, as that my author sais, To cum till hir with greit help and supple, Quhilk come with him for greit affinitie 42,385 Of Helenor that wes his weddit wyfe. The commoun weill of Ingland than belyfe Had bene perturbit in the tyme rycht far, Wer nocht wyiss men richt sone thairof wes war; Quhilk causit thame agrie and to concord, 42,390 Of this same way gif that I richt record. That this king Stevin, as my author sais, Sall bruik the croun of Ingland all his dais; Syne zoung Henrie, as ze ma efter reid, Efter his tyme sould to the croun succeid. 42,395 And so it was as I sall schaw zow heir, In peax and rest lang efter mony zeir, Without discord of ony erthlie wycht, At all plesour ilk man brukit his richt.

How Henrie the Sone of King David deceissit and was bureit in the Abba of Calco, and of King Dauidis hie Displesour, and vexit in his Mynd for his onlie Sonis departing, and of his Wisdome and Ressone aganis his Displesour maid to his Lordes.

Lib.12, f.197b. Sone efter syne [that] wes done all this thing,

Col. 1.

Henrie the sone of gude Dauid the king,

Of euerie wicht with greit weiping and wo,

He tuke his leif out of this lyfe till go.

Wes neuir poet zit with pen or inke,

Culd writ or dyte, or zit with hart culd think,

The greit beleif of vertew but offence,

That euirilk man had of this plesand prince.

Off God Almichtie he had so greit ane grace, Wes neuir man that saw him in the face, Bot he him louit hartlie fra the splene, 42,410 As he his bruther or his sone had bene. My pen wald tyre and eik my self wald irk, My mynd also wald grow baith dull and dirk, To occupie so lang ane tyme and space, The greit vertew and mony spetiall grace, 42,415 That rang in him gif I suld now report. Thairfoir as now, sen that the tyme is schort, Heir will I leve and tell 30w furth the laue. Into Calco quhair he wes put in graue, Than of oure Lord ane thousand zeir and tuo, 42,420 Ane hundreth fiftie and no zeiris mo, In that same place intumulit wes he, Quhilk sepulture remanis zit to se. This nobill king that had na sonis mo, No wonder wes suppois his hart wes wo, 42,425 And so it wes, suppois he buir it fair, So sonne to lois his onlie sone and air, To him alway so tender wes and deir, \$it neuirtheles he changit not his cheir; Sic vse of ressoune in all his tyme hed he, 42,430 And dantit so his sensualitie, To God and man, as it was rycht weill kend, Did neuir thing trowand thame till offend In word or deid, quhairthrow that tyme that he With vice or falt micht apprehendit be. 42,435 The lordis all of Scotland les and mair, All come till him to keip him out of cair, With play and sport, and consolatioun, To keip him furth of disperatioun, And causs his cair with confort to decres, 42,440 Quhilk helpis mekill in sic havines. This nobill king, as my author recordis, Richt tenderlie ressauit all his lordis,

With blyth visage and countenance ry Suppois he was soir vexit in his mynd Befoir thame all syne with ane voce s He said to thame as I sall schaw 30w	d. 42,445 so cleir,
"Lordis, beleue sic trubill and wnrest "Oft syis," he said, "sic cumis for th "Sen euirilk chance be greit God is a "Baith ill and gude at his plesour pr "Quhat man in erd hes sic auctoritie	e best, ty gydit, 42,450 ouidit.
"So weill, so wyslie, can prouide as l	
" And sen his will so equale is and ri " In all this warld wes neuir so wyss	
wycht,	ane 42,455
" Of all his werkis that culd mend a	ne myte.
"Thocht mony fuill throw folie with	•
" Sen euirilk thing, as it is richt wei	
" Of proper det be ressone is his awi	
" Bayth ill and gude this tyme vnder	
" Syne lent [to] ws, and nocht frelie	as gift
"In heretage ay with ws to remane.	
"Syne quhen he list to haif his awir	
"He is ane I fuill, I say thairfoir for	
" Onto his God wald so wnthankfull Col. 2. " To hald fra him, other be bost or s	
Col. 2. "To hald fra him, other be bost or s "So thankfullie that he lent him bef	•
" Quha dois so I hald him for to bla	
" Forlane, tha sa, suld ay cum laucha	
" And weill I wat all thing heir ws	
" Is lent be God, and I wait nocht h	
" At his plesour and at his awin fre	will,
" And for na dett that he can aw w	
"Than ressoun wald I bid nocht for	
" Quhen plesis him to haif his awin	agane, 42,475

In MS. ane anc.

" Thair at no man sould any murmoir mak, " Na in his mynd sould no displesour tak. " Sum thing on force sen that sic thing man be, "Thairfoir," he said, "I hald it best for me, " For to be blyth, thair is no better mendis, 42,480 " And ay thank God of all thing that he sendis. "This samin tyme," he said, "and so sall I " My sonis deid ressaue als thankfully, " As euir man [did] ony grace or gift " Gevin be God this da wnder the lift." 42,485 Siclike as this than on ane fair maneir, And mekle mair na I haif said 30w heir, He said to thame, na I ma now report, For-quhy ze knaw my tyme is verrie schort, And I haif mekill mater for till speid, 42,490 And of ane lang tarie had bot litill neid. Now to my purpois thairfoir I will pas, And tell 30w furth the storie as it wes. Quhen he had said thir wordis all in feir, Ilk word by word as I haif said 30w heir, 42,495 In forme and fect befoir as ze haif red, The lordis all thairof greit ferlie hed Of his prudens and greit patiens also, Syne tuke thair leif and hamewart all did go, Withoutin stop ilk man to his awin steid. 42,500 The eldest sone of this Henrie wes deid, Malcome to name, and prettie plesand page, Quhilk threttene zeir that tyme wes of aige, This king Dauid than maid with him till go, The erle of Fyffe, with mony vther mo, 42,505 Richt glaidlie than at the kingis command, Ouir all the partis that tyme of Scotland, With greit triumph and of the kiugis expence This zoung Malcome ressauit as thair prince, Promittand than with haill auctoritie, 42,510 Efter his tyme thair king and prince to be.

VOL. II.

The secund sone of this Henrie also, Callit Williame, that same tyme maid to go In Huntlyngtoun, and eik Northumberland, Quhair he ressauit mony aith and band, 42,545 Of all the nobillis into ane concord, Him to ressaue as to thair cheif and lord. Sone efter syne that all this thing wes done, To Carlill toun he went him self rycht sone, And with Matild his nevoy thair he met, 42,520 Quhair euirilkone rycht gudlie other gret, His sister dochter to him wes so deir, Wes empryce befoir as ze micht heir. Hir sone Henrie scho brocht with hir alsua, The erlis sone of Antigauia, 42,525 Apperand prince also of all Ingland, Quhilk to king Dauid that tyme maid ane band, That he suld bruik, ay as him awin self lest, Northumberland in gude peax and in rest, At his plesour, without stop or ganestand, 42,430 With Huntlyntoun and also Cumberland,

Lib.12, f.198. And thair gaif ouir richt hardlie with gude will, Col. 1. All kynd of richt that Ingland had thairtill.

> How King Dauid Maid Henrie his Nevoy KNICHT, AND HOW THE SAID KING DIUOTLIE AND GODLIE DECEISSIT.

Into this tyme now that ze heir me sa, With greit triumph in Carlill on ane da, 42,535 With ane gilt spur of burneist gold so brycht, This ilk king Dauid maid zoung Henrie knycht. Quhen this was done as I haif said zow so, Ilk man tuke leif and hamewart than did go. This king Dauid of quhome I schew 30w heir, 42,540 Syne of his regnne the nyne and tuentie zeir,

Soir vexit wes with greit infirmitie, That euerilk man knew weill that he wald de. So knew himself, and for that samin quhy, Into his bed that tyme quhair he did ly, 42,545 The sacrament wald nocht lat to him bring, He thocht he wes wnworthie to sic thing; Betuix tua preistis with rycht clene intent, Led on his feit on to the kirk he went, Diuotlie thair remanit quhill neir none, 42,550 On bayth his kneis syne quhen the mes [wes] done, In hart contreit with reverence and honour, The blissit bodie of oure Saluiour, Rycht penitent into that samin place, Ressauit hes to his greit gloir and grace. 42,555 This beand done syne hame agane wes hed, And softlie syne laid down into his bed; Syne efterwart within ane litill space, Befoir thame all into that samin place, Quhair that he lay that tyme in Godis bandis, 42,560 His spreit commendit into Christis handis, The croce of Christ syne in his armes imbraist; Quhen that wes done la still and gaif the gaist. Vnsufficient I am in all my lywe, His nobilnes and vertu till discryve; 42,565 Sic thing till do difficill is to me, Thairfoir as now heir will I lat it be; And of the tuelt buik heir I mak ane end, Loving to God that me sic grace hes send.

END OF VOL. II.

LONDON:
Printed by George E. Eyre and William Spottiswoode,
Printers to the Queen's most Excellent Majesty.
For Her Majesty's Stationery Office.

THE CHRONICLES AND MEMORIALS

OF

GREAT BRITAIN AND IRELAND DURING THE MIDDLE AGES.

PUBLISHED BY THE AUTHORITY OF HER MAJESTY'S TREASURY, UNDER THE DIRECTION OF THE MASTER OF THE ROLLS.

- 1. The Chronicle of England, by John Capgrave. *Edited by* the Rev. F. C. Hingeston, M.A., of Exeter College, Oxford.
- 2. Chronicon Monasterii de Abingdon. Vols. I. and II. Edited by the Rev. J. Stevenson, M.A., of University College, Durham, and Vicar of Leighton Buzzard.
- 3. Lives of Edward the Confessor. I.—La Estoire de Seint Aedward le Rei. II.—Vita Beati Edvardi Regis et Confessoris. III.—Vita Æduuardi Regis qui apud Westmonasterium requiescit. Edited by H. R. Luard, M.A., Fellow and Assistant Tutor of Trinity College, Cambridge.
- 4. Monumenta Franciscana; scilicet, I.—Thomas de Eccleston de Adventu Fratrum Minorum in Angliam. II.—Adæ de Marisco Epistolæ. III.—Registrum Fratrum Minorum Londoniæ. Edited by J. S. Brewer, M.A., Professor of English Literature, King's College, London, and Reader at the Rolls.
- 5. Fasciculi Zizaniorum Magistri Johannis Wyclif cum Tritico. Ascribed to Thomas Netter, of Walden, Provincial of the Carmelite Order in England, and Confessor to King Henry the Fifth. *Edited by* the Rev. W. W. Shirley, M.A., Tutor and late Fellow of Wadham College, Oxford.
- 6. The Buik of the Croniclis of Scotland; or, A Metrical Version of the History of Hector Boece; by William Stewart. Vols. I., II., and III. *Edited by* W. B. Turnbull, Esq., of Lincoln's Inu, Barrister-at-Law.
- 7. Johannis Capgrave Liber de Illustribus Henricis. *Edited* by the Rev. F. C. Hingeston, M.A., of Exeter College, Oxford.
- 8. HISTORIA MONASTERII S. AUGUSTINI CANTUARIENSIS, by THOMAS OF ELMHAM, formerly Monk and Treasurer of that Foundation. Edited by C. Hardwick, M.A., Fellow of St. Catharine's Hall, and Christian Advocate in the University of Cambridge.
- Eulogium (Historiarum sive Temporis), Chronicon ab Orbe condito usque ad Annum Domini 1366; a Monacho quodam Malmesbiriensi exaratum. Vol. I. Edited by F. S. Haydon, Esq., B.A.

IN THE PRESS:

- The Represser of over much Blaming of the Clergy. By Reginald Pegock, sometime Bishop of Chichester. *Edited by* C. Babington, B.D., Fellow of St. John's College, Cambridge.
- RICARDI DE CIRENCESTRIA SPECULUM HISTORIALE DE GESTIS REGUM ANGLIÆ. (A.D. 447—1066.) *Edited by J. E. B.* MAYOR, M.A., Fellow and Assistant Tutor of St. John's College, Cambridge.
- MEMORIALS OF KING HENRY THE SEVENTH: Bernardi Andreæ Tholosatis de Vita Regis Henrici Septimi Historia; necnon alia quædam ad eundem Regem spectantia. Edited by J. GAIRDNER, Esq.
- Memorials of Henry the Fifth. I.—Vita Henrici Quinti, Roberto Redmanno auctore, II.—Versus Rhythmici in laudem Regis Henrici Quinti. III.—Elmhami Liber Metricus de Henrico V. Edited by C. A. Cole, Esq.
- Memoriales Londonienses; scilicet Liber Albus et Liber Custumarum in archivis Guyhaldæ asservati. *Edited by* H. T. Riley, Esq., B.A., Barrister-at-Law.
- THE ANGLO-SAXON CHRONICLE. Edited by B. THORPE, Esq.
- LE LIVERE DE REIS DE BRITTANIE. Edited by J. GLOVER, M.A., Chaplain of Trinity College, Cambridge.
- CHRONICA JOHANNIS DE OXENEDES. Edited by Sir H. Ellis, K.H.
- RECUEIL DES CRONIQUES ET ANCHIENNES ISTORIES DE LA GRANT BRETAIGNE A PRESENT NOMME ENGLETERRE, PAR JEHAN DE WAURIN. *Edited by* W. HARDY, Esq.
- THE WARS OF THE DANES IN IRELAND: written in the Irish language.

 Edited by the Rev. Dr. Todd, Librarian of the University of Dublin.
- The "Opus Tertium" and "Opus Minus" of Roger Bacon.

 Edited by the Rev. J. S. Brewer, Professor of English
 Literature, King's College, London, and Reader at the Rolls.
- DESCRIPTIVE CATALOGUE OF MANUSCRIPTS RELATING TO THE EARLY HISTORY OF GREAT BRITAIN. Edited by T. Duffus Hardy, Esq.

IN PROGRESS:

- Bartholomæi de Cotton, Monachi Norwicensis, Historia Anglicana (A.D. 449—1295). Edited by H. R. Luard, M.A., Fellow and Assistant Tutor of Trinity College, Cambridge.
- HISTORIA MINOR MATTHÆI PARIS. Edited by Sir F. MADDEN, K.H., Chief of the MS. Department of the British Museum.
- The Brut Y TYWYSOGION; or, The Chronicle of the Princes of Wales, and the Annales Cameriæ. Edited by the Rev. J. Williams, AP ITHEL.
- A COLLECTION OF POLITICAL POEMS FROM THE ACCESSION OF EDWARD III. TO THE REIGN OF HENRY VIII. Edited by T. Wright, Esq., M.A.
- A COLLECTION OF ROYAL AND HISTORICAL LETTERS DURING THE REIGNS OF HENRY IV., HENRY V., AND HENRY VI. Edited by the Rev. F. C. HINGESTON, M.A., of Exeter College, Oxford.
- Eulogium (Historiarum sive Temporis), Chronicon ab Orbe condito usque ad Annum Domini 1366; a Monacho quodam Malmesbiriensi exaratum. Vol. II. Edited by F. S. Haydon, Esq., B.A.

November 1858.

400 40







